





12

*De*  
HERMANNI BOERHAAVII

APHORISMI  
DE COGNOSCENDIS,  
ET CURANDIS MORBIS,

ET MATERIES MEDICA EJUSDEM SUIS  
LOCIS INTERPOSITA.

PARS II.

MORBI INTERNI  
ACUTI , CHRONICI.

EDITIONEM ISTAM CURAVIT , ET AUXIT  
JOANNES BAPTISTA SOLDEVILLA

MEDICINÆ DOCTOR : CENSOR : ARCHIATER



SUPERIORI PERMISSIONE  
ET TOTIUS OPERIS PRIVILEGIO.

MATRITI:  
EX TYPOGRAPHIA VILLALPANDEA.  
A. M. DCCC. I.

14. *Melior est pauper sanus , et fortis  
viribus , quam dives imbecillis , et  
flagellatus malitia,*  
15. *Salus animæ in sanctitate justitiae  
melior est omni auro , et argento , et  
corpus validum.*  
16. *Non est census super censum salutis  
corporis ; et non est oblectamentum  
super cordis gaudium.*

Eclesiast. Cap. XXX.



## LECTORI EDITOR.

**T**In isto Volumine quarto, et ultimo  
hujus absolutissimi totius veræ Medicinæ  
Compendii traduntur ex *BOER-HAAVIO* eodem Morbi interni acuti,  
et chronicī ad Medicos proprie, et ex  
instituto pertinentes, et hoc est, quod  
exactè MEDICINA nominatur. Hæc est  
velut *CIVITAS SUPERBA* arce multipli munita, mœniis circumdata, val-  
lis, fosis, dumetis . . . custodita . . . vastissima alias, intricatissima, quam vix  
adire, descendere, expugnare valent  
ingenia acutissima, perspicacissima, licet tot clypeis quot Scientiis prælimina-  
ribus jam dictis armata, et quamvis his  
omnibus adjuta, atque tamquam calca-  
ribus stimulata.

Humanum Corpus præcipuum Medicinæ objectum ita abstrusum, atque inextricabile ab adorando CREATORE constitutum fuit, ut sapientissimus, et expertissimus *Hallerus* ultro, aper-  
teque fateatur, se . . . post quinquaginta annos.

ginta annorum anatomicos labores nondum centesimam partem cognovisse propriæ fabricæ, deque suo corpore non nisi Montes, et Maria nota habere, interioris fabricæ totum rudem. (a) Hæc ita candide de se ipso pronunciat Vir iste in cognitione Naturæ humanæ his nostris temporibus vere Princeps.

Si itaque hæc vera sunt de nostra fabrica, quæ pertinaci sensuum simpli-  
cium, et armatorum applicatione potest detegi, quid dicendum de functionibus ejusdem naturalibus, atque morbosis:  
de imperio aliquarum partium in alias:  
de Vi vitali: de mutationibus, quas  
Anima, ejusque pathemata in ea fo-  
vent, producunt, immutant?.. Cog-  
noscenda ne ista per vanas speculatio-  
nes, per imaginationis ludibria insana,  
per inania Systemata.. ab ingenio quan-  
tumvis perspicacissimo procedentia? Mi-  
nime gentium. Alia via præferenda est.  
*Ariadnæ filum solidum, simplex.. fac-  
torum patienter atque scientificè obser-*

(a) Albert. Haller Elementa Physiologiæ Tom. VIII. Lib. XXIX. Sect. II. §. XX. pag. 134.

vatorum multitudine confectum ad ri-  
manda ista absolute necessarium.

**H**istoria medica innumera Systemata nobis offert , ex quibus omnibus nihil fere solidum , utileque in Artem salutarem redundavit. *HIPPOCRATIS* ipsius Medicinæ Principis Opera systematica , si quæ illius Viri summi sunt , à cordatis Viris minus approbantur , et immane quantum distant ab Scriptis ipsius , in quibus *Observatio* , atque *Experientia* eminent , atque dominantur.

**H**ac igitur via *Experientia* nempe , atque *Observatione* aliquis patet initiatis additus in Templum Æsculapii: initiatis inquam : illis nempe , qui præliminares Scientias medullitùs degustarunt , imo cum debita sobrietate in succum , et sanguinem converterunt , et Natura , seu Ingenio peculiari aliunde perspicacissimo , judicio maximo , constantia tenacissima , Anima calculatoria , atque meditabunda . . . valde pollent.

**E**xperientia certe , atque *Observatio* ab initiatis hujusmodi instituta progre-

sus in Scientia medica offerunt , atque efficient. Difficilima sane res est *obser-vandi Ars*. Uratslavienses Medici utilissimum *de Experientia Tractatum philosophico-medicum conscripserunt.* (*Historia Morborum* , cui præfatus est Albert. Haller Pag. 389.) *Joannes Senebrier* observandi Artem duobus Voluminibus , quæ ad observandum methodice , et utiliter necesaria sunt comprehen-dit. *Zimmermanus* tribus voluminibus pro dignitate *de Experientia agit*. *Boerhaavius* sex brevissimis Aphorismis (ab 11, ad 16.) in compendium redegit omnia illa , quæ ad observationes in Medicina practica utiliter atque exacte conficien-das deservire valent. Ducibus istis ad recte experiendum se accingere poterit Medicinæ Tiro , et ad hujus fastigium contendere , atque pervenire. Ars ista absdubio inter alia effecit , ut utilissima , imo necesaria medendi Ars maxima cæperit incrementa **HIPPOCRATE DICTATORE.**

Post istum Virum summum aliqui veri hujus Discipuli easdem vias ingre-si , atque calcantes multa certissima

huic Apollinis Arti compararunt. Majora  
 alii Viri ingeniosissimi contulissent, si  
 Systematum condendorum cacoethes non  
 eos invios reddidisset. Alii Artium auxi-  
 liarium fulgore, atque amænitate al-  
 lecti, atque perculti tempus observatio-  
 ni dandum inaniter impenderunt. Hinc  
 Philosophia, Mathesis, Historia natura-  
 lis, Botanice, Chemia . . . ceteræque  
 ipsius Medicinæ auxiliatrices Artes maxi-  
 mè nostro ævo profecerunt: Medici-  
 na vero *practica* præsertim, sive *cli-  
 nice*, seu quæ juxta lectulos ægrotantium exeretur, quæ finis est, atque  
 esse debet horum omnium ultimus, præ-  
 cipuus, et optabilior inter omnes pari  
 pasu minime processit . . . quoniam ne-  
 que amæna est, neque resplendens, sed  
 ingrata, laboriosa, obscura, et quantum-  
 vis ad Divinitatem accedens ex Plinio,  
 qui ait *Deus est mortali juvare morta-  
 lem* (a) minime reticendum mutam et *in-  
 gloriam* à VIRGILIO nominari. (b)

Revera, quælibet ex illis Scientiis

(a) Plin. Hist. nat. lib. II. cap. 7.

(b) Virgil. Æneid. lib. XII. vers. 397.

naturalibus suam utilitatem habet , qua digna est , ut extollatur : sed inter præcipuas eminere debet symbola , sive tessera , quam singulæ ad perfectionem Medicinæ practicæ ; atque hinc ad sanitatem hominum promovendam , atque conciliandam offerunt. Ægregiæ Artis salutaris ancillæ salutari gestiunt , atque ambiunt , ut de Chemia appositissime pronunciavit Boerhaavius. (a) Prudenti igitur sobrietate , atque moderatione eis omnibus incumbendum. Multa sunt in illis ad Medicinam non attinentia , quæ omnia à Medici studio , satis ex se longo , separanda , ni tempus in mediis absumatur cum finis ultimi infando nocumento. Maximilianus Stoll asserit , studium alicujus ex illis peculiare non semel seducere. Hinc vides , sequitur , illum non nisi *chemica* sibi adamata habere ; alium vero mere *vegetabilia* prout vel Chemiam , vel Botanicam magis amat. (b) Eadem ipsa observandi Ars , quæ per Machinas , Instrumenta . . . exercetur modice etiam adipiscenda.

(a) Boerh. Praelect. in §. 17. Inst. Medic.

(b) Rat. med. Tom. IV. pag. 334.

Medici hispani in Scientiis Medicinæ auxiliaticibus adquirendis, qua late patent minus occupantur. Ipsis cordi est: *Non plus sapere, quam quod OPORTET sapere.* Itaque ex istis omnibus, quod re vera utile ad suum opus salutiferum assequendum hauriunt, et

*Floriferis ut apes in saltibus omnia libant.*

Lucret. De Rer. Nat. L. III. v. 11.

Medici inquam hispani oportune et sobrie in eis instructi, in lectione diurna atque nocturna Medicinæ Principum Hippocratis præsertim, Celsi, Aretei, Galeni.. aptiorum Neotericorum.. atque hispanorum eminentiorum .. tempus suum exemplent, in eis immorantur, impallescunt. Religionis suæ christianæ imperio; charitatis ardentissimæ suasu .. inexplebili discendi, atque experiundi desiderio ægrotantium levamini assiduo, impenseque intenti sunt; et quoniam ita ab eis exigunt ægrotantium ærumnæ, atque ipsius Populi hispani consuetudo, frequenter eos visitant bonis Proximo ægrotanti, Professorum honori oborienti-

bus consulentes , quæ omnia ad Medicos praticos perfectos , atque consummatos efficiundos , quibus **HISPANIA** nostra abundat , conferunt , adigunt , impellunt.. ut cuicunque serio cogitanti palam fiet. Sed è diverticulo in viam.

Supposita inquam in Scientiis auxiliariis instructione supradicta Medici sciunt *observationem* de qua hic esse *perceptionem effectuum spontaneorum; sive sanitatis, sive morbi per sensus factam* , ad quorum fallacias evitandas Logices studium errores sensuum declarantis necessarium : *Experimentum esse: perceptionem ipsam effectuum Naturæ sanæ, vel ægrotantis, qui ab Arte producuntur ope machinarum, instrumentorum; vel eliciuntur seu admittuntur ex calculis ab Arithmetica, Algebra.. directis, quæ fallaciora sunt, cum Naturam violenter agant, urgeant. . atque Experi- rientiam esse cognitionem altiorem, sublimiorem, exactiorem.. de Re percep- ta per repetita experimenta, vel obser- vationes iteratas, vel utrasque severo judicio, et ordine factas, atque exami- natas; ita ut Observationes præcedant,*

emineant . . *Experimenta* in observationum auxilium , quando id necesarium sit , cautissime adhibeantur.

*Experimenta* certè gratiора , expeditiorа . . sunt ; sed fallacia , infida . . admodum : *Observationes* tædiosæ , laboriosæ . . sed fallaces minus : *Experientia* juxta severas critics regulas adquisita licet operosa , annosa . . præciosa tamen , fructuosa . . constans , indubitata , axiomatibus condendis apta judicanda. Huic totis viribus incumbendum. Huic tota vita quantumvis longæva : totum ingenium , quantumvis perspicax : totum studium quantumvis improbum . . concedenda ; atque sacra-да. Ardua sane res est. Ægrotantes morosi , impacientes , horridi . . dehortantur : Munus , vincula . . virtus , proximi infirmi levandi charitas , officium . . . movent , alliciunt , obligant.

Præter supra memorata pro difficulti humanæ fabricæ atque Naturæ humanæ cognitione demonstranda difficultatem hac in re immaniter augent morborum internorum , abstrusorum inquisitio , at-

que perscrutatio. Tamquam arcana isti olim judicabantur , ad quæ percipienda sagacitas exigebatur. Qui apte intelligit energiam , extensionem, fœcunditatem , epiteta . . harum vocum : AR-CANA atque SAGACITAS percipiet etiam veritatem horum versiculorum QUINTI CALABRI Homeric Poematis additionatoris , qui dividens Artem Medicam inter PODALIRIUM , atque MACHAONEM , istum externa sive chirurgica , illum interiora sive vere medica mala pertractantes ita ait:

..... aliumque alio præcellere jussit.  
Huic agiles dedit esse manus , si quando sagittas

Extrahere hærentes opus , vel abscindere ferro,

Altaque vel peterent medicatum vulnera succum :

Ast alias melior , morborum ARCANA  
SAGACI

Indagare animo , placidamque afferre  
medelam. (a)

(a) Vid. Meibomii Commentarium in Hippocratis Jusjurandum. pag. 156. ubi hi extant.

Arcana ista , latentia , recondita,  
 abstrusa , nemorosa .. per sagacitatem,  
 subtilitatem , dexteritatem, prudentiam,  
 sollicitudinem , discretionem , vigilias  
 indefessas Magistrorum , quibus Scho-  
 læ nostræ hispanæ ornantur .. abibunt,  
 emergent , extricabuntur. Isti sciunt se  
 Deo , Regi , Populo , conscientiæ,  
 honori , et discipulis ipsis pro dignitate  
 professoria honorifica , et quæsita ad id  
 adstrictos esse ; etiamque sciunt quod  
 saltem *magnum satis ipsa sibi VIRTUS*  
*est præmium* ; et etiam quod *bonorum*  
*operum fructus uberrimus est fecisse*  
*atque in silentio meminisse.* (a) His duci-  
 bus , his institutoribus alacriter , atque  
 confidenter procedendum.

Macte igitur animi estote Tirones  
 optimi! Vos , qui Studiis humanioribus  
 hispanis , latinis , græcis imbuti , quæ  
 magnas in Scientiis promovendis suppe-  
 tias conferunt , uti demonstrat eruditissi-  
 mus Trium viratus tamquam ex tripo-  
 de id pronuncians *Resnelius* , *Bitauvius* ,

(a) Fr. Petrarcha *De Remediis utriusque for-*  
*tunæ. Dialogo LXXXI. De insigni Discipulo.*

et Naucejus (a) Vos , qui in Philosophicis, Logica critica, Metaphysica reali, et vera , minime fucata , nec abstracta: Ethica christiana; Physica experimentalis Geometria , Arihtmetica , et Algebra adjuta exercitati , et quorum omnium sufficientem saltim instructionem per repetita in singulis examina severissima ostendistis : Vos , qui ita in inferioribus præparati ad Medicinam iter , Natura absdubio præeunte , fecistis : Vos , qui transactis alacriter , et impense primo, atque secundo hujus Scientiæ salutiferæ curriculo , in quibus Theoria ; et tertio, in quo Prolegomena toti Arti Podaliriæ, atque Machaoniæ communia traduntur ista omnia prius scitu necesaria penetras-tis : Vos , qui Anatomiam , Botanicen, Chemiam perlustrasti uberrimos in Medicina fructus, facilitate quadam istis inducta , atque proportionata colligetis.

Ad ista omnia eminenter assequenda conduceat Chirurgia boerhaavia-

(a) Horum Scripta extant in Actis Academiæ Regiæ Scientiarum Berolin. An. 1769. Pag. 470. et Tom. XIII. Pag. 372.

na de cuius sublimitate , atque præeminentia cum assertione loquitur Medicinæ Doctor monspeliensis botanices , anatomicæ et chirurgiæ Profesor *J. C. Gilibert* asserens Auctorem istum , ejusque commentatorem van-Swietenium audacter (ont ose) condidise *Chirurgiam philosophicam* , cum ante Viros istos celeberrimos non nisi Facta et Observata reperiuntur. Addit ulterius , totum Boerhaavii Genium necessarium fuisse ad adducendam Artis sanandi partem istam ad principia vera exactæ Physices (*a*) de cuius Artis chirurgicæ solitariæ utilitate , atque præstantia in Præfatione tertii hujus Operis Boerhaaviani voluminis disserui , et asseveravi. Omnia inquam ista magnos in morbis interioribus absdubio difficilimis , et fere inextricabilibus percipiendis , fructus producent , et istud confidenter expectate.

Ad id verificandum Examina , inquam , severissima , quorum insufficiencia ab imperitis Medicina pertractatur

(a) L' Anarchie medicinal , . Trois Volum. in 8. Neuchatel An. 1772. Tom. I. Pag. 237.

ex Maximiliano Stollio (*a*) frequenter iterata necessario deservient : studium repetitum curriculi litterarii non bene probati , ad quod exequendum Gymnasiorum horæ commode destinandæ : dispensationum in numero , atque duratione academicorum cursuum absoluta denegatio , nec pro aptioribus , et eminentioribus , ut in Statutis Universitatis Conimbricensis sapientissime , atque severissime decernitur ; ut ita isti optimi fiant , et horum exemplo nullus audeat similia petere (*b*) et in Universitate Sertoriana , quæ in Theologiæ , et Jurisprudentiæ studiis aliquam admittit ; in Medicina omnino negat (*c*) ... omnem paginam adimplebunt. Discipuli ipsi , qui alacriter , ac impensè dispensationes , indulgentias , et saltim brevitatem cursuum expetunt , atque suscipiunt , Magistris ipsis suis conniventibus , oscitantiæ pos-

(*a*) Max. Stoll. part. VII. Rat. med. Sect. III.  
Pag. 244.

(*b*) Estatutos da Universidade de Coimbra do anno 1772. Lib. III. Primeira parte tit. II. cap. I. pag. 23. num. 3.

(*c*) Estatutos de la Universidad y Estudio general de la Ciudad de Huesca año 1723. tit. XIII. §. I. pag. 41.

tea siqua ipsis apparuerit modeste , et fortasse immerito conqueruntur ; dum simul sollicitis Præceptoribus , omnem reverentiam , gratitudinem . . . cum SENeca (a) offerunt , et impertiuntur.

Macte inquam animi estote Tirones fausti , qui ita optime ad ulteriora pæragenda præparati estis. Dimidium cœpti , qui bene cœpit habet. Non obstupescant vos tot morborum internorum clades , atque phalanges , difficilium , rebellium , ferocium , simulatorum , Naturam humanam imbellem dolosè , palam , immaniter . . . minitantium , obruentium , pessum dantium ! Virginum , gravidarum , enixarum , lactantium , puerorum Morbi , quoniam obscurissimi , complicatissimi , innumeri difficultatem augent , sed vos ita bene præparatos minime deterreant.

(a) Seneca Lib. VI. de Beneficiis Cap. XVI. ubi agitur de Præceptoribus , et Medicis : et utinam ab istis frequenter legeretur cum Comment. à Th. de Iuges I. V. D. Tomis III. in fol. additis et collectis quibus , textu emmendato , evincitur Medico rapuum ægros visitanti quemlibet posse dicere : nihil ei ampius debeo : quia me non tamquam amicus vidit ; sed tamquam Imperator.

Ludovicus Mercatus, Joannes Astruc,  
 Rosenstein, Underwoodius... ore Magis-  
 trorum vobis alloquentes , sternent viam.  
 Epidemica , Pestentialia , Contagiosa ..  
 Mala, vix in initio præsertim comprehen-  
 sibia , et postea ferocissima : incoerci-  
 bilia . Vos non arceant , eis sedulo in-  
 cumbite. Omnia vincit studium impro-  
 bum , sagacitas operosa , indefesa sedu-  
 litas. Hippocrates , Vallesius , Sidenha-  
 mus , Fornesius , Palmarius , Lepecus..  
 Vobis à Præceptoribus instillati , immisi  
 lucem in his dabunt , faciem accendent.  
 Medicina , quæ Theologiam , Forum,  
 Mores .. spectat : quæ Togatos , Mili-  
 tares , Clasiarios , Artifices . attinet , Di-  
 rectoribus iisdem non erit vobis ardua,  
 non erit inaccesa. Lardizabalius , Ru-  
 pius , Pringlius , Ramacinus , Plemplius,  
 Zaquias ... vobis pariter eam per viam  
 eandem docebunt , illustrabunt.

Si in tota celeberrimi HERMAN.  
 BOERHAAVII doctrina , quæ instar  
 Synopsis totius Sapientiæ medicæ ve-  
 teris , totiusque novæ considerari mere-  
 tur , debetque versati , instructi , in-  
 nutriti estis , facile in istas Varietates

penetrabitis. Si Opera hujus summi Viri  
diurna, nocturnaque versatis manu, quot  
commoda præter modo memorata, quo  
bona percipietis. *Optimis Libris assues-*  
*cendum consulebat*; imo imperabat, uti  
poterat sapientissimus, atque in edu-  
candis Scholaribus dexterimus, Hispaniæ  
decus, et ornamentum M. F. *QUIN-*  
*TILLIANUS* (a) Animo vestro his tan-  
quam Cynosuris imbuto, et asuefacto  
similia Opera optima producetis si ali-  
quando ad scribendum propendeatis;  
et eritis Vos jure optimo Viri illi quos  
meliori luto finxit *præcordia Titan.*

Hic BOERHAAVIUS est Vir ille  
summus in Litteris humanioribus, latinis,  
græcis, hispanis... à teneris annis innu-  
tritus; in rerum postea omnium face His-  
toria, in Mathematicis, Philosophicis,  
Politicis præstans, in Musicis etiam erat  
peritus, ita ut pulsaret Citharam; ne  
aliqua parte Artium Apollinarum ipse  
deficeret ex *Fontenelio* (b). Hic est, in-  
quam, Vir ille, qui his nostris tempori-

(a) Institut. Orator. Lib. X. Cap. I.

(b) Histoire de l' Academ. des Scienc. An. 1738.

bus, et si Superis placet *illustratis*, ita commendatur: Postquam Med. Profesor **Gilibert** omnes in Medicina Theorias novas, præstantiores, celebriores examinaverit, ipsa Chemicæ recentioris Medicinæ applicatione hodie superviente non excepta, asserit: ad Redactionem rerum ex unaquaque utilium requiri Physicum perfectum, Chemicum infatigabilem, Observatorem philosophum, Anatomicum exactum, Medicum experientia longæva decoratum, Litteratum eruditione clarum, Scriptorem eloquentem, Meditatorem profundum... omnia certe ista in tali Redactore conjunctim, amplexe, simul, ita sentiente Profesore isto, judicio discretivo absdubio prædicto, requiruntur. *Talis fuit*, concludit aseveranter iste Auctor: *Talis fuit BOER-HAAVIUS*, quando Fundamenta jecit suis Medicis Institutionibus, suisque Aphorismis immortalibus *chef d' œuvre* magistrale, atque normale opus, in quo ingenium methodo; scribendi Ars comprehensionibus Genii amplissimis, sive vastissimis consociabantur. (a)

(a) Recueil periodique Tom. V. num. XXX.  
Pag. 491.

His positis, potissimo absdubio jure, dici nunc potest de BOERHAAVIO, quod olim M. T. Cicero de Isocrate pronunciavit : *ecce tibi exortus est Isocrates magister cuius ē ludo tamquam ex Equo Trojano innumeri Principes exierunt.* (a) Hinc etiam non mirum Scholas nostras ; ut et exteris Virum istum pro erudiendis Scholaribus assumpsise judicantes absdubio quod si quis alias Redactor nunc ad id adoptaretur nihil aliud hoc esset nisi *inventis frugibus glandibus vesci*. Conimbricensis Universitas recens admittit istum donec meliora dies, quoniam nemo par, qui tam modico volumine tanta tractet. (b) Hinc denique confidenter pronunciari valet quod auditio BOERHAAVII nomine

PHŒBI CHORUS ASSURGIT OMNIS.

**GENIUM ISTUD SALUTIFERUM** ad juventutem in Medicina educandam, atque instruendam incomparabile Tractationem istam *Morborum in-*

(a) Cicero Lib. de Oratore.

(b) Estatutos. P. I. T. II. C. II. pag. 32.

*ternorum incompletam reliquit , quod maxime dolendum! Licet enim , ut de Febribus similiter fuit dictum, in descriptio- ne morborum , quam fecit, alii, quos omis- sit , includantur ; operæ tamen prætium existimavi in gratiam Tironum APPEN- DICEM omissorum instruere. Hanc ex Home , Stollio , Selle (a) conficiam quoniam isti BOERHAAVIUM imitari co- nati aliqua Mala de quibus Auctor iste non egit tractaverunt. Utinam illa de qui- bus egit Boerhaavius non attigisent , et incubuisent toti quanti in illis , de quibus non tractavit BOERHAAVIUS ; ita enim proprius ei assimilari potuerint ut- cumque,*

Non est hujus loci de immani Scrip- torum acervo tractare crambem milies coctam ulterius recoquentium. Pudet, te- detque lecta Pleuritidis v. gr. Boer- haaviana descriptione in his iisdem , et aliis hujusmodi videre eandem , qui si

(a) Fr. Home *Principia Medicinae.*

Max. Stoll *Aphorismi . . . aptius H. BOER- HAAVII Aphorismi de cognoscendis et curandis Febribus ab Stollio notati et additi.*

Chr. Theo. Selle *Medicina clinica, seu Manuale,*

aliquid boni dicunt fortè ex Boerhaavio ipso transcripserunt. Tamen ex his tribus supradictis ea seligam quæ pro complemento apta judicem , quæ omnia ita edita molestiam Magistrorum in dictando; et Discipulorum incommodum in scribendo inter alia levant. Theoph. Selle rationem reddens cur *Manuale suum* publico scripto ad discipulos instituendos vulgaverit , ita ait : quoniam ita præparatæ Institutiones aptius explicantur , magis constituuntur , melius intelliguntur , atque acuratius applicari possunt.

His omnibus apprime instrui debet Tiro , et probe callere doctrinam , quæ ex cōpiosissimis , et uberrimis van-Swietenii Commentariis deprompsi , et in Notas transtuli , quæ certe pro hujus doctissimi Viri Operis difusissimi , frequentibus repetitionibus refertissimi , Compendio , si fas est mihi dicere , absolutissimo haberi poterunt. Aliquas adjeci Notulas *inferiores* isto indicio facile dignoscendas ex meo penu absdubio inani depromptas , quibus tamen batayum Boerhaavium , pariterque van-Swiete-

nium batavum hispanos reddere conatus fui. Hi enim sit pro exemplo vitii inflammatorii defensores , et putridi parum memores , corticem peruvianum et alia antiseptica minus curant , et venæsectionibus indulgent ; et licet re vera Hispani nostri generice non in putredines , sed in inflammationes proniiores sunt, Systemata illa intuimur, et quando necessitas expostulat pro Hispanis nostris ingenue, atque modeste proporcionamus. His inquam instructus Tiro ad praxim theorice , et clinice introspectiendam , et auscultandam paratissimus censendus.

Sed cum in exercitio Praxeos , seu ægris invisendis præter cognitionem Malorum , Remediorum simplicium, præparatorum .. etiam cognitio præcedere debeat , in isto quarto , et ultimo Medicinæ curriculo noscenda sunt media , sive instrumenta illa , quibus morbi profligantur : *Remedia* nempe ex triplici Regno vegetabili , animali , atque minerali depromenda. Studium istud *Historia naturalis* , et *Pharmacia* nominatur. Plurima hic adduci possent documenta , atque testimonia quibus stu-

dii Historiæ Naturalis , atque Pharmaceutici præsertim , ipsiusque praxeos utilitas ; imo necessitas in Medico demonstrari possent. Aliqua , prout Præfationis brevitas imponit adducemus.

*HISTORIA NATURALIS* unice comprehendens Entia corporea , eorum structuram , caracteres .. eo modo , quo à Natura ipsa producuntur , ab omni alia Arte separata , ut sunt Mineralia , Vegetabilia , et Animalia Pharmaciæ , atque Chemiæ studio præcedere omnino debet. *CAROLI LINNÆI Systema Naturæ* ; *GEORGII LUDOVICI LE CLERC* (Comes de Buffon) *Historia naturalis* in idioma Hispanicum versa , dum per otium liceat legenda , atque consulenda. A. L. *MILLIN* *Elemens d' Histoire naturelle* si latine redderentur utilia esse possent ; latine inquam quantumvis *Plutarchus* ei præfixus maternam linguam præferat : hæc enim indefinitè varia maximam temporis partem in eis addiscendis consumet , ut advertit *Linnæus* : Scientias in unaquaque Regione linguam suam superbe præferente circumscribet , et ita timendum ne bac me-

thodo ad pristinam barbariem prima iterum fundamenta jaciantur, ut suspicabatur Muschembroeckius ambo linguam latinam Sapientum Idioma ad scribendum præferentes. (Vid. Orat. de commendando Linguae latinæ studio à Gr. Gar. Fernandezio Matri. An. 1791. edita) sed hæc per transennam dicta. Pro Medici instituto legendus LUDOVICI TESSARI Libellus, qui ista tria Regna naturalia ita comprehendit, cui titulus: *Materia medica contracta typis Valentinis* An. 1791 recussus. Bernard. Peyrilhe *Tableau methodique d'un Cours d'Histoire naturelle medicale*, et F. SWEDIAUR Med. Doct. *Materia Medica*, seu, *cognitionis Medicamentorum simpliciorum Epicrisis analyticæ opera ambo Anno 1800 edita*, etiam deservient.

Circa PHARMACIAM non est hujus loci inquirere num Chemia Pharmaciam: num ista illam progenuerit? Ego Cel. Fourcroyo Medico-Chimico pro Pharmaceutices maternitate stanti (a) as-

(a) Discours sur l' Union de la Chimie, et de la Pharmacie.

sentior: sed quomodocumque sit: præcedat Chemia facem accendens, illuminans, et sequatur Pharmacia, quæ Corpora à Chemia enodata jam accipiens componat illa, et Medico offerat bene præparata, ut eis utatur in utilitatem, atque commodum ægrotantium. PHARMACIA revera est Medicinæ soror: CHEMIA vero istius ancilla à Boerhaavio salutatur. De Chemicæ necessitate in Medico jam fuit actum. De Pharmacia nunc brevisime dicendum.

Medicamenta à Pharmacopœo servata, et elaborata Instrumenta sunt, quibus Medicus ad morbos debellandos munitur, et agit. Quam igitur securitatem habebit Medicinæ Profesor Pharmaciam ignorans de suis Instrumentis? Quomodo respondebit ægrotantis sanitati ab istorum perfectione etiam pendenti? Asseveratio alterius Pharmacopolæ Visitatoris identidem alias visitandi valebit? Confidentialia cœca in Artifice sufficit? Minimè. Medicamenta aliena, vetusta, malè præparata, sophistica, substituta.. quæ non raro ob oscitationem criminalem ministrantur, an non inutilia

vel nociva erunt , et vita hominis per-  
sumdabitur ? APAGE.

Statuta Medica conimbricensia stric-  
tè , et severissimè studium istud , et pro-  
priis manubus exercitium Medicis impo-  
nunt. Sine istis, ajunt, nec vires Remediorum  
juxta diversas eorumdem præpara-  
tiones à Medico, qui ea præscripsit, distin-  
guentur, neque errores, fraudesque Phar-  
macopœorum observabuntur , et corri-  
gentur.. Cathedrarius , qui renuat medi-  
camenta suis propriis manubus in Disci-  
pulorum exemplum conficere , Cathedra,  
omnibusque honoribus Regiis privabitur,  
et etiam tamquam Boni publici hostis,  
seu inimicus declaratur. (a)

Cel. Chemicus , atque Pharmacopola  
*Baume* severissime proponit Pharmacæ  
necessitatem in Medico ; ita ut asserat,  
quod tota hujus doctrina , atque peritia  
erit ei insufficiens , et inutilis, si non dig-  
noscat per odorem , saporem , consis-  
tentiam. . . exactitudinem Remediorum,  
quæ imperat; etiamque addit, quod ejus-

(a) Lib. III. Part. I. T. III. Cap. I. Pag. 49.

dem ignarus Medicus non poterit animadvertere errores, atque fallacias, quæ suorum fato asserit frequentes admodum esse in LUTETIA ipsa, ob avaritiam, seu ob ignorantiam Pharmacopolarum. (a)

Nos meliora de Pharmacopoeis nostris pronunciamus. Medicinæ Tiro nedum theoricè sed practicè etiam Pharmacopolia adeundo, in ipsisque morando Pharmaciam noscat, ejusque Rerum æstimationem; non ut postea Medicus declaratus errores, et avaritiam Pharmacopolarum noscat, et emendet: ista enim in hac Regione à Pharmacopoeis nostris absunt; sed ut in curationibus morborum tota quanta fas sit securitate, frugique procedat: ut si necesitas ex postulet, absente Pharmacopoeo, Remedia conficiat, et etiam: ut in Pharmacopoliorum Visitationibus, tamquam verus, sapiens, expertusque Judex interesse, atque præesse possit, ut revera debet.

Denique sapientissimus *H. David Gaubius* Medicinæ Professor meritissi-

(a) *Elementos de Farmacia.* Tom. I. Pag. XXV.  
Traduct. hispan. Mad. An. 1793.

mus , qui Chemiam , atque Pharmaciam  
in Universitate Leidensi docuit hæc  
pronunciat : *qui enim Pharmacopoeo*  
*dabit leges ignarus ipse agendorum?*  
*Vix profecto dici potest quantum hæc*  
(Rei pharmaceuticæ) *ignorantia Rei*  
*medicæ inferat detrimentum.* (a) Phar-  
maciæ Elementa Chemicæ recentioris  
fundamentis innixa Auctore *Francisco*  
*Carbonell* An. 1796 Barcinone edita  
pro studio vespertino , in isto quarto  
Medicinæ curriculo , sufficient.

Ultima præparatio , ut Alumnus  
Medicinæ practicæ , post quatriennalem  
Cyclum in Scholis absolutum , se ad-  
jungat est illa *Introductio in Praxim*  
*clinicen* , quam BOERHAAVIUS ipse  
pro Tironibus confecit , vulgavitque , et  
quam hic pro ipsis Tironibus transcribi-  
mus. Maximum etiam emolumentum Phi-  
liatri percipient perlegendo , et memoriæ  
mandando **HIPPOTRATIS** Coi Apho-  
rismos , seu potius Oracula , quæ in ordi-  
nem digessi qualemcumque , atque in  
Sectiones varias divissi ; ut ita Tiro-

• (a) Methodus concinandi Formulas Prolegom.  
num. 8.

num perceptioni , atque reminiscentiae  
aptius faverent. Placuit opusculum istud  
aureum Poesi heroica à Medicinæ Doc-  
tore Bruxelensi *Joanne Baptista Conde*  
explicatum adumbrare , ut hujus stili  
amœnitate , atque lenocinio incitati , al-  
lecti , rapti Tirones eos legant , addis-  
cant , memoriae mandent , in succum  
et sanguinem convertant. Ordo , quo isti  
nectuntur ad eorum intelligentiam con-  
fert ; quoniam sæpe ita dispositi , Apho-  
rismus præcedens sequentem declarat.  
Sed ulterius consulendi Commentatores  
optimi , et præcipui. Inter antiquiores  
volvendus **GALENUS** Græcus , et  
numquam doctior quam quando Hippo-  
cratem illustrat : inter antiquos **VAL-  
LESIUM nostrum** : inter recentiores  
**JOANNEM GORTERUM** præferi-  
mus , et commendamus. Statuta laudata  
Scholæ conimbricensis jubent Aphoris-  
mos istos , quoniam continent *prima*  
*Medicinæ practicæ Axiomata per ob-  
servationem plurium sæculorum con-  
firmata* , litteraliter à Discipulis addisci.  
(Lib. III. Tit. III. Cap. IV. Pag. 87.)

Denique : liceat mihi homuncioni

aliquam , cum veneratione humillima,  
considerationem innuere super verba illa  
Divina Præfationem istam quartam , et  
ultimam præcedentia , quibus Corporis  
humani *Sanitas* extollitur.

Quid igitur ex his VERBIS DIVI-  
NIS sacrosanctis collendum , pronun-  
tiandum.. super Medicinæ utilitate , nece-  
sitate , atque præstantia *Sanitatem* istam  
labilem , atque caducam sua Physiolo-  
gia , et Igiene cognoscere , et sustinere  
semper intendentis ; et Therapeutice in  
statum integrum lapsam post liminio ut  
plurimum , et fere semper , ni DEUS  
avertat , revocantis ?

Respondeant Viri prudentes , et  
ortodoxi DEUM , et Scripturam sanc-  
tam reverentes , quos tantum hac in re  
Judices integros , gratosque apello , et  
recognosco.



HERMANNI BOERHAAVE

A P H O R I S M I

DE COGNOSCENDIS , ET CURANDIS MORBIS.

MORBI ACUTI FEBRILES.

770 **N**unc morbi Acuti considerandi , qui febre stipati acuta , tamen singularem inflammationem inducunt huic illive organo , unde ab ejus functione læsa toti morbo imponitur nomen. Tales sunt Phrenitis , Coma , Carus , Angina , Peripneumonia , Hæmoptoe , Pleuritis , Inflammatio mammarum , Diaphragmatis , Ventriculi , Hepatis , Lienis , Mesenterii , Intestinorum , (Dysenteria , Ileus , Volvulus , Tenesmus , Hæmorrhoides , Colica biliosa , ) Renum , Vesicæ , Ureterum , Uteri , Juncturarum , Exteriorum in Morbillis , Variolisque. (a)

(a) Tria in morbis acutis inflammatoriis consideranda sunt : febris acuta continua , in-

TOMO IV.

A

flammatio et organum cuius functiones per inflammationem illud occupantem læsæ sunt; seduloque attendendum quousque generalis februm et inflammationis curatio ante tradita his morbis conveniat, et quid præterea in singularis requiratur.

Ordo morborum hic propositus non servatur. Coma inter symptomata febrilia explicatum fuit. De hæmoptœ in capitulo de phthisi agetur. Mammarum inflammatio inter puerperii morbos dicetur. Lienis inflammatio ex hepatitidis historia facile intelligi poterit. Mesenterii inflammatio eadem requirit quæ inflammatio intestinorum, unde etiam hauriri possunt illa quæ ad dysenteriam, ileum, volvulum, tenesmum, hæmorrhoides spectant quatenus nempe omnes hi morbi inflammationi ortum debent. Colica biliosa ex hepatitidis historia in primis cognosci poterit. Quæ ad ureterum et vesicæ inflammationem pertinent partim ex nephritidis historia partim ex illis quæ de calculo postea dicentur hauriri poterunt. Uteri inflammatio inter morbos puerperii recenseri debet. Juncturarum inflammatio ex illis quæ de rheumatismo et podagra dicentur pariter intelligi poterit. Morbilli ex illis quæ de exanthematibus febrilibus dicta fuerunt poterunt declarari.

Nihilominus isti et alii morbi speciatim à Boerhaavio non tractati in tironum commodum adjicientur. Videatur in fine APPENDIX.

771 **S**i ferox (b) et perpetuum delirium à Cerebro primario affecto cum febre

(a) Sauvagesius Clas. III. Ordine II.  
Genere X. *Phrenitis*. Species : vera , synochi,  
miliaris , symptomatica , variolosa , morbillosa,  
verminosa , aphrodisiaca , apyreta , calentura,  
á dolore , hydrophobica.

Cullenius Classe I. Ordine II. *Phlegmasiae*.  
Genere X. *Phrenitis*. Caracter : Pyrexia vehe-  
mens ; dolor capitis ; rubor faciei et oculorum ;  
lucis et soni intolerantia ; pervigilium ; delirium  
ferox , vel thyphomania. Species idiopathicæ :  
vera , cephalalgia inflammatoria , siriasis . . .  
symptomaticæ : synochi pleuriticæ , synochi  
sanguineæ , verminosa , epidemica , traumatica.

(b) Ferocitas de essentia phrenitidis certè  
non est. Dantur phrenitides et pessimæ quidem  
in quibus ægri obscure delirant absque ulla  
ferocia quod maximè notandum ne Medici in  
istis dignoscendis fallantur. „Phrenitici quidam  
„in rebus sub aspectu cadentibus dignoscendis  
„nihil errantes à naturali intellectus iudicio aber-  
„rant : alii contra cogitatione quidem falluntur  
„minimè , sensibus tamen difformiter moventur:  
„sunt præterea qui sensus simul et cogitationis  
„vitio laborant.” Hæc Galenus de locis affectis  
lib. IV. cap. II.

Distinctio phrenitidis in idiopathicam seu  
veram et symptomaticam maximè attendenda.  
Hæc phrenitis vera etiam est cum cerebum ip-  
sum afficiatur. In utroque enim casu eadem  
pars affecta est , similis materia morbi licet in

acuta continua oritur , vocatur Phrenitis Vera. Si á malo aliunde in Cerebrum delato in febre , inflammatione , &c. Phrenitis symptomatica , *paraphrosyne* , desipientia , dicitur.

772 Antecedunt Veram , calor , dolorque internus capitis ingens , et inflammatorius ; sanguinis copia nimia ; dispositio inflammatoria ; rubor oculorum , faciei ; (a) somni turbulenti ; desipientia levis ; adolescentia ; calidorum usus ; insolatio ;

ista illud quod cerebrum turbat prius in alia parte hæserit , postea ad cerebrum delatum. Necessaria est hæc distinctio quia in curatione utriusque magna sæpe diversitas requiritur. Hæc phrenitis symptomatica improprie tantum dicitur *paraphrosyne* vel et *desipientia* , cum hoc nomine et delirium quod non perpetuum est , sed in vigore tantum febrium adest intelligatur.

(a) Per faciem externæ carotidis rami proxima partem sanguinem distribuunt , sed ad oculos et per internæ carotidis ramulos sanguis fertur. Unde ex hoc signo novimus internas capitis partes affici , et distendi. *Insolatio* in primis si non bene tecto capite æstate imprimitur nocet. Nihil enim magis periculosum quam si solis radiis exposito capite quis dormiat. Manasses maritus Judith dum in diebus messis hordeaceæ instaret super alligantes manipulos mortuus legitur. ( Judith Cap. VIII. Vers 2. et 3.) venit enim æstus super caput ejus.

Illa quæ symptomaticam phrenitidem producere valent maxime attendenda. Attentio ista corpus et Animam ipsam juvare valet. Estote cau-

vigiliæ ; ira ; mœror ; protervia seu ferocitas ; oblivio subitanea ; siccitas totius, maxime cerebri ; collectio floccorum.

Alteram vero omnis fere morbus acutus cum febri ; dolor lateris non pleuriticus cum levi perturbatione animi ; Inflammatio pleuræ , pulmonis , diaphragmatis, quæ pessima ; hanc præsagit lingua nigra, alvus suppressa , urina retenta , fœces albæ (hæ letales ubique) , urina pallida, decolor , tenuis , *adipsia* , ferocitas , rubor, urina cum suspenso nigro , vigiliæ , signa instantis inflammationis in capite.

773 Utraque (772) ubi præsens est, hæc habet symptomata. 1. Idearum sensilium depravationem, ut et sensuum internorum,

ti tirones Medici! agitur enim hic de præservando à phrenitide corpore et ab Orco fortassis Animam. Omnis fere morbus acutus cum febri symptomaticam phrenitidem producere valet. Per febrim enim liquidissima exprimuntur , reliqua incrassantur adeoque humores immeabiles fiunt , unde facillimè in minimis encephali vasis obstructio et inflammatio fieri poterunt. Dolores lateris et etiam in variis locis corporis existentes cum febre præsertim quandoque absque bonis signis evanescunt et dein periculosissima metastasi materia morbosa versus cerebrum derivatur sicque phrenitis symptomatica exurgit cuius inditum est levis animi perturbatio. Lingua nigra designat vel defectum tenuis lymphæ sanguinis , vel majora vasa immeabili sanguine distenta vasa minora comprimere , unde fistu-

et rationis, et affectuum. (a) 2. ferocitatem auctam et efferam, inquietem, vel s<sup>e</sup>pe

læ arteriosæ exhalantes in linguae superficie positiæ exarescunt et gangrenosæ fiunt: hinc ex lingua nigra, in primis si sicca simul fuerit, pessima humorum conditio præsagitur. *Adipsia* hic accipitur pro eo statu in quo non sitiunt ægri licet validæ sitis causæ adsint in corpore; designat ergo hoc symptoma turbari iam sensorium commune, neque amplius affici ab illis quæ antea sitim faciebant.

(a) Levissima mutatio illius organi corporis unde humanitas nostra pendet sufficere potest ut absque ulla causa externa nascantur ideae novæ omnino sive similes illis quæ antea à causis externis in sensuum organa agentibus excitatae fuerant. Quid igitur fiet dum inflammatio interna capitis obsidet? Si paulo ante morbum ingruentem aliquid contingat quod valide mentem afficiat illius memoria renovatur continuo. Quotidianæ in praxi observationes hoc docent: et Abderitarum integrum civitatem affligens morbus insigne hujus rei testimonium exhibet. Narrat enim Lucianus (Capite: *Quomodo Historia est conscribenda*) celebrem tragœdum Archelaum media æstate magno sub æstu coram Abderitis Andromedæ fabulam egisse, multosque rediisse ex theatro febricitantes. Ridicula autem perturbatio horum ægrotantium mentes obsidebat, omnes quippe tragœdiam agebant, jambos recitabant et in primis Euripidis Andromedam flebiliter canebat. Similem casum vidi in puero quinqueni nobilissimo post eandem tragœdiam visam et ab eodem executam, quo exemplo, licet non infelici utpote à periculis

somnos turbulentos. 3. pulsum durum, respirationem raram, et magnam. 4. faciem plerumque rubram valde, vultuosam, aspectu horrendam, oculos protuberantes, trucesque, stillicidium narium.

774 Prognosis hisce fere describitur.

Phrenitis vera tertio, quarto, septimoque die necat, raro hunc transgreditur.

Tumque, si sæva fuerit, sæpe in Maniam abit.

Paulisper adscendens immanis fit. (a)

epilepsia et phrenitide evasit sospes, à similibus spectaculis arcendi præsertim pueri.

Perpetuum delirium phrenitidem committatur, non tamen illud ferox semper est. Ferocitas enim tunc adesse dicitur quando ægri delirantes sibi aliisve nocere tentant. Pro variis autem animi affectibus ideas ex interna et morbososa sensorii communis mutatione natas comitantibus hæc ferocitas adest vel non. Sic enim ridiculum potius quam ferox erat Abderitarum delirium, et in letali phrenitide quandoque ægri floccos carpunt, festucas de pariete avellunt taciti sæpe, vel admodum tranquillè delirantes. Interim tamen semper magna cautela adhibenda est quia et tacita illa et tranquilla phreniticorum deliria subito quandoque in immanem furorem mutantur.

(a) Morbus iste larvatus paulisper adscendens immanis fit. Hippocraticum monitum est et summi quidem momenti ut cautus Medicus efficacissimam statim medelam adhibeat simulque caveat ne sibi aliisve nocere possint tales ægri. Sic autem habet: quæ sensim feroceſ fiunt desi-

Sæpe desinit in Lethargum, Coma,  
Cotochen.

*Hipocrates.* Vomitus æruginosus ratione inflammati cerebri; sputatio frequens et indecora in adstantes; tremor; fœx alvi et urina interceptæ, vel albæ; urina cruda; convulsio; venatus floccorum volitantium; oculi pulverulenti; dentium stridor; *adipsia* plerumque convulsionis prænuncia; permutatio symptomatum perpetua, ulceris tumentis subsidentia, frequentia sunt præsagia periculi summi, et mortis.

A peripneumonia letalis. A variolis mala admodum; ab ileo letalis.

*Boteraw.* Inflammatio paulisper fixa, et asperitas faucium ad superiora vergens creat phrenitidem mortiferam, hi palpant, et laboriosi sunt.

*pientia ferinæ sunt: sed et convulsiones prænuntiant.* (Coac. Piæn. N. 87. 156. 248.) Primo enim solito morosiores apparent ægri, dein ferrox et protervum responsum dant, postea oblatæ respuunt quæ antea avide expetebant: sic sensim gliscente morbo tandem in adstantes irruunt, calcitrant, mordent.. Nullum enim dubium est ferociter delirare ægrum licet paulo post quieverit, et vel ignari tunc carent et sibi et ægro dum jure metuunt ne paulo post in similem furorem rapiantur. Piquerius monuit morbum istum sævissimum et communissimum sub larva febris mesentericæ quandoque ingrue-re et Medicos licet expertos sæpissime fallere. De febribus. Febris messenterica. Cap. III. n. 16.

Quæ versatur circa necessaria, pessima.

775 Cadavera defunctorum à phreniti-  
de exhibuere meninges inflammatas, gan-  
grænam, abscessum, sphacelum cerebri,  
aut acres rodentes ichores.

776 Ex quibus cunctis elicetur causa  
proxima Phrenitidis Veræ, inflammatio  
vera piæ matris, duræque primario orta.  
Symptomaticæ vero, inflammatio similis  
orta à raptu materiæ phlogisticæ in cere-  
bri meninges.

777 Quidquid has producere potest,  
fungi poterit causæ proprietoris munere  
(772).

778 Quin hinc vera diagnosis utrius-  
que mali.

779 Curatio requirit attentionem (a)  
ad sequentia.

(a) Hoc fuit Veterum Medicorum institu-  
tum ut sollicite notarent illa quæ in morbis con-  
tingebant, sicque discerent fideli observatione  
quibus modis morbi in salutem vel interitum  
tenderent ut postea priora promovere posterio-  
ra impedire vel mutare idonea medela possent.  
Unde Hippocrates adeo operosus fuit in seine-  
joctice condenda atque salutarem artem tot re-  
gulis practicis plurium seculorum communi  
suffragio probatis nobilitavit et auxit. Has ex  
morborum observatione collegit, ut noscet qui  
veræ sapientiæ medicæ, et unicæ avidus huyus  
Oracula diurna, nocturnaque manu verset, qui  
Aphorismos cum illis conferat quæ in epidemi-  
corum libris continentur. Circa rem istam extat

Phreniticis varices (*a*) , vel hæmorrhoides fluentes prosunt.

Alvi fluor bonus.

Dolor ad pectus , pedesque , vel et vehementis tussis superveniens sæpe solvit malum.

Ut et hæmorrhagia.

opusculum Henrici Cope qui ita Hippocratis prognostica digessit , et alterum Doctoris Aubry qui sub hoc titulo : *Les Oracles De Ces Epidemiorum observata per Aphorismos , Prognostica , Coacas . . confirmavit.*

(*a*) *Varix* est præternaturalis venæ distensio. Ista in venis crurum frequenter apparet , et dum ita fit sanguis in his retardatur hujusque ad cor et caput reditus detinetur : hinc lenis compresio venarum inferiorum qua istæ varicosæ redundunt in phrenitide et etiam in mania prossunt. An tumentes venæ crurum præter modo dictos varicu effectus ex cognita corporis fabrica intelligendos , *Regiminis* quadam actione (701.) Caput afficere possunt? Sequens Hippocratis aphorismus tale quid indicare videtur: *qui calvi sunt , illis varices non fiunt : quibus vero calvis existentibus varices succedunt illi rursus capillati fiunt* (VI. 21) Qui hunc textum proterve riserunt tamquam penitus absurdum et nullam communionem inter capillatam capitum cutim et tumentes crurum venas esse statuerunt videant an melius intelligent quare circa pubertatis tempus tumentibus et varicosis sæpe factis venis spermaticis in pudendis crines prodeant , in masculis barba enascatur , vox mutetur &c. atque in castratis sæpe omnia hæc immutentur denuo. Sufficiet practico novisse quid

780 Phrenitis vera requirit citissime validissima remedia , quibus tolli possit inflammatio ad cerebri arterias orta.

781 Quæ petenda maxime ex curatione inflammationis in genere , observatis hisce. Venæ sectio (a) instituenda larga , per amplum vulnus , aut plures venas simul, in pede , jugulo , fronte. Diluentia ex decoctis antiphlogisticis , nitrosis , affatim exhibenda. Dein purgantia antiphlogistica , cum multo potu diluente nitroso danda. Clysmata similia , additis laxantibus.

**ex varicibus natis morborum tempore boni vel mali expectandum sit licet connexionem inter causam hanc prægresam , et commitantem vel sequentem effectum non distincte intelligat. Ante pubertatem varices in tibiis non expectandas esse postea Hippocrates monuit (VI. Aphor. 34.) Præter in textu dicta sudores multi calidi circa diem septimum sive soli sive cum narium hæmorrhagia salutares observantur.**

(a) Morbus iste ab inflammatione natus venæ sectiones requirit ad resolutionem procurandam et febrim acutam minuendam. Præter venæ sectiones in brachiis etiam in pede , jugulo , fronte , naribus instituendæ. Areteus largam sanguinis misio in hoc morbo formidabat quia metuebat sincopem in quam præ reliquis hunc morbum pronum esse credebat. Audax certe sanguinis misio numquam nisi presente Medico fiat qui pulsum tangens dum sanguis apertis venis fluit facile videbit quousque cum prudentia hoc tentari possit.

Anus fovendus , hæmorrhoides fricandæ  
foliis ficus , &c. vel evacuandæ hirudinibus.  
Collutoria, gargarismata (a) lenia revocanda  
in crebrum usum. Nares , oculi , aures,  
fovenda. Caput radendm. (b) His præmissis,  
neque cedente malo , opiatis (c) utendum,

(a) Hæc auxilia valde prodesse possunt,  
quoniam carotidis externæ rami per has partes  
dispersi his mediis laxantur adeoque impetus et  
copia sanguinis à partibus capitis internis averti-  
tur. Et quoniam ægri isti sui compotes non sunt  
in statu saltem mitiori cavum oris penicillo aliquo  
decocto madido colluendum ; fauces , gargareon,  
seu uvula . . injectionibus per siphonem si ab  
ipsis obtineri non possit à ministro in crebrum  
usum revocanda. Simul etiam aures , oculi , na-  
res , similibus fovenda ; nares præsertim , quo-  
niam huicetando vasa ibi posita optime dispo-  
nuntur ad salubrem in hoc morbo hæmorrha-  
giam.

(b) Abrasis enim capillis tota capitis cutis  
maximè perspirabilis redditur. An huic cucur-  
bitæ? An huic vexicatorium? Lintea aqua ro-  
sarum madida . . utilissima.

(c) Non nisi post imminentum memoratis re-  
mediis humorum impetum hæc præscribenda. Dic-  
tum fuit (§. 774.) Morbum istum sæpe desine-  
re in lethargum , coma , catochem quod pro  
opiatorum licet leniorum prescriptione notan-  
dum. Item : temperamentum pituitosum , febris  
non admodum inflammatoria , typhomania . . ab  
opiatis dehortantur , ne quem obdormire volumus  
*excitare postea non possimus ex Cor. Cels. (Lib. III.  
cap. 18. ) Vigilia pertinax noctu dieque ma-*  
nens , oculi intenti , jactatio vix interrupta . .

pediluvia , epispastica levia , cucurbitæ , ad inferiora applicanda. Corpus moderato frigore reficiendum , et erectum tenendum.

782 Si vero Phrenitis ab alio morbo (a) inflammatorio jam facto oritur , an-

paregorica exigunt , exteriora præsertim. Opii vino soluti odor , temporum frontisque inunctiones balsamo tranquilo , populeonis unguento . sufficere possunt. Pediluvia decocto capitum papaveris albi cum foliis salicis , lactucæ .. addito nitro valde prossunt. Si apismi ex pane aqua et aceto plantis pedum applicandi. Si necessitas interiora exigat emulsiones ex semine papaveris albi addita siripi de meconio dosi modica .. fortase sufficient. Pulveres de guteta , marchionis .. inutilia.

(a) Maximi momenti in praxi hoc monitum est , ut nempe in cura phrenitidis symptomaticæ attendatur ad genium morbi primarii ex quo phrenitis orta fuit. In variis febribus epidemicas , in variolis .. phrenitis tamquam symptoma apparere solet.

Stollius ista huic articulo addit quæ transcribere lubet. „An Camphora cum nitro in vera phrenitide , an potius in delirio à sistemate nerveo per febrim nimis irritato? An moschus et quando? an post usum venæ-sectionis , et aliorum refrigerantium opium? an hoc serius magis convenit febre cessante , delirio levi , desipientia , fatuitate ob keneangeiam remanente? Nocebit certe in vera phrenitide vigente. Huc phrenitis (sequitur Stollius) puerarum speciat in non lactantibus , aut non sufficienter post primum puerperii triduum incerto tamen tempore à plethora ad encephalum determinata ori-

te omnia attendendum , an genius ejus mali patiatur adhiberi modo dicta (781); si non , tum curanda est methodo illi morbo debita , semper additis derivantibus, et topicis remediis.

## ANGINA. (a)

783 **A**Impedita valde , dolens admodum , vel et impedita et dolens simul deglutitio , atque respiratio , quæ contingit à causa morbosa agente in partes binis his functionibus inservientes , supra pulmo-

ri solita , in maniam sæpe sanabilem non raro abiens. Actu frigida , nive , glacie toti capiti imposita .. eandem producere poterunt” .. Vid. Aphorismi de cognoscendis et curandis febribus. De Phrenitide loquens.

(a) Sauvagesius Classe V. Ordine II. Genero X. *Angina*. Species : bronchus (catarrhalis) cœdematosa , calculosa : à deglutitis , à laqueo; schirrosa , suppuratoria , venerea , hysterica, hydrophobica , nasalis , exanthematica , scorbutica , thimica , polyposa , aneurismatica , broncocelica.

Cullenius Classe I. Ordine II. Genere X. *Cynanche*. Caracter : pyrexia aliquando typhodes, rubor et dolor faucium , deglutitio et spiratio difficilis , cum angustiæ in faucibus sensu. Species : tonsillaris , maligna , ulcerosa , epidemica, trachealis , stridula .. pharingea ... parotidea seu externa.

nes, et supra stomachum positas, Angina vocatur.

784 Cujus duplex observatur species; (*a*) prima sine ullo signo tumoris externi, internive apparet; altera vero cum aliquo tumore in aliqua parte organorum descriptorum (783.) deprehenditur semper.

785 Illa prior in fine morborum diutinorum, maxime post ingentes et saepe repetitas evacuationes contingit; pallorem faucium, siccitatem harum, tenuitatem simul, comites habet; quare nervos et musculos resolutos plerumque habet; fere semper est signum imminentis mortis; raro curatur, et tum tantum remediis repellentibus vasa vacua bono succo vitali, calefacientibus, corroborantibus.

786 Eadem prior species aliquando oritur subito sine signis manifestis prægressis ullius morbi; vix capit medelam; et fere semper, post mortem, suppuratum pulmonem demonstrat.

787 Quæ cum tumore accidit varia nomina accipit, vel à natura tumoris, vel

(*a*) Præter divisionem istam et alias infra propositas notanda illa, quæ exquisita: notha, et benigna seu maligna audit. Antiqua divisio in cynanchem . . synanchen . . ex ignorantia penitioris structuræ harum partium procedebat: divisio Boerhaavii ex natura læsionis et structuræ partium affectarum firmior est. Ita Theodor. Eller. sect. VII. pag. 168.

à loco per tumorem occupato. Hinc est cœdematosa , catarrhosa , inflammatoria, purulenta , scirrhosa , cancrosa , convulsiva , Angina.

788 Occupant hi tumores (787.) lingam , ejus musculos ; palatum , tonsillas; uvulam , hujus musculos ; cava (a) ossium frontis , maxillæ superioris , ossis sphenoidis , enato et ibi radicato\* polypo increscente , nares obturante , palatum deprimente pendulum , fauces angustante , pharyngem , laryngemque occludente ; musculos ossis hyoidis omnes , vel aliquos; musculos laryngis externos , internos , communes , proprios ; asperæ arteriæ membranam interiorem muscularèm ; pharyngis musculos superiores , et œsophagum ; ipsum œsophagi musculum ; glandulas asperæ arteriæ et œsophago ita vicinas , ut hæ fistulæ ab iis tumentibus comprimi queant , ut sunt salivales omnes , tum vagæ circa hæc loca , ac tandem ipsæ Thyroideæ.

789 Ex qua historia (785. ad 789.) perspecta apparet ratio tam multiplicis , improvisi , et funesti sæpe eventus , hujus mali (783).

(a) Narium capacitas his augetur. Membrana mucosa narium omnia hæc cava investit. Membrana ista protensa tumorem format polypum dictum qui non Hippocratis sed Leureti methodo curandus. Vid. hujus Opusculum : Observations sur . . les Polypes . . du Nez.

*una ex parte  
rent habet  
tunica de  
cneicior*

790 Quum vero tam varius ille morbus sit, tam varium effectum producat; variaque adeo remedia et artem medendi postulet, quantum brevitas hic necessaria permittit, eum recenseri necesse est.

## ANGINA AQUOSA.

791 **A**ngina aquosa, oedematoso, catarrhosa tenuis, est impedita, vel dolens respirandi, vel deglutiendi exercitatio, cum tumore lymphatico partium, quibus illa fit, vel vicinarum.

792 Habet ergo, ut cæteræ aquosæ colluvies, sedem in parte glandularum ubi reconditur atque excernitur secreta arteriis lymphæ.

793 Ergo pro causa agnoscit quidquid exitum liberum lymphæ impedit: eorum vero est numerus ingens, et diversitas. Compressio venarum quæcunque, in quas forte earum glandularum emissaria se evacuant: obstructio nata in ipso folliculo glandulæ à gypso, pituita, lapide, fungo, et similibus ibidem enatis; obstructio facta in ipsis emissariis à causis eisdem; compressio eorumdem locorum; frigus finibus excretiorum meatuum applicatum; debilior humorum circumactio.

794 Effectus talis mali sunt tumor aquosus, albus, frigidus; vicinorum com-

pressio ; impedimentum functionum , quæ à non compresis pendebant.

795 Hinc signa diagnostica (791. 792. 793.) , et prognostica (794.) facilime patescunt.

796 Curatio autem hic peragetur iis, quæ 1. causas obstruentes resolvunt , movent , aut rodendo , vel secando tollunt. Huc spectant emollientia , aperientia ; laxantia forma fatus , cataplasmati , gargarismatis , injectionis , collutorii , vaporis applicata ; tum frictiones ; caustica ; scalpellum. (a) 2. quæ copiam lymphæ per opposita loca evacuando , minuunt : quod fit apophlegmatismis , vesicatoriis , sudoriferis siccis externis , internis , diureticis similibus , hydragogis per alvum. 3. abstinentia ab liquidis , victu calefaciente , exsiccante. 4. augendo vim circulationis per remedia nota (98. 99).

### A P H O R. 796.

Vid. ad { Num. 1. Aphor. 54. Num. 4.  
          { Num. 2. Aphor. 201.

(a) Van-Swietenius in tumore valde aucto sub lingua à morsu levi in inferiore hujus parte fortasse producto , non aneurismatico , frictiōnibus , fomentis , purgantibus . . resistente , ait: jussi , ut sub lingua prominulus tumor lanceola pertunderetur : quo facto exiuit incredibilis copia humoris pellucidi : et fuit perfecte curatus.

**S**i vero glandulas descriptas  
 (788.) scirrhosus , et multum increscens  
 tumor occupavit , signis scirrhi (392.) cog-  
 noscitur ; atque ex noto ejus situ futura  
 angina prævidetur , nata vero perspicitur;  
 tum si extirpatio (a) possit fieri , ea sola re-  
 medio erit tuto ; aut in internis circa fauces  
 corrosio , multa cum prudentia tentanda.

## A P H O R. 797.

R. Olei Tartari per deliquium.

Penicillo ex linteo carpto ad calatum  
 aptato , per cannulam applicato , eo  
 humectato locus sensim erodatur.

Id fortius paratur cum calce viva , sed plus  
 discriminis habet applicatio.

(a) Advocanda hoc scirrhi doctrina alibi  
 proposita. Glandulæ numerosæ hic adstantes in-  
 durari possunt resolutioni rebelles admodum : sola  
 ergo extirpatio cultro tentata spem facit. Corro-  
 sio oleo tartari hic proposito tentanda : cancer  
 tamen timendus. Ruyschii crudelis cura à van-  
 Swietenio memorata unica et fere inimitabilis.  
 Oesophagi tubus aliquando vel in propria sua subs-  
 tantia scirrhosus fit et tumens sensim angustatur,  
 vel à tumoribus scirrhosis latentibus et ipsi vicinis  
 sensim magis , magisque comprimitur. Hinc dif-  
 ficilis deglutitio lente observata tandem lento

## ANGINA INFLAMMATORIA.

798 **V**erum quando ab inflammatione, glandulæ (788.), vel musculi (788.), occupantur, tum oritur morbus huc proprie referendus ob summam, qua funestus est, acutiem; et velocissimam, et insuperabilem sœpe violentiam.

799 Hujus (798.) mali causa 1. in genere est omnis ea, quæ inflammationem quamcunque potest producere (375. 376. 377. 378). 2. illa omnis, quæ inflamma-

marasmo occidit. A spirituum fermentatorum abusu, à vento frigido collum nudatum diu et validè astanti . . . à fervida cæffæ, theæ . . . sorbillatione, vel contra frigidorum potuum abusu malum istud fortè produci potest. Hujus tumoris solutio fortioribus solventibus, cicuæ, aconito . . . inunctionibus ipsis mercurialibus ut plurimum resistit, quibus frustra tentatis, Willisius suasit ut æger virgulam è pinna cetacea paratam, in summitate spongiam affixam habentem, œsophago immitteret statim post cibum et potum assumptum, siveque viam faceret, ut in ventriculum descendere possent. Succesit quidem hæc methodus, sic tamen ut quotidie eadem indigeret miser æger, secus inedia peritus. Vid. Dissertatio: *de Fame letali ex callosa oris Ventriculi angustia apud Daniel. Trillerum Opuscula medica. Tomo I. pag. 3. et Anton. Haen Dissertatio: De impedita deglutitione . . . Tomo VI. Ration. medendi.*

tionis causas determinat in primis ad loca descripta (788.), maxime ad laryngem, pharyngem, os hyoides, horumque musculos, tum ad fistulæ pulmonalis superiora: talia autem sunt, depositio propria juvenibus, sanguine divitibus, rufis, exercitium frequens, validumque harum partium, oratoria exercitatio, cantus, clamor, fortis equitatio (*a*) adverso vento et frigido, tubarum et fistularum inflatus, labores validi in aere frigido, calor æstuans magnum frigus excipiens tempore verno; aridæ fauces ob aeris recepti et expulsi fervorem in æstu solis, vel in febre inflammatoria.

800 Ubi ex his causis (799.) nata est, varia, et inter ea horrenda symptomata creat, pro diversitate partis ejus, quam occupat.

(*a*) Dum fortiter quis equitat adverso vento omni momento frigidus aer fauces ingreditur, simulque vasa harum partium ab aere resistente, et contraria directione moto valide comprimuntur, adeoque et angustantur. Ergo frigore moleculis humorum adunatis (§. 117.) atque eodem constrictis vasis, conspirante simul pressione valida aeris in has partes, aptissima nascitur obstructioni in his locis occasio, dum simul auctus humorum per vasa motus inter equitandum (calescunt enim à celeri equitatione etiam hematici frigore homines) impetum in loca obstructa auget; adeoque inflammationem (§. 371.) producere valet.

801 Si sola laborat pulmonalis fistula, illæsis aliis, in interna sua membrana musculosa, tum oritur ibi tumor, calor, dolor, febris acuta calida, cæterum externa signa nulla; vox acuta, clangosa, sibilans; inspiratio acute dolens; respiratio parva, frequens, erecta, cum summo molimine; hinc circulatio sanguinis per pulmones difficilis; pulsus mire et cito vacillans; angustiæ summæ; cita mors. Estque hæc una (*a*) ex iis, quæ funestissimæ, nec externa dant signa: quo vero proprius glottidi et epiglottidi malum, eo sane magis letale.

802 Si larynx in primis acute inflammatur; et sedem habuerit malum in musculo albo glottidis, et simul in carnosis ei claudendæ inservientibus, oritur dirissima, subito strangulans, Angina. Signa ut prio-

(*a*) Quinque species Anginæ inflammatoriæ proponuntur à Boerhaavio. Prima quæ hac paragraphe declaratur facile percipitur attenta pulmonis fabrica, sanguinis circulatione per ipsum, arteriæ asperæ, ei inservientium muscularum. Respirationis usus, aeris utilitates . . . etiam considerandæ. Num ad istam pertineat Angina trachealis membranosa polyposa suffocatio stridula? videant experti ait Cullenius, qui hunc hujus characterem tradit: cynanche (*trachealis*) respiratione difficiili, inspiratione strepente, voce rauca, tussi clangosa, tumore fere nullo in faucibus apparente, deglutitione parum difficiili, et febre synocha.

ra (801.) ; dolor in elevatione laryngis ad deglutitionem ingens , auctus inter loquendum atque vociferandum ; vox acutissima; stridula ; citissima , cum summis angustiis; mors. Estque hæc , (a) sine signis externis, omnium pessima.

803 Si soli musculi elevando ossi hyo*triloceroy*  
di, et laryngi servientes inflammantur va-  
lide , signa evidenter sunt hæc ; respiratio  
satis libera ; deglutitio in prima actione  
suæ exercitationis acutissime dolens ; tum  
signa inflammationis in genere ; et eadem  
in iis musculis , qui apparere examinanti  
possunt. (b)

804 Quando autem sola pharynx (c) eo-  
dem infestatur malo , signa specifica sunt,  
inspectis faucibus apparentia ; respiratio sa-  
tis commoda ; deglutitio dolens , impossi-  
bilis ; materies deglutienda per nares re-  
deuns ; eadem in asperam arteriam pulsa,

(a) Traditur hic species secunda Anginæ in-  
flammatoriæ pariter intelligenda.

(b) Tertia Anginæ species hic declaratur quæ  
licet minus præcedentibus funesta; ob periculosam  
metastasim facilem in Pulmone , timenda. Ab-  
sentia doloris , libera deglutitio , febris augmen-  
tum , dolor aliquis in pectore , respiratio etsi le-  
viter difficilis . . transmutationem istam suspicari  
faciunt frequenter letalem.

(c) Quarta Anginæ species hic traditur. Hu-  
jus periculum præcipuum est deglutitionis impe-  
dimentum et dein impossibilitas.

et tussim violentam excitans ; hinc defectus cibi , potusque ingerendi ; exsiccatio , et exasperatio omnium humorum in corpore; febris non adeo intensa ; major morbi duratio ante illatam mortem.

805 Si vero tonsillæ , uvula , velum membranosum pendulum ; musculi ejus quatuor pterygostaphylini inflammantur valide, (a) tum fiunt fere eadem ac in priori (804.) ; respiratio incommoda , difficilis, per nares nulla , vel parva , per fauces angusta ; materies deglutienda ob angustias et summos dolores per os redeuns ; excreatio perpetua ; pituitæ ad cava tonsillarum stillicidium perpetuum , copiosum ; dolor acutus in aure interna , et via eo tendente à faucibus ; crepitatio in aure dum deglutitio fit ; surditas sæpe perfecta. Hoc mali genus hodie à lue gallica frequens , et valde metuendum.

(a) Quinta species inflammatoriæ Anginæ cognitu facilis , frequentior , curabilior. Angina ista *tonsillaris* dicenda quoniam tonsillæ tumidæ præcipue apparent. Pituita copiosa perpetuo stilans an causa? an effectus? Dolor acutus in tuba eustachiana ostendit inflammationem ad istam pervenire , propagari. Crepitatio est aeris in cavo timpani occlusio et agitatio quæ his partibus inflammati , per deglutitionem vel aliter motis observatur. Surditas ab ista causa sanabilis; à lue gallica has partes depascente erodente .. non ita , sed incurabilis censemur.

806 Quod si omnes hæ inflammatoriæ species (801. 802. 803. 804. 805.), vario concursu simul ægrum infestent, concluditur facile, eo sæviorem fore morbum, quo plures in unum conspiraverint: tumque simul eo plura, et sæviora symptomata eventura esse.

807 Nam impedito tum cruentis in jugulares externas, vel per has ipsas compressas, reditu, fit tumor faucium, labiorum, linguæ, vultus; linguæ exsertio, intorsio, inflammatio; oculorum rubedo, protuberans tumor horrendus; cerebri, ob eadem suffocatio; hinc visus, auditus, tactus, hebetes; delirium; hiatus oris; stertor; decubitus impossibilis præ suffocatione; rubor, tumor, dolor, pulsatio, sæpe in collo, pectore, cervice, conspicui; unde venæ jugulares, frontales, raninæ varicosæ tument.

808 Decurrit autem omnis Angina consuetum inflammationis generalis iter, easdemque facit, ac patitur mutationes in resolutionem, pus, gangrænam, scirrum.

809 Ergo si signa docuerint anginam esse (801. 802.), confessim examinandum, an pura hactenus inflammatio adsit (382. 383. 384.); tumque citissime per efficacissima remedia (395 ad 402.) tentanda resolutio est (386.) Itaque 1. cita, magna, repetita missio sanguinis, eousque ut debilitas, pallor, refrigeratio, vasorum collap-

sus, (a) doceant, vim superstitis non posse augere tumorem et rigiditatem vasculo-

(a) Venæ sectio ista quæ ad animi usque deliquum procedit non nisi presente Medico instituenda qui ex pulsu vacilante, pallore oculorum, labiorum.. ulterius prohibebit. Venæ frontales, jugulares, raninæ afficiuntur. . sanguisugæ, cucurbitulæ siccæ, vel cum scarificatione in locis vicinis, artuum ligaturæ prodesse poterunt.. Sed non nisi præmissis venæ sectionibus necesariis in brachio, pedibus.. instituenda. Postquam venam humerariam et vasa narium secuerit Ximeneius ait: *tandem fluxionis reliquias opportunè ambabus his, quæ sub lingua extant Venis incisis vacuabis.* (Instit. Med. lib. IV. cap. XXV. pag. 440.) Plurima de nitro, aliis acidis mineralibus aqua multa dilutis pro gargarismis, potibus.. dici possent. Sufficit advertere tepida ista omnia sumenda esse. Aliquando præcipue inflammatum uva. Tunc reprimientia prossunt. Pars ista fovenda succo malorum punicorum dulcium, alumine, omphatio melle mixto. Maxime periculosa et lubrica est in Angina ista in interiora et in disita loca metastasis ad quam precavendum episistica.. in textu proponuntur. Inconstans certè morbus angina est, ut forte non sine ratione licet asserere nullum fere morbum acutum inflammatorum magis volubilem esse, quod maxime notandum. Nullus enim gangrenæ proximior: nullus metastasi pessimæ producendæ prior. Curatio, quæ anginæ inflammatoriæ, membranosæ trachiali.. confert eadem est. Sinapismi, et vesicatoria collo ipsi et pectori post venæ-sectiones apposita sunt optima. Membrana factitia ex rore è glandulis secreto et coagulato confecta, dis-

rum , exercenda erit. 2. valida (*a*) alvi subductio per purgantia ore hausta , vel clysmatum instar injecta , repetita. 3. victu, potuque tenuissimo et lenissimo opus. 4. nitrosis, subacidisque medicamentis. 5. vapore humido , molli, tepido assidue haustofomentis externis; derivantibus epispasticis, cucurbitis , sinapismis collo , et pectori appositis.

810 At species (803.) raro tam periculosa , ac (801. 802.) , eadem remedia (809.) , sed leviora petit. Hic autem in primis cataplasmata anodyna , laxantia, emollientia externa necessaria.

811 Dum denique angina (804. 805. 806.) adhuc inflammatoria infestat ; tum eadem remedia (809. 810.) requiruntur unita , sed addendæ perpetuæ humectatio-

cindenda et ejicienda est. Inspiratio vapore acetii sambucini impregnata prodesse poterit. Tussis strangulatoria infantum quæ galli gallinacei cantum refert idem cum isto morbus est , et eadem auxilia expostulat. In initio levis solet apparere ; sed etiam solet postea inopinato necare. Licet de hujus mali contagio dubitetur, prudentia jubet inter pueros quibus familiaris est sollicitam præcautionem. Vomitorium in ipso initio morbi quando membrana levis adhuc est , et separatu facilis , præmissa venæ-sectione poterit à prudentissimo medico administrari.

(*a*) Nimia diagrydii dosis in Materie medica proponitur. Purgantia antiphlogistica pro nostratis sufficient clysmatibus juvanda vel supplenda.

nes oris et faucium , per lenissima attenuantia nitrosa , diluentia aquosa calida, laxantia pinguia , quæ ore quieto contineri, leniter gargarisando applicari , fistula injici possunt : requiritur continua opera ne arescant partes.

812 Si omnibus his non , sero , vel frustra tentatis (809. 810. 811.) , morbus sit maxime recens et strangulans à causa superiori , quam erit locus sectionis , cum symptomatibus pessimis (807.) , nec tamen adhuc gangrænosis , statim post acerbam prognosin instituenda erit *Bronchotome.* (a)

813 Quæ fiet , præparato corpore ægri, in aspera arteria infra laryngis inferiora ad pollicis distantiam , discissa cute , et inte-

(a) Operatio ista est fistulæ pulmonalis impeditæ apertura ut aer in pulmonem venire possit.

Hæc nunquam tentanda nisi in consilium prius vocatis aliis Medicis , qui testes esse possint nullam salutis spem superesse nisi hoc tentetur , neque tamen certo sanitatem promitti posse, licet hoc fiat. Ita van-Swietenius. Hippocrates licet bronchotomes mentionem non fecerit tamen in hoc casu jussit , fistulas in fauces ad maxillas intrudendas esse quo spiritus in pulmonem trahitur. (Lib. III. de Morbis cap. 10) Vid. Petr. Salius in Commentar. pag. 302. Antiqui operationem istam damnaverunt quia judicabant neque os neque cartilaginem si resecta fuerint augeri , vel coalescere posse. Utrumque falsum esse declarat Chirurgia hodierna.

gumentis ; amotis musculis ; secto intersticio (a) inter annulos arteriæ asperæ ; impo-  
sito canaliculo argenteo ; dein ablata causa,

(a) Locus ubi sectio fiet seligitur ille qui pollicis latitudine ab infimo margine cartilaginis thyroideæ distat : sic vitatur glandulæ thyroideæ læsio quantum fieri poterit licet tamen ejus extremum sæpius tam profunde locetur ut discindi debeat antequam nulla appareat aspera arteria. Hic modus operandi per locum medium inter binos annulos cartilagineos facilior minusque periculosus censemur : potest etiam institui divisio discisis uno vel pluribus anulis cartilagineis arteriæ asperæ. Huic methodo multum ponderis addit casus famigeratissimus qui docet quantum possit in desperatis etiam rebus felix exercitati chirurgi audacia. Miles juvenis correptus fuerat angina inflammatoria laryngem et pharyngem obsidente. Intrepidus chirurgus quævis tentanda potius conclusit quam in maxima calamitate et vitæ periculo imminentí ægrum derelinquere. Itaque asperam arteriam secundum longitudinem discidit ad sextum anulum cartilagineum usque ; quo facto à tanto periculo emersit miles iste. Casum istum ex opere quod inscribitur : *Memoires d' l' Academ. royal de chirurg. de Paris* transcripsit van-Swietenius.

Sed quis est chirurgus iste in van-Swietenio injustè anonimus , qui felicitate humanissima et incomparabili tale portentum perpetravit ? Hujus operis gallici redactores ipsum nominant : *Il falloit un chirurgien aussi intrepide et aussi entreprenant que l' a été Mr. VIRGILI..* qui est natione hispanus , patria catalanus ex opido villalongensi , cuius studia atque exercitatio ab ineunte ætate

quæ exegerat hanc operam , vulnus percutendo ; interim clysmata nutrientia applicando , si deglutitio impossibilis.

in nosocomio tarragonensi aliisve exteris ad summum in chirurgia honoris atque peritiæ fastigium evexere , ut ex parental i in eundem Oratione apparat.

Caveant nihilominus neo-chirurgi ab ista resolutione intrepide sumenda. Præ oculis semper habeant operationem istam esse discriminis plenissimam quidquid contra asserant Heisterus (Chirurg. part. II. sect. III. cap. 102. pag. 647.) van-Swietenius hic , et Auctores cursus operationum chirurgiæ gaditanæ . (Part. II. cap. XIV. artic. I. pag. 241. edit. IV.) Tamen in Angina inflammatoria tracheali omnia alia artis auxilia respuente et ob materiæ multitudinem continuo infarciente ac suffocante in ægro juveni , vel validis viribus prædicto à peritissimo atque dexterissimo chirurgo tentari poterit ut dictum. In angina exterius non apparente , à materiæ non multitudine , sed malignitate procedente .. in angina ulcerosa .. pessima bronchotomia. In angina suppuratoria , seu quæ jam in suppurationem tendit raro occurrit bronchotomes absoluta necessitas ; venæ-sectione enim repetita , clysmatibus , et purgantibus ita possumus exhaurire corpus ut vasa omnia subsident , sicque impetrare tales inducias , ut maturatio abscessus expectari possit qui sponte vel arte ruinpendus. Ad id commodè efficiendum Pharyngotonus deservit. Rupto abscessu collutoria detergentia , antiputrida et consolidantia adhiberi debent.

## A P H O R. 809. Num. 2.

*Haustus purgans.*

R. Diagrydii grana decem, et octo  
 Fiat cum Aqua Emulsio, cuius unciae  
 semis admisce  
 Syrupi Sennæ unciam unam, et semis.  
 Fiat Haustus.

*Clysmæ simile.*

R. Foliorum Sennæ unciam unam.  
 Decocis cum Aquæ unciis octo ad  
 misce  
 Nitri unciam unam.  
 Syrupi Sennæ unciam unam.  
 Fiat Clyisma.

## A P H O R. 809. NUM. 5.

*Vaporarium particulare emolliens,  
 resolvens.*

R. Aceti Sambuci  
 Rosarum  
 Calendulæ singulorum unciam  
 unam.  
 Aquæ stillatæ Sambuci uncias sex.  
 Misce. Vapor calidus hauriatur infundi-  
 buli ope in fauces.

## APHOR. 810.

*Cataplasma laxans, emolliens.*

R. Lentis palustris uncias sex.

Foliorum Nymphaeæ recentis uncias  
quinque

Papaveris hortensis uncias  
octo

Bismalvæ uncias sex

Florum Sambuci

Meliloti singulorum uncias quatuor.

Cum aqua decoctis sub finem adde

Nidi Hirundinum numero duo (a)

Seminum lini quod sufficiat

Olei Lilliorum alborum uncias tres.  
fiat Cataplasma.

Decoctum esto pro fomento.

(a) Daniel Trillerus omnium remediorum vulgarium et inutilium censor acerrimus atque facetissimus irrigor, nidos hos hirundinum non flocci pendet: ait enim: lutum ex quo nidi compositi sunt hirundinum excrementis coagmentati singulari pollet facultate . . resolvendi, ac discutiendi: inde nempe sola illa virtus pendet medica in resolvenda nonnunquam leviore angina. (Dispensatorium pharmaceuticum universale. Tom. I. pag. 238.) Opus istud, quo simplicia omnia atque composita medicamenta crisi severissima et exacta duobus voluminibus declarantur, tironibus maxime commendamus.

## A P H O R . 811.

*Gargarisma emolliens , attenuans nitrosum.*

R. Decocti à cataplasmate præcedenti uncias duodecim.

Aceti Sambuci uncias duas.

Syrupi Althææ uncias duas

Nitri puri drachmas duas. Misce.

R. Ficuum pinguium numero viginti duo.

Foliorum Althææ uncias duas.

Decoctis diu , unciis triginta expressis utatur.

## A P H O R . 813.

*Clysmata nutrientia.*

R. Jus carnium ad uncias decem.

Salis Nitri grana dēcēm.

Spiritus salis guttas sex. Misce.

Injiciatur octava quaque hora , postquam primo clysmate purgante elota alvus fuit. (a)

(a) Horum alimentorum virēs per vasa lactea in intestinis crassis etiam existentia sanguini, totique corpori communicabuntur.

## ANGINA SUPPURATORIA.

VII

814 **V**erum si malum jam eo processerit, ut suppuratio loci affecti jam incipiens cognoscatur per signa (387.), erit tentanda via abcessus per artem, et remedia generalia (402. ad 412.) ; maxime autem molli, assiduo gargarismate, largo cataplasmate laxante; pertusione loci, sensibus deprehensi; bronchotome (812. 813.)

815 Illa autem anginæ species, quæ prior descripta (801. 802.), raro eousque adolescere potest, sed vel prius resolvitur (809.), vel necat.

## ANGINA GANGRÆNOSA.

816 **S**i tandem causæ anginæ (799.) augentur, et in parte nobili magis (801. 802.) hærent, vel et in externis (804. 805.), sæpe in gangrænam abit letalem; id vero novimus 1. ex signis hujus generalibus (426. 427. 428. 429.) applicatis ad partes obssessas, quarumque functio læsa; 2. ex signis propriis; si tumor, ruborque prius conspici subito, sine bona causa, disparuerint; si dolor similiter sic abiverit; fauces subito æquales, lævesque fiunt; siccæ, glabræ, li-

vidæ fauces : tum nullam capit magnitudo nimis proiecti mali medelam. (a)

817 In scirrhum circa tonsillas , uvulam , palatum abit angina eorum locorum , ex causis descriptis (392) , unde cognoscitur facile , curatur difficulter : maxime ubi in cancrum jam abiit. Vid. (79. 7.)

(a) *Gangræna faucium , quæ validam inflammationem sequitur vix medelam capit , illa vero , quæ absque prægressa inflammatione , à depositione maligni humoris ad has partes oritur periculosa quidem est ; sæpe tamen curabilis , si statim efficax medela adhibetur , quod hoc loco monendum videbatur van-Swietenio.*

Quænam tamen est ista medela efficax? Neque iste , neque Boerhaavius proposuerunt eam quod maxime mirandum. In Tironum utilitatem dicendum Anginam malignam , ulcerosam , gangrenosam , vulgo Garrotillo dictam ab Hispanis Medicis eminenter pertractari. Exemplo sint Fontechia , Gomecius de la Parra , Villarreal , Herrera , Soto , Heredia . . . qui tamen omnes in curatione defecerunt , quoniam ipsorum ævo adhuc erat ignotus cortex ille peruvianus hujus mali teterimi efficax domitor , si quis alius ; imo præ aliis omnibus. Num ita hoc est quoniam regulariter morbus iste , seu potius ista lues per autumnum incipiens symptoma esse possit tertianæ febris perniciosissimæ decubitus humoris maligni ad fauces excitantis? Acida mineralia cortici , seu corticis tinturæ secundum artem adjungenda. An gargarisma Doctoris Raulin ex sale saturni in aqua plantaginis dissoluto , quo per madefactum linum carptum tangantur escharæ plu-

818 **S**i nervi motores organorum deglutitionis, vel respirationis, impediuntur suas exercere functiones in illa organa, oritur paralytica (*a*) angina; talis à luxatione

ries in die, utile sit, indeque ulceris imminutio et consolidatio spectandæ?

(*a*) Valde notanda est ista Angina *paralytica* cuius remedia ubi de Paralysi proponentur. Notanda etiam anginæ species, quæ in luxatione vertebræ cervicis ad interiora contingere dicitur. A lapsu, vel alia vi externa vertebræ cervicis luxantur et hoc notum est; verum difficilius intellectu videtur quomodo per morbos absque vi externa hoc fieri possit ut *re vera* fit. Ægri isti ob deglutitionis defectum contabescunt et moriuntur. Instrumentum Willissii (797. N. *a*) hic etiam prodesse poterit. Alimenta per clysteres injicienda, nutrientia, roborantia, ut vinum, juscula: vitelli ovorum: cortex peruvianus. . Notanda pariter *convulsiva* angina fæminis hystericas et viris hypochondriacis familiares castoreo, assa foetida, galbano, alkali volatili. . sumptis vel naribus applicatis sananda.

Nihil frequentius in praxi occurrit, quam globus ille hystericus dictus, dum constricto œsophagi sphinctere, aer elastius rarefactus illum distendit, sive tumorem conspicuum excitat, quo miser fere præfocantur. Cucurbitæ femoribus absque scarificatione, et etiam nuchaæ applicatae, uno momento quandoque tollunt malum istud. Si aliqua signa doceant convulsionem is-

dentis vertebræ dicitur contingere , aut alterius vertebræ cervicis ad interiora. Si convulsionum causa quæcunque musculos pharyngis , laryngisve occupaverit , oritur subita , suffocativa angina ; talis in epilepticis , spasmodicis , hysterics , hypochondriacis sæpenumero fit , abit , redit : curatur in primis his , quæ iis morbis curandis propria sunt.

819 Ex hac historia data (783. ad 819) intelligitur ratio observationum Hippocraticarum.

Angina sine ullo signo conspicuo , solo strangulatu orthopnoico se prodens ; cum febre acuta , dolore magno capitis , vel crurum , sine signis bonis , cito letalis , primo scilicet , secundo , vel tertio die.

Angina *epigenesi* orta ex aliis inflammatoriis morbis , aut si species (801. 802.) nata ex (803. 804. 805.) , letalis.

Angina spumam oris excitans (a) ; serum

tam à malignis humoribus circa præcordia præsertim stabulantibus procedere en etica vel purgantia prosunt. Circa globum istum hæc ait Helmontius (Cap. Asthma et tussis) vir alias heteroclitus , hic orto-clitus : ex utero surrexisse virus quod nihil præter gulam stringeret , sic ut à trimetri vix quidquam deglutiret matrona illustris. Accessi , malum cognovi , et confessim sanavit illam DOMINUS. En! Medice Christiane!

(a) Corollaria ista facile ex dictis in numeris hic citatis intelliguntur. Circa spumam oris no-

tenue exprimens ; fœces alvi sine sensu di-  
mittens ; in febre valde acuta sine ullo sig-  
no conspicuo occupans ; cum recessu tu-  
moris , ruboris , pulsationis in faucibus vel  
lingua , tamen strangulans ; ubique letalis,  
et præceps.

tandum non intelligi de excretione copiosa pitui-  
tæ ; cum Angina talis pituitosa adeo letalis non  
sit : sed de Angina spumam oris excitante , seu  
de spuma circa os existente , ut ait Hippocrates  
in Aphorismis (II. 43.) Hoc enim indicat impe-  
diri tunc transitum sanguinis per pulmones ex  
corde dextro in sinistrum , unde tanta vi urgen-  
tur arteriarum pulmonis extrema , ut ex illarum  
finibus in cava aerea ejusdem exprimatur hu-  
mor solito viscidior , qui in summis illis angus-  
tiis educi nequit excreando , sed collectus ascen-  
dit in fauces , oris cavum replet , et tandem circa  
labia colligitur sputescens. Pari modo accidit  
stertor , seu ronchus pectoris in moribundis à  
collecto tali viscido humore in pulmonis bron-  
chiis , qui pariter de naribus , vel ore post mor-  
tem , constrictis frigore omnibus partibus , expri-  
mi solet. Hæc van-Swietenius.

Non igitur effusio continuata hujus humo-  
ris viscidæ per orificia ista in suffocatis signum  
est indubitatum vitæ licet minuæ permanentis  
adhuc. In fine notandum dari aliquos ad anginas  
naturali dispositione proclives in quibus plerum-  
que observatur acrimonia scrophulosa cui extra  
paroxysmos quantum fieri potest obviam eundum  
est , quia alias olim nascentur Phthises insanabi-  
les. Ita Selle hic. De angina bronchiali seu pieu-  
ritide humida alibi tractabitur.

## PERIPNEUMONIA VERA. (a)

820 **S**i in vasis pulmonalibus, inflammationi suscipienda aptis, inflammatio vera concipiatur, morbus vocatur Peripneumonia. (b)

(a) Sauvagesius Classe III. Ord. III. Gen. 21. *Peripneumonia.* Species : pura seu vera, putrida, ardens, maligna, typhodes, catarrhalis, arthritica, phthisicorum, exanthematica, hydrophobia, gastrica, rachialgica (pictonica, seu saturnina.)

Cullenius Classe I. Ordine II. Gen. 11. *Pneumonia :* Caracter : Pyrexia ; dolor in quadam thoracis parte ; respiratio difficilis ; tussis. Genus unicum omnes pectoris interni phlegmasias, pleuritidem, etiam paraphrenitidem seu diaphragmatitudinem comprehendens. Species sunt : pneumonia peripneumonia, et pneumonia pleuritis. In aliis speciebus referendis ad Sauvagesium utcumque se accomodat.

Pneumoniæ peripneumoniæ caracter : pulsus non semper durus, aliquando mollis ; dolor thoracis obtusus ; respiratio perpetuo difficilis, saepe non nisi trunco corporis erecto exercenda ; faciei tumidae color purpureus ; tussis plerumque humida, saepe cruenta.

(b) Morbum istum definivit Boerhaavius ex intellecta causa morbi hujus proxima. Signa sunt 1. ea quæ febris inflammatoriæ. 2. Pulmoni inflammati peculiaria : sensus oppressionis ad Thoracem assiduus, indeque, ob tussim siccum, humidam, cruentam, profundius inspirandi facultas impedita.

821 Illa vasa autem sunt Arteriæ Bronchiales, Pulmonicæ, et harum laterales Lymphaticæ. (a)

822 Unde etiam duplex concipi Peripneumonia potest, quarum una ad fines arteriæ pulmonalis, altera in bronchialibus hæret.

823 Et statim liquet, priorem periculosissimam; posteriorem minus discriminis habere, sed illam ex hac nasci posse; (b) et causas multas communes habere.

824 Quæ causæ plurimæ revocari queunt 1. ad generales omnium inflammationum per totum corpus (375. ad 380.) 2. ad eas, quæ in primis pulmones afficiunt: ut sunt, aer humiditate, siccitate, calore, frigore, gravitate, levitate, (c) exhala-

(a) Phlegmone proprie dicta, et erysipelas et œdema calidum poterunt in pulmone nasci prout diversæ magnitudinis vasa immeabili materia obstructa sunt, simulque impetum vitalis liquidi per febrim fortius moti urgentur. Hippocrates jam erysipelatis in pulmone mentionem fecit (Lib. I. de Morb. cap. 8.)

(b) Arteriis bronchialibus inflammatis facile afficiuntur et arteriæ pulmonalis propagines his ubique vicinæ non tantum; verum et plurimis in locis per anastomosim junctæ. Hæc divisio aliquibus non placet. Cur? Vid. Aph. 370. Not.

(c) Aer nimis gravis valde comprimit pulmonis vasa, auget resistentiam cordi dextro arctatis canalibus: aere nimis levi existente eadem vasa nimis pressa ab humoribus impulsis nimium

tionibus causticis , vel adstringentibus , aut coagulantibus constans , sicque peccans; chylus ex crassis , siccis , viscosis , cum acribus permistis , vel sine iis ; exercitia pulmonum violenta , cursu , lucta , nixu , cantu , clamore , equitatione forti in vento adverso ; venena coagulantia , caustica , constringentia , venis ad cor tendentibus immissa ; vehementes animi perturbations ; angina cum oppressione pectoris , et orthopnoea , pleuritis valida , paraphrenitis ingens.

825 Si hæ causæ (824.) morbum pro-

dilatari , et ita comprimere , et labefactare proxima poterunt. Simul etiam aer iste nimis levis non poterit satis superare vim contractilem fibra- rum pulmonalium dilatationi pulmonis resis- tentem. In altissimis enim montibus à nimia levitate aeris impeditur respiratio , et quidem cum suffocationis periculo.

Quando aer suis qualitatibus in corpus agat , in Pathologia dictum. Præter istas notandum est atmospheram nos ambientem incredibilem in se continere corporum varietatem ex plantis , animalibus.. Fossilia etiam corpora quandoque sponte sua , sæpius per ignem agitata exhalationes fundunt quæ per aerem diffussa inspirantur. Circa corpora gaseosa consulatur hodier na Chemia. Vehementes animi perturbationes et præsertim terror , injuriarum invita et violenta simulatio ut toties in aulis accidit , summas producunt calamitates inter quas Asthma et Peripneumonia eminent.

duxerint, pro diversitate sedis affectæ (822.) producet effectus varios ; bronchialis enim omnia effecta inflammationis producens (382. ad 393.) ipsos fines arteriæ pulmonalis continguos comprimendo , contagio efficiundo , inflammat.

826 Ubi autem fines ipsi arteriæ pulmonalis inflammati , stagnat crux ; extenditur vas ; exprimitur transsudatione quasi pars liquidissima ; coacervatur crassior, inter cor dextrum , et fines pulmonalium arteriarum , omnis fere colligitur , circum adhuc obire potens , sanguis ; hinc pulmo gravis , explicari impos , livescens ; cor sinistrum sanguine orbatur ; debilitas summa; pulsus exilis,(a)mollis,omni modo

(a) Sanguis venosus ad cor dextrum delatus per infaretum pulmonem transire nequit libere, in pulmonis vasis distentis hæret aut retro colligitur et pauculum tantum in cor sinistrum venire poterit. Hinc Aorta istum pauculum sanguinem ad caput deferet , parva fiet spirituum secretio , simulque deficiet liquidi nervosi influxus et pressio in musculos adeoque debilitas summa sequetur. Quia tamen arteriæ diastole à sanguine ex corde projecto fit , hinc patet corde sinistro vix sanguinem recipiente non posse valide attolli Aortam ejusque ramos adeoque pulsum et exilem et mollem esse debere. Præterea cum auctæ resistentiæ in pulmonis vasis non patientur (adulto saltem jam morbo) ut cor dextrum se integre evacuri possit illud palpitabit sæpius et singulis illis ictibus aliquid transprimet per Pulmones in

inæqualis ; respiratio parva , frequens , difficultis , erecta , tussiculosa , calida ; sanguinis venosi ante auriculam et cor dextrum stagnatio ; rubor faciei , oculorum , oris , faucium , linguæ , labiorum insolitus ; tandem suffocans , inexplicabili cum anxietate et delirio , mors .

cor sinistrum donec talis quantitas sanguinis ibi sit quæ illud in validam contractionem irritare possit ; unde tunc subinde unus vel alter validus pulsus sentitur , moxque iterum fit mollis , exilis , imo et sæpius intermittit , adeoque patet ratio quare pulsus omni modo inæqualis sit .

Respiratio tunc non nisi erecto corpore sedente ægro potest perfici . Isto situ abdominalia viscera suo pondere deorsum ducunt diaphragma sicque pectoris dilatationem augent . Hoc in omnibus morbis acutis malum est ; pessimum vero in Peripneumonicis ita Hippocrate pronuntiante . Est etiam respiratio tussiculosa à vesicularum affrictu et ab inspisato muco ob impeditam respirationem non facile averrendo . Rubor faciei , et genarum præsertim facile intelligitur . Oculi præterea prominent , et lacrimis involuntariis madent . Plerumque tunc simul adest ingratius in pectore strepitus qui fit vel ab aere muco hic collecto irretito , vel à vesiculis pulmonum siccis , hincque crepitantibus instar corii arefacti dum inspirando extenduntur . Hippocrates dixit *pectus hoc casu modulari videtur et gravitas inesse .* ( Lib . III . de Morb . cap . 7 . ) Hoc eodem casu caput hebes , soporosum , subapoplecticum , tandem suffocans cum anxietate et delirio mors .

827 Si tale malum (826.) utrumque pulmonem simul , et valide infecerit, erit cita , et insuperabilis mors ; quum nullo remedio antiphlogistico juvari natura queat : confer (386. et 395. ad 402.)

828 At si parvum in uno pulmone locum infestat , nec causas validas habet, aliqua , nec tamen certa , spes est curari bene posse.

829 Inde (824. ad 829.) signa diagnostica , (a) et prognostica , utcumque hauriri possunt ; maxime si consideremus , exitus esse ut inflammationis (386. ad 393.) ; unde etiam status accipit vario durationis

(a) Causæ pregressæ et effectus observati morbum clare denunciant. Febris antecedens et comitans distinguit peripneumoniam ab asthmate convulsivo , cum quo morbo plurima signa communia habet. Inter effectus inflammationis numerandus dolor punctorius. In ista diversimode percipitur. Interna pulmonis superficie inflammatæ molestus ab ipso aere inspirato dolor adest. Inflammata membrana pulmonem investiente mediastinum formante acutus in pectore dolor observatur. Verum ipsa pulmonis substantia inflammatæ ponderis gravantis et anxietatis potius quam doloris sensum facere videtur. *Id genus morbi plus periculi quam doloris habet ex Corn. Celso (Lib. III. cap. 7.)* Etiam considerandum an in uno pulmone , an in utroque : an in superna ala , vel inferna , an in parte media , vel inferiori. Hæc omnia declaravit Hippocratis in Coacis. (Num. 400.)

tempore varios, ita ut abeat in sanitatem, alium morbum, mortem.

830 Sanatur 1. resolutione benigna; si temperies laxa, humor blandus, viscositas non nimia, pars affecta bronchialis, vel pulmonalis non magna. 2. sputo (*a*) cito,

(*a*) Resolutio difficilis. Hac non succedente per sensibilem quamdam evacuationem exeunda atque promovenda est materies morbi subacta mobilisque jam redita; ita tamen ut neque cum humoribus sanis per vasa fluere possit, neque adeo dissoluta ut insensibilis perspirati specie expelli queat de corpore. Requiritur ergo ad sanitatis restitutionem ut sensibili quadam evacuatione exeat. Princeps est sputum coctum. Per ista sanatur facile morbus iste quando in finibus arteriæ bronchialis hæret. Arteria ista secretioni muci in primis deseruit cum pulmonis ipsius substantiæ prospiciat: arteria vero pulmonalis sanguinem, ipsa pulmonis fabrica et aere inspirato mutandum, in usus communes totius corporis gerit. Nihilominus arteriæ pulmonalis inflammatio etiam per sputa solvenda. Rami enim arteriæ pulmonalis arteriæ bronchialis ramis per anastomosim junguntur.

Preterea experimenta anatomica demonstrant ex pulmonali arteria patere viam in cavum aereum pulmonis quin totus liquor in venas pulmonales transeat. Hinc sanabilis etiam est ista Peripneumonia per sputa dummodo talia sint qualia in textu describuntur. Paucus sanguis cum sputo flavo mixtus imperitos sæpe terrere solet cum tamen optimum in hoc morbo signum sit: tale enim appetet quia rubræ sanguinis moleculæ vel in ultimis arteriolis sanguineis hærentes immobiles, vel minora vascula per errorem

libero , copioso , flavo cum paucō sanguine misto , satis crasso , dolorem sedante , respirationem emendante , pulsum ampliorē et pleniorē reddente , in album blandum cito mutato ; id fit , si sedes mali in primis est bronchialis arteria , aut pulmonalis non valde magna . 3. alvi fluxu bilio- so , levante , et similia fere , ac sputa descripta , ejiciente . 4. urina copiosa , crassa , hypostatica , levante , cum sedimento primo rubro , sensim albescente , ante septimum diem emissā . Atque tum respiratio adest facilis , febris mitis et boni moris , *adipsia* , calor , humiditas , laxitas , molli- ties , æquales toto corpore .

loci ingressæ sensim per dilatata vasa protrusæ tandem per extrema arteriolarum in cava bronchiorum hiantia exprimuntur . Alvi fluxus erit utilis dum materia per arteriarum fines non in cavum pulmonis sed in venas transiens per alvum denique , ut emunetorium moderatè , et leniter expellatur ; præsertim si biliosi seu flavi coloris sit materia excreta , et eadem ac sputa faciat . An revellendo potius prossit ? Hippocrates et Galenus alvum perturbatam , diarrhoeam damnabant ; moderatam et lenem tantum alvi evacuationem utilē censebant . Etiam per urinam evacuari potest materia morbosa soluta , et mobilis redditā per vasa , vel aliter ad renes delata , et ejecta . Sedimentum subruberum et lave salutare etiam est Hippocrate seu natura ipsa pronunciante . Areteus largam narium hæmorrhagiam in hoc morbo laudavit ; alii dubitant .

831 Abit in aliud morbum , pendente ex natura inflammationis , vel ipsius pulmonis , prout sua hinc propria actione destituitur.

832 Hinc primo in suppurationem , quæ fit , ubi materies inflammatoria (376. 377. 824.) , ab ipsa natura resolvi non potens (830.) , nec arte emendata , tamen blandior (387.) , stagnans , calens , pulsa , vascula tenuia rumpit , in pus resolvit , latera coërcentia extendendo , vel rodendo abscessum vomicamve format intra quatuordecim dies .

833 Id futurum (832.) demonstratur his observationibus . 1. si signa certa peripneumoniae satis acris (825. 828.) , nec tamen acerrimæ (826.) , primo extiterint . 2. si resolutio , ejusque signa (830.) , non satis citato , nempe ante quartum diem , apparuerint . 3. si symptomata (825. 826.) nec sputo cocto , et criticis diebus , 3 , 5 , 7 , 9 , 11 , 14 , evacuato per ordinem , qui sationem doceat mutatione successiva excreti ; nec eductione cruoris ; nec medicamentis , nec victu debito ; superata sint . 4. verum contra symptomata non pessima pertinacia , cum continuo delirio (a) , pulsus undoso , mollique permaneant .

834 Fieri autem jam re ipsa cognosci-

(a) Phrenitis peripneumoniae succedens letalis pronuntiatur : *delirium vero lene non ita.*

mus per hæc : 1. si signa sint (833.) 2. ubi leves , vagæ , sæpe repetentes , sine manifestata causa horripulationes contingunt; dolor remisit ; dyspnoea manet ; genæ et labia rubent ; sitis adest ; febricula vexat, in primis vespertina ; pulsus debilis , molliisque.

835 At jam factum declarant : 1. signa prægressa (833. 834.) 2. tussis pertinax , siccæ , ad pastum , motumve aucta ; respiratio difficilis , parva , anhelosa , strepens , post pastum , et motum aucta ; decubitus in unum modo , id est in affectum (a) , latus

(a) Abscessus fere semper in uno tantum pulmone hæret. Cognoscitur in latere dextro adesse dum ægri situm sinistrum tolerare nequeunt, premitur enim tunc mediastinum versus alterum thoracis latus adeoque angustabitur locus in quo pulmo sanus hæret , hic igitur difficilus ab aere inspirato dilatari poterit , et cum in altero latere affecto à vomica tumente respiratio tam impedita sit non poterunt ægri ferre has angustias , et brevi situm corporis mutabunt donec magis commodum inveniant qui semper observatur adesse dum in latus affectum decumbunt. Adhæsio pulmonis cum pleura impedit quominus abscessus pondere suo premat mediastinum dum æger in latus sanum decumbit. Verum tunc à distractione partium inter se coherentium molesta tensio immo et sæpe dolor satis acutus percipitur ab ægris, unde pariter coguntur in latus affectum decumbere. Hippocrates præter ista ex majori calore latus affectum dignoscebat (in prognosticis. N. 59.)

tolerabilis, febricula continua, periodica, à cibo, potu, motu exacerbata cum rubore genarum et labiorum; appetitus prostratus; sitis magna; sudor nocturnus, maxime circa jugulum et frontem; urina spumosa; pallor; macies; debilitas summa.

836 Id apostema jam factum (835) exitus habet varios: 1. suffocat tumore occupante totum pulmonem, vel comprimendo impediente ea, quæ adhuc in eo libera. 2. suffocat subita eruptione puris, vomica in asperam arteriam se exonerante uno cum impetu. 3. solvitur sputo purulento, liberante (a), consumente. 4. solvitur

*Sudor nocturnus* à depravata miscela humorum in pulmone nascitur. Lecti tepor corporis superficiem laxans ad id confert. Circa jugulum et frontem maxime observatur quia abscessus pulmonis liberum sanguinis per arteriam pulmonalem transitum impediens simul etiam prohibet sanguinis venosi à partibus superioribus redditum unde omnia vasa magis in his locis urgentur, adeoque ceteris paribus, sudor hic magis conspicuus erit sæpe in guttas collectus dum debilitores jam ægri sunt, et malo semper omne ut alibi dictum. *Urina spumosa* in aliis pulmonum morbis à lenta viscida pituita natis etiam observatur; unde ex hoc solo signo non habetur certa diagnosis pulmonalis abscessus; aliis tamen signis adjunctum diagnosim firmat.

(a) Observatio licet rara admodum ostendit diutissime tolerari posse hunc morbum, tandem tamen letali exitu funestum: requirebatur enim

lapsu puris in cava Thoracis , inve mediastini dilatata vacua. 5. inde tabes, phthisisque varia , empyema fere letale.

837 Alter morbus à peripneumonia fit, si purulenta (a) jam facta inflammatoria materies (832. 833. 834 ) intra pulmonales venulas resorbetur, crux miscetur , in loca quædam deponitur , unde liberatur pulmo , oneratur pars alia ; quæ si minus requisita ad vitam , est *metastasis* bona; si vero in hepar , lienem , cerebrum , et similia loca fluxerit , pessima plerumque erit.

ad sanationem ut cavum illud in quo pus hæserit depuretur , subsidant ejus latera et consolidentur ad se mutuo. Van-Swietenius casum refert hujus rei valde rarum in juvēne pus bonum per octo annos quotidie uncias quatuor , vel ultra rējiciente. Sputorum graveolentia recidivam et mortem præsagit, ita Hippocrate asseverante in Coacis N. 406. Quos suppuratos mitius habentes sputorum graveolentia sequuntur illos recidiva occidit.

(a) Materies inflammatoria ut in alia loca translata bonam metastasim efficiat non debet esse jam facta purulenta ut in textu dicitur , sed quando materies ista inflammatoria cocta jam et mobilis quidem reddit a ut transire possit ex arteriis obstructis in venas atque puri analogam naturam adepta , et hoc ante nonum diem contingat , interim tamen vasa manserint integra; verum enim pus ex obstructorum vasculorum extremis una cum infarcta materie inflammatoria attritus , et in unum homogeneum liquidum cum effusis humoribus mutatis constat. Hoc monendum erat ne tirones deciperentur.

Hinc fiunt abscessus peripneumonici ad aures, crura, hypochondria.

838 Tales abscessus futuros esse declarat: 1. observatio signorum peripneumoniae non pessimæ (833. 834. 835.), cum febre non vehementi, nec maligna, tamen continua; cum dolore thoracis, anxietate, gravitate, dyspnoea, non pessimis; sine signis resolutionis (830.) 2. si cum his pulsus (a) multum vacillans, omni modo, assidue. 3. dolores, rubores, calores, tensiones, circa loca dicta (837).

839 Illos vero futuros circa Crura (b)

(a) Designat talis pulsus materiam morbosam subactam jam et mobilem una cum sanguine per vasa fluere, adeoque nisi subita appareat evacuatio illius materiae, abscessus expectandus crit, præsertim si reliqua signa bona concurrant, aliter enim cum pravis signis pulsus multum vacillans omni modo et assiduè mortem significaret potius.

(b) *Abscessus qui ad crura fiunt in peripneumoniis tum vehementibus tum periculosis omnes quidem utiles ita Hippocrate in prognosticis pronunciante. Isti prænoscuntur si circa hypochondria aliquid inflammatorii adfuerit ita eodem ibidem asserente. Hoc enim significat materiem morbi solutam et mobilem redditam in venas pulmonales, ventriculum cordis sinistrum, et aortam transvisse. Dum ergo per aortæ descendentis ramos cum sanguine movetur hæc materia magna ejus pars per Cœliacam et Mesentericam utramque fertur per viscera chylopoietica; atque inde in ve-*

scimus, si 1. signa futurorum abscessuum (138.) adsint. 2. si simul cum iis signa sint levioris inflammationis ad hypochondria.

840 Sed futuros circa Aures scimus, 1. si signa adsint (838). 2. mollia simul hypochondria.

841 Ad hepar verti novimus, si 1. signa sint (838). 2. dolor manens in hepate, cum urina subictericea, colore subflavo cutis. Hinc s<sup>e</sup>p<sup>e</sup>, vomica hepatis nata, pessimata mala.

842 Abscessus illi (839. 840.) si levant pulmonem, si tollunt febrim, si purulenti,

nam portarum delata per hepatis angustias transire debet ubi dolor aliquis, tensio quædam . . levioris inflammationis seu hepatitidis signa observabuntur.

An ista obstacula abscessus ad crura vera causa sint necne? Dubitatur. Sufficit Medico novisse quod inde præsagium habeatur futuri circa crura abscessus. Hoc jam ab Hippocrate fuit observatum et prefinitum. Modus et viæ quibus ista fiunt non potuerunt hucusque à sagacitate atque perspicacia recentiorum demonstrari. An materia morbi dum versus inferiores corporis partes tendit ad hypochondria levem inflammationem producens ideoque per haec viscera difficiliter transiens versus illas determinetur, in illis colligatur, et abscessus formet? Observatio Medica docuit solos laudabiles esse abscessus qui ad partes extreiores fiunt v. gr. ad parotides, vel crura. Quomodo isti confiantur? Ignoratur. An huc advo-canda actio illa regiminis helmontiana?

manantes, fistulosi manent, si satis cito, ante nonum diem, contingunt, tum semper salutares: verum, si sputo jam purulento, nec magis flavo, sine levamine dicto, nascuntur, mali, at; si jam nati evanescunt, crudo morbo, peripneumonia redeunte, omnino letales sunt.

843 Desinit iterum morbus hic in tumorem callosum, scirrhosumve pulmonis; si materies, et conditiones (392.) concurrunt: inde tota vita difficilis, erecta, tussiculosa respiratio, post pastum motumque aucta, sine signis latentis vomicæ descriptis (835.); inde adhæsio (*a*) pulmonis ad pleuram.

844 Tandem, si bronchialis arteria, vel et pulmonalis vehementissima inflammatione (388.) corripitur à causa interna, vel externa (824.), brevi nascitur gangræna, et inde cito sphacelus ob copiam, motumque cruoris, et ob motum assiduum visceris tenuissimi. Id futurum docent: 1. signa violentissimæ peripneumoniæ (826.) nullo casu, nec arte sedata. 2. debilitas summa; cita, pulsu se in primis manifestans. 3. frigus extremorum. At jam natam

(a) A pulmonis inflammatione facilis est ejus adhæsio ad pleuram; hæ enim partes inflamatæ, siccæ, et inperspirabiles redduntur, unde facilis concretio. Si hæc circa mediastinum, pericardium, vel diaphragma acciderit molestior se habet respiratio.

scimus , si hæc prægressa , sputa ichorosa , tenuia , cinericea , livida , atra , fœtida . Inde autem cita mors .

845 Has Peripneumoniæ mutationes (830. 832. 836. 837. 843. 844.) docet observatio historiæ morbi , cadaverumque inde defunctorum incisio .

846 Unde evidens est , illum morbum , quem vetustas hoc nomine descriptis , esse veram inflammationem pulmonum . (a)

847 Eritque prognosis clara , qua asseritur , morbum hunc semper valde periculosum ob necessitatem summam functionis pulmonalis ad vitam , et ad sanandam materiem inflammatoriam , ob sanguinis perpetuo allati copiam , impetum , ob motum perpetuum visceris , ob situm , qui applicationem remediorum renuit , teneritudinem summam vasculorum facile destruendam , impossibilitatem revulsionis (b) adeo requisitam in cura inflammationis .

848 Ex quibus (847.) liquet , quando ,

(a) Pertractata Peripneumoniæ historia , et consideratis variis ejus mutationibus per quas in sanitatem , mortem , vel alios morbos tendit tanquam corollarium ponitur hic Aphorismus qui confirmat veritatem illius quod in definitione hujus morbi §. 820. assumptum fuerat .

(b) Revulsio in cura inflammationis adeo requisita , impossibilis ferè hic est . Omnis enim totius corporis sanguis semel debet transire per pulmones illo tempore , dum per reliquas partes

cur , et cum quibus symptomatibus in mortem abeat , scilicet , si totus pulmo , una cum corde inflammatur , cor in latus procidit (a) , æger paraplegia resolvitur , frigidus , et sensus expers est , tum secundo , vel tertio die moritur . Si urina initio morbi bona et cocta , post quartum tenuis . Si in vigore morbi erectus sedere cogitur . Si puris est per inferiora secessus : si sicca cum fervore strepente pleni pulmonis in gutture : si vehemens in corpore valde sicco , duro , calloso , exercitato : si mala est cum prærubro valde stillicidio sanguinis : si sic-

corporis omnes movetur , unde nulla arte impediri vel minui multum potest sanguinis per pulmonem motus , superstite vita .

(a) Ex Hippocrate in prognosticis desumpta est hæc prognosis . Toto pulmone inflammato cor dextrum replebitur , uti et auricula dextra ob impeditum sanguinis per pulmonem inflammatum transitum , adeoque nec poterunt se evacuare venæ coronariæ , unde et cordis in propria substantia inflammatio sequetur . Cum autem cor à quatuor magnis vasis sanguiferis pendulum in pericardio hæreat orizontale fere situ positum sic ut ventricleus dexter cordis una cum dextra auricula anteriorem corporis partem spectet patet ratio quare corde dextro et auricula distentissimis , sinistro vero corde et auricula fere vacuis , cor versus anteriora procidat et latus tangat . Mirum certe videtur Hippocratem hæc notare potuisse nisi vel ex cognitis circulationis legibus , vel ex cadaverrum peripneumonia defunctorum sectione illa dicisset , ex van-Swietenio .

ca est cum maculis (*a*) rubris pectori adspersis : si coryza aut sternutatio multa præcedit, sequiturve: si ex ardente febre ortum duxit: si sputum biliosum cum pure post sextum diem statim inceperit : si sputum (*b*) ab initio valde cruentum , flavum sincerum,

(*a*) An forte et gangrænosus livor latus occupans illo in loco ubi cor locatur signum hujus rei dedit ? Maculæ in pectore apparentes designant cutanea vasa infarcta manere vel rupta sanguinem effusisse , et paulo post in peripneumonicis livescere solent hæ maculæ, sicque gangrænæ nascentis indicium præbent. In pluribus morbis observatur, internis partibus affectis, in cute quandoque mutationem apparere. Dum sæva intestinorum inflammatio in gangrænam tendit in abdominis cute rubores aliquando apparent livescentes brevi .. In morborum prognosim ad hæc signa attendendum, licet forte non adeo facilis appareat observanti Medico nexus , quem hæc signa habeant cum re significata. Fidelis similium observatio usum habebit semper , rationem forte dabit sera dies.

(*b*) *Sputum ab initio valde cruentum* damnatur, dum pauculum sanguinis sputis bonis et coctis permisceri pro optimo signo habetur in hoc morbo: tunc enim per anastomosim dilatatis arteriarum osculis in tracheas hiantibus exit obstruens materia , et pulcherrime liberatur pulmo (Aphor. 830. 2.) *Sputum flavum sincerum* prodit quando valida inflammatio in arteriis pulmonalibus omnem partem rubram sanguinis sistit , solum autem flavescens serum adhuc transprimitur , quod partim per venas ad cor sinistrum pergit , partim per arteriolarum oscula in tracheas expri-

album rotundum , spumosum valde , dolorem non sedans , si fuscum , cœnosum , amurcosum , nigrum , livescens , inæquale , æruginosum : si neque febris , neque respirationis difficultas remisit , moritur die septimo , vel nono. Mors vero iis contingit dum pulsus deficit , omnia frigent , solum pectus , caput , collum æstuant , genæ rubent , liventque.

849 Curatio hujus mali varianda est pro diverso statu morbi et symptomatum , adeo ut quod uno tempore prosit , in eodem tamen morbo alio tempore datum obsit.

850 Si ergo in Peripneumonia omnia signa adsint descripta (830. N. 1.) utendum quiete corporis et animi ; aëre tepido , humido ; balneo vaporis aquæ dulcis ad pulmones , nares , os , pedes , crura ; victu tenui , potu levi ; medicamentis aquosis , nitrosis , farinosis , mellitis .

mitur , pulmonis mucum naturalem diluit , et colore suo tingit. Denotat ergo tale sputum crassa in pulmone accumulari , tenuissima transprimi tantum ; adeoque patet , quare mali omnis sit. *Sputum album rotundum* nihil aliud est , quam mucus pulmonis in tracheis collectus mora et calore sic inspissatus , ut rotundam figuram , quam in pulmonis cavis acquisiverat , retineat , postquam eductus fuit. Unde patet , per tale sputum nihil educi de morbi materia , quæ pulmonem gravabat , adeoque et hoc respectu inter mala sputa numerari.

851 Si vero status adest (830. N. 2.), utendum iisdem (850.), et medicamentis emollientibus, depurantibus, excretionem promoventibus, leniter reficientibus, vaporibus: vitanda tum venæ sectio, (a) purgatio, sudoris expulsio, aliave omnia, dictam excretionem perturbantia.

852 Si (830. N. 3.) adest, lenia clysmata emollientia, fomenta lenia abdomini imponenda, decocta emollientia, et levisimo gradu laxantia, (b) prosunt, simul reliquis peractis (850. 851.)

853 In statu altero (830. N. 4.) fiant eadem, ac (850. 851. 852.), sed addantur balnea pedum, fomenta renum per clysmata emollientia interna, et externa limenta, bibantur decocta levissime abstergendo diuretica.

854 Si inflammatio recens, magna, sicca, in corpore robusto, paulo ante sano, exercitato, deprehenditur per signa

(a) Sæpè adstantium importuna sollicitudo exigit in isto casu remedia similia à Medicis. Decet tamen doctum, et ingenuum Medicum firmo potius animo obliuctari, quam ignaræ plebeculæ assentiri ægrotantium damno. Casu isto corpus minime turbandum.

(b) Purgantia acria nocentissima sunt; levissima hic tantum commendantur. Jacobus Sini-baldi in suis animadversionibus practicis agit de purgantibus in morbis pulmonum. (ANIM. IX.) Auctor iste utiliter legendus.

(825. 826), statim recurrendum. 1. ad citam, largam (*a*), pro gradu mali moderandam, aut repetendam missionem sanguinis, ut moles crassi minuatur, et diluentibus spatiū concedatur. 2. ad balnea vaporis emollientis pulmonibus assiduo, reliquo corpori sāpe applicanda. 3. ad decocta diluentia, resolventia, emollientia, laxantia, antiphlogistica, nitrosa, anodyna, parva copia, continententer repetenda, calidissima sorbenda. 4. ad clysmata blan-

(*a*) In casu hic proposito venæ-sectio prima citata et larga sit, quæ repetenda ut resolutio fortassis, atque feliciter obtineatur. Venæ-sectio ad animi deliquium hic certe vitanda; in statu enim isto cessat cordis motus, adeoque omnia stagnant in pulmonis vasis; simulque, frigore constrictis partibus extremis, venosus sanguis in simum venæ cavæ, dextra auricula, et cavo cordis dextri colligitur, stagnat, ad concretionem disponitur, imo sāpè jam floccos polyposos colligit, unde paulo post dum ex hoc deliquio exurgunt homines sanguis ille jam concrescens fere, per pulmonem in plurimis locis obstructum pellitur: adeoque patet periculum esse ne inde morbus augeatur. Balnea vaporis . . pulmonibus per inspirationem applicandu maximam merentur considerationem, cum eorum virtus diluens, resolvens . . superficie horum internæ applicata sanguini facile communicetur. *Anodyna paregorica*, seu leuissima sint v. gr. flores papaveris Rhœados, vel syrpus ex horum succo paratus; et ista valent, ut nimius febris impetus si adsit compes-

dissima antiphlogistica. 5. ad victum tenuissimum ex succis antiphlogisticis.

855 Si inflammatio magna , cum febre , et reliquis symptomatibus validioribus duravit ultra triduum , et signa adsint inflammationis jam in suppurationem tendentis (833. 834. 835.) , semper multum discriminis adest , quamvis diutius jam excurret morbus , et spatium dabit curationi : tum 1. venæ sectione nulla , vel , si aliquid urget , parca utendum. 2. victu leni , sed paululum incrassante , et ex maturantibus confecto , utendum. 3. balneis pulmonicis (a) , emollientibus , maturantibusque

catur : blandus concilietur somnus , atque molesta tussis leniatur. Medicamenta ista numero tertio proposita *calida* sorbenda : per calorem enim augetur vis diluens aquæ , simulque eadem operadum per œsophagum transeunt blando calore fomentur vicinæ partes. An autem sperari potest dum similia medicamenta parca simul copia sorbentur , partem illorum directe per asperam arteriam in pulmonem venire posse? Ita credit Hippocr. et in libro de Corde demonstravit experimento à Cel. Mery repetito. ( Acad. des scient. ann. 1700.) Levamen à linctibus emollientibus in tussi ab exasperatione harum partium illud confirmare videtur.

(a) Sola via tuta erit per quam in cavâ aerea pulmonis pus erumpat ; cum aliter in cavum thoracis vel mediastini dilatata vacua decidet letali fere semper cum eventu. Oportebit ergo balneo vaporis una cum aere inspirato hausto sic emolli-

utendum ad quintum ab inchoato malo diem. 4. die quinto, et sexto iisdem utendum, additis sorbitionibus tussim moventibus leniter, simulque replentibus, ut septimo forte die locus levari queat pure cuncto, vasis attenuatis, vita sustentata.

856 Si signa docent, factum esse in pulmone abscessum (835.) acceleranda ejus disruptio in asperam arteriam, eaque facta, depuratio subita et tuta ulcerosi loci.

857 Disruptio tentatur (*a*) si, post multa alimenta mollia, subpingua, cum vino molli, pulmo suppuratus (836.), et præparatus (855.) vapore calido, clamore, tussi, excretoriis, concusione in navi, vel rheda, agitatur.

858 Simul ac dein signa edocuerint, apostema ruptum esse, utendum victu

re totam aeream pulmonis superficiem ut liberri-  
me hoc versus ire possit collectum pus; simulque eadem opera efficitur ut citius et facilius rum-  
pi possit membrana pus factum continens. Solius  
aquaæ calantis vapor hic fortasse sufficit.

(*a*) Tentamen istud maximis premitur difficultatibus. Periculum adest ne subito in asperam arteriam erumpens pus suffocet ægrum, vel et alio in loco rupto abscesu in cavum pectoris dilabatur. Manet etiam postea suppuratio in viscere vitali aeri exposito et omni vitæ momento assidue moto. Hæc serio pensitanda, cum aliunde quo diutius manssit ille locus clausus eo magis erit idem discriumen.

lacteo , vegetabili lenissimo , nec facile putrescente , tum de die aperientibus , detersivis , vesperi levibus opiatis ; vaporibus emollientibus ; equitatione (a) , vel vectio ne in rheda , aut navi.

859 Si autem signa (838) docent , statum (837.) jam obtinere , nulla tamen hactenus certa prognosi quonam materies verget , tum levi , fluido , blande aromatico , paululum vinoso utendum victu ; quietum sit corpus ; medicamenta vero sint emollientia , et ex genere levissimo aperientium ; pulmoni prospiciatur usu emollientium : sic vel determinabitur , vel ulterius disso luta excernetur mali materies.

860 Sed si cum signis (838.) simul illa adsunt (839. 840.) , quibus determinatio

(a) Summum emolumentum exhibet ad deter gendum pulmonem et firmandum simul totius corporis robur equitatio , si vires ægri sufficient ; vel in debilioribus vectio in rheda , aut navi . Omni enim momento sic novus aer pulmonem ingrediens averrit ulcerosum locum , simulque corporis concussibus in primis si equo vehatur æger experiuntur illa quæ pulmonem grabant absque tussi vel leviore tantum . Hodie nra chemia pulchra de aere puro rusticano oxygenio gravi do pro ulceris pulmonici sanatione tentavit . ( Annal. de Chymie par . . . Lavoisier . . . tomo IV . pag . 83 . ) De vectione in navi jam dixerat Areteus : maris salsugininem siccum quiddam his ulceribus communicare . Videatur Tractatus Doctoris Gil Christ . de morbis per aerem marinum sanandis .

significatur , fiant modo dicta (859.) , si-  
mulque locus prævisus (839. 840.) suctu,  
laxatione , stimulo (a) , aperientibus ita  
tractandus , ut minus resistat , plus trahat.

861 Si (841.) obtinet , fiant eadem  
(859. 860.) , sed simul aperientia paulo for-  
tiora , saponacea , hepatica (b) addantur,  
tum clysmata , et fomenta his constantia.

862 Malum vero , quod descriptum  
(843.) raro (c) medelam capit , nisi forte

(a) Naturæ ductum sequimur dum per cu-  
curbitas , epispastica , vesicatoria . . efficiimus ut do-  
leant illæ partes versus quas minimo cum discri-  
mine morbosa materia deponi potest. Hoc retro  
aures , aut utilius circa crura contingere solet.  
Vesicatoria variis partibus applicanda , et hoc  
circa principia , post primas venæ-sectiones effi-  
ciendum. Crura videntur emissaria aptiora ad quæ  
materiam morbificam ultro natura amandare in-  
tendit , hinc cito ipsis ex cantaridibus applican-  
da. Si urget necessitas pectori , dorso , vel bra-  
chiis juxta axillas adinovenda. Theod. Timmer-  
mann dissertationem vulgavit : *De vesicantium  
locis lectu dignam.* (Vide Sylloge . . opusculor.  
Balddinger. vol. I. pag. 326.) Si exantemata re-  
tropulsa somitem morbo dederint , vesicatoria  
potiora , optima.

(b) Non caret periculo hæc metastasis et jure  
metuitur ne abscessus in hepate natus pessimos  
chronicos morbos faciat.

(c) Scirrhus post inflammationem pulmonis  
remanens diu quidem tolerari potest ; curari  
nunquam. In recenti malo sapo venetus magna  
copia usurpatus cum succo graminis , et lactis

emollientibus externis , internis , atque motu equitationis , vel vectionis in rheda cedat parum .

863 Quando in ipsam jam gangrænam abiit (844.) , incurabilis (a) est .

864 Si autem Peripneumonia per sputum jam expurgari cœpta , incipit suppressum id habere , statim summa ope nitemendum , ut iterum id prodeat . Tales causæ impedientes sunt sæpe , magnum frigus subito admissum ; ingens exsiccatio undcumque nata ; febris calida superveniens ; medicamenta calefacentia ; alvus liquida , nec critica ; sudor ingens ; animi affectus (b) vehementior .

865 Tum statim ad vicinitatem partium à suppressa , et aggestu increcente materie , inflammatio nova exoritur ; unde

sero aliquid forte boni facere poterit , saltem absque noxa adhiberi potest .

(a) Medici ne quidem in desperatissimis morbis omnem speim abjiciant . Gangræna verè jam facta emendationem respuit : ista tamen à medico sagaci prævidenda , atque præcavenda . Remedia ubi de gangræna (Aph. 419.) proponuntur , inter quæ cortex peruvianus princeps .

(b) In validis animi affectibus semper in respiratione observatur facta mutatio , unde pulmonem directe quasi afficiunt . Si ira summa motus est homo , validissime respirat illico , et anhelat ; metu subito perculsus statim ingentem circa pectus oppressionem sentit , dolentissima dicit suspitia .

illlico eadem symptomata , quæ à peripneumonia primaria (825. 826.) ; illa autem tum debilitato jam corpori accidentia , ut plurimum cito letalia evadunt.

866 Illi autem vitio (864.) , ejusque sequelis (865.) occurritur vapore assiduo calidi , humidi , emollientis naribus , ore attracti , pulmonibus recepti ; toto aëre simili huic vapore per artem reddito ; usus etiam largus potuum similium , cum melle in primis et aceto , multum prodest ; medicamenta leniter resolvendo antipyretica , ut est stibium diaphoreticum cum nitro fixante (a) ; leniter opiate ; sudoris evitatio ; maxime tandem placida animi quiete.

(a) Stibium diaphoreticum insigniter hic prodest. An in Antimonio talis hæret efficacia quæ sputis suppressis in hoc morbo evocandis utilis est? Ita videtur. Kermes minerale ad grana tria omni quadrihorio datum miros dedit effectus in desperatissimis casibus (Academ. des Scienc. An. 1720.) Cavendum tamen à dosi nimia et iterata medicamenti prudenter exhibendi. Scyllitica remedia hic prossunt. Hodiè laudatur polygala senega , seu seneca , cuius radix lignosa intus alba , cortice quasi resina saturata . . tanquam efficax resolvens , præsertim in pectoris inflammationibus , et per vomitum , alvum , seu lotium operationem suam exercens. Rara et exotica radix , aliis tamen communioribus præferenda.

Hypocacuana pulverata , ipse tartris potasse stibiatus refracta dosi non ad vomendum sed ad leniter stimulandum in isto casu prodesse possunt.

## A P H O R. 850.

*Potus lenis resolvens.*

R. Aquæ decoctæ hordei uncias quadraginta.

Nitri dracmas duas

Oxymellis uncias quatuor.

Misce. Bibat uncias duas calidas omni quadrante horæ.

## A P H O R. 851.

*Decoctum emolliens, sputorum excretionem promovens.*

R. Foliorum Parietariæ

Agrimoniæ

Taraxaci singulorum mani-  
pulum unum.

Seminis contusi papaveris albi,

Fœniculi singulorum unciam  
unam.

Alcali volatile (*ammoniacum*) ad eundem effectum  
ab aliquibus commendatur.

Peripneumonia putrida: biliosa: typhodes seu  
bilioso-putrida Sauvagesii symptomaticæ sunt  
talium febrium. Venæsectiones pro iis curandis  
consultit iste autor et in biliosa præsertim phle-  
botomias repetitas. Hoc serio meditandum et mi-  
nimè vel maxima cum præmeditatione exequen-  
dum. Harum curatio speciatim pendet à febre  
primigenia

Glyzirrhizæ unciam unam , et semis.  
Cum aqua decoctas uncias quinquaginta  
exhibe.

Usus ac præcedentis.

### A P H O R. 853.

*Decoctum aperiens , diureticum.*

R. Radicum Graminis , Rusci,  
Petroselini , Fœniculi singula-  
rum uncias duas.  
Imperatoriae drachmas duas.  
Seminum contusorum bardanæ,  
petroselini, singulorum unciam  
unam.  
Cum aqua decoctas uncias quadraginta  
exhibe  
In eundem usum.

### A P H O R. 855. Num. 2.

*Victus.*

Olera	}	Vid. Aph. 35. N. I.
Farinosa		
Pisa		
Fructus horæi maturi		

### A P H O R. 855. Num. 3.

Sunt vapores , Aphor. 809. num. 5.

## APHOR. 855. Num. 4.

*Mixtura attenuans, tussim leniter movens.*

R. Aceti scillitici dracmas sex.

Oxymellis scillitici uncias tres.

Salis polychresti drachmam unam.

Aqua decoctæ hordei uncias octo.

Stillatæ hyssopi uncias quatuor.

Misce. Bibat unciam unam omni hora dimidiata.

R. Potus coffe libras duas

Mellis uncias duas

Aceti sambuci unciam semis.

Misce. Sorbeat fervida quantum juvat.

## APHOR. 858.

*Aperientia detersiva ad ulcus apertum  
Pulmonis.*

Folia.	Bellidis pratensis.
Adianthi vulgaris	Borraginis
albi, seu Ru-	Botryos
tæ murariæ	Bugulæ
nigri	Ceterach
aurei	Chamædryos
Agrimoniacæ	Chamæptyrios
Alchimillæ	Cichorei
Becabungæ	Dentis Leonis
Betoniacæ	Endiviae

Erysimi	Primulæ veris
Fœniculi	Prunellæ
Fumariæ	Pulmonariæ macu-
Hederæ terrestris	latæ
Hepaticæ nobilis, terrestris	Saponariæ Scabiosæ
Hippiselini	Scordii
Hyperici	Sigilli Salomonis
Hyssopi	Sophiæ chirurgor.
Isatidis	Tussilaginis
Lactucæ	Valerianæ hortensis,
Linguæ cervinæ	sylvestris
Marrubii albi	Verbenæ
Morsus Diaboli	Veronicæ
Nummulariæ	Vincæ pervincæ
Ononidis	Virgæ aureæ.

**Gummi Ammoniacum**

Galbanum

Opopanax

Sarcocolla.

Masticæ

Myrrha

Olibanum

Terebinthina.

*Decoctum aperiens, detersivum.*

R. Foliorum recentium Agrimoniarum

Virgæ aureæ

Betonicae

Valerianæ hortensis

Singulorum manipulum unum  
Marrubii albi quartam manipuli partem.  
Radicum quinque aperientium singulorum  
unciam unam.

Florum Centaurii minoris

Agrimoniæ

Hyperici, singularum ma-  
nipulum unum.

Cum aqua decoctas pintas quatuor exhibe.  
Bibat uncias duas omni bihorio diei.

*Aliud. pudi.*

R. Radicum Bardanæ

Chinæ

Sarsaparrillæ, singularum un-  
cias tres.

Cum Aqua decoctis spatio semihoræ adde  
Ligni sassafras uncias tres.

Ubi iterum parum ebullierint admisceto  
Decocti libras tres.

Syrupi quinque radicum aperientium un-  
cias duas.

Usus ut prius.

*Pilulæ in eundem usum.*

R. Mirrhæ lucidæ electæ drachmas duas.  
Cum vitelli ovi recentis scrupulo uno  
In mortario vitro diu contritis simul ad  
misce

Thuris electi scrupulos duos.

Fiant Pilulæ : singulæ granorum trium.  
Capiat unam vel alteram ante usum decocti.

*Pulvis similis, emolliens.*

R. Myrrhæ electæ drachmas duas.  
Spermatis ceti drachmam unam.  
Misce. Fiat pulvis dividendus in duodecim doses æquales.  
Capiat unam mane et vesperi cum decocto.

*Electuarium simile.*

R. Myrrhæ  
Olibani singulorum drachmam unam.  
Mellis albi uncias duas.  
Misce secundum artem.  
Sumat drachmam unam omni hora.

*Lenia opiana, vespertina.*

R. Pilularum de cynoglosso scrupulum unum.

Fiant Pilulæ Numero sex.

Capiat unam vel alteram vesperi ante somnum.

R. Pilularum de Styrace similem dosim.  
In eundem usum.

*Pulvis narcoticus.*

R. Opii lamellatum tenuiter scissi, et len-te exiccati granum unum.

Corallium rubrorum grana duodecim.

Olibani grana sex.

Misce fiat pulvis tenuis.

Vesperi , ut prius assumendus.

R. Syrupi diacody unciam semis.

Aquæ vitæ Mathioli drachmam unam.

Stillatæ hyssopi unciam unam.

Misce. Fiat haustus vesperi sumendus.

R. Opii granum unum

Fiant Pilulæ duæ

Capiat unam vesperi.

R. Opii granum unum

Syrupi capillorum veneris drachmas

quatuor

Aquæ stillatæ florum papaveris

rhæados unciam unam.

Misce. Fiat Haustus sumendus ut prius.

*Vapores emollientes.*

R. Foliorum Malvæ

Bismalvæ

Mercurialis , Parietariae

Singulorum manipulos duos.

Farinæ seminum lini uncias duas.

Cum aqua decoctis

Vaporem excipe cum aere adducendo.

## A P H O R. 859.

Vid. Decoctum secundum. Aph. 858.

*Mixtura emolliens, et aperiens.*

R. Chærophylli recentis expressi succi,  
Lactis dulcis, singulorum uncias qua-  
tuor

Syrupi hyssopi unciam unam.

Misce. Bibat unciam unam omni bihorio.

## A P H O R. 861.

*Decoctum post suppurationem, i vergente  
pure ad Hepar, magis aperiens,  
detersivum.*

R. Lychnidis saponariæ majoris manipu-  
los duos  
Endiviæ recentis manipulos quatuor  
Foliorum cichorei sylvestris manipu-  
los tres

Cum aqua decoctas et expressas pintas  
tres exhibe.

Bibat omni bihorio uncias duas.

## A P H O R. 866.

*Vapor.*

Vid. 858.

*Mixtura aperiens, resolvens.*

R. Oxymellis simplicis uncias tres

Syripi quinque radicum aperientium  
uncias duas

Decocti hederæ terrestris uncias de-  
cem.

Nitri puri dracmam unam.

Misce. Bibat unciam unam omni hora.

*Pulvis leniter, sputo suppresso, resolvens,  
antipyreticus.*

R. Laudani puri grana duo.

Florum sulphuris

Spermatis Ceti

Stibii diaphoretici non abluti , singulo-  
rum drachmam unam.

Misce. Fiat Pulvis tenuis , divide in duode-  
cim partes æquales.

Capiat unam omni trihorio cum uncia una  
vel altera Mixturæ præcedentis.

*Vel.*

R. Florum sulphuris drachmas duas.

Olibani scrupulum unum

Spermatis ceti drachmam semis

Stibii diaphoretici non abluti drach-  
mam unam.

Misce fiat Pulvis , divide in duodecim  
doses.

Summat unam omni hora cum uncia una  
Mixturæ prioris.

*Linctus valde emolliens, et lubricans, ad sputa suppressa.*

R. Olei amygdalarum dulcium recenter  
pressarum unciam unam, et semis.  
Syrupi violarum  
Mellis virginis  
Vitelli Ovi recentis singulorum unciam  
semis  
Misce accurate.  
Lingat unciam semis omni hora, donec  
sputa redeant.

## PERIPNEUMONIA NOTHA.

867  Quæ Peripneumonia hyeme à frigore, verno tempore à calore superveniente multoties accidit, oriri solet ex pituita lenta (a) in toto sanguine nata ex

(a) De peripneumonia ab inflammatoria sanguinis spissitudine in præcedentibus actum fuit. Facile autem patet sanguinem lenta et frigida pituita grabatum pariter immeabilem reddi pose et hærere in vasorum pulmonalium angustiis: nasceret ergo peripneumoniæ inflammatoriæ simile malum; re vera tamen causa, symptomatis, methodo, eventu . . diversum. Sidenhamus fere solus de hoc morbo benè scripsit. Veteres Medici sub titulo catarrhi aut et pituitæ pulmonem occupantis quædam habent quæ utcumque

causis recensisitis olim (69. 72.) et sensim pulmones infarciente , donec in pessimum hunc , et improviso sæpe letalem morbum eat.

868 Ubi paululum adolevit id malum, produxit jam in toto corpore effectus plurimos (71. 72. 73.), tumque præterea eos, qui peripneumoniae lentæ proprii (825.826.) unde malum curatu difficillimum.

869 Nam missio sanguinis , eousque celebrata , ut in hoc morbo requiritur

huc referri possunt. Morbus iste verno tempore frequenter observatur et hoc solo pessimo et sophistico morbo non saluberrimum prædicari , sed infame notari ver merito posset. Nihilominus tempestas ista sua natura optima. Galenus pulchre explicat cur Hipp. plurimos morbos verno tempore oriundos recenseat licet ver saluberrimum et minime exitiale pronunciasset. Notat enim Galenus ver saluberrima servare illa corpora , quæ probis humoribus sunt prædicta , neque ex sua natura aliquid innovare in corporibus , quod de reliquis anni tempestatibus dici nequit , cum etiam in puris corporibus Æstas flavam bilem exasperet, Autumnus atræ bili generandæ faveat , Hyems puitam colligat. Veris autem efficaciam in corpus comparavit corporis exercitationibus , quæ ex sua natura saluberrimæ quidem sunt , interim tamen in cacoehymicis corporibus , uti et in plethoricis plurima mala producere possunt dum per illa movetur subito collecta saburra , vel plenis nimis vasis bono sanguine imprudenter augetur humorum per vasa motus.

(854.) nocet (*a*) admodum ob debiliora viscera , nimisque aliena humida lenta; hinc primo juvare visa ; mox mala auget.

870 Attenuantia (*b*) autem adeo hic famigerata , dum impetum in vasa pulmonalia augent , densitatem , impactumque obstruentis sæpe augent , simulque morbum cito reddunt letalem.

871 Morbus ille senibus , pituitosis, frigidis , catarrhosis , gravedine laborantibus frequens , sequi solet omnes causas, quæ stagnantia cito movendo in pulmones agunt , ut cursus , declamatio , cantus, ebrietas (*c*) in primis à valide calefacientibus,

(*a*) Obtinet hic morbus fere tantum in talibus corporibus quæ et viscera debilia habent et humores in morbosum lentorem pituitosum degenerantes. Levat ergo quidem venæ sectio pectoris angustiam atque hinc primo juvare videtur ; interim tamen larga niunis vel sæpius repetita lentorem pituitosum peripneumoniæ nothæ causam materialem auget , adeoque nocet. Si vero viscera non admodum debilia sint venæ sectio modica proderit. (Vid. infra Aph. 873.)

(*b*) Damnantur hic attenuantia valida v. gr. piper , zingiber , spiritus anisi , levisticī . . iisque similia quibus obstruens illud pituitosum adigeretur in majores vasorum angustias , vasa obstructa magis distendentur , vicina adhuc libera comprimento angustabunt , adeoque omnia mala augebuntur.

(*c*) Spiritus ardentes immoderate sumpti solidamentrantes , fluida corruptunt ; itaque pessima ma-

comessatio , calor foci , balnei , solis , maxime si æstum hinc natum subito frigus ingens exceperit.

872 Primo fallaci lenitate opprimit nec opinantes : quippe levi fatigatione , debilitate , prostrato omni fere animi motu , anhelitu , oppressione pectoris incipiens , adeo leves motus excitat , ut vix caloris , febrive indicia moneant periculi : mox vagæ horripilationes , leviusculi febris insultus adsunt ; unde subito (a) crescente anhelitu et debilitate mors ; cujus in urina et pulsu vix ullum adfuit præsagium.

la instar veneni acerrimi quantumvis lenti faciunt. Medici ista noscentes frugales sunt , abstemii , et in horum usu temperantissimi. Ita possunt sibi creditos admonere , et ista in refractarios addere: animadversio modica , et impar est peripneumonia anceps in istos potatores avidos , atque bibones ebriosos , qui abominantur à Deo , despiciuntur ab Angelis , deridentur ab Hominibus , destituuntur à virtutibus , confunduntur à Dæmonibus , conculan-  
tur ab omnibus , ut divus Augustinus verè , piè , et energice pronunciat in libro de Pænitentia. Consulent ipsi Medici christiani ut serio dum resipiscunt legant Homiliam Sancti Basilii Magni in ebrietatem atque luxum. Sed verendum ne ista surdis , etiam litteratis , narretur fabula. Vid. Joan. Allen Synops. Med. pract. Art. 3137. *Venena destillata.*

(a) Maximam morbus iste subdolus fallaxque attentionem exigit ne inopinanter pessumdetur corpus etsi caducum alias ; et perdatur etiam heu! ipsa immortalis , et imparata ANIMA! Lynx esto : alias contremisce Medice christiane!

873 Curatur hac methodo cautissima:  
 1. mittatur sanguis ex largo (*a*) vulnera. 2.  
 mox eluatur alvus clysmate, quod repeta-  
 tur quotidie, donec signa docuerint levari  
 pulmonem. 3. utatur victu tenuissimo ju-  
 ris carnium, in primis cum levi acido, po-  
 tu tenui ex aqua et melle. 4. vapores, suf-  
 fitusque descripti (866.), decocta diluen-  
 tia, abstergentia, lenissime aperientia as-  
 siduè potanda, adhibeantur; simulque

(*a*) Simulac anhelitus, et pectoris oppressio  
 percepta ab ægris docuerint, pulmonem infar-  
 ciri, venæ-sectio est instituenda. Ita enim mi-  
 nuetur moles liquidi movendi per pulmones, una  
 cum educto sanguine tolletur pars pituitosi, quod  
 cum sanguine per venas fluit, minuetur motus  
 febris, si adsit, à quo metuenda est major im-  
 pactio lentæ pituitæ in angustias arteriæ pulmo-  
 nalis, simulque depletis vasis spatium fiet com-  
 modum diluentibus, et attenuantibus remediis.  
 Verum quidem est subducto sanguine augeri  
 causam remotam hujus morbi; sed illæ noxæ, quæ  
 sanguinis hanc jacturam sequentur postea etiam  
 emendari poterunt si pulmo fuerit levatus: vitæ  
 autem imminens periculum dum pulmo oppleri in-  
 cipit cogit ut hoc remedium adhibeatur. Ex lar-  
 go autem vulnera sanguis emittitur ne pituita  
 gravatus ipse sanguis, hincque lentescens par-  
 vum vulnus obstruat. Remedium istud licet à Sy-  
 denhamo alternis diebus præscribatur, alta mente  
 tenendum, quod Aph. 369. prudentissime mone-  
 tur. Hæc peripneumonia est catarrhalis Sauva-  
 gesii, et pituitosa Foresti. Lenissima apperientia  
 præ attenuantibus (870.) utilia censemur.

balnea crurum , pedumque , et larga vesi-  
cantia. (a)

874 Ex his omnibus (820. ad 874) ratio datur , cur pueris hic morbus , fœmi-  
nisque rarer? ut et iis , qui laxæ sunt  
structuræ quoad solidorum fabricam cur  
vix accidat? Cur in his facile , et fere  
sponte , sanetur? contra in robustis exer-  
citatisque corporibus? ex iisdem pariter li-  
quet , hunc morbum fere fieri ex omni alio  
prægresso , antequam ex eo moriatur æger:  
adeoque proximam mortis causam , et ul-  
timum ferme (b) omnium letalium morbo-  
rum effectum esse Peripneumoniam.

(a) Ista cruribus et femoribus applicata mul-  
tum prodesse possunt. Notabile admodum est van-  
Swietenium ista vesicantia larga pectori ipsi non  
applicare , cum revera utilissima , atque præstan-  
tior sit ista parti dolenti proximior applicatio  
pituitæ lentorem pulmonem grabantis efficaciter  
dissolvens. Num ad istum effectum consequendum  
in ista peripneumonia notha et pessima ; ut et in  
catarrhosa pleuritide aliis omnibus solventibus  
præferenda pectoris inunctio mercuriali unguen-  
to , vel mercurii dulcis intro-susceptione juxta  
methodum propositam , atque observationibus  
sedulo videndis confirmata à Comite Roncalli  
Patolino Brixiano Medico? (*Terapeia pulmonariæ  
affectionis.* pag. 47 ) Hoe prudentioribus exa-  
minandum et decernendum relinquimus.

(b) Lucta illa , quæ in moribundis appareat  
et intolerabilis anxietas peripneumoniam istam  
declarant. Licet ergo concludere peripneumoniam

## APHOR. 873. Num. 2.

*Clysmā hic esto hocce.*

R. Mellis uncias tres  
 Nitri drachmam unam  
 Vitelli ovorum numero unum  
 Aquæ decoctæ hordei uncias octo.  
 Fiat secundum artem clysmā.

## APHOR. 873. Num. 4.

*Decoctum diluens, abstergens, lenissime  
 aperiens.*

R. Radicis Fœniculi uncias duas.  
 Graminis uncias quatuor  
 Foliorum Parietariæ, et Agrim. singu-  
 lorum manipulum unum et semis.  
 Seminis contusi papaveris albi unciam  
 unam.

Glycirrhizæ unciam unam et semis.  
 Cum aqua decoctas spatio quartæ partis ho-  
 ræ pintas duas, et semis : Exhibe.  
 Capiat uncias duas omni bihorio.

fieri ex omni fere alio prægresso morbo antequam  
 ex eo moriatur homo. Si enim excipientur illi  
 casus ubi uno momento, corde quasi paralytico  
 reddito, vita cessat, in perfecta syncope à vali-  
 dissimis animi affectibus, profusissimis et subi-  
 tiassimis evacuationibus, summo senio, &c. sem-  
 per mortem præcedit lucta ista, communis ma-  
 xime ad mortem via, et ipsa morte longe pejor.

**P** 875 **L** pleuritis dicitur adesse, quando æger laborat acuta, continua febre (564. 567.), cum pulsu duro; dolore (b) acuto, punctorio, inflammatorio (382. N. 3.),

(a) Sauvagesius Clase III. Ordine II. Genere XIII. *Pleuritis.* Species: vera, dorsalis, mediastini, pericardii, traumatica (à gravi costarum, sternive fractura, pectoris, dorsive vulnere, contusione orta) biliosa, verminosa, putrida, catarrhalis, erysipelatosa, hepatica, convulsiva, periodica, hydrothoracica, pestilens, lactea, polonica, febricosa (à veneno febris tertianæ), miliaris.

Cullenius Clase I. Ordine II. Genere XI. *pneumonia pleuritis.* Species: dorsalis, mediastina, pleurodyne (*pleuritis spuria*) paraphrenesis, diaphragmatica.

(b) Definitur hic pleuritis ex collectione illorum phœnomenon, quæ hunc morbum comitantur, et quorum præsentia unanimi Medicorum consensu docet hunc morbum adesse. Distinguenda sedulo pleuritis à doloribus laterum.

Hippocrates in eodem Aphorismo (III. 23.) pleuritidum, dolorum laterum, et pectoris mentionem facit. Cursus, lucta, onus.. magnas musculorum, intercostalium præsertim, distracciones, et sic dolores producunt. Perfrigeratio, materia cruda, vermes, flatus, hysterismus, hypochondriasis, et quandoque impuritates ipsæ ventris. dolores istos, licet non admodum pungentes, variè curandos, producunt. In his certè venæ-

in inspiratu valide aucto , in expiratu vel animæ retentione leniori , mitiori pariter , ubi respiratio , immoto thorace , maxime ope abdominis fit ; tussi fere perpetua , dolorem magnum inferente , hinc suffocata .

876 Quoties una cum his symptomatis bus sputa ex pulmone symptomatica prodeunt ; dicitur *humida* ; (a) quando hæc absunt , *sicca* vocatur .

877 Nulla est pars integumentorum interni thoracis , quam non aggreditur : tota ergo pleura , (b) totamque mediastinum ,

sectio laedit . Dolor vere pleuriticus punctorius . . est . Levamen , quod ægri præ doloris hujus acerbitate inspirationem truncando intendunt , infidum est ; in peripneumoniam enim transeunt . Aliquod auxilium à lata fascia thoracem modice constringente , expectandum , de quo postea . (Aph. 906.) Hæc pleuritidis phænomena ab eadem causa nasci debent : si enim lateris dolor à distractione partium post validos nixus ; tussis à catarrho : febris acuta à contagio quovis epidemico . . proveniant seorsim , non tunc aderit pleuritis .

(a) Divisio utilis . Pleuritis humida pro angina bronchiali etiam sumitur . Vid . APPENDIX .

(b) Pars affecta in pleuritide est pleura , contigua ipsi pinguedinosa tunica , et musculi incumbentes . Pulmo in pleuritide quidem afficitur ob impeditam respirationem , atque inflammari sic potest : interim tamen pulmonis inflammatio à pleuritide distincta censenda . Latera in primis hoc morbo obsidentur dextrum vel sinistrum ; gravius in isto quam in illo : pleuritides enim etiam sunt licet alibi locentur , quod notari dignum , quia

hinc anterior , posterior , dextra , sinistra , superior , inferior , exterior , profundior pars æque obsidetur hoc malo : sed in primis latera.

878 Ubi autem ipsa membrana costas interne succingens doloris sedes , aut pars illa muscularum intercostalium internorum , *vera* ; si autem altius intercostales musculi , externi in primis , vel et his superiora laborant , *spuria* appellatur.

879 Adultos , sanguineos , lautius potos , pastosve , exercitatos valde , acidum raro eructantes (a) , in morbos inflammatorios vergentes ; verno tempore , maxime subito æstuante post acre gelu coelo ; aut hyperno in acerrime frigido vento ; infestat primario : tumque vocatur *idiopathica*.

880 At ex materie prægressi inflammatorii morbi mota , et in loca descripta (877. 878.) delata , exorta *symptomatica* dicitur.

minus periti non suspicantur pleuritidem adesse nisi dolor latus occupet. Pleuritidem in dorso observavit jam et descripsit Hipp. (Lib. III. de morb. cap. XV.)

(a) E contrario : qui acidum eructant non admodum pleuritici fiunt ex Hippocrate (VI. Aphorism. 33.) Isti enim vasa debilia habent , sanguinemque tenuem et fluidum , nec facilem inflammari , ut advertit Daniel Trillerus in commentatione de *Pleuritide* lectu dignissima (pag. 3. Aphorism. 15. et pag. 10. cap. I. num. 14.)

881 Pro causa antecedente habet: 1. omne id, quod inflammationi generandæ cuicunque aptum (375 ad 380). 2. id, quod hanc causam generalem determinat in pleuram præcipue, quo pertinent maxime, natura ægri, intercostales arteriolas angustiores, magisque duras, habentis; morbus præcedens, qui reliquit dispositionem eadem proferentem, ut est scirrhus pleuræ, callus, pulmo adnatus, &c. natura epidemici morbi prædominantis; aër frigidus, per angustas rimas (a) violente ac-

(a) Per talem aeris motum difflatur aer jam calescens à vicinia corporis, et omni momento applicatur aer frigidus, et hinc augetur frigoris sensus, et effectus. Majus adhuc est discrimen à potu gelido quam aere frigido, numquam enim pleuritides magis sævæ et citius letales videntur quam à potu gelido affatim hausto æstuante corpore. Facile intelligitur ratio. Sanguis de sanissimi hominis vena incisa in aquam frigidam extillans concrescit illico in strias fere solidas: verum dum affatim gelidus potus ingurgitatur, œsophagus in suo decursu truncis intercostalium arteriarum quarundam satis propinquus, eo repletur, dein totus ventriculus potu frigido distentus adiacenti diaphragmati, hepati, lieni, &c. subitum et insolitum frigus communicat: cavæ ascendentis truncus, ingens sinus dexter cordis, tenui tendinosæ parti diaphragmatis incumbens, sim iliter afficiuntur, sanguis ibi collectus ad concretionem disponitur, qui paulo post per pulmonis angustias transire debebit. Non mirum ergo toties letalem subito pleuritidem, et peripneumoniam à

tus in nudatum corpus, ex labore vel igne prius valde aestuans; potus gelidus subito, magno haustu ingestus in corpore simili; aer hyemali tempore borealis gelidissimus.

3. *metaprosis* materiae inflammatoriæ (*a*) ichorosæ, suppuratoriæ, prius in toto, vel in aliqua parte, prædominantis, et dein quacunque causa huc depositæ, ut in morbillis, variolis, tumoribus ulcerosis, ulceribus magnis, latis, subito evanescentibus, absorpta venis materie.

882 Historia hæc (875. ad 882.), cursus mox exponendus (883. ad 907), dissectio cadaverum pleuriticorum clare docent, eam esse inflammationem sanguineam (371.) in arteriolis locorum descrip- torum (877. 878.), ortam plerumque ex febre acuta præcedente.

883 Inde (881. 882.) perspicue deducit malo historia: incipit cum appetitu ciborum sæpe magno; (*b*) frigore; horrore; debilitate; lassitudine; febre; procedit

tali causa nasci, ut et similia in visceribus ventriculo adjacentibus mala. Augetur periculum, quod per validos corporis motus, sudore excitato, liquidissima sanguinis pars diffusa fuerit, et quod aqua frigida, similiaque non tam cito à calore corporis nostri incalescant quam aer. Demonstravit enim Boerh. (Chem. tom. I. pag. 201.) eo citius calescere ab eodem igne corpus, quo rarius est.

(*a*) Rheumaticæ, arthriticæ, biliosæ.

(*b*) Hoc primum symptoma difficile explicatur.

cum calore , sensim in æstum excrescente; siti ; prostrato appetitu omni ; dolore (a) ab initio in acerbissimum tendente ; respiratio ne valde læsa : vigeat cum febre violenta, sed minus manifesta ob respirationem coactam , et præ sensu doloris summi suffocatam , unde sæpe turpiter fallitur Me-

(a) Dolor molestissimus perniciosa producit; ipso certè valde læditur respiratio ; debent enim in inspiratione costæ à se mutuo diduci , adeoque inflamatæ illæ partes distrahuntur cum summo doloris augmento. Ob hanc causam miseri ægri vix inspirant , adeoque vix dilatant pulmonem, unde cor dextrum se libere evacuare nequit: sanguis ergo à capite per venas jugulares redux, non poterit locum invenire in sinu et auricula dextris jam plenis : hinc interiora encephali à turgidis vasis comprimuntur , ægri tales torpidi , et hebetes fiunt , et minus dolorem sentiunt : pulmo sensim magis , magisque impletur , et sæpe subito suffocantur dum imperiti, ægri querelis non moniti amplius, morbum mitescere credunt cum sumnum adest periculum. Natura loci quem pleuritis occupat attentionem meretur. Quo plura ex locis (877. 878.) enumeratis occupat pleuritis peior est. Nusquam dolor acerbior quam dum latera occupat , et ideo ista periculosior. In physiologicis (§. 615.) demonstratum est quod prima costa per subclavium musculum fixata novem sequentes inspirationis tempore eleventur sursum et vertantur extrorsum : ita tamen ut ille motus longe major observetur in mediis costarum arcibus quam circa sternum , aut prope vertebrales. Igitur et pleuritis occupans latera, cæteris paribus , maximum dolorem faciet.

dicus: inde desinit in varios eventus, pendentes ex pluribus causis, sed in primis à diversitate mutationum inflammationis (386. ad 393. 492. ad 500.), natura loci ubi malum est (877. 878.), et consideratione harum circumstantiarum: prout partes plures (877. 878.), affectæ simul; prout impetus circulantis liquidi violentior (92. ad 102.); aut major malignitas ipsius morbi principis (564. 567.), eo symptomata cuncta pejora; in primis respirationis et pulsus vitia magis à naturalibus recedentia, ut et excretorum.

884 Exit in sanationem, alios morbos, vel in mortem.

885 In sanationem ope naturæ, vel artis in initio, dum simplex adhuc morbus.

886 Sanatur auxilio naturæ, vel resolutione benigna, vel coctione et excretione mali.

887 Resolutione, si contingunt simul causæ (386. 401.); tumque benignitas symptomatum nihil agendum döbet, nisi ut levi yictu, blandissimis aperientibus, mollissimo fotu, malum levetur.

888 Coctione et excretione causæ sanatur; in primis observatis hisce: I. quoties hæmorrohides (a) debita copia liquidum

(a) Evacuatio ista maxime proderit in pleurite ab ista suppressa procedente; alias neque

aptum oportuno tempore fundunt; 2. quoties urina copiosa, crassa, hypostatica, stranguriosa, subrubra cum albo sedimento fluxit cum levamine malorum ante quartum diem<sup>1</sup>, qualis et siccum sanavit; 3. si alvus materiem flavam biliosam ante quartum diem copiosam cum levamine ejecerit: 4. si abscessus ichorosi, purulentii, fistulosi, diu manantes, ante sextum diem incepiti, post aures, vel ad crura, prodierunt (juxta 837. ad 843.) ; 5. dolor lateris si transit ad humerum, manum, dorsum, cum stupore, dolore, gravitate illarum partium, 6. si sputum (*a*) ex parte liberale,

ista, neque quæ fit per nares regulariter sufficiunt. Urina ut in textu proponitur laudabilis. Biliosa excretio per alvum aliquando in principio salutaris, si respiratio conquiescit, mens recte se habet, febres minuuntur, cibos appetunt ex Aretæo, alias talis diarrhoea symptomatica, periculosa, et plenumque letalis observatur. Metastases in pleurite frequenter bonæ. Hipp. post venæ-sectiones fomenta tepentia extrinsecus admovebat, ut morbus per totum corpus dispergatur (lib. I. de morbis. Cap. 11.) Quæ sursum versus humerum, scapulas . . . fit valde laudatur à van-Swiet. atque Trillero; observata mutatione ista circa sextum morbi diem.

(a) Sputa in isto morbo sunt maxime consideranda. Captu tamen difficile fuit visum multis quomodo per sputa ex pulmone prodeuntia exire posset morbi materia, quæ lateribus impacta hæserat nisi pulmo simul affectus esset. Observata multa

levans sine coryza , copiosum , mox puriforme , album statim , vel ante diem quartum , continuatum , vel à suppressione statim redeuns , inde enim nono vel undecimo die salus .

889 Ubi signa accurate observata docent , statum pleuritidis (875.) adesse modo descriptum (888.) , tum Medico nihil mutandum , sed omnia continuanda incumbunt . Ergo neque venæ sectio , neque evacuacio , vel mutatio alia instituenda . I. victu molli , tenui ; animi , corporisque quiete ; aëre temperato , calido , et humido ; somno spontaneo , vel lenibus conciliato ; medicamentis mollibus , tenuibus ,

docent pulmonem contiguos sibi humores imbibere , illosque dein tussi rejicere . Mulsas in thoracis cavum injecta ex pulmone expuitur ex Galeno . Injectiones abstergentes amarae post institutam thoracis paracentesim injectæ similem saporem produxere , et bona quoque pars per sputa rejecta . Præterea notum est pleuræ propaginem investire superficiem externam , et internam pulmonis . An ergo continuitate quasi membranae pleuræ , mobilis jam redditâ materia morbi in pulmonis bronchia venire potest ? An contiguus lateribus pulmo concretus sæpe , et inventus post pleuritidem illam in se recipit ?

Lancisius demonstravit ex omnibus locis , quæ pleuritis occupat materiam morbi venire in tracheam , et per sputa excerni per venam azygam seu sine pari . Ista vena ex illis partibus affectis enascitur truncus venæ azygæ cum aspera arteria necti-

levissime aperientibus ; utendum. 2. deinde evacuationi cuilibet singulari proficien-  
ti providendum : ergo in statu (888. N. 1.)  
anus fovendus molli , laxante , aperiente  
fotu ; aut , si minus sic processerit , hiru-  
dinum applicatarum suctu. Si (888. N. 2.)  
observatur ; statim fomenta similia renibus,  
perinæo , hypogastrio apponenda ; lenia  
diuretica aperientia danda ; aër paulo mi-  
nus calidus curandus ; sudor , et aliæ eva-  
cuationes vitandæ ; blanda clysmata diu-  
retica prosunt. In casu vero (888.) N. 3.),  
similia fomenta emollientia toti obvolven-  
da abdomini ; clysmata laxantia injicienda  
alvo ; victus laxans instituendus : ubi de-

tur per validas fibras , et minuta vasa quæ ad in-  
ternam tracheæ faciem usque penetrant ; per quæ  
vasa pleuritidis causa materialis iam cocta et mo-  
bilis redditæ in tracheam , et excitata tussi per spu-  
ta educetur. Demonstravit subinde meatus longe  
numeriosores et magis patulos aperiri in tracheam  
ex vena azyga , quam ex cavæ venæ vicina parte  
pariter asperæ arteriæ ibi adhærenti. Poterit etiam  
materies ista ex vena sine pari in cavam venire  
hinc in cor dextrum ; et dein in pulmonem pulsâ  
invenire viam per vasa aerea pulmonis : iste ta-  
men transitus ex azyga in cavam non est valde  
facilis ob repletionem cavæ , ob aperturam istius  
dimidium sphincterem referentis . . . Lancisius  
vidit in cadaveribus illorum , qui ex sæva pleuri-  
tide in peripneumoniam , et septi inflammationem  
abeunte perierunt , ramos venæ azygæ illius late-  
ris , quo ægri primum doluerant varicosos fuisse.

nuo quartus status (888. N. 4.) adest prævisus (838.), et simul locus (839. 840. 841.) innotuit, tum utendum memoratis (859. 860. 861.), et apertura facta suppurratoriis locum aliquamdiu apertum tenentibus: deinde in casu (888. N. 5.), præter communia, partes, in quas dolor migrat, fovendæ mollibus, calidisque, fricandæ leniter; stimulandæ emplastris parumper attrahentibus. Denique in ultimo dato (888. N. 6.) tota res eadem ac in peripneumonia bona, adeoque omnia huc repetenda ex (850. 851.) et agenda.

890 Arte autem, sine alio morbo, sanatur pleuritis hac in primis methodo: si pleuritis (875.) recens ante tertium diem finitum, magna ex symptomatibus validis (875. 883.) sicca (876.) in robusto, exercitato, sicco corpore, sine spe, vel præsentia (887. 888.); tum i. cita, larga, accelerato fluxu celeris, ex magno vase, per magnum vulnus, missio sanguinis (a) insti-

(a) Evacuatio ista in miti pleuritide, in qua sputa mox puriformia, alba, et etiam flava cum paucō sanguine admisto apparent, exercenda non est. Hipp. in lib. de Humoribus ait: *impedimentum (venæ sectionis) in spuentibus cruenta, anni tempus, pleuritis, bilis.* Per cruenta sputa sanguinetincta, et per pleuritidem levem istam intellexit, ni mavis per cruenta intelligi sputa illa, quæ dum rumpitur abscessus ejiciuntur. Attentione dignum est Duretum (In Coac. L. 2. C. 16. Sect. 9.) asse-

tuenda , corpore quiescente , supino , et respiratione , dum fluit , tussi , suspiriisque accelerata , loco affecto eodem tempore foto , et leniter perficto ; debet continuari in remissionem satis notabilem doloris , vel ad prima signa deliquii animi ; debet repeti ex consideratione redeuntium denuo symptomatum , ad quæ tollenda prima instituta fuit ; crusta (384.) absens finem

rere se non sine moerore aliquoties vidiisse sanguinis missione tunc instituta à pragmaticis vulgaribus rei calamitosis publicæ atque funestis , suppressa hæc sputa fuisse letali cum eventu . Prohdolor ! Idem et suis observatis confirmat Bagliuрус (Prax. Med. lib. I. cap. 9.)

Missio sanguinis ut in Aphorismo dicitur exercenda . Tenella ætas , senium , . graviditas , puerpera menstruans .. pleuritide correpta venæ sectiones admittunt , prout necesse fuerit , repetitas , et quamvis in morbi principio factæ præstant , adulto etiam morbo si necessitas expostulet exercendæ . Hipp. Anaxioni octavo die sanguinem mis- sit . Trillerus ineunte die nono dum suffocationis periculum ingruebat denuo ex pede sex , septemve uncias sanguinis emissit , sicque ægrum ex ipsis orci fauibus , ipso ita asseverante , eripuit . Circa sanguinis quantitatem educendam attendendum est prudentissimum Sydenhamum asserere pleuritidem confirmatam in adultis raro minori quam quadraginta circiter unciarum sanguinis impensa sanari . De crusta alba in sanguinis superficie apparente variæ sunt opiniones circa hujus pellis generationem , et an tantum producatur satis libero flumine de vena secta prosiliente . Signa ex ip-

definit. 2. statim adhibenda fomenta, balnea, tepefactoria, linimenta, emplastra, quæ laxando, resolvendo, mitificando,

sius absentia vel presentia desumpta non satis explorata. Hæc certiora dessumuntur ex acerbitate vel remissione doloris, respirationis libertate, et reliquorum symptomatum, ægrotantisque viribus. Tamen licet debilitas adsit si omnia symptomata circa id tempus valde recruduerint nullum fortè aliud auxilium superest, quam de novo sanguinem mittere.

Trillerus in pleuritide desperata fervidissimam aquam affusit pedibus, in utrisque lanceola vulnus amplum infligebatur, itaque satis larga copia sanguinis exeunte non tantum veluti revixit æger semimortuus jam; sed et felicissime postea fuit sanatus (De Pleuritide pag. 68.) Observantur pleuritides, quibus nocet venæ-sectio. Hæ sunt pleuritides biliosæ, ut plurimum febre epidemica biliosa dominante frequenter occurrentes, quibus vomitorium prudenter administratum proderit. Hæ sunt pleuritides symptomaticæ.

Acerreme fuit olim disputatum an in pleuritide vena secunda esset in brachio affecti lateris, an in opposito. Sententia quæ venæ sectionem in brachio lateris affecti suadet tutissima est. Vesalius in epistola ad Nicolaum Florenati CAROLI V. archiatrum, ait: publico edicto in Hispania mendibus venæ-sectionem è directo affecti lateris vase interdictam fuisse: remque istam ad Ill. Hispaniæ Senatum et ad Cæsaream etiam Majestatem delatam esse (pag. 51. 2. 3.) sed hoc est infidum asertum. Michael de Ledesma Valentinus contrarium docuit; ipsumque Vesalium hac in re reprehendit in suo de pleuritide commentario-

avertendo , prodesse queant. Vid. (395. N. 3. 398. N. 6.) 3. tum ea medicamenta danda , quæ diluant , resolvant , laxent , mitigent , refrigerent , dolorem leniant , aut sopiant : quæ calida , humida , magna copia , sorpta , et ad locum affectum determinata , juvant , et pro mutatis phænomenis varia assumenda sunt , semper curando , ut eligantur illa , quæ putredini adversissima. (a) 4. victu tenui , molli , refrigerante , antiphlogistico est opus. 5. denique omne exsiccans , calefaciens , impetum augens , vitandum ; ut calor aëris , solis , focci , lecti , victus , medelæ.

891 Quæ ipsa (890.) quamdiu continuanda , vel repetenda sint , docet morbi pertinacia , remissio , atque in sanationem (888.) mutatio.

892 Abit in alios morbos dum 1. suppuratur locus inflammatus , quod futurum scimus a ex signis generalibus (387. 402.)

lo pag. 25. Hyeronimus Ximenezius Cæsaraugustanus horum cœvus hæc ait : *Ergo et pleuriticis , quæ è directo laborantis lateris sanguinis missio adhibetur evidentissimam sæpe utilitatem attulit , quæ vero ex alterius brachii adversi vena aut plane obscuram , aut certe non nisi longo post temporis intervallo. Recte et eloquenter.* (Lib. IV. Institut. medicar. cap XXV. pag. 433.)

(a) Horum loco Max. Stollius vult emollientissima eligenda esse.

*b* ex pertinacia doloris , tussis , febris , ultra quartum (*a*) diem. *c* absentia signorum resolutionis (887.) , et sanationis (888.) *d* neglectu medelæ requisitæ (890.)

893. Ipsum vero apostema iam fieri, scitur ex signis communibus (405.) , maxime hic ex horrore (*b*) sæpe recurrente sine causa , et signis datis (834. 835.) in peripneumonia , et tempore morbi : inde et factum

(*a*) An post undecimum? Vid. Aph. 855.

(*b*) Celebres in arte viri Mortonus , et Baglivus observaverunt quod dum pleura inflammata, aut pulmonum tubercula in apostema abeunt, tunc febrem prius continuam excipi ab intermitente quotidiana ; sæpius quandoque et tertiana.

Apud Hippocratem simile quid invenitur dum dixit (Coac. Prænot. N. 419.) febres intermitentes ob suppurationem pleræque sudorificæ sunt. Ubi notandum quod et in præcedentibus , et mox sequentibus coacis præceptis de pleuritide , et peripneumonia agatur , et quod suppurationibus internis laborantes ægri admodum in sudores nocturnos in primis proni sint.

Suppuratio ista frequenter in pleura pulmoni accreta contingit. In cadavere hominis cuius morbum non noveram (inquit hic van-Swieten.) cum à vespillone furtim ablatum redemisset in usus anatomicos , inveni pulmonem sinistrum firmiter accretum pleuræ lata admodum plaga : dum scalpelo solvebam hanc cohæsionem , ut pulmonem educere possem , ingens copia puris effluxit non à pulmone purulento , sed à sacco ex suppurata pleuritide nato cui pulmo accreverat. Imitatione dignissima diligentia !

cognoscitur, (a) et quandoque sputo per pulmonem evacuatur.

894 Abscessus vero ille pure proprio rumpitur, unde pus stillat in cava pectoris, (b) ulcus novo pure facto et accumulato totum cavum replet, totum corpus consumit; id factum noscitur ex prægressis signis (892. 893.) duratione mali usque in decimum quartum diem; (c) symptomatum subita remissione, et repentina reditu: inde Phthisis. (d)

(a) Stollius omittit verba ista ultima, quorum loco hæc addit:

„Febre enim quatuordecimo morbi die non „dum penitus profligata, sed tamen plurimum „mitigata, dolore non acuto, sed obtuso; ex- „cerbationibus febrilibus mox insurgentibus post „pastum, vesperi; sudore autem nocturno, co- „pioso, ad paucas horas ferme iterum mane eva- „nidis, gena utraque vel alterutra à meridie „rosea; siti assidua; calore generum, frontis, „vel ad volas majori, suppuratum locum antea „inflammatum constat.

„His præsentibus suppuratus locus adhuc „conclusus est; at vero paulo post dolor acerbis- „simus circa diem vigesimum oritur de novo, „falso pro nova pleuritide habitus. Membranæ „tunc distractæ, tensæ, ruptioni proximæ acutè „dolent.”

(b) Dolore quidem sublate; sed respiratione magis læsa.

(c) Vigesimum diem, ex Stollio.

(d) „Febris enim increscit purulenta, quotidiaria, vespertina, semitertiana, quartana re-

895 Ubi ergo per signa (892. 893.) novimus inflammatum abscedere, locus ante dolens notus per caustica erodendus, usque circiter ad pleuram incidendus (*a*), suppuratoriis apertus servandus, ut materies extrorsum versa vi pulmonum à pleura caveat, ne fiat empyema: dein emolliendus, donec mundatio facta sit.

896 At vero si constat per signa (302. 894.) jam rupto apostemate pus formasse

„mittens; decubitus supinus, aut semisupinus,  
 „in latus affectum difficillimus, suffocans in  
 „latus sanum; lateris affecti totius calor major,  
 „intumescentia levis, ad attactum dolorifica,  
 „mamma illius lateris major, subinflammata,  
 „subœdematosa, purpurascens, variegata; tuis-  
 sis sicca, respiratio profundior solo ferme sano  
 „latere peracta, costis lateris affecti vix diduc-  
 „tis, aut elatis, thorace quoque anteriore, qua-  
 „is locum affectum spectat, vix moto, vix subla-  
 „to; in sessione scapula ægroti lateris magis  
 „depressa, et spina dorsi curvata, in latus sa-  
 „num gibbosa; sonus percussi thoracis, aut dor-  
 „si infra scapulan, inspiratione magna antea  
 „facta, in latere affecto nullus, aut qualis per-  
 „cussi femoris esse solet.” Hæc addit hic Stol-  
 lius oportune quidem.

(a) Raro certè hoc à Medicis hodie fit, et non omnes ægri tales cautelam admittere vellent; interim tamen tentari hoc meretur ut pectoris empyema adeo periculosum caveatur. Hipp. in simili casu hanc curam instituisse constat (lib. II. de Morb. cap. 22.) Erosio per caustica ientior, operosior, et ineptior: ideo inusitator.

empyema , illico Thorax aperiendus (*a*) (303.N. 5.), pus educendum (303.), vulnus percurandum (304.) victu , et medicamentis.

897 In alium quoque morbum abit, scirrhoso , callosove facto loco affecto, tum etiam pulmone pleuræ jam adnato; quæ ubi facta , oritur asthma , dyspnœa, tussicula sicca , in primis à pastu vel motu corporis ; ex quibus cognoscitur , si præsentia sunt sine signis abscessus (893.), vel empyematis (896.), et in primis si diu, sine magno mali incremento durant. (*b*)

898 Cognitum hoc malum (897.) vel nullo remedio medicabile ; vel tolletur vita duriore , labore , aëre libero , rusticatione, equitatione forti , multumque repetita. (*c*)

(*a*) In Nota ad Aphor. hic citatum describitur paracentesis. *Medicamenta* vid. in Aph. 236.

(*b*) „Thorace aperto , spes est sanationis , si „pus bonum , pulmones integri , ætas florens, „habitus corporis bonus , absentia prædisposi- „tionis ad phthisin , viribus vitæ nondum dejec- „tis , febre tabifica vix inchoata , et mox ces- „sante , emisso pure.

(*c*) Remedia in textu proposita optima sunt. Stollius terminationes ita proponit:

„Terminatur morte subitanea , suffocau- „te ob materiem inflammatoriam repente , mag- „na copia , ex inflammatâ pleura in cavum tho- „racis , die critico instantे , depositam , respira- „tione parva , accelerata , laboriosa , erecta, „pulsu celerrimo , debilissimo , extremitis frigidis.

899 In Gangrænam quoque talis inflammatio transit primo lateris, mox, vicinia loci, pulmonis (844).

900 Quod malum (899.) vel ex vehementia pleuritidis, vel ex acri, aut putri materia concomitante simul oritur.

901 Id vero futurum esse, et jam inchoari præsagitur ex variis: si sputa purulenta subbiliosa, rotunda, purulenta subsanguinea, nigra fuliginosa, (*a*) cœnosa, foeti-

„An mors averti posset, mox instituta paracentesi thoracis, priusquam lympha coeat?

„Nisi fortè ob eadem materiem minus copiosam, successive depositam in cavitatem thoracis, æger servetur.

„Cum lympha hæc inflammatoria non diu fluida maneat, sed coeat in membranam, tandem duriorem, lardaceam, semicartilagineam, pulmonem veluti, sacco arctiori concludet, et arctè cum pleura religabit, vasis rubris in pulmonem et pleuram immissis distincta.

„Indè asthina insanabile, præcipue in motu, plethora, febre . . (897.)

„Indè in morbo febrili quocumque pleuritis symptomatica, et frequens in novas pleuritides relapsus, cui prospicitur vitæ genere antiphlogistico, et venæ sectione prophylactica.”

(*a*) Hipp. observavit eos pleuriticos perniciose haberi qui nigra fuliginosa spuunt, aut quibus velut à vino nigro sputa fiunt (Coac. Prænot. num. 407.) Pessimum est sanguinem floridissimum ex vena secta efluere observante Lancisio, et Baglivo referente. Hoc indicat crassiores et inflammatoria tenacitate immeabilem sanguinem

da , strepitus in pectore multus cum vultu  
mœsto , oculis rubro flavis , pulverulentis,  
caliginosis , si sputa initio varia ; tum sæpe  
tertio vel quinto die moriuntur. Si stertor,  
sputum nullum , vel difficile , pulsus lan-  
guidus , urina flammea : si alvi fluor liqui-  
dus , foetidus , putridus , symptomaticus:  
si supervenit magna peripneumonia : si no-  
vus insultus priori succedit : si sanguis flo-  
ridissimus effluit ex vena secta sine crusta  
inflammatoria (384.) , licet ex largo vulne-  
re , pleno saltu , puro vase exceptus sit : si  
sputum supprimitur dyspnœa manente , vel  
aucta cum dolore , gravitate pectoris , pul-  
su duro , parvo , celeri , calore magno;  
hæc enim quinto die exacerbata septimo  
mortem inferunt : si urina præruba , obs-  
cura , cum varia hypostasi , nec discreta,  
intra quatuordecim dies occidit : si hypos-  
tasis nigra vel furfuracea , citior mors : si  
initio mitis , quinto vel sexto die exacerbata ,  
septimo et duodecimo periclitantur,  
raroque sanantur , nisi post quatuordecim  
dies : si dorsum , latus , humeri , cum ru-  
bore accenduntur cum angore summo , al-  
vi fluxu viridi , et foetidissimo.

(901) Si sicca ob defectum virium , ob

in pulmone accumulari , solam tenuissimam par-  
tem per arteriæ pulmonalis angustias trans-  
mitti : venæ-sectiones caute sunt in isto casu re-  
petendæ.

dolorem summum , ob ineptitudinem materiae ad expulsionem , ob vasa nimis contracta et crispata , ob nimium usum calidorum , (a) dolore simul vergente ad superiora : si lingua statim sicca , sordibus obsita , livida , nigra , cum bulla nigra : si horum signorum singula , vel plura simul , eveniunt , plerumque morbus ex se letalis , non facile sanandus , sed ut plurimum gangræna loci in latere , et vicino in pulmone , necat .

902 Quando autem hæc signa (901.) jam imminere id malum (899.) designant , statim uno impetu summa remedia tentanda sunt , nec vitæ auxilio ; nec leviori fidendum medelæ , modo aliquæ vires supersint .

903 Ergo hoc casu (902.) statim crustæ ferro ignito (b) in loco affecto profunde

(a) Cum à frigore suscepto , æstuante à laboribus corpore frequenter adeo pleuritis oriatur , ignarum vulgus quandoque solet calidissimis et spirituosis remediis incipientem hunc morbum tentare ut frigus susceptum discutiant . Talia media crispant solida , ad coagulum disponunt humores et motum febrilem immaniter augent , adeoque damnosissima sunt . In casu isto sputa non apparent , et licet dolor sursum vergat periculosum valde est . Pleuritides siccæ , ac sine sputo difficillimæ : horrendæ quoque in quibus dolores sursum vergunt . Ex Hipp . in coac . prænot . num . 381 .

(b) Cum in isto casu gangræna immineat , vel jam facta sit crustarum profunda inustio tentan-

inurantur, dein fortibus emundantibus obducantur, et penetrantissimis fomentis calescant assidue; tum fortia diluentia, aperientia, antiseptica, sudorifera, larga copia hauriantur. His enim, si ullis, lenientur mali sœvities.

904 Sed si causa inflammatoria veherentissima summa crearit symptomata pleuritica, nec auxilio naturæ (887. 888), nec remedio ulli antipleuritico (890. 903.) cedentia, et hæc dein subito, sine causa tolluntur, (a) quatenus ab inflammatione

da ut sopita jam vitalis vis, et calor resuscitentur in parte, et deciduis postea escharis patula via fiat versus exteriora puri, et ichori gangrenoso. Cauterium istud actuale immerito forsitan eviluit. Areteus lateri dolenti jubet applicandam cucurbitam magnam, et latam cum multa flamma et postea scarificari locum, et sale vel nitro irritanda hæc vulnuscula voluit, si æger et viribus et forti animo valeat. Franciscus Vallesius in commentariis cedro dignis in libros epidemiorum Hippocratis (III. et VI. præsertim) has cucurbitas etiam cum scarificatione applicandas voluit insigni cum levamine. Cauteria potentialia, inter quæ cantharides eminent, hodie sunt usitatoria. Emplastrum ex iisdem ipsi parti dolenti cucurbitis omissis, vel post istas extempore applicandum. Plura ubi de grangræna (419.) fuit actum videnta. Cortex peruvianus ibi summopere laudatus hic erit etiam præstantius remedium, cujus nec Boerhaavius, nec van-Swietenius meminere.

(a) Hæ sunt fallaces illæ charybdes famæ Medici adeo insidiosæ si minus peritus, vel non

pendebant, manente pulsu parvo, celeri, intermittente, respiratione celeri, parvaque, sudore frigido, constat Gangrænam jam occupasse loca inflammata. Hinc delirium brevi, statimque mors, maxime si simul lividus thoracis color: quod idem fit, si ille, qui sputum subbiliosum excreat, dolore levatur sine ratione, tunc enim pariter letalis insania, mortis ex gangræna nuncia, adest.

905 In mortem exit ipsa Pleuritis tunc, quando tam vehementes causæ ejus, ut dolor productus omnem motum thoracis suppressivens brevi creet, impedito sanguinis trajectu, peripneumoniam letalem (848.) quam brevissime.

906 Hinc liquet, cur omni særiori pleuritidi peripneumonia superaccidat? cur senibus, puerperis, gravidis, plerumque letalis? cur thoracis per fasciam (*a*) adstric-

satis attentus fuerit: dum enim omnia in vado esse credit post medium horam sæpe exspirat æger. Notanda Hippocratica sententia in qua legitur: *lateris dolor ex sputis biliosis si absque ratione evanuerit in furorem aguntur.* (Coac. Præn. num. 418.) Medici nimium occupati! Cavetote!

(*a*) Dum inspiramus costæ à se mutuo removentur, et diaphragma deorsum pressum thoracis cavum reddit amplius, simulque tunc abdomen assurgit. Dum autem pleuritis adest absque acerbo dolore costæ à se mutuo diduci nequeunt. Ubi ergo fasciis circumductis ita adstringitur

tio adeo dolorem levet , ut morbum tolerabilem reddat ? (a)

thorax ut costæ quasi immobiles reddantur , abdome interim ab omni compressione libero , tunc dilatatio thoracis inter iuspirandum fit à solo descensu diaphragmatis versus abdomen et non distrahuntur loca intercostalia ; unde ergo insigne doloris levamen percipiunt ægri , et minor metus est ne ob impeditam inspirationem infarciatur pulmo sanguine immeabili . Interim tamen , et hoc notandum est minui quidem sic dolorem pleuriticum , sed manere ejus causam , cui ergo efficax medela adhibenda est , ne in suppurationem inflammatio hic nata abeat dum ob levamen doloris , minutam esse morbi vehementiam falso quandoque crederet . . æger , non Medicus .

(a) Aphorismo huic finito hæc addit Stollius :

„Constat quoque , quid sit pleuritis ascendens , descendens , dorsalis , simplex , duplicita , acuta , chronica , latens sive occulta . „Item cur pleuritis infantum cognitu difficultima , „et cur hæc à convulsione universalis sæpè exordium capiat : inspiratio cum clamore prohibita , uno latere peracta , altero introrsum tracto ; febris ; caussæ producendo huic morbo parres prægresæ , hic diagnosin suppeditant . Cur opium dolorem pleuriticum non tollat , nec expectorantibus nisi raro (Aph. 888. n. 6.) locus sit ; quando et ubi vesicans : nempe in pleuriti de rheumatica , phlogosi fracta , materie mobili effecta , aut viribus vitæ fractis tanquam cardiacum ; cur empyema post pleuroperipneumoniam letale ; quæ pulsuum fallaciæ sint in pleuriticis . An crebrior morbus in latere thoracis dextro sed benignior ? an rario in laeo ,

„et cum majori discrimine? an ob pericardium,  
 „ob cor ipsum simul inflammatum subinde? Ra-  
 „rior quoque in sexu sequiori , itemque in sexu  
 „utroque ante annos pubertatis , sed eo pericu-  
 „sior.”

Antequam tractatus iste de Pleuritide finiatur innuenda species pleuritidis notabilissima, cuius nec Sauvagesius , nec Cullenius meminerunt , et est illa de qua Baglivius haec habet: *pleuritides frequenter sunt occultæ quia indolentes, unde gravissimi errores in praxi succedunt: ut hi in posterum vitentur scopuli, signum dabimus latentes , et indolentes pleuritides manifestandi. Fac ut æger in dextrum , vel sinistrum latus decumbat: decubanti impera , ut fortiter respiret, ut tussiat, finita una , aut altera respiratione , pete ab illo, an inter respirandum , et tussiendum , dolorem , aut gravedinem alicubi in pectore persentiat , quod si affirmet , pro certo habetur pleuritidis sedem illic esse , ubi dolorem , aut gravedinem indicaverit : hujus signi certitudine plures deteximus occultas pleuritides in hac magna orbis urbe , summo ægrotantium levamine , ac valde proficuo commodo. Hæc Georgius Baglivius , qui 34 ætatis anno summa rei medicæ jactura heu! vitam cum morte commutavit. Lib. I. Praxeos medicæ cap. IX. de Pleuritide.*

Stollius de Pleuritide et Pleuroperipneumonia latente , chronica tractavit. Videatur APPENDIX. Alia divisio Pleuritidis in ascendentem , et descendenter memoranda foret , ex Hippocrate (Lib. de Victus ratione in acutis. Sect.II. vers. 17.) desumpta , quæ maxima disidia inter medicos excitavit super cathartico in descendente præscribendo. Petr. Mich. de Heredia Pleuritidem istam descendenter dolorem lateris non pleuriticum pronunciavit , in quo *alvum mollire oportet ex*

## APHOR. 887.

Vid. Decocta Aph. 873. N. 4. Aph. 859.  
861.

## APHOR. 890. Num. 2.

*Fomentum laxans, resolvens, mitificans,  
paregoricum.*

R. Foliorum Malvæ, Bismalvæ,  
Parietariæ, singulorum ma-  
nipulus duos  
Papaveris hortensis  
Hyoscyami, singulorum  
manipulum unum.  
Florum Sambuci, Chamæmeli  
Meliloti, singulorum uncias  
tres.

Cum lacte dulci decocta est fomentum.

Hippocratis sententia. Nihilominus videndum an dolor ad partes septo transverso inferiores se extendens ab hepatis aut diaphragmatis inflammatione aliqua latente tum pectus, tum hypochondria in consensum trahente, oriatur; tunc enim non alvum mollire sed sanguinem vacuare oportet; contra vero si à putridis in ventre hospitibus, vermicibus, alisve similibus contingat. Videatur Prosper Marciānus in istum locum, et doctissimus ac profundissimus Heredia, qui Galeno contradicit, et quidem merito. (De Morb. acut. Sect. 4. Disput. 1. Cap. 4. Pag. 117.)

Hinc balnea, et tepefactoria intelliguntur.

*Linimentum ad inungenda latera, laxans,  
resolvens, avertens.*

- R. Sacchari Saturni drachmas quatuor.  
Aceti drachmas sex.  
Olei rosacei infusi unciam unam.  
Misce. Fiat Nutritum.
- R. Unguenti populei uncias duas.
- R. Emplastri Diapompholygos quod sufficiat.  
Extende ad alutam.

### A P H O R. 890. Num. 3.

*Decoctum laxans, resolvens, leniter  
aperiens.*

- R. Foliorum Tussilaginis,  
Malvæ singulorum manipulos duos  
Florum papaveris erratici  
Altheæ singulorum manipulum  
semis.  
Radicum Petroselini,  
Sarsaparrillæ, singularum  
uncias tres.

Seminum Lini contusorum drachmas quatuor.

Lactucæ

Cardui Mariæ singulorum unciam unam.

Cum aqua decoctas pintas tres exhibe.  
Bibat uncias duas omni hora.

*Emulsio similis.*

R. Seminum quatuor frigidorum majorum, et minorum, singulorum drachmas tres.

Papaveris albi drachmas duas.

Cum aqua decocta hordei fiat secundum artem emulsio.

Cujus uncias quindecim admisce.

Nitri puri drachmam unam et semis.

Syrupi capillorum veneris unciam unam.

Bibat unciam unam omni hora vel et omni quarta parte horæ.

*Mixtura in eundem usum.*

R. Aquæ stillatæ Florum Rhæados

Sambuci singularum uncias octo.

Borraginis uncias quinque.

Lapidis cancerorum drachmas duas.

Prunellæ drachmam unam,  
Syrupi Florum Rhæados,

Papaveris albi, singulorum  
unciam unam.

Misce Bibat uncias duas omni semihora.

### A P H O R. 903.

*Decoctum antisepticum, aperiens.*

R. Foliorum Scordii,  
Alliariæ,  
Marrubi albi singulorum  
uncias duas.

Cum aquæ decoctis pintis duabus admisce  
Oxymellis scillitici uncias octo.

Nitri drachmas tres  
Aceti Theriachalis unciam unam  
Bibat uncias duas omni dimidia hora ca  
lidissimas.

### P A R A P H R E N I T I S.

Si morbus pleuritidi similis oc  
cupat eam membranæ Pleuræ partem, quæ

diaphragma ambit, vel et ipsum Septum  
medium, oritur morbus dirus, quem Pa  
raphrenitidem appellant. (a)

(a) Morbus iste apte etiam nominatur *Diaphragmatitis* et *Mediastinitis*. Diaphragmatis in  
flammatio varia symptomata producit prout in di  
versis locis hujus hæserit. Certe accrescit peri

908 Qui longe frequentior, quam vulgo quidem censemur, licet praesens saepe ignoretur, negligatur, vel alterius morbi titulo tractetur.

909 Cognoscitur ex febre acutissima, continua; dolore inflammatorio loci intolerabili ob membranas nervosas; qui dolor immaniter augetur in inspiratione, tussi, sternutatione, repletione stomachi, nausea, vomitu, compressu abdominis in alvo, vel urina reddendis; respiratione hinc sublimi, parva, celeri, suffocativa, quiescente abdomine, solo thorace peracta, delirio (*a*) perpetuo; hypocondriorum introsursum revulsione; risu sardonio; convulsione; furore; gangraena.

cardio, transmittit oesophagum, aortam, venam cavam.. accumbit hepatis, lienii, renibus.. unde tumor inflammatorius in diaphragmate natus has illasve vicinas partes impediens diversa mala producere poterit.

(*a*) Delirium istud licet symptomaticum perpetuum est à delirio phrenitico idiopatico diversum difficillima in illo respiratione, quæ in isto magna, et rara esse solet. *Risus ille sardonicus* peculiare quasi symptomata hujus morbi solet haberi. Ab acerrimis venenis in ventriculo hærentibus ita convelluntur et musculi faciei ut angulis labiorum retrorsum tractis risus incepti quasi species appareat. Vis ista ranunculo palustri apifolio tribuitur, et ideo apium risus vel et *herba sardoa* vocari solet acri caustica vi prædita plantula. Vulnera diaphragmatis talem risum produ-

910 Exitus idem, ut in pleuritide (884. 892. 896. 897. 899.), sed ob motum partis magnum et assiduum, ob necessitatem ad vitam, ob nervosas membranas tensas, omnia velociora, funestiora; et Ascites hinc purulentus.

911 Curatio hinc easdem distinctiones et cautelas requirit, tum eadem ferme remedia, exceptis iis, quæ loci situs respuit. Clysmata (*a*) mollia ob viciniam loci sæpe juvant.

912 Ubi vero suppurato diaphragmate prius inflammato, abscessus in cava (*b*) ab-

cunt. In infantibus dormientibus quandoque tempore dentitionis facies quasi subridentis adest; et solent inde sollicitæ matres convulsiones præsagire, quæ sæpè infelicitè sequuntur.

(*a*) Clysmata injecta cum per totam longitudinem intestini coli usque ad ilei finem venire possint multum boni faciunt, quia intestinum colon ubi circa hepar, et lienem pergit diaphragmati vicinum est adeoque illud intestinum molliissimis decoctis per clysta injectis repletum, fomentum applicat blandum, et resolvens inflammato diaphragmati.

(*a*) Dum in cavum abdominis ex abscessu diaphragmatis pus delabitur, multa sunt mala metuenda: si enim consideretur, diaphragma semper moveri, et rapidam satis circulationem esse in diaphragmate ob cordis viciniam, inteligitur, magnam copiam puris brevi accumulari debere, et ulcus illud diaphragmatis ad sanguinem reduci non posse; in primis cum à pure col-

dominis ruptus suum pus evomit , fit collectio (a) ejus in abdomine , aggestio , putrefactio , tumor , viscerum exesio , tabes miserrima , mors .

913 Estque totum hoc malum insuperabile , licet cognitum .

lecto , et mora acriori redditio , alluatur . Verum quidem est , pus effusum proprio pondere abdominis inferiora petere , sed illud retentum diu et corruptum putrido halitu inficiet omnia viscera , et erodet partes , quibus accumbit .

(a) Talis collectio purulenta non cognoscitur bene antequam pure continuo ex ulcere hoc aper-to deplente repletum abdomen tumeat insigniter , sed hoc non nisi diu post ruptum abscessum contingit , adeoque sero tentaretur puris eductio . Præterea pus bonum cremorem fere lactis æquat spissitudine , adeoque paracentesi abdominis educi non posset , sed deberet latiori vulnere in cavum abdominis penetrante , via parari puri educendo , quod iterum periculo non caret . Mediastinum etiam potest inflammari , et Avenzoar scripsit se ipsum hoc morbo laborasse . Locus doloris : minor dolor quam in pleuride quoniam inter inspirandum dilatato thorace non distrahitur ut pleura .. hanc mediastini inflammationem notant . Ista plerumque in suppurationem abit æque ac ascites , ac collectio dicta fere insuperabilem .

Quæri tamen potest an abscessu latente sub sterno post inflammationem istam , via puri fieri posset perforato sterno , ne pericardium vicinum et cor à retento pure et acriori redditio erodetur ? Freindius à peritissimo chirurgo , saepius trepano perforatum fuisse sternum , monet dum in

HEPATITIS, ET ICTERUS  
MULTIPLEX. (a)

**T** 914 *U*t viscera et partes, de quibus hactenus, ita Hepar quoque inflammationis capax; licet raro de eo cogitur, et forte etiam non ita frequens sit ob

lue venerea tales abscessus frequentes mediastini oriebantur. Pericardium potest etiam per propagationem mediastini inflammari. Syncops, pulsus mira perturbatio. . istam docent. Inflammationes istæ, mediastini nempe et pericardii, frequenter forte contingunt quam creditur: majus periculum statuitur quam in pleuritide in primis si pericardium inflammatum fuerit ob cordis viciniam, et velocissimam hic humorum circumductionem, ideo curatio promptior et efficacior quam in pleuritide instituenda.

Mediastini, Pericardii, Cordis . . . inflammations, juxta dicta facile amplius percipiuntur.

(a) Sauvagesius Clase III. Ord. III. Gen. XXII. *Hepatitis*. Species: erisipelatosa, pleuritica, muscularis, cystica, obscura, suppurans seu febris typhodes.

Cullenius Clase I. Ordin. II. Gen. XVII. *Hepatitis*. Caracter: Pyrexia, hypochondrii dextre tensio, et dolor sæpe pungens pleuritici instar; sæpius obtusus dolor ad claviculam, et summum humeri dextri, decubitus in sinistrum latus difficultis, dyspnœa, tussis sicca, vomitus, singultus. Ista est hepatitis acuta. Hepatitis chronica per symptomata remissiora dignoscenda. Auc-

arteriæ hepaticæ parvitatem (*a*) , et minorrem impetum sanguinis Venæ Portarum.

915 Locum ergo habet in finibus ultimis utriusque hujus va-

tor iste de hepatide erisipelatosa Sauvagesii dubitat. Inflammatio cystidis felleæ , vel ductus choledochi noscitur in ictero dolore in regione epigastrica acuto , à calculo , ut videtur in ductu choledochi hærente , et inflammationem ductus cystici sæpe producente.

(*a*) Cum arteriæ ad hepar delatae licet magnæ , ut exiguae habeantur , ratione habita ad molem tantum visceris ; et sanguis ex venæ portarum truncu per hepar movendus pellatur lentius , cum jam venosus sit , adeoque cordis et arteriarum viribus non amplius cieatur ; hinc forte minus frequens est vera hepatitis inflammatoria , et longe sæpius nascuntur in hoc viscere chronicæ admodum pertinaces obstructions. Tamen standum pro hujus morbi frequentia , et quod non animadversus multoties , aut pro alio habitus errores non raro perniciosi , si medicus expertus et solers non sit , comittuntur.

Divisio hepatidis in idiopathicam , et sympatheticam consideranda; etiamque in acutam , et chronicam seu latentem. Ista , difficilis cognitu , frequens est. Sensus ponderis in hepatis regione : dolores in ea recurrentes : compressionis intolerantia : decubitus super ipsum difficilis . . eam suspicari faciunt. His minime sufficientibus et summe occultis : Ergo ægrum ut vehementer respiret jube : tunc interroga num gravitatem sentiat , eamque aut quasi superne appensam , aut tamquam supernis partibus incumbentem. Ita Medicum titubantem instruit Baglivum in simili casu (Not. in

sis (a) (914.), hepati adferentis cruorem effectu arterioso ; hinc , ut pulmonis , du-

Aph. 906.) praeuns Hieronim. Ximenezi Inst. Med. Lib. II. Cap. VIII. Pag. 124.)

(a) Divisio ista hepatitis , atque peripneumoniae admittitur ab Ellero , Hoanio , Oosterdik Schacht , Quarino . . Ita utecumque demonstrari poterit eam despicientibus.

Cum inflammatio locum habeat tantum in vasis per quæ feruntur liquida directione motus tendente à basi canalis conici versus apicem , patet æque in ramis venæ portarum per hepar dispersis , quam in hepaticæ arteriæ propaginibus hunc morbum apparere posse. Onnis enim sanguis venosus à reliquis visceribus abdominalibus redux in truncum venæ portarum confluit , et ex hoc trunco in ramos convergentes iterum pellicitur in hepati. Docuerunt autem injectiones anatomicæ , ramos arteriæ hepaticæ , hujus visceris nutritioni dicatum sanguinem ferentes , per totum hepar distribui æque ac propagines venæ portarum , quæ pro bilis secretione serviunt , et ubique sibi invicem vicina hæc vasa per hepatis substantiam decurrere ; imo etiam videntur anastomosibus inter se uniri ; felici enim injectione per venam portarum facta , ceraceam materiam per arterias hepaticas rediisse vissum : hinc æque ac in pulmone duplex hic inflammatio adesse potest. Hoc tamen notari meretur , quod inflammationis effectus valde diversi erunt dum in hepati , venæ portarum rami , vel arteriæ hepaticæ fines , infarcti sunt , quam dum in pulmone fiet ab inflammatis finibus pulmonalis aut bronchialis arteriæ. Nam in pulmone , utroque casu , vis ingens cordis proximi urget loca inflamma ta : in hepati autem venæ portarum propagines

plex est sede, (a) origine: ita tamen, ut unam natam altera facile sequatur.

916 Antecedunt utramque (915.) causæ similes, nempe generales inflammatio-  
nis cujuscunque (375. ad 380.) determinatae in primis ad hæc loca; (b) tum nonnullæ huic maxime loco propriæ, quæ multæ

implentur sanguine venoso abdominali, lentius  
moto, quam sanguis arteriosus, qui per hepaticas arterias pellitur. Ideo effectus illi, qui  
fiunt à sanguine urgente loca inflammata, et  
simil sunt signa inflammationis præsentis, sæpe  
non adeo se manifestant, ubi in ramis venæ por-  
tarum hæret morbus; et hæc videtur causa esse,  
quare quandoque medici quantumvis intenti, at-  
que sagaces in diagnosi hujus morbi deficiant.

(a) Per istam potest etiam intelligi pars gibba he-  
patis, et cava seu sima. Inflammata illa, ut diaphrag-  
mati contigua majorem respirandi difficultatem,  
dolorem dextri lateris acutum, punctorium, ad ju-  
gulum usque protentum, tussi et inspiratione auctum.. producit, et ita imponit quandoque medico  
incauto sub adspectu pleuritidis adscendentis; sed  
hæmorrhagiis, sudoribus, et urinis sananda: hæc  
sima pars ventriculo et duodeno incumbens nau-  
seam, vomitum bilis variæ, sitim .. faciet, et sic  
febrein biliosam mentitur: sed excrementis albis,  
biliosis .. judicanda. Illa à vitio circa fines arte-  
riæ hepaticæ: hæc à venæ portarum extremis  
propaginibus affectis oritur.

(b) Hinc „metastasis lymphæ inflammatoriae“ è  
„loco antea inflammato ad hepar facta; itemque  
„materiæ febris cujuscumque, coctæ, humoris bili-  
„forini assimilatæ, ad hepar alegatae, ibidem ob  
„copiam, impetum, acrimoniam, spissitudinem

quidem *huc referendæ*: obesitas omenti (*a*)  
ingens; atrabilaria cruoris, bilisve tempe-  
ries; acrimonia stagnantis alicubi materiæ  
purulentæ, ichorosæ, scorbuticæ; si his  
accedit calor, febris, motus, victus, me-  
dicamentum, venenum, quod eliquat, mo-  
vet, in hepar promovet; bilis pinguis, acri,  
exusta, per suas causas agitata; lapis, gyp-  
sus, scirrus, callus, steatoma, apostema,  
cancer, vermis, aliquem locum jecoris, ve-

“adhærentis, impactæ, inflammantis; constitu-  
tio anni huic morbo magis favens.” Hæc Stoll.

(*a*) Omentum nullum habet vas excretorium, et omnis illa pinguedo fusa, et mota per morbum, vel validos labores, per epiploicas venas directe abit in venam portarum, adeoque subito totum hepar inundatur hoc pingui oleo, quod difficilime per ultimas angustias vasorum transit, et pessimas obstructiones producere potest, in primis in illo viscere, quod primo oleosæ hujus plenioræ impetum excipit. *Calculosæ concretiones* nullibi frequentius inveniuntur quam in hepate, aut vesicula fellea, et illis locis, quæ urinæ se-  
cernendæ, transmittendæ, colligendæ, et excer-  
nendæ dicantur. Columbus in cadavere Sancti Ignatii in vena portarum observavit lapides (Anatom. L. XV. P. 266.) Non solum in ventricu-  
lo *vermes* reperiuntur, in hepate enim aliquando adsunt. In cadavere militis tam in ductu cystico, quam hepatico invenit lumbricum Nebelius, et copiosos simul in intestinis; unde non sine ra-  
tione suspicatur, lumbricos ex duodeno per duc-  
tum choledochum in ductum cysticum, et hepati-  
cum irrepisse. Forte aliæ viæ sunt, per quas

siculæ fellis , meatus bilarii occupans , premens , comprimens , si accesserit tum similis causa (a) excitans , ut mox enumerata ; subita fortis frigoris per aërem , potum , natationem , calefacto fortiter prius jecori applicatio ; sitis diuturna in magno motu , æstu ,

in hepar venire possent vermes . (Ruysch. Observ. anat. 6. )

(a) Causæ recensitæ premendo partes contiguas possunt impedire , et turbare liberum sanguinis venæ portarum per hepar transitum ; vel et bilis secretæ jam exitum liberum sistere . Considerandæ etiam precipuæ causæ , à quibus sanguis per venam portarum movendus ita disponitur , ut libere transire nequeat per ultimos fines angustos venæ portarum in hepate . Præcipua est subita fortis frigoris calefacto jecori applicatio . Si jam consideretur hepar magna sui parte ventriculo incumbe-re , facile patet quanto se discrimini exponant sæpe imprudentes homines , qui à laboribus , exerci-ciis . . æstuantes , gelido potu affatim hausto ventriculum replet ; longe magis si glacie frigidissimum redditum potum ingurgitant . Simile et discrimen imminet à natatione dum quis sudans à laboribus aquæ frigidæ corpus immergit . Notum est ex anatomicis hepar illo loco ubi ventri-culo incubit nullum peritoneum tangere adeo-que ibi facillime à frigore ambientis aquæ affici posse . Visum aliquoties ab hac causa , et hepatiti-dem , et pertinacem admodum icterum natos fuisse .

*A siti diuturna in toto corpore pessima mala nasci possunt , sed præcipue in hepate , quia ibi sanguis venosus , absque pulmonis , et cordis ac-tione renovata debet fluere per angustias arterio-*

sudore ; febris ardens cum inedia et defec-  
tu potus ; summæ animi perturbationes ;  
maximi motus per vomitoria excitati ; ma-  
la hypochondriaca inveterata.

917 Ex his tam multiplicibus causis  
(916.) orta inflammatio varios habet effec-  
tus pro varietate dispositionis præceden-  
tis in secore , pro varietate materiæ motæ (a)

sas. Si jam , toto tractu intestinalorum , et ventri-  
culi siccissimo reddito ob potus penuriam , nihil  
per venas meseraicas resorbetur , sanguis veno-  
sus abdominalium viscerum crassissimus redde-  
tur , antequam per venam portarum in hepar  
propellatur , adeoque hærebit facillime in angus-  
tiis ultimis vasorum. Sanguis autem venosus ,  
antequam cor dextrum ingrediatur , omni lym-  
pha totius corporis diluitur prius , et tunc vi  
cordis musculosa valida pellitur per arteriam  
pulmonalem. Verum dum bina hæc adminicula  
ad facilem transitum deficiunt circa hepar faci-  
le patet , ibi magis metuendum esse vasorum in-  
farctum à sanguine immeabili.

Quondam pessima illa medendi methodus in-  
valuerat ut etiam in fervidissimis morbis omnis  
omnino potus miseris ægris negaretur , vel saltem  
concederetur parcissima tantum copia , et faci-  
le patet maxima mala in hepate nasci posse ;  
hinc hypochondria in febribus ardentibus explo-  
randa. Hodie fortunato ista minus eveniunt. Vo-  
mitoria sic læsso hepate exhibita nocentissima. Le-  
talis hypercatharsis , sanguinisque sursum , et  
deorsum evacuationes subitæ secutæ fuerunt post  
vomitorium datum aliquando , in isto casu .

(a) Calculosæ concretiones , materies scirrhosæ ,

et inflammantis; tandemque pro varieta-  
te causæ pellentis.

918 Dum vero indolem communem  
inflammationis sequitur, vascula obstruit;  
fluida sistit; tumorem elevat; vicina com-  
primit; eadem ac in suo loco producit;  
hinc sensim increscit, totum fere occu-  
pat, ventriculum impedit, et ab eo reple-  
to dolet, sic et diaphragma; omnem  
cruorem arteriæ cœliacæ, (a) et binarum  
ulcus cancerosum... hepatidem insanabilem pro-  
ducunt. Pinguedo v. gr. Omenti subito soluta, et  
in hepar mota pessimas inflammationes facere  
poterit. Ubi vero atrabilaria materies acris jam  
reddita, in hepar propulsa morbi causam consti-  
tuit, facile patet nullam spem superesse. Sic ubi  
circa fines arteriæ hepaticæ inflamatio hæret  
ferociores erunt inflammationis effectus ob san-  
guinem arteriosum, et cordis viribus impulsu-  
m in fines obstructos, quam si idem malum hæ-  
reat circa extremitates venæ portarum per quas  
tardius sanguis movetur. Simul etiam facile pa-  
tet si valida admodum febris comitetur hepatidi-  
dem tanto majorem metum esse funesti eventus,  
cum resolutio inflammationis sedatum motum re-  
quirat, et omnis aliis inflammationis exitus in  
hepate adeo periculosus sit.

(a) Constat ex anatomicis ventriculum, pan-  
creas, lienem à cœliaca arteria ramos accipere,  
mesenterium autem, et intestina à binis arteriis  
meseraicis, superiore nempe et inferiore. Pariter  
notum est omnem sanguinem per binas arterias  
allatum venosum redditum in unam venam por-  
tarum derivari, atque inde per hepar moveri: ex-

mesentericarum impedit, ad hepar sistit; adeoque omnem venosum, arteriosum, lymphaticum fluorem in visceribus, primis abdominalibus integre impedit; bilis generationem, secretionem, excretionem, circulationem, actionem invertit; Icterum producit, ejusque effectus, putrefactionem omnium liquorum et viscerum abdomi-

cipitur forte quædam portio, quæ à nutritione harum partium superstes per alias venas, à celeberrimo Ruyschio in ultimis suis operibus descriptas, in ipsam venam cavam non salutato prius hepate, transit. Ubi ergo valida inflammatio hepar occupaverit, sanguis venæ portarum sistetur ad hæc obstacula, ideo et sanguis venosus viscerum abdominalium distentam jam nimis portarum venam ingredi non poterit, adeoque nec ex finibus arteriarum in venas nimis plenas transire poterit. Hinc mala in textu enumerata nascentur. Inter hæc summus metus est ne distenta nimis vasa rumpantur, vel abolito influxu vitalis humoris in arterias, et effluxu per venas, subita sequatur gangræna. Fiunt tunc summæ anxieties, dolores sæpè molesti in variis abdominis locis, sed in primis circa cardiam. Succedit tunc sæpe vomitus vehemens, à quo quandoque levantur si validissima ista concussione venosus sanguis retrogrado motu in arterias reddit; nullæ enim sunt valvulae in venis mesentericis, et docet Icterus periodicus post summas tales anxieties, et vomitus enormes prægressos sequens, billem retropelli in sanguinem posse. Per icterum intelligitur bilis refusio in cutem. Inflammatio hepatis icterum poterit producere præsertim si in

naliū producit ; unde infinita mala. (a)

919 Habetque pariter exitum in sanitatem , alios morbos , mortem.

920 In sanitatem transit beneficio naturæ , vel artis.

921 Per naturam autem benigna resolutione , aut coctione et excretione materialē morbosæ.

tali loco sit ut possit comprimere exitum bilis cysticæ in duodenum ex quo retropelatur in sanguinem. Post fervidissimas et siccissimas æstates , autumnali tempore grassantur epidemicæ febres continuæ remittentes , tum observationes practicæ docuerunt , hepar frequenter affectum spisso sanguine ad atrabilariam quasi tenacitatem accedente : tunc in talibus ægris non apparet quidem saturatus ille flavus ictericorum color , sed facies ceracea quasi est , et pallido in dilutissimam flavedinem inclinante colore , morbi hujus signum dat. Hoc valde notandum.

(a) Mala ista ita hic ab Stollio proponuntur:  
 „Hinc , inflammato hepate , pondus , dolor sæpius obtusus , raro acutus , attactus impatiens ;  
 „decubitus supinus , et in dextrum latus facilior ,  
 „in sinistrum difficilior ; respiratio solo thorace ,  
 „potissimum sinistro , peracta ; inspiratio laboriosa , expiratio facilis ; os amarum , vomitatio ,  
 „vomitus variæ bilis , et assumptorum ;  
 „cardialgia , anxietas , jactitatio ; alvus pigra ;  
 „parcæ urinæ , croceæ , oleosæ , cum sedimento  
 „lateritio ; viscerum vicinorum inflammatio  
 „communicata , et varia eorundem mala ; hæmorhois ad anum , vesicam , ejus collum , urethram ; icterus multiplex , et multiplices effectus illius.”

922 Resolutione , si materies recens, lenis , et reliquæ conditiones adiunt (386.): tum ars diluendo , (a) solvendo , leniter movendo , per epithemata , (b) potus , clysmata , negotium promovet.

923 Coctione , et excretione , dum in morbo hoc per sua signa (916. 917. 918.) cognito 1. alvus fluit biliosis cum paucō crūore ante diem quartum ; 2. urinave exēernitur multa , acris , crassa , rubra cum sedimento subalbo , diu continuata , ante diem quartum ; 3. superveniente dolore (c) mitiori Lienis ante signa suppurationis;

(a) Eligenda in primis illa quæ putredini hic metuendæ utcumque aduersa sunt , et simul mollia satis cum blanda humorum indoles ad curam per resolutionem obtinendam semper necessaria sit. Leves frictiones hypochondriorum prodesse poterunt. Clysmata laudantur quia , in colo hærentia blandum fotum hepatis largiuntur , et quia remedia solventia sic injecta venis bibulis resorpta , directe , et integris suis viribus ad locum affectum in hepate pervenire poterunt.

(b) An inter ista locum habere poterit post venæ-sectiones vesicatorium à quamplurimis tanquam anodynum , antispasmodicum , atque antiphlogisticum hic propositum atque laudatum ? An frigida quæ in hepatitide inflammatoria sunt pessima : in symptomatica à febri remittenti putrida , proficia . . . judieanda ?

(c) Mitis dolor lienis indicat in hepate solvi jam obstaculum , et ita restitui liberum motum humorum per vasa lienis , et forte tunc majori impetu sanguis per arterias lienares irruit , et

4. hæmorrhagia larga ex nare dextra; (a) 5. sudoribus, materie, loco, tempore, continuatione, effectisque, bonis.

924 Ubi primum apparet (923. N. 1.), statim epithematisbus, clysmatibus, fomentis, potibus, victu, medicamentis, ea sunt subministranda, quæ valent diluere, resolvere, movere, abstergere, leniter expellere, putredini biliosæ (b) in primis obesse.

aliquem molestiæ sensum facit, sed minime durabilem.

(a) Evacuatio ista convenit morbis acutis. Neque talis hæmorrhagia *larga* solum prodest quatenus copiam sanguinis minuit, sed quoniam sponte à natura fit videtur longe plus juvare, quam aliæ quævis per artem factæ sanguinis evacuationes. Observatur etiam critica tali hæmorrhagia exire sanguinem magis nigricantem, neque colore illo rutilo præditum, qui sanguini arterioso proprius est, et quidem summo cum levamine. Evacuationem istam utiliorem fore *ex nare dextra* rectitudinem affectantem observationibus antiquorum atque recentium etiam Medicorum constat. Tamen quandoque hæc regula exceptionem patitur. Notandum evacuationem istam quantumvis criticam solam non suficere. Urina, sudores, solutio alvi. . eam ut plurimum comitantur. In hepatide nonumquam manus quoque *dextra* torpet ex C. Celso (Lib. IV. Cap. 8.) Hinc venæ sectio in dextra manu inter anularem, et minimum digitum utilis ex VALLESIO nostro. (II. Epid. Sect. 2. text. 19.)

(b) Serum lactis in quo tamarindi, Rob sam-

925 Si alter casus adest (923. N. 2.) utendum dictis (889. ad curam 888. N. 2.), inque iis addenda parum detersiva.

926 In tertio casu (923. N. 3.) eadem (924. 925.) peragenda ; sed lieni simul , et toti viæ ab eo in hepar , fomenta similia danda.

927 In quarto (923. N. 4.) nares interne et externe emollientibus , tepidis foven-dæ , donec ad levamen symptomatum fluxerit sanguis ; tum vero , si nimius fluor, compescendus lente (a) per stiptica et diaetam ; ne nimis cito.

928 In quinto denique (923. N. 5.) requiritur usus decoctorum diluentium, abstergentiumque largus.

929 In primis in his (924. ad 929.)

buci , ribesiorum , syrupus è succo citri , de limonibus . . diluantur optimum erit. Decocta cichorei , taraxaci , sonchi , hordei , avenæ . . cremore tartari , tartaro solubili . . adjuta optima etiam. Vid. Aph. 930. in Materia medica.

(a) Raro contingit ut periculum immineat à nimis copioso isto sanguinis fluxu : simulac enim debilitati incipiunt ægri , et in animi deliquium fere delabi contrahitur patula in naribus arteria, et cesat hæmorrhagia. Si vero his signis apparentibus pergeret adhuc sanguis efluere , tunc compesci debet stipticis acidis ; non aliter : magnum enim periculum imminet inter alia recidivæ periculosæ si intempesive nimis in meticuloso ægro narium hæmorrhagiam supprimetur.

cautio sit , ne aliquid (a) materiæ morbi in loco restet , difficulter postea superandæ: et inde prima , atque benigna Icteri species curatur.

930 Si recens , vehemens , sine signis et spe (922. 923.) , erit tractanda eisdem cautelis , remediis , methodo , ac pleuritis (890.) , paraphrenitis (911.) , et similes morbi : nisi quod ea , quæ leniter vi antiphlogistica alvum emolliendo subducunt pota , et per clysmata injecta , in primis prosint. (b)

931 Signa autem perfectæ sanationis , color non amplius ictericeus in oculis , facie , urina , fœce alvi , cum absentia symptomatum (918).

(a) Si in melius vergente morbo æger pertæsus curam ulteriore respuat , vel minus attentus medicus morbi residuum non expugnet solent manere mala chronica curatu difficultima , et in primis scirrhosæ in hepate indurations. Icterus levis hic tale quid indicat. Hoc casu serum lactis , et alia similia , inter quæ , aquæ minerales eminent , continuanda. Hæc est prima , Icteri , seu morbi regii , arcuati , seu auriginis species.

(b) Deinde ea exequenda quæ hic consultit Stollius : „In primis opera danda , ne aliquid inflammationis restitet , aut ea diutius durans , „ad vesiculam felleam , ductusque hepaticum , „cysticum , choledochum producta , eorumdem „in cavo proprio , vel ad partes vicinas coali- „tus faciat. Unde icteri , universales , assidui , „periodici , calculi vesiculæ felleæ , ductuumque

932 Unde noscitur origo, natura, effectus, curatio secundæ (*a*) speciei Icteri gravioris.

933 Si autem in hepate inflammato (914. 915.), remedia (922. ad 931.) non, fero, frustra applicata; causa major; tum orietur suppuratio (387. 402.) jecoris, similis ut alibi, nisi quod ob copiam multi hic liquidi cruenti et biliosi stagnantis raro bonum pus, nisi in parvis et exterioribus, plerumque vero funesta putredo.

934 Cognoscitur id futurum 1. ex signis prægresæ inflammationis in loco, dolore inflammatorio, ictero flavo in oculis, cute, urina, fœce alvi, apparente, febre acuta. 2. ex absentia resolutionis (922.), cocti excretionis (923.) aut sanationis

„cystici, hepatici, choledochi, ipsius hepatis;  
„infinita alia mala, nulla arte superanda.”

(a) Si illud *aliquid morbosi* (929.) non excutitur, et remediis non obedit, major erit obstructio, majus bilis impedimentum, gravior secundæ speciei *Icterus*.

Valde notandum, quod hic addit Stollius:  
„Judicatur quoque hepatitis crisi erronea, materia phlogistica repente transsudante. Indè „ventris tumor, intestinorum coalitus, et inter „sese, et cum vicinis, dolores colici frequentes „à motu, flatu, assumptis, insanabiles; alvus „segnis, soli tandem enemati, aut purganti obe „diens; fœc indurata, capilla; vomitus inges „torum, crassiorum primo, aliquot à pastu ho „ris, dein et tenuiorum; velvalus; ileus letalis.”

(924 ad 933.) 3. ex mutatione symptomatum, remissa acutie doloris, sequente pulsatione, manente ictero, horroribus vagis. 4. ex duratione inflammationis non pessimæ ultra triduum.

935. Factum novimus : 1. ex signis (934.) prægressis. 2. tumore loci. (a) 3. mutatione symptomatum, loco doloris jam præsente gravitate partis manente ictero.

(a) Non adeo facile sensibus deprehenditur talis vomica hepatis, nisi versus exteriora prominat. Præterea vesicula fellis contento liquido distenta fundo suo prominente ultra limbum costarum, posset et fallere abscessus specie. Cet. Petit. fatetur consilio instituto inter plures Medicos, et Chirurgos tumorem similem omnium votis habitum fuisse pro abscessu hepatis, et ipsi traditam provinciam aperiendi illum, et abscissis unice integumentis agnovit nihil aliud esse nisi cystis fellea bile viridi copiosa referta, qua per alvum deposita, æger convaluit. Optimum exemplum obscuritatis in re manibus quantumvis aëterrime exposita! Signa diagnostica præcipua, quibus à tumente vesica fellea distinguitur abscessus sunt, quod suppurationem comittentur dolor pulsatorius, horrores vagi, et diuturniores, quod tumor ab abscessu factus non adeo limitatam figuram habeat, neque statim in tali tumore fluctuatio appareat, et primo percipiatur in centro tumoris omni reliquo ambitu adhuc duro. Facile patet tunc tantum illam difficultatem distinguendi tales tumores adesse, quando occupant illam regionem ubi vesicula fellis collocata est.

4. ex debilitate magna , febricula hectica ,  
siti ingente.

936 Tale apostema vel 1. totum de-  
pascitur jecur ; 2. vel rumpitur in cava ab-  
dominis effuso pure sanioso ; vel 3. per va-  
sa biliosa in intestina ; vel 4. per venam ca-  
vam in cruentem ; vel 5. elato tumore accres-  
cit peritonæo , (a) atque ibi abscessum ex-  
ternum hepatis format , ibi apparentem.

937 Ubi hepar consumitur (b) , tum tabe  
lenta icterica , cum febricula assidua , siti  
intolerabili , debilitate summa , anxietate  
inexplicabili , urina fere nigra , tympani-  
tide , fluore alvi sanioso , foetidissimo , diu  
luctatus moritur.

(a) Talis accretio in omni ambitu quo peri-  
tonæum hepati contiguum est poterit fieri , et ta-  
men in quovis loco non æque facilis manui chi-  
rurgi aditus datur. Si enim peritonæo concavam  
partem diaphragmatis investienti accreverit gib-  
ba hepatis pars , poterit pus collectum in hepa-  
te in cavum pectoris venire , imo , et in ipsum  
pulmonem , et per sputa purulenta ejici.

(b) Illa mala quæ fiunt dum hepar à puru-  
lenta vomica consumitur , partim pendent à re-  
sorpto pure cacochymiam purulentam sanguini  
inducente ; partim vero ab impeditis illis func-  
tionibus , quæ à visceris hujus integritate pen-  
dant. Quotidie enim augetur puris collecti copia ,  
unde innmani quantitate quandoque in hepate  
collectum fuit inventum , sicque disrahendo , et  
premendo partes hepati vicinas plurima mala  
producere poterit. Inter ista Tympanitis numera-  
tur. Purgedine enim nata extricatur ex humorige

938 Qui casus (937.), eousque pro-  
vectus, nullam medelam, vix palliatio-  
nem capit; hæc nova Icteri idea.

939 Si ulcera facta hepatis, et jam  
rupta effuderint suam materiem in cava  
abdominis, collecto ibi puri assiduo no-  
vum addunt; omne corporis humidum et  
pabulum in novum pus convertunt, cunc-  
ta viscera putrefaciunt, hinc Asciten;  
mentiendo Tympanitidem, creant, unde  
post lentam, terribilemque tabem, et ejus  
symptomata, mors:similis fere priori (938.)  
hæc Icteri species, nulla arte sanabilis.

940 Quoties vero suppurata materies  
et ichor, exesis finibus meatuum bilioso-  
rum, in horum amplitudinem, indeque in  
intestina fluxerint, pro varietate affectatæ  
viæ, vomitus fætidos, putrefactos, puru-  
lentos, ichorosos, albi, cinericei, fusci,  
flavi, nigri coloris, vel similes alvi evacua-  
tiones producent, cum summa virium jac-  
tura, titulo fluxus colliquativi, brevi le-  
tales. Novus hic iterum Icteri exitus, ma-  
xime metuendus.

941 Si vero in Venæ Cavæ exesos fi-  
nes, hinc in ipsam, denique in massam  
sanguinis eadem liquida (940.) se effude-

bus aer, elasticus redditur et flatulentam ab-  
dominis expansionem facit, quæ tympanitis voca-  
tur quia percusum manu abdomen instar tym-  
pani resonat.

rint, miscuerintque, tetterima oriuntur, et brevi exitialia, symptomata; animi deliquia enormia, frequentia; debilitates summae; pulsus omni modo malus; perturbatio omnium functionum simul; mors improvisa. Novus iterum Icterus.

942 Quo quidem casu (941.) nulla valida medela habetur, largus autem usus eorum, quæ vires focillant, putredini resistunt, humida restituunt, aliquid proficit.

943 At si ultima obtinet mali species (936. N. 5.), tum deprehensus tumor, lino, ferro ignito (*a*), causticis, lanceola aperitur; vulnus leniter erodentibus et suppurantibus tam profunde exeditur, donec ad vomicam perventum.

944 Si tum album, æquale, læve, inodorum, specillum non colorans, pus extorsum exit, spes est: oportet enim ut ulcus tractare (402. ad 413.); simul interna depurantia medicamenta adhibere.

945 Si autem flavus, fuscus, lividus, niger, foetidus, specillum colore iridis in-

(*a*) Cum eventus periculosi hujus mali incertus sit, et qualitas puris emissi fere tantum docere possit, an æger superstes esse valeat, vel non, monendum prius est, certam instare perniciem nisi cito paretur puri in hepate collectio existus, neque tamen apperto abscessu certain salutem promitti posse. Sic Medicus prudenter ægristatur, atque suo decori consulet.

ficiens , saniosus , amurcosus (*a*) ichor prodit , sensim exedetur jecur ; consumetur æger ; fientque fere eadem symptomata (941.)

946 Atque rursum si post inflammationem jecinoris adsunt conditiones (392.) scirrhus ibi nasceret ; qui tumore , durtie , incremento , et suam sedem , et vicina lædit , hinc iterum eadem fere mala , sed lenta producit (881. 882. 883.) ; molibus non auscultat ; acribus in cancrum (492.) horrendum vertitur , cujus dein terribilia effecta intelliguntur ex (499.) comparato cum hac sede affecta : præcipuum scirrhi talis effectum , Icterus perpetuus. (*b*)

947 Unde patet , id malum per sua signa cognitum (946.) mitissime tractandum , sanari vix unquam.

948 Si autem in parva modo parte jecoris exigua talis inflammatio hæsit , calculo , scirrho exiguo , pustulæ , exiguo abscessui , originem dabit : quæ per se parum , sed orta febre multa mala pariunt (881).

949 Tandem etiam inflammatio hepatis desinit subito in mortem , si causæ in-

(*a*) Fœx illa nigricans et subpinguis , quæ in oleo olivarum expresso subsidet *amurca* dicitur.

(*b*) Etiam est hujus scirrhi effectus : Febris ictericea , et hydrops immedicabilis.

flammationis tam validæ , ut nihil per totum jecur transire queat , febre simul intensa urgente : tum strictum ad fines , dilatum ad vasa hepar , nullam functionem obit ; fit Icterus subitus et ingens; rumpuntur vasa ; effunditur sanguis et bilis ; moritur illico æger. Id futurum prædicit. 1. vis morbi in hepate cognita. (a) 2. summa et subita resolutio virium : at vero jam fieri docet vomitus , aut secessus sanguinis , bilis , fœcis amurcosæ , viridis , nigrae , fœtidissimæ , cadaverosæ ; singultus magnus , perpetuus ; febris intensissima; sitis inextinguibilis ; subitus admodum pallor.

950 Ex his omnibus expositis (914. ad 950.) intelligi possunt infinita symptomata in morbis acutis occurrentia (b) ; quorum

(a) Et præcipue inflammatio erysipelacea ad hypochondrium dextrum in homine cacockymico: resolutio virium mox in morbi principio.

Præterea hoc jam fieri docet anxietas ingens, jactitatio , attactus regionis hepaticæ vel levissimi impatientia ; vomitus . . . febris intentissima ; æstus intolerabilis , sudore interim frigido in magnas guttas collecto ; lingua et artibus frigidis ; sitis inextinguibilis ; subitus admodum pallor ; pulsus debilissimus , celerrimus , formicans ; meteorismus ; facies hippocratica. Ita Stollius.

(b) In aphorismo isto corollaria quædam practica proponuntur , quæ ex illis , quæ hactenus de hepatide dicta sunt sequuntur , et multum

ignota ratio inanes malignitatis (*a*) fabulas produxit: nam ab hepate omnia viscera abdominis, adeoque omnes illorum actiones, digestionis, assimilationis, nutritio- nis, refectionis sanguinis, excretionis al- vinæ pendent. In Hepate triplex, facile in calore putrescens humor, sanguis multus et solutus, bilis vesicaria, et hepatica: He- patis cum diaphragmate et corde magna vicinitas: finibus biliosis obstructis facile liquor Portarum biliosus in Cavam transit.

lucis tam cognitioni, quam curationi morborum affundunt. In hepatide magna sepæ adest anxietas, debilitas, et alia symptomata, quæ febrem malignam comitantur. Sedula observatio causa- rum hepatitidis, et effectuum, qui simul signa morbi præsentis sunt, non patietur attentum Medicum hic falli.

(*a*) Error iste adeo perniciosus est, ut Sydenhamus non dubitaverit dicere quod *malignitatis* illud vocabulum humano generi ipsa inventione pul- veris pyrii letalius fuisse, dum illos in primis morbos *malignos* vocarent medici, in quibus inten- sior præ ceteris inflammationis gradus adest. (In schedula monitoria de novæ febris ingressu) *Triplex humor* in hepate considerandus. Primus est sanguis venosus ab intestinis, ventriculo, omento redux fluidissima parte resorpta onustus, et qui ex liene dilutus et attenuatus est, uterque facile putrescendus. Bilis hepatica, et vesicaria acres sunt et cito putrescentes ut in physiologicis fuit dictum.

Quidquid per venam Portarum fluit dupli- ci via inde exit: vel enim per canales secretorios

Tum ex iis solis perspicitur, quam varia, quam multiplex Icteri idea? (a) Cur aliquando facile sanetur, et quando? Cur saepe sit pertinacissimus? Cur saepe cito, saepe tarde

venit in porum hepaticum, vel per fines ultimos venæ hujusce in ramos venæ Cavæ per hepatis totam substantiam distributos pergit, sicque in cavam, sinum venosum, et cor dextrum tendit. (a) Icteri idea varia certe est prout bilis hepatica vel cystica, vel utraque sub earum variis atribus in sanguinem regurgitat. Varietas causæ varium etiam icterum producit facile vel difficile, prout causa fuerit, sanandum. Levis v. gr. hepatitis: graviditas: fæces duræ.. causæ leves sunt. In recens natis, et etiam jam ubera ducentibus aliquando contingit. Saponis veneti scrupulus in aquæ unciis tribus dilutus addendo unciam syrapi eichorei cum rheo cochleatum exhibita sufficiunt. Si causa gravior fuerit v. gr. bilis maxima incrassatio, tumores duri, ductus cysticus concretus .. pertinacissimus evadit.

Ubi atrabilaria materies impetu subito in hepar ruit: validissima inflammatio.. cito occidit. Calculosæ concretiones, atrabilarius sanguis tenax, sensim in hepar aggestus, diuturniore icterum, quatuor nigrum producunt.

Pertinax usus succi graminis, seri lactis, et similium verno tempore, æstivis mensibus aquæ minerales, hyeme magna copia saponis veneti cum melle, sexagenariam mulierem tali ietero, nigro ferme colore totum corpus tingente, solis oculis profundissima flavedine perfusis, ita ut horrorem omnibus illam videntibus incuteret misera ægra, quo per duodecim annos laborabat sanaverunt. Integro biennio (ait van-Swiet. ista

admodum occidat? Cur per vices accedat, maneat, abeat, redeat? cur cum tantis anxietatibus, vomitu, dolore, convulsione, præcedentibus, appareat, quiescat, redeat? et quid tum denotet? Cur in acutis tam calamitosus ante septimum diem?

referens) hanc medelam adhibuit constantissime, quod raro in difficultin chronicis morbis impretrare ab ægris possunt Medici. Tanto autem magis mirabatur ægrotæ longanimitatem quod primis octodecim mensibus vix quid proficerent omnia hæc artis molimina, omnesque ejus consanguinei, et amici suaderent ut missis omnibus remediis pacata mente exspectaret mortem, quam certam, et unicam malorum medelam prævidebant. Optimum constantiæ exemplum in chronicis observandum! Pecant ægrotantes? Peccant pseudo-amici? Pecant amplius Medici? Si ignavi, si coainventes?

Aliquando icterus *periodicus* seu per vices accedens observatur, cuius frequentior causa sunt calculi in cystide fellea hærentes. An vesicæ felleæ calculis referæ sectio suadenda? Si constare posset vesicam felleam accretam fuisse peritonæ proderit. Forte (ait hic van-Swieten.) prima fronte audax apparebit facinus talia moliri, sed certe audacior ille fuit, qui primus ex vesica urinaria **LITHOTOMIA** calculum educere tentavit.

Icterus in acutis ante septimum apparet, suspectus et calamitosus est, quoniam augmentum morbi acuti, et hepatis hactenus liberi infaretum à materia adhuc cruda designat. Si humores per alvum, vel alias vias cedant, minus adest periculum ex Hippocrate (IV. Aph. 62.) Idem post septimum diem apparet, licet revera

Cur tam inexpugnabilis in iisdem post septimum diem? Cur dysenteria larga, cito desinente, tam bene sanetur? Cur missio sanguinis tam parum hos morbos juvet? Cur in omni morbo acuto adeo attendendum sit ad hypochondriorum dolores, tumores,

*inexpugnabilis* non sit, difficilis tamen curatu judicatur; indicat enim materiam morbosam in hepate manere, quæ vel vomicam excitare, vel liquidiori parte dissipata scirrum producere (VI. Aph. 42.) poterit.

*Missio sanguinis*, ad curandam inflammationem, multiplicem ob causam solet adhiberi, ut nempe lœsio ulterior vasorum inflammatorum impediatur, copia sanguinis, et ejus impetus in vasa obstructa imminuantur; ut, vasis distentis ab immeabili materia, restituantur oscillationes elasticæ per immisionem distendentis liquidi; vel denique ut moleculæ obstruentes, minuto impetu liquidi à tergo urgentis, retroprimi possint in loca latiora, sieque obstructio solvi. Hi omnes effectus missione sanguinis minorem efficaciam videntur habere in sananda hepatis inflammatione, cum sanguis venæ portarum jam venosus sit antequam in convergentium ramorum angustias de-nuo pellatur, adeoque cordis et arteriarum efficacia in hunc sanguinem admodum debilis sit: ubi vero inflamatio hæret circa fines arteriæ hepaticæ tunc major effectus, similis nempe ut in reliquis inflammationibus à sanguinis evacuatione exspectari poterit.

Videndum igitur, quando et quibus circunstanciis missio sanguinis parum vel multum hunc morbum juvet. Pariter videndum: quando purgans, emeticum, solvens, resolvens, frictio mer-

retrosursum elevationes? (a) Cur color oculorum, urinæque tam cito icterum præsentem et abeuntem designent? Cur vitia inflammatoria, suppuratoria, gangrænosa, scirrhosa, cancrosa, lienis, ventriculi, omenti, mesenterii, intestinorum, semper ipsum hepar adeo violenter infestent? Cur tam enormiter vitia inflammatoria hepatis vicissim et scirrhosa illa affiant? Cur

*Mercurialis* . . hos morbos sanent ex additione Stollii.

Circa istam ultimam plurima erant dicenda. Mercurialia in peripneumonia notha tamquam utilia posita manent (Not. in Aph. 873.) In hepatitide lenta, proficia absdubio In hepatitide putrida, febre biliosa sociata, illa præsertim, quæ *flava* ob talem inter alia in cute colorem nominatur, tamquam unicum atque efficacissimum auxilium hodie proponitur. Febris ista flava in Insula Jamaica, et Philadelphia annis 1793. 4. 5. devastans contagio atque pestilentia horribilis isto fere unico, mercurio nempe dulci, sive calomelano dominabatur. Ita unanimiter referunt Medici, qui eam tractaverunt James Walker, Lining, Clark, Druinmod, qui ea etiam in hepatitide chronicæ commendant. (*Recueil periodique de litterature medicale étrangère*. Supplement. Tom. I. N. VIII. Pag. 304. et Idem. Tom. II. num. XIV. pag. 60.) Bosquillonius mercurialia in simili casu inuit quantumvis à teoria inaccesa (Nota al num. 422. de los Elementos de Medicina practica del Doctor Cullen Tom. I. pag. 414.)

(a) Cur hepatitis tam sæpè pro cardialgia habeatur, et quo eventu; cur inflammatio hepatis toties imponat Medicis pro febre biliosa, et

jecur tam immensum (*a*) augeri , tumere,  
iterumque exsiccari possit? Cur hydrops à  
malo hepatis , et tympanitis eo crudelior?  
Cur ab hydrope extenuatio , et exsiccatio  
hepatis , cum prætumido liene? Quæ dy-  
senteria hepatica? &c. sunt enim infinita,  
quæ huc spectant.

saburrali , et quam ambigua subinde diagnosis,  
quam periculosa deceptio , cur subinde icterus  
in hepatitide , subide non . . cur icterus subinde  
hepatitidis causa, subinde vero effectus. Hæc Stoll.

(*a*) Jecoris augmentum hic satis facile patet;  
*exsiccatio* non ita facile concipitur. Videtur ta-  
men quandoque contingere obstructis biliosis in  
hepate meatibus , ita dilatari ultimos fines venæ  
portarum , qui cum venæ cavæ ramulis per he-  
par dispersis communicant, ut facillimus transitus  
sanguinis ex vena portarum in cavam fiat , tunc  
minus urgebuntur vasa obstructa, nec dilatabun-  
tur , imo collabentur tandem et concrescent cum  
liquido contento quiescente , sicque hepar mi-  
nuetur mole , exsuccum et aridum quasi reddetur.  
Præterea detectæ fuerunt quædam venæ in me-  
senterio , quæ non exirent in venam magnam me-  
sentericam , sed sanguinem suum in ipsam venam  
cavam deferunt : hinc non improbare videtur  
impedimento natō circa venæ portarum angus-  
tias in hepate sanguinem per binas arterias me-  
sentericas allatum et per hanc viam redire pos-  
se ad cor insalutato hepate. Forte etiam et retro-  
grado motu venosus sanguis in arterias redire po-  
test cum hic nullæ sint valvulae ut jam dictum.  
Dum hoc fit omni functione hepatis sublata lan-  
guidam vitam trahunt tales ægri, illudque viscus  
incredibiliter mole minuitur.

## APHOR. 922.

Vid. de Resolutio-  
ne Aph.      } 54. N. 4.  
                } 75. N. 5.  
                } 88. N. 5. 6.  
                } 135.

## APHOR. 924.

Vid. Aphor. { 54. Num. 4.  
                } 88. Num. 5. 6.

*Stipticum hic necessarium in hæmorrhagia  
narium.*

1. *Lenius.*

R. Aluminis rupei drachmam unam.  
Aquæ stillatæ plantaginis unciam  
unam  
Misce. Solve.

*Turundis ingestis applicetur cavo narium.*

2. *Fortius.*

R. Sacchari saturni drachmam unam.  
Aquæ stillatæ rosarum unciam unam.  
Misce. In eosdem usus.

3. *Fortissimum.*

R. Vitrioli communis drachmam unam.  
Aquæ stillatæ rosarum uncias sex.  
Misce. Similes in usus.

Vid. 54. Num. 4.

APHOR. 930.

*Remedia hic fere propria.*

**Acetosa hortensis**  
**pratensis**  
**rotundifolia**

<b>Acetosella</b>	<b>Endivia</b>
<b>Atriplex sylvestris</b>	<b>Fumaria</b>
<b>Bonus henricus</b>	<b>Hieracium</b>
<b>Chondrilla</b>	<b>Lactuca</b>
<b>Cichoreum agreste,</b> <b>sativum</b>	<b>Oxylaphathum</b>
	<b>Portulaca.</b>

**Dens Leonis**

**Syrpus Borraginis** uncias duas.  
**Cichorei** cum rhabarbaro uncias tres.  
**Fumariæ** uncias duas.  
**Quinque radicum** aperientium uncias duas.

*Decoctum antiphlogisticum, aperiens,  
leniter alvum movens.*

**R.** **Tamarindorum** unciam unam  
**Prunorum** acido-dulcium uncias tres  
**Uvarum** passularum sine gigartis,  
**Corinthiacarum**, singularum  
uncias duas.  
**Florum taraxaci**  
**Cichorei sylvestris**, singulorum  
unciam unam.

Radicis scorzoneræ uncias quatuor.  
**Cum** aqua decoctis spatio quartæ partis  
 horæ libris duabus admisce  
 Salis polycresti drachmam unam  
 Syrupi cichorei cum rheo unciam  
 unam, et semis.  
**Bibat** unciam unam omni semihorio, do-  
 nec leniatur alvus cum regimine.

*Mixtura similis.*

**R.** Syrupi cichorei cum rheo unciam  
 unam et semis.  
 Salis prunellæ drachmam unam  
 Aquæ stillatæ cichorei  
 Fumariæ singularum uncias duas.  
**Misce.** Capiat cochleare unum omni semi-  
 horio in eosdem usus.

## A P H O R. 944.

Aestivo tempore.

*Haustus refrigerans, putredini resistens,  
 vires refocillans, sitim sedans.*

<b>R.</b> Baccarum maturarum	
Mori	Cerasorum
Ribesiorum	Berberis, singularum
Sambuci	uncias quatuor.
Contusis expressum succum decoque:	
tum unciae uni hujus succi ad misce	
Vitelli ovorum numero unum	

Succi citri drachmam unam  
 Vini rhenani unciam unam  
 Panis tosti tenuissime contriti quod  
 sufficiat  
 Sacchari quod sufficiat.

Fiat Haustus.

Hyemali tempore.

*Similis, sed paulo calidior.*

R. Rob ex iisdem unciam unam  
 Elæosacchari de nuce myristica grana  
 quinque.  
 Aquæ stillatæ corticis citrei uncias duas.  
 Vini Rhenani unciam unam  
 Vitelli ovorum numero unum  
 Sacchari quod sufciat.  
 Hæc cum pauxillo panis tosti infusa, ex-  
 pressa, exhibe.

*Ad. idem.*

R. Foliorum electorum recentium, et  
 caulinum Lactucæ  
 Endiviæ  
 Teraxaci  
 Portulacæ singulorum  
 uncias sex.  
 Acetosæ uncias tres.  
 Mundata, lota, iterum excussa aqua cum  
 jure carnium, et pauxillo butyri, salis,  
 et nucis myristicæ, leniter vase clauso  
 cocta comedat.

## VENTRICULI INFLAMMATIO. (a)

951 **U**t reliquæ partes, ita quoque stomachus vera inflammatione corripi potest. Cujus signa, et effectus hæc fere habentur: dolor ardens; fixus, pungens in ipso stomachi loco; ejus exacerbatio in ipso puncto, quo aliquid ei ingeritur, vomitus dolentissimus statim ab omni ingesto, cum singultu dolorifico; anxietas summa et perpetua circa præcordia; febris (b) acuta continua. Ejus causæ (c) generales in-

(a) Sauvagesius Clas. III. Ord. II. Gen. XIII. *Gastritis.* Species: legitima, traumatica (*à contusione vel vulnere*) à veneno, erysipelatosa, exanthematica, sternocostalis.

Cullenius Clas. I. Ord. II. Gen. XV. *Gastritis.* Caracter: pyrexia typhodes; anxietas; in epigastrio ardor, et dolor ingestis quibuslibet auctus; vomendi cupiditas, et ingesta protinus rejecta; singultus. Species *idiopaticæ* à causis internis: phlegmonodea, legitima, erysipelatosa (an phlegmonoidea?) cardialgia inflammatoria; à causis externis: à veneno, erythematica (rubore erysipelatoso in faucibus apparente.) *Symptomaticæ* sunt: exanthematica, herniosa, sternocostalis (de hac non liquet.)

(b) Febris ista frequenter est Lipyria, vel Lyngodes, seu singultuosa, præsertim si morbus sit gravis, atque vehemens.

(c) Frequentissima causa hujus mali est po-

TOMO IV.

flammationis , vel vicinia aliorum , vel acria ingesta.

952 Brevi plerumque letalis fit , nisi subito curetur , ob læsam necessariam functionem , et infinitos nervos connexos.

953 In sanitatem ; morbos suppuratorios , scirrhosos , cancrosos , gangrænosos ; vel in subitam mortem convulsionibus (a)

tus gelidus haustus calefacto prius à laboribus corpore. Directe in ventriculum hic delabitur adeoque ibi in primis mala producet , et quandoque subito spasmo sic stringitur utrumque orificium ventricui , ut sursum vel deorsum ne guttula quidem exire possit , præcipue si maximam copiam potus gelidissimi à laboribus æstuans homo , et sitibundus simul , et semel ingurgitaverit ; à qua causa mortem post intolerabiles anxietates , intra paucas horas factam fuit vißsum. Præter causas generales inflammationis .. et acria ingesta hunc morbum possunt etiam producere acria „intus nata ; venenum varium , medicamentum , „acre erysipelatosum , variolosum , arthriticum , „putridum , aphtosum , anthracodes , pestilentiale. Hæc ex Stollio.

(a) Nervosissima ventriculi substantia irritata , et dolens totum corpus turbare potest miris modis , et in primis cerebri functiones lädere , quod optime Galenus notavit dicens : nam ventriculus capiti et caput ventriculo suas affectiones transmitit propter nervorum ab encephalo ad os ventriculi descendantium magnitudinem , per quos etiam sensus huic parti quam ulli reliquarum corporis partium acutior est ( De locis affectis lib. III. ) Jam Hippocrates emphatice pro-

acceleratam , transire , ut reliqui inflammati , solet.

954 Simulac præsens per sua signa scitur (951) , statim valida sanguinis missione , si opus repetita ; potu lenissimo nutritente (a) , emolliente , antiphlogistico, causæ contrario ; clysmatibus , fomentisque similibus , diligentissime utendum. Cavendum summopere ab omni acri , maxime autem à vomitu.

955 Si in suppuratum abit , multa mala , maxime nausea , vomitus , dolor, succedunt , quæ sæpe mirabilia apparent; ignorata causa , raro curantur ; cognita

nuntiaverat : *venter capiti. Caput carnibus , ac ventri.* (De Locis in homine Sect. I.)

(a) Lactis serum recens , decoctum hordei, avenæ , panis , et similia , addito ovi vitello sufficient pro nutritione levi , quæ hic tantum requiritur. Jusculum dilutum ex pulli carne paratum blandissimum pariter est , et merito præferendum. Nitrum , quoniam vellicat etsi leviter , vitandum in clysteribus poterit adhiberi. Balnea , fomenta, et in primis clysmata sæpius applicata, et diu retenuta ut venis bibulis intestinorum resorberi possint præparata utilissima. Alimenta , et medicamenta acria , et præsertim *vomitoria* cane pejus et angue fugienda sunt. Cave ab illa fallaci , et periculosa regula : *vomitus vomitu curatur.* Levissima utecumque ventriculi inflammatio ab istis letalis fiet. Spirituosa , amara , aromaticæ , acria . . etiam vitanda. Vesicatorium supra sthomachum ipsum ab aliquibus commendatur. Si à regresso exan-

(951.) per curam abscessus tractari requirunt (a) (402. ad 413).

956 Ubi scirrum, cancrumve procreat, tum enormes illos vomitus, dolores intolerabiles, ad minima ingesta acerbatos, fixos, diurnos, ad omnia medicamenta aspera insurgentes, excitat.

957 Solis lenibus (b), ad hos mōrbos requisitis, medelis pacatur (490. 491. 506. 507. 508. 509. 511.); raro curatur: aquæ medicatæ fontium maxime hic efficaces.

themate aut materia podagrīa inflammatio nas-  
catur applicari poterit. Ast.. Prudenter!

(a) „Scirrus vomitum assumptorum, pri-  
„mò solidorum, copiosiorum, dein verò liqui-  
„dorum quoque et parcè ingestorum; debilita-  
„tem, atrophiam, et tandem mortem lentam, mi-  
„sserrimam, cum fame diurna, inducit. Tum  
„verò ventriculus, ponè pylorum potissimum,  
„est induratus, tuberosus, semicartilagineus,  
„ipso pyloro similiter constituto, et angustissi-  
„mo. Palliatur malum, non sanatur.

„Frequens quoque morbus inflammatione li-  
„cet non semper prægressa, ex causa obstruen-  
„tibus variis, primario in ventriculum agenti-  
„bus.” Huic Aphor. ista addit Stollius.

(b) Si istis prudentissime usurpati dolores augentur, abstinentia est illico. Tunc enim me-  
tuendum est, jam in cancrosam indolem degene-  
rare scirrum. Prosunt spones blandi, aquæ  
medicatæ spadanæ, vel his similes, quæ mira vi  
solvendi concreta valent, neque interim acrimo-  
niam magnam habent. Magna certe prudentia

958 Lienis, Pancreatis, Omenti (*a*), inflammati, suppurati, gangrænosi, scirrhosi, cancerosi, origo, natura, effectus, cognitio, prævisio, curatio, palliatio, ex iisdem dictis (914. ad 958.) hauriri possunt (*b*).

opus est dum medela fit hominibus, qui de chronicis illis abdominis doloribus à cibo asumpto exacerbatis conqueruntur.

(*a*) Viscerum horum inflammatio similis est, locus tantum diversus et situs, quibus ex anatomicas bene cognitis, et functione ex physiologicis intellecta, non est difficilis diagnosis horum morborum. Circa lienem observandum, quod intestini coli flexus lieni proximus est; hinc fœces induratæ, flatus impediti ab his fœcibus circa lienis regionem tumores et dolores facere possunt, licet nullum in liene vitium hæreat.

(*b*) „Indè quoque, simulque ex fabrica, situ, „functione intelligitur, cur ventriculi inflammatio tam difficulter sanetur; cur vomitus, „diarrhœa, cardialgia, post variolarum licet „bonarum eruptionem persistans, tam funesti sit „ominis; cur lienitis rarer, crebrior vero ejus „obstructio lenta; quæ inde noxa, quæ medela, „et quis medelæ effectus; cur lienis inflammatio „subinde credatur, quæ tamen est hepatis, et „cur pro pleuritide nonnumquam lienitis impo- „nat medico; cur lienis affectio habeatur, quæ „ad colon flatu, fœce distentum, aut inflamma- „tum pertinet; quæ mala ex omenti inflamma- „tione non bene resoluta, et vincula, tumores, „cum vicinis coalitum, faciente.” Hæc Stollius.

## A P H O R. 954.

*Potus leniens, &c.*

R. Foliorum recentium Trifolii, Acetosæ,  
uncias tres.

Malvæ manipulum unum, et semis.  
Avenæ integræ unciam unam.

Cum sero lactis recentis decoctis un-  
ciis duodecim adde

Vitellorum ovorum numero duo  
Rob ribesiorum unciam unam.

*Clysmæ leniens, emolliens.*

R. Foliorum recentium Endiviæ

Cichorei

Fumariæ

Malvæ

Bismalvæ, singu-

lorum manipulum unum.

Cum sero lactis decoctas, et expressas  
uncias decem

Adhibe pro clysmate bis vel  
ter de die.

## INTESTINORUM INFLAMMATIO (a).

**T**estina , maxime tenuia , et frequentissime , in suis membranis acuta inflammatione (b) , ut ventriculus , infestantur , à causis communibus inflammationis huc delatis ; vel à materie acri (c) potus , cibi , condimenti , medicamenti , veneni , assumpta , huc delata , in plicis valvulosis retenta , hærente ; tum etiam ab acri , putrida , fœtida materie purulen-

(a) Sauvagesius Clase III. Ord. II. Gen. XIV.  
*Enteritis.* Species : iliaca , colica , flatulenta , mesenterica.

Cullenius Clase I. Ord. II. Gen. XVI. *Enteritis.* Caracter : pyrexia typhodes ; dolor abdominis pungens , tendens , circa umbilicum torquens , vomitus ; alvus pertinaciter adstricta. Species *idiopathicæ* : phlegmonodea : iliaca : colica ; erythematica. *Symptomaticæ* : flatulenta : enterocelia (*ab hernia intestinali*.)

(b) Inflammatio ista potest esse acuta , vel lenta : originaria , seu idiopathica : vel sympathica , seu symptomatica.

(c) Omnes causæ in textu propositæ *acres* debent esse. Convulsio ipsa ab acribus applicatis excitatur in fibris muscularibus intestina constituentibus. Verum quandoque et tales spasmi fiunt in intestinis ab aliis longe causis , quæ ad cognitas acrimoniacæ classes reduci nullo modo possunt. In hystericis et hypochondriacis à solo

ta, ichorosa, gangrænosa, biliosa, atrabiliaria, ex œsophago, stomacho, hepate, liene, pancreate, omento, huc appellen-te, hærente, rodente; denique ab convul-sione ingente prægressa, flatus creante, motum sistente, sicque inflammationem producente.

960 Nata his locis, contrahit intesti-na; cavitatem claudit; transitum appulsi impedit; fistulam loco obstructo altiore, sumque ventriculum immaniter inflat, extendit, dilacerat, inflammat; hinc doorem acutissimum, ardenter, fixum, seat, perque omnem inflamatum locum xtendit; convulsiones violentas, ubi ap-ulsis irritatur, producit in diaphragmate et abdominalibus (*a*) musculis; alvum clau-dit; vomitum excitat ingestorum, et ap-pulsorum, citius, tardiusve post assump-tionem, prout superius, vel profundius hæsit; flatus dolentes; tormina cum borborygmis acutissima; ileum; volvulum;

motu spirituum perturbato nasci tales spasmos in visceribus æque ac aliis quibusvis corporis partibus nimis notum est. Multi homines sunt, qui pavimento lapideo frigido diu insistentes illi-co molesta tormina in abdomine sentiunt.

(*a*) Musculi abdominales aliquando etiam inflammantur in epigastrio, et gastritidem men-tiuntur. Tumor magis elatus et gravior, atque sensibilior à contactu dolor, illud ab hac dis-tingunt.

abscessum ; gangrenam ; scirrhum ; cancrum ; febrim acutissimam ; debilitatem ex dolore acerbissimo summam ; mortem citissimam , producit.

961 Quamdiu in gradu inflammatorio subsistit , doloris Iliaci nomine imponit incautis, (a) frigori, flatui, vento, periculo-

(a) Incauti isti ignarissimi Agitur sunt. Pes-sima gens! Quis enim alius ex symptomatibus mox propositis inflammationem adesse non agnoscat? Empirici isti frigori , spasmo , saburræ . . ista tribuentes , catarticis , vomitoriis , carminantibus , aromaticis . . Elixiriis . . illa mitificare intendunt. Elixiria ista in manubus empiricorum nocentissima. Pereunt multi ab intestinorum inflammatione , qui forte servari potuissent , à nitria carminantium medicamentorum ingurgitatione ; et cum raro contingat Medicum in his morbis vocari antequam ægri copiam similium sumpserint, facile patet quam immaniter malum augeri debeat , ubi intestinorum inflammatio talibus irritatur. Quinimo licet á solo spasmo absque inflammatione dolor abdominis oriatur , minime tutum est audacter similia sumere , quia semper periculum est nisi subito levent , quod pessime nocere possint ; licet enim ab inflammatione morbus non duxerit originem , convulsionem tamen intestinorum flatus creantem inflammatio facile sequi poterit.

Adest aliquando in istis partibus inflammatio lenta , obscura , quæ dictis conjuncta solet utcumque illis augeri atque confundi. Status iste cautelam Medicorum , quantumvis sagacium etiam exigit.

so successu adscribitur , calidis tractatur,  
et carminantibus , eventu funestissimo.

962 Cognoscitur autem facile pro vera inflammatione ex febre acuta continua comite ; siti ingente , calore magno , pulsu duro , dolore igneo , urina flammea, debilitate subitanea.

963 Si flexum Coli occupat (959.), facit Colicum dictum dolorem ; si Recti intestini ultima infestat , tum pro hæmorrhoidibus cœcis haberi solet : solvitur dysenteria blanda subcruenta biliosa.

964 Simulac noscitur præsens per signa (959. 960.) in eo statu , statim maximo molimine tentanda sanatio , quæ acquiritur 1. missione larga , et repetita sanguinis, ut in pleuritide (890.) 2. assiduo injectu clysmatum(a)laxantium , diluentium,

(a) C. Celsus , si dolor aliis enematibus non quiescit jubet etiam in alvum ex parte inferiori tres aut quator cyathos olei calidi dare. Optimum medicamentum! Alimenta etiam per viam istam injicienda. Ob eandem causam prudens opiatorum usus in iisdem clysmatibus præcipue commendatur cum nullum ad spasmos solvendos remedium potentius opio habeatur. Verum hæc non conveniunt nisi prius sanguinis missio , et clysmata adhibita fuerint , secus enim contingere posset , ut per opiate sopito doloris sensu , causa doloris , inflammatio nempe destrueret, gangræna nata , partem affectam. Virium robur etiam requiritur ; alias ægri statui , et Medici decori turpiter nocebit illa exhibitio.

antiphlogisticorum, saepe repetitorum ad tertiam, quartam, et ultra, vicem uno die. 3. potu assiduo calido eorundem, additis prudenter opiatibus, et iis, quae causae singulari (*a*) compertae (959.) adversa sunt. 4. fomentis (*b*) ex similibus toti abdomini applicatis, maxime ex junioribus, vivis, validis, sanis, animalibus impositis. Atque 5. interim caute cavendo ab omni acri, impetu augente, calefaciente, potu, cibo, medicamento, motu, animi affectu, 6. tamdiu persistendo in usu horum, donec omne malum sedatum sit, nec tribus diebus redierit.

965 Si malo hoc (959. 960.) praegresso; nec debitiss remediis curato; et ultra triduum semper cum vehementia persis-

(*a*) Si ab acri acido nascatur absorventia prorsunt. Si à putrida materia, acescentia et acida. Decocta emollientia, oleum, jus pulli, generice convenient.

(*b*) Inter fomenta huic malo propria in primis hic laudatur tepor ille naturalis, qui ex vivis et sanis animalibus abdomini impositis habetur ubi simul et subtilissimum exhalans de animalis corpore balneum quasi vaporis exhibit. Calidum adhuc de recens mactati animalis abdomine evulsum *Omentum* oleo molli et penetrabili plenum, pulchrum pariter in hoc morbo remedium dat. Aræteus et Celsus laudaverunt cucurbitarum applicationem. In doloribus flatulentis abdominis præsentissimum istæ levamen.

tente, loco doloris, ardoris, distractionis, successerit horror vagus per totum corpus sine causa, obtusus cum gravitate dolor in loco, signum erit ibidem formari abscessum, unde intra quatuordecim dies eo rupto effluet pus; quod si in cava abdominis effluit, facit mala multa similia (939); si autem effluit in cava intestinorum, facit dysenteriam purulentam magnam, parvam, longam, brevem, prout ulceris ibi facti natura dabit; inde saepe integræ intestinorum membranæ exeunt, et saepe tabes fit.

966 Simulac id (965.) adesse noscitur, statim inhibendus omnis victus, unde sterlus multum, durum, crassum, acre nascitur; æger pascendus solis jusculis cum leniter deterшивis radicibus incoctis; decocta balsamica, detergentia, multum bibenda, et instar clysmatum injicienda; aut aquæ fontanæ medicatæ (a) larga copia bibendæ, in his pergendum usque ad perfectam sationem.

967 Si vero morbus habuerit causas violentissimas (959.), et produxerit sævisima symptomata (960.), poterit facile in illo loco (959. 963.) producere gangræ-

(a) Aquæ istæ vel solæ, vel cum lacte exhiberi possunt. Frid. Hoffmannus Dissertationem scripsit *De mirabili connubio aquarum mineralium cum lacte*. Opera Medica. Tom. V. pag. 222.

nam (388.), misserrime dein letalem (a).

968 Quam futuram ex iisdem obser-  
vatis prægressis facile prævidemus (967.),  
si simul nulla benignæ resolutionis (963.),  
vel medelæ (964.), signa apparuerint.

969 Eam fieri docent signa prægressa  
(968.), tum subita , et sine causa , remis-  
sio acerrimi doloris , manente pulsu debili,  
intermittente , sudore frigido , dysenteria  
fœtida , cinericea , ichorosa , livida , ni-  
gra , fœcum sine sensu demissione ; unde  
brevi placida mors.

970 Malum id , eousque provectum,  
raro (b) medelam capit ; curandum prius;  
cæterum sola methodus (966.) prodest.

971 At si causæ (392.) hic scirrum  
produixerint , longe alia mali idea nasci-  
tur , quæ clare certe pernoscenda.

972 Ergo , si in intestinis dictis (392.  
963.) inflammatio cum conditionibus (291.);  
diu perdurans , nec in summam sævi-

(a) Finis iste funestus certo ; citoque aderit  
si inflammatio fuerit erysipelatosa , erysipelate  
præprimis bullato.

(b) Aliquando extrorsum patet via puri gan-  
grænoso et manui chirurgi datur aditus ut artifi-  
ciosa pateat excrementis via. Aliquando corti-  
ce peruviano gangræna sistitur. Verum licet ita  
impediatur gangræna progressus , et separatio  
bona sequatur , tamen eadem difficultas manet  
nisi post separationem factam continuitas tubi  
intestinalis adhuc supersit.

tiem (960.) adscendens , nec resolutione (963.) , nec medicamentis (964.) , nec suppuratione (965.) soluta , deinde reliquerit in loco affecto stuporem , gravitatem , distractionem , constantem , cogitandum est , scirrhum ibi nasci.

973 Qui si naturam suam (392.) sequens , effectusque suos (486.) producens in hoc loco (959. 963.) multa , gravia , pertinacia mala producit ; qualia in primis : stupor , pondus , incrementum ; assiduo aucta ; hinc cavitatis intestinalis angustatio ; foecum ibi et chyli stagnatio ; horum in locum resistentem actio , maxime putrida , ob moram , materie ; hinc intestini occlusio ; intorsio ; ingestorum remora ; Ileus , volvulus ; vel ab acri irritante dysenteria (a) siccior convulsio ; singultus ; vomitus : dolor assiduus ; febris , macies ; atrophia ; mors .

974 Medicamenta parum valent , quæcumque demum sint : victus sit (966). Sic fertur diu , sine magno malo .

975 Si autem scirrus ille hoc loco conceptus per causas (492. 495.) , signis (497. 498.) cognoscitur , tum vero miserimus rerum status , et immedicabilis certnitur : qui intelligi potest ex (498.) collatis cum natura , functione ; nervosa textura

(a) De Dyssenteria , Ileo , Colico dolore in APPENDICE tractabitur.

intestini : maxime autem dysenteria acer-  
rima , assidua , rebellis , cuncta , per quæ  
vadit , exurens , erodens , consumens , cum  
convulsionibus accerrimis ; doloribus omni  
patientia majoribus , fixis , diurnis , donec  
tandem mors unico sit miseriæ solatio .

976 Si simulac scirrhi præsentia nosci-  
tur (972.) tractatur methodo (974) , hoc  
malum (975.) multum cavetur . Sed si ,  
ad id superandum acria (490. N. 3. 495.  
502.) applicata imprudenter , maxime per  
valida purgantia , tum cancer illic oritur ,  
sævitque : tum autem potus ex solo lactis  
recentis sero ; victus ex jusculis farinosis ,  
carnosisve solis cum vitellis ovi ; clysmata  
blandissima ex solo decocto seminum lini ,  
foliorum solani officinarum , vel capitum  
papaveris albi injicienda ; medicamenta  
summopere demulcentia , anodyna , leni-  
ter opiata , non facile in acre transeuntia ,  
danda .

977 Hinc demum liquet , cur practi-  
cis toties occurrant dolores œsophagi , oris  
ventriculi , hepatis , lienis , pancreatis , in-  
testini Ilei , intestini Coli , adeo sævi , fixi ,  
pertinaces , intolerabiles , insuperabiles ?  
quod in omni Ileo vero sit semper causa  
physica transitum contentorum per intes-  
tinum absolute impediens , quæcunque de-  
mum hæc fuerit , sive in ipsa scilicet in-  
testini fabrica male affecta , sive in mate-  
rie quadam cavum occupante , quæ multi-

plex quidem deprehensa fuit? (a) item quam sit multiplex, miraque omni modo, dysenteria; quam male in hujusmodi malis saepe accusetur acrimonia quædam hectica humorum singularis, et contra eam fictam dentur nocentia medicamenta? quanta sit prudentia opus Medico dатуо purgans (b) in magno dolore illarum partium? quænam saepe sit illa post hæc in non-nullis sequens, immedicabilis hypercatharsis? quam varia remedia, et methodus medendi requirantur ad dysenterias curandas? quam vanum, fallax, et damnosum sit, ad has commendare unum, qualecumque demum sit, medicamentum proprium? aut unam universalem (c) medendi methodum? Et infinita similia.

(a) „Sive in parte quadam vicina, intestinum præmente, stringente: an et quando frigida, potu, epithemate, enemate, balneo, afluxione, frictione adhibita in ileo, bonum, quando vero letale.” Hæc Stollius.

(b) Emeticum, carminans, narcoticum eandem prudentiam in Medico exigunt.

(c) Dysenteria à causis variis producta variam medendi methodum requirit. *Unicum medicamentum illis omnibus adaptare agitæ, empirici, andabatæ.. insania est; non Medici.*

## APHOR. 996.

*Victus Medicamentosus.*

R. Radicis Scorzoneræ  
 Tragopogonis  
 Sisari  
 Petroselini  
 Cichorei singularum uncias  
 duas.

Cum jure carnis secundum artem decoctis  
 ad uncias triginta  
 Jusculo admisce  
 Vitellorum ovorum numero duo,  
 Salis quod sufficiat.

*Decoctum balsamicum detergens.*

R. Radicis valerianæ hortensis uncias duas,  
 Foliorum levistici manipulos duos,  
 Florum hyperici manipulum unum,  
 Agrimonie uncias duas.

Cum aqua decoctas libras duas exhibe.  
 Bibat uncias duas omni hora.  
 Ex eodem etiam fit clysmæ.

978 uum vero in multis morbis acutis cum visceribus inflammatis Aphthæ (b) oriantur, de his nunc paucis agendum.

979 Sunt autem parva, rotunda, superficiaria, ulcuscula (c), os internum occupantia.

(a) Sauvagesius Clase III. Ordine I. Gen. IX.  
*Aphtha.* Species : lactucimen, febrilis, maligna, syphilitica, scorbutica.

Cullenius Clase I. Ordine III. Gen. XXXV.  
*Aphta.* Caracter : lingua tumida; linguæ et fau-  
cium color purpurascens; escharæ in faucibus et  
ad linguæ margines primum comparentes, os in-  
ternum totum demum occupantes, albidæ, ali-  
quando discretæ, sæpe coalescentes, abrasæ cito  
renascentes, et incerto tempore manentes. Spe-  
cies : Aphtha Boerhaavii, febris aphthosa Voge-  
lii. Idiopathica unica Aphtha infantum.

(b) Veteres Medici aphthas agnoverunt præ-  
sertim idiopathicas quales sunt infantiles, quæ  
benignæ, vel malignæ observabantur. Hippocrates  
in pulmonis fistula, in ore, in pudendis descripsit.  
Boerhaavius videtur hic agere de aphthis symp-  
tomaticis, morbis acutis supervenientibus. Ta-  
men revera aphthæ idiopathicæ observantur.

(c) Aphthæ proprie loquendo ulcuscula non  
sunt, sed pustularum in morem supra superfi-  
ciem partium oris interni elevantur, et dum se-  
paratæ decidunt integrum omnino partem, cui  
adhæserunt relinquent. Optime hoc notavit Vin-

980 Quæ examinata accurate videntur esse ultimi emissarii, quo in os liquor secretus effunditur salivosus, mucosusque, exulcerationes factæ ex obturatione ejus canalis extremi per humorem lentum, viscidumque eo delatum.

981 Hinc occupant omnia loca, ubi talia emissaria hiant; adeoque labia, gingivas, genas internas, linguam, palatum, fauces, tonsillas, uvulam, gulam, stomachum, intestina tenuia, ubique fere eadem specie.

982 Gentibus Borealibus (*a*), paludosa loca inhabitantibus, tempestate calida, pluviosa, infantibus, senibusque, frequentes.

983 Solent autem Aphthas in ore apparituras præcedere febris continua putrida (*b*), aut intermittens, continua facta; incipiens cum diarrhoea, vel dysenteria; magna et perpetua nausea, vomitus,

centius Ketelaer, qui in uliginosis Zelandiæ locis praxim Medicam exercens frequentissimas ibi in morbis aphthas viderat, et brevem, sed optimum commentarium *De aphthis* conscripsit. Cl. Penrose de his etiam ex professo egit.

(*a*) In calidioribus regionibus vel omnino non, vel rarissime occurunt aphthæ. In istis corporum habitus rarer est, et ad sudores magis comparatus, hinc morbus iste per hos sæpe difflatur.

(*b*) Febris ista sæpe biliosa, atrabiliaria est, sæpius bilioso-putrida observatur.

prostratus appetitus ; anxietas ingens , sæpe repetens circa præcordia ; debilitas magna ; evacuatio quæcumque humorum ; stupor et hebetudo , somnolentia levis , inæqualis , perpetua ; perpetua querela de pondere et dolore circa stomachum.

984 Solet in initio aliquando hinc inde sparsa apparere solitaria pustula , jam primo in lingua , in labiorum angulis , in faucibus , et alibi , sine ulla certa constanza loci primi : et illæ fere semper boni genii : aliquando primo apparent in imis faucibus adscendente quasi ex œsophago crusta alba , densa , splendente , instar recentis lardi , tenacissime adhærente , lente adscendente : atque hæ fere pessimæ , et ut plurimum certo letales : aliquando duris , crasis , densis , tenacibus crustis totum cavum oris ubique , usque ad extrema labiorum , obsident , omnia tegentes simul ; et ab his raro resurgunt ægri.

985 Varius harum color : albus pellucidus instar margaritarum ; albus sincerus ex densitate magna ; fuscus ; flavus ; lividus ; niger : quorum malignitas pari ordine , ac hic recensetur , procedit , ut prior optimus , pessimus posterior sit.

986 Ubi hæserunt aliquamdiu , solent inferne solvi , laxari , frustulatim decidere , sicque sensim , et successive omnes partes prius affectæ liberantur. Tum nonnullæ cadunt cito , aliæ tarde. Quædam illico re-

nascuntur , quædam tarde , aliæ non : renascuntur quandoque æque densæ ac priores , et etiam nonnumquam adhuc densiores : patetque iterum tum diversitas periculi , et ubi .

987 Hic locus (981.) natura (979. 980) , causa (980. 983.) , symptomata hujus mali (984. ad 987.) , unde de genio statuere licet ; atque inde effectus ejus facile deduci possunt .

988 Ubi enim talis crusta aphthosa totam superficiem tegit partium descriptarum (981.) , tum sensum nervis impri mendum tollit , unde sapor omnis sublatus ; exitum liquidorum per sua emissaria impedit , unde siccitas , vasorum suppositorum dilatatio , liquorum sub his stagnantium putrefactio , inflammatio partium ipsarum ; cavitates vasorum absorbentium claudit , unde ingressum novi chyli , potus , medicamentorum impedit , vitia à denegata refectione corporis nata producit , unde tandem inde mors ; crustis deciduis , major per dilatata vasa jam aperta humorum effluxus , unde salivatio ; diarrœa , quæ bonæ si non renascuntur aphthosæ crustæ ; malæ , si iterum procreantur ; deciduis crustis , dolor inflammatum , et jam denudatarum partium , sæpe vivum cruentem stillantium , unde saliva sanguinolenta , talisque dysenteria ; hæc autem omnia , si stomacho , emissario he-

patis , pancreatis , intestinorum applicantur , nos docent infinita mala , quæ ex hoc uno morbo oriri possunt : ut non opus sit aliam prognosin dicere.

989 Si vero ulcerosæ crustæ hæ admodum lentæ , crassæ , latæ , compactæ , tum sæpe suffocata caro subjecta inflammatæ , suppurata , gangrænosa , in dira ulcera mutatur , eroso quandoque in os palati usque ejus involucro ; qualia autem in stomacho et intestinis hinc mala , per se patet.

990 Ut curetur optime hoc malum , debet 1. humorum vitalium impulsus internus in partes obsessas excitari , temperari , ut suppeditato liquido inferne resolutio , laxatio , lapsus concilietur crustæ ulcerosæ: id efficitur potu multo , calido , diluente , resolvente , abstergente (a). Et quia in mala specie hujus morbi vasa lactea ob sessa introitum facilem negant , hinc fo menta , vapores , balnea mirifici hic usus ex eisdem ; cibus autem optimus ex aqua , pane , coctis , dein vino et melle mistis.

(a) Ea , quæ hanc expulsionem materiae morbosæ juvare possunt exhibenda. Hoc in primis ideo notandum est quia quandoque minus periti veterum aphthas , ad quarum curam adstringentia laudabantur , cum aphthis morbos acutos sequentibus confuderunt , et refrigerantibus , atque adstringentibus curam moliti sunt magno cum ægrotantium danno.

2. debet crusta in facilem citumque lapsus disponi: id fit fomento, gargarismo, clysmate: quæ liquore calido laxante, emolliente, detergente, et satis diu adhærendo humectante, putrefactioni (*a*) resistente, constare debent. 3. simulac lapsus conciliatus est, tum anodyno, demulecente, et simul parum corroborante medicamento simili utendum. 4. simulac rursum febris sedata, urina hypostatica, pulsus paulo liberior, tum potus corroborans prodest. 5. in fine mali purgans corroborans per alvum exhibendum.

991 Ex hac historia et curatione aphtharum multa obscura problemata practica solvuntur. Cur enim in febre cum diarrhoea et dysenteria (*b*) in fine morbi aphthæ? Cur id in pueris, senibusque in primis? Cur maxime, si medicamenta, victus, regimen, calefacentia, aut adstringentia, in initio morbi hujus data? Cur si in talis

(*a*) Aphthæ aliquando in gangrænam tendunt (989.) Cortex peruvianus internè sumendus. Hujus tinctura spiritu nitri dulcis sociata aplicanda, Cortex iste in aphthis febrem epidemiam remittentem, seu intermittentem subsequentibus utilissimus. Purgantia in fine mali prudenter exhibenda. Mirabilani minori dosi quam in materia medica præscribuntur possunt esse utiles.

(*b*) Videtur in primis hæc esse ratio quod liquidissima subducta fuerint de corpore copiosis illis evacuationibus, adeoque humores residui

morbi initio purgans datur aphthæ hujusmodi præcaventur? Cur in pessimis aphthis molestus et funestus singultus? Cur ora aphthosa, ventres turbati, appetitus prostrati junguntur ab Hippocrate? Cur aphthosa tunica ventriculi lienteriam creat? Cur aptæ nigræ pestiferæ habentur? Cur aphthosum os gravidæ abortus prænuncium? Cur in putridis pulmonibus, hepate, &c. Aphthæ adsunt? Cur tumor, calor, suffocatio, angina ab aphthis refrigeratis? Cur deliria, jactationes, per vigilia, sudor frigidus, adeo hic funesta?

992 Regula ergo est: aphthæ pellucidae, albæ, tenues, sparsæ, molles, facile cadentes, parum renascentes, superficiariæ, bonæ; contra vero, candidissime opacæ, flavæ, fuscæ, nigræ, densæ, crassæ, coëntes, duræ, tenaces, assiduo reflectæ, erodentes, malæ.

magis viscdi facile in vasis illis extremis hærere possint, et aphthas producere. Peculiaris morbi indoles ad hoc multum facit. *Purgans* in initio morbi in aphthas propendens, illas poterit præcavere. Tunc enim acer ille stimulus expellitur, qui et dysenteriæ, et febris sequentis, vel comitantis illam causa est. Hoc Medici prudentiam, et consumatam praxim expostulat. *Singultus* in principio morbi aphthosi funestus est. Ille autem singultus, qui deciduis jam aphthis fit, molestus quidem est, sed raro perniciosus. Reliqua facile percipiuntur. Dubitari potest num sit morbus iste contagiosus?

## APHOR. 990. Num. 1.

*Potus emolliens, leniens.*

R. Amygdalarum dulcium excorticarum  
contusarum uncias duas,  
Pistachiorum unciam unam,  
Semimum quatuor frigidorum majorum,  
minorum contusorum singulorum  
drachmas duas.

Avenæ excorticatae drachmas tres.

Cum aqua vase clauso decoque spatio  
unius horæ, tum adde  
Radicis excorticatae glycirrhizæ unciam  
unam.

Ebulliant denuo parum, tum decocti  
accurate contriti libras duas exhibe.

Hoc bibat, fauces eo colluat, et os.

Vel.

*Decoctum magis aperiens, et abstergens.*

R. Radicis Pastinacæ tenuifoliæ rubræ  
Sisari Raporum, singula-  
Chinæ rum uncias qua-  
Sarsaparrillæ tuor.  
Hordei integri unciam unam.  
Minutim contusa cum aqua de-  
cocta, et fortiter expresa.  
Unciis triginta admisce

Syrupi altheæ unciam unam.  
In usus eosdem.

*Succus diluens, resolvens, abstergens.*

R. Bulborum raparum cum cortice quod sufficiat.

Tyrocnesti, vel radula, ex bractea ferrata, radantur; tum exprimatur succus, qui ebulliens leniter despumetur; hujus unciis sexdecim admisce

Vitellorum ovorum numero duo.

Syrupi violarum drachmas quatuor.

Bibat unciam semis omni semihora.

Cibi optimi.

Vid. Aph. 35. Num. 1. 3.

APHOR. 990. Num. 2.

*Decoctum emilioens, detergens.*

R. Foliorum malvæ,

Brancæ ursinæ, Mercurialis,

Altheæ, Alchimillæ, singulo-

Parietariae, rum uncias

Verbasci, duas.

Radicis altheæ unciam unam

Bulborum raparum uncias decem.

Cum aqua decoctis, et expresis unciis triginta sex admisce

Vitellorum ovorum numero quatuor.

Mellis rosarum uncias duas.

Fiat collutorium semper in ore tenendum,  
et gargarisma assiduum.  
Ex fœce ressidua fiat cataplasma , externe  
faucibus applicandum.  
Clysmæ ex iisdem.

## APHOR. 990. Num. 3.

*Mixtura emolliens , anodyna , parum  
roborans.*

R. Syrupi papaveris albi uncias duas.  
Cremoris lactis dulcis drachmas duas.  
Vitellorum ovorum numero duo.  
Aquæ stillatæ rosarum uncias duas.  
Misce. Hujus pauxilum ore assiduo conti-  
neat.

*Vel.*

R. Gelatinæ cornu cervi , aut carnis bene  
spissæ in frustra concissæ parum;  
quod suficiat.  
Assidue imponatur linguæ , ut soluta ibi  
obliniat , et sic lente deglutiatur.  
Hæc leniunt excoriata.

*Decoctum in aphthis deciduis resolvens ,  
corrobora-*

R. Decocti foliorum recentium agrimoniacæ  
uncias septem.  
Mellis rosarum unciam unam.  
Misce. In eosdem usus.  
Hoc laxata roborat.

APHOR. 990. Num. 4.<sup>19</sup>

*Decoctum post aphthas, adstringens magis  
roborans.*

R. Radicis oxylapathi unciam unam,  
Corticis peruviani,  
Tamarisci, singulorum drach-  
mas sex.

Foliorum agrimoniae manipulum  
unum.

Cum aqua decocta libra una, et semis  
admisce

Syrupi kermes unciam unam.

Bibat unciam semis omni hora.

Hoc intestinorum laxata vascula roborat.

## APHOR. 990. Num. 5.

*Haustus purgans, et simul post operationem  
roborans.*

R. Rhei drachmam unam et semis,

\* Myrobalani citrini sine nucleis un-  
ciam unam et semis.

Cum aqua decoctis, et expresis unciis  
tribus admisce

Syrupi cichorei cum rheo drachmas  
duodecim.

Fiat Haustus.

## NEPHRITIS (a).

T

993 Lipsos Renes vera inflammatio-  
ne (b) occupari scimus ex dolore ardente,  
pungente , magno , inflammatorio loci ubi  
Renes siti sunt ; ex febre acuta , continua  
concomitante ; ex urina pauca , s̄æpe par-  
va copia emissā , admodum rubra et  
flammea , vel in summo malo , aquosa;  
stupore cruris vicini ; dolore inguinis , tes-  
tisque vicini ; dolore iliaco ; vomitu bilis;  
ructu assiduo.

994 Hanc (993.) producunt omnes  
causæ generales inflammationis renibus

(a) Sauvagesius Clase III. Ordine III. Gene-  
re XXIV. *Nephritis*. Species : vera : calculosa.

Cullenius Clase I. Ordin. II. Gener. XIX.  
*Nephritis*. Caracter : pyrexia , dolor in regione  
renis s̄æpe ureteris iter sequens ; mictio frequens  
urinæ vel tenuioris, vel decoloris , vel ruberrimæ;  
vomitus ; cruris stupor ; testiculi ejusdem lateris  
retractio aut dolor. Species. Idiopatica : *Vera*.  
Symptomatica : *calculosa*.

(b) Renes *nephroi* græce nominati , ob vici-  
niam cordis , et magnitudinem arteriæ emulgen-  
tis , quæ renem ingressa statim in minimos ramos  
dividitur valdè impetui sanguinis , expositi facile  
inflammantur. Febris acuta istam à dolore , qui  
*nephralgia* dicitur , distinguit. Hæc varias habet  
species , inter quas , hæmorrhoidalis , hysterica ,  
rheumatica , quæ *lumbago* etiam nominatur , sunt  
præcipue.

applicatæ ; adeoque 1. quidquid fines arteriæ ad transmittendum impedit , vulnus, contusio , abscessus , tumor , decubitus diuturnus , nixus corporis validus , lapillus. 2. quidquid urinam in pelvim , ureterem , vesicam transire impedit , ut similes causæ , ac mox enarratæ , applicatæ his partibus. 3. quæ crassiora sanguinis vi adigunt in canales urinosos , ut cursus, equitatio diurna et vehemens , æstus , nixus , plethora , diuretica acria , venena. 4. spasmodica (a) omnium illorum vasculorum diu permanens contractio.

995 Si summa inflammatio hæc vascula occupat , ita sæpe stringuntur , ut nihil reddatur lotii : aliquando ut valde parum , pellucidum , tenue , aquosum , quod pessimum. Irritatis sæpe nervis (b) cohæren-

(a) Hystericæ mulieres , et viri hypochondriaci huic malo sunt obnoxii. In his renalia vasa adeo constringi per spasmus possunt , ut solitos humores transmittere nequeant.

Monialis hysterica post ventris dolores , motus convulsivos , et inflationes , incidisse fertur in urinæ suppressionem , illamque postea urinam evomuisse per quadraginta dies et ultra ; et toto hoc tempore nullam emingebat urinam , nisi unciaw circiter quotidie , quæ cathetere in vesicam immesso educebatur ( Academ. des Sciences. An. 1715.)

(b) A renibus inflammati varia symptomata quandoque producuntur in aliis partibus corporis licet causa mali in solis renibus hæreat , atque

tibus , et vicinis , dolores et convulsiones facit per stomachum , mesenterium , intestina , ureteres ; unde ructus , nausea , vomitus , dejectiones alvi , ileus , urina intercepta , crurum stupor , horum immobilitas , lumborum ardor .

996 Sanatur bonitate naturæ , et morbi , 1. per resolutionem . 2. urina (a) copiosa , ruffa , crassa , continuato fluore redditæ ante diem morbi septimum , aut ad summum quartumdecimum . 3. Hæmorrhoidibus inito morbi large fluentibus . (b)

ideo sæpe turbari diagnosim hujus morbi cum tot aliæ partes in suis functionibus lœdantur . Quandoque post symptomata , quæ renes , aut vesicam laborare docent sequitur colicus dolor , et etiam ileus , qui frequenter letalis est , ut videtur indicare Hippocrates dicens : *quibus ex stranguria volvulus succedit intra septem dies intereunt , nisi oborta febre copiosa urina effluat.* (VI. Aph. 44.)

(a) Vidit van-Swietenius in nephritide inflammatoria optimo cum eventu excretam urinam crassam , fuscam , potum *caffè* dilutiorem referentem , qualis urina in aliis morbis non adeo boni ominis esset .

(b) Per *hæmorrhoides* morbus iste etiam sanatur , his enim large fluentibus , et copia , et impetus sanguinis à renibus derivantur . Minuitur enim resistentia sanguini , qui per viscera abdominalia movetur , adeoque per cœliacam et utramque mesentericam transibit majori copia , sicque minus urgebuntur renes . Sanguisugæ ano applicatæ utiles , si non sponte fluant .

997 Sanatur, ubi in statu inflammationis per sua signa noscitur (993. 995.)  
**I.** per remedia generalia omni inflammationi sanandæ propria, venæ sectionem, avulsionem, dilutionem. **2.** decocta lenia, emollientia, antiphlogistica magna copia ingesta. **3.** Clysmata, fomenta, balnea ex iisdem constantia. **4.** victu humido, leni, quiete, vitatione lecti (*a*) calidi, in primis autem decubitus in dorso.

998 Si nimia symptomata doloris, vel convulsionis urgent, opata (*b*) prosunt.

999 Vomitum autem nimium, morbi symptoma, sæpe ingestu tepidæ mellitæ juvare prodest.

1000 Atque hac sola methodo tuto curatur ipsa nephritis à calculo renibus, ureteribusve impacto orta.

1001 Si causæ nephritidis magnæ, nec malum resolvitur (996.), nec sanatur (997.), sed excurrit ultra septimum diem, abscessus metuendus; quem fieri, docet remissio doloris, ejus in pulsationem mutatio,

(*a*) In morbis inflammatoriis hoc maxime commendabat Sydenhamus. In nephritide magis necessarium hoc est, quoniam dorsum calescit; et in situ corporis supino à mole viscerum incumbentium renes comprimuntur.

(*b*) Hæc doloris sensum tollunt non hujus causam, nisi spasmodica tantum fuerit. Per clysteres tutius applicanda opata.

horror s<sup>æ</sup>pe recurrens , gravitas , stupor que partis ; jam factum esse docet prægressus priorum , tum pulsus , ardor , tensio in loco , urina purulenta , fœtida , instar urinæ salsa putrefactæ : simulac accessus ille factus scitur , utendum valde maturantibus primo et emollientibus , dein purulenta apparente urina (*a*) , diureticis puris ex aquis medicatis , sero lactis , similibusque , usurpati simul balsamicis .

1002 Si vero suppuratio illa (1001.) diu durat , totus ren exesus saccum format , nulli usui servientem : tumque frequenter tabes renalis adest .

1003 Si scirrum hic format , paralysis (*b*) , vel claudicatio cruris suppositi oritur , immedicable malum : unde s<sup>æ</sup>pe lenta tabes , hydrops &c.

(*a*) Quandoque pus in aliis locis corporis collectum , venis resorptum , per urinæ vias exit . Aquæ medicatæ , quæ loco ferri soluti paream copiam salis blandi et detergentis continent valde utiles , in primis si æqua lactis copia addatur . Balsamica blandiora usurpanda . Terebinthinæ gummosa pars à resinosa separata præferenda . Aliquando pus in rene collectum versus exteriora dirigitur . Hippocrates ( de internis affectionibus vers . 334 . . ) Nephrotomiam consultit . An imitandus ? Videantur Prosper Marciānus , et Joannes Martinus in istum locum VENERANDI SENIS .

(*b*) Renes scirrhosi in primis si mole nimis aucta fuerint simul musculos psoas et quosdam nervos ad artus inferiores ex medulla spinali

1004 Si autem parva copia materiae inflammatae coagulata in folliculo urinæ minimo hæserit, basin format, cui apposita sabuli in urina materies crustatim accrescens calculum renalem creët, sique eundem augeat: de quo postea.

1005 Quin etiam aliquando in gangrenam transit, quod docet vehementia causæ (994.), symptomatum (995.), absentia levaminis per remedia (997.), et subita remissio doloris sine causa, cum sudore frigido, pulsu debili, intermittente, singultu, urina vel nulla, vel livida, nigra, capillosa, fœtente, carunculis fuscis, nigrisve fœda, defectu virium subito, summo: ubi nihil juvat, vel medicina (902).

1006 Hinc patet, infinitas esse nephritidis species (a), causasque: et inter eas unam à calculo; tamen esse omnium ferme eandem curationem. Cur in febribus toties nephritis (993.), ejusque crisis (996.)? Iino et inde Ischuria vitio renum, vel ureterum orta intelligitur, sanatur.

tendentes comprimere, illorumqne actiones turbare possunt, paresi tantum; non vera paralysi.

(a) Inter indefinitas nephritidis species à van Swietenio proponuntur inflammatoria, suppura-toria, scirrhosa, spasmodica, verminosa... et hu-jus duo exempla ex Tulpio citat.

## APHOR. 997. Num. I.

*Decoctum antiphlogisticum, leniens  
aperiens.*

- R. Foliorum recentium chærophylli  
Becabungæ  
Parietariæ singulorum manipulos  
duos.  
Radicis acetosellæ  
Cichorei  
Bardanæ singularum uncias  
duas.  
Cicerum rubrorum unciam unam, et  
semis.  
Seminum contusorum papaveris albi,  
Cardui mariæ , singulorum  
drachmas sex.  
Cum aqua decoctas spatio dimidiæ horæ  
libras tres exhibe.  
Capiat uncias duas omni quarta parte horæ

*Similis.*

- R. Radicis graminis unciam unam  
Seminum contusorum melonum un-  
ciam unam, et semis.  
Glycirrhizæ unciam unam.  
Cum aqua decoctas libras tres exhibe  
In eosdem usus.

## A P H O R. 1000.

*Remedia hic propria.*

Agrimonia	Gramen
Alcea	Herniaria
Alchimilla	Lactuca
Althea	Lingua cervina
Becabunga	Mercurialis
Bellis minor	Nummularia
Bugula	Nymphæa
Chærophyllum	Ononis
Daucus sylvestris	Parietaria
Dens Leonis	* Persicaria
Fœniculum	Scabiosa
Fraga	Virga aurea
Glychyrrhiza	Urtica.

Syrupi Altheæ Fernelii  
 Capillorum veneris  
 Cichorei cum rheo  
 Papaveris albi  
 Erratici

Violaceus

Sal Ammoniacus

Gemmæ

Marinus.

## A P O P L E X I A. (a)

1007 **S**umma velocitas, nexus saepe cum inflammatione, fœcunditas mulorum inde pendentium (b) malorum, requirit, ut ordine nunc de Apoplexia agatur.

1008 Quæ tunc dicitur adesse, quando repente actio quinque sensuum externorum, tum internorum, omnesque motus voluntarii abolentur, superstite pulsu plerumque forti, et respiratione difficiili, magna, stertente, una cum imagine (c) profundi perpetuique somni.

(a) Sauvagesius Clase VI. Ord. V. Gen. 30. *Apoplexia*. Species: sanguinea, traumatica, temulenta, hysterica, arthritica, exanthematica, pituitosa, epileptica, febrilis, suspiriosa.

Cullenius Clase I. Ordin. IV. Gen. 42. *Apoplegia*. Caracter; motus voluntarii fere omnes immutati cum sopore plus minus profundo, superstite motu cordis et arteriarum. Species: sanguinea, serosa, seu pituitosa, hydrocephalica, atrabilaria, venenata, mentalis (à pathemate mentis) suffocata, metastatica, verminosa, ischuriosa.

(b) Cognita debet esse apoplexiæ historia, antequam de Paralysi, Epilepsia, Catalepsi, Caro agatur; cum illi morbi apoplexiæ sequantur saepius; quandoque et præcedant, et saepè à similibus omnino causis producantur.

(c) Diurna vigilia, defatigatio, ebrietas... somnum naturalem quamvis profundum producunt: iisdem à sopore distinctum.

1009 Accuratissima et multiplex valde observatio docuit, hunc morbum accidisse, quoties illæ prægressæ essent causæ, quæ potuerunt impedire integrè, vel multum (*a*), effluxum liquidi cerebrosi spirituosi in organa sensuum, motuumque voluntariorum, et vicissim hujus refluxum ab his organis in ipsum sensorium commune; superstite interim cerebellosi (*b*) liquoris in cor, et naturalia respirationis organa, ita, et forsitan reditu aliquo, qui ad has functiones sustinendas quodammodo sufficiat.

1010 Quæ causæ omnes recensitæ ab observatoribus in alias classes redigi possunt in commoda Praxios.

I. Nativa corporis fabrica, Caput magnum; Collum breve (*c*), et sæpe sex modo vertebris extractum; Corpus valde cras-

(*a*) Causæ omnes multum comprimentes originem nervorum, vel integre destruentes mobilitatem potentiarum nervosæ hunc morbum faciunt.

(*b*) Observationes aliquæ docuerunt, cerebello læso pulsum et respirationem satis bonam mansisse. Hinc cerebello soli vitalium motuum origo non potest adscribi. Hæc van-Swiet.

(*c*) I. Sanguis per magnos satis ramos recto fere decursu ex corde ad caput fertur: et ita quo brevius iter major est impetus (vid. Inst. medic. §. 235.) In obesis omnia vasa corporis comprimit pinguedine accumulata; in cranio tamen nulla fere pinguedo observatur, hinc facilis in hac parte vasorum dilatatio, atque compresio.

sum et pingue , Temperies plethorica,  
cachochymia pituitosa multum excellens.

2. Quæcunque sanguinem , lympham,  
materiem spirituum ita mutant , ut per  
arterias cerebri libere ire non possint ; sed  
impacta hæreant : talia sunt sæpe *a* poly-  
posæ in carotidibus , vertebralibusque ar-  
teriis concretiones , sive circa cor primo,  
sive intra ipsum cranium factæ ; quæ cor-  
dis palpitatione , pulsu inæquali , vertigi-  
ne , scotomia , frequentioribus , et ad auc-  
tum motum caloremve , increscentibus , se  
manifestant. *b.* spissitudo inflammatoria  
cruoris ; quam docent febris acuta conti-  
nua , phrenitis , dolor capitis ingens , in-  
flammatorius , diu prægressa ; tum omnia  
signa , quæ oriuntur à sanguine , qui im-  
peditus ire per vasa cerebri , eo majore co-  
pia , et impetu per ramos carotidis alios  
ruit , unde rubor , tumor , inflammatio  
oculorum , cum lachrymis excussis , fa-  
ciei , et colli. *c.* crassa , glutinosa , pitui-  
tosa iners sanguinis totius natura ; unde  
senibus , catarrhosis , frigidis , humidis,

In *plethoricis* cortex ipse cerebri , in quo sanguis  
ruber non invenitur isto impletur : hinc hujus  
partis dilatatio atque aliàs compresio.

2. Hic recensentur humorum vitia , quæ sunt  
vel spissitudo inflammatoria , vel pituitosus len-  
tor , vel polyposæ concretiones. Illa frequentissi-  
ma : ista rarius observantur.

pallidis, leucophlegmaticis, hic morbus admodum familiaris; quin et præsagitur iis futurus jam ante adventum suum, per otia, hebetudines, somnolentiam, pigritiam ad motus quoscunque, vocem solito tardiorem, tremores, stertores, incubos, oculos pallidos, turgidos, humentes, cæliginosos, vomitum pituitæ frequentem, vertigines, respirationem ad minimos motus anhelosam, cum narium pinnis compressis, omnes causæ, unde glutinosum iners fit, accumulatur (69. ad 75).

3. Quæcunque arterias ipsas, vasave nervosa cerebri ita comprimunt, ut crux, spiritusque, transfluere non possint. *a.* plethora (*a*), cacochymia replens, calida valde temperies, hinc obnoxia huic malo, maxime si motus, calorve ingens velocitatem adauxerint; hinc his accidere solet à lauto valde cibo, potu, medicamentis acribus et valde moventibus, ut sunt cardiaca, volatilia, vomitoria, &c; æstu, motuque exorbitantibus, intentione animi summa, diurna, sæpe repetita. *b.* tumores quicunque intra cranium nati, inflammatorii, abscessus, serosi, pituitosi, steatomata-

(*a*) Plethora ista potest adesse in arteriis, vel in venis ipsius cerebri, et apoplexiā *sanguineam* facere. Si ex his vasis ita compressis exudat serosus humor apoplexia *serosa* fiet, à præcedenti tamen *serosa-pituitosa* (2. c.) diversa.

tosí , scirrhosi , ossei , vel arterias , vel venarum coitum circa torcular , vel nervorum initia medullosa comprimentes , aut medullam cerebri ipsam. c. nimia velocitas cruris in caput determinata , dum per inferiora arteriosa vasa impeditum iter per quascunque ex infinitis causas. d. quæ extra cranium venas cerebri sanguinem referentes comprimunt rursum quacunque causa. e. effusi humores sanguinei , purulenti , ichorosi , lymphatici , supra duram piamve matrem externe comprimentes.

4. Omnia , quæ arteriosa , venosa , lymphatica vasa interioris cerebri , circa cava-  
tates ita solvunt , ut exeuns liquor agges-  
tus , compressu suo fornicatas cerebroso-  
rum nervorum origines lædat. Talia sunt ,  
serum acre in hydropicis , leucophlegma-  
cisque ; sanguis in plethoricis ; acrimonia  
atrabilaria in melancholicis , scorbuticis ,  
podagricis ; quæ vulgaris causa intra 40  
et sexagesimum ætatis annum agens ; quæ  
omnia latentia per causas moventes exci-  
tata , sæpe subito morbum hunc creant.  
Hujus ergo prænuncia ex natura materiæ  
prius natæ , et cognitis causis excitantibus ,  
peti debent. Maxime his animi affectus

4. *Animi affectus* , metus v. gr. terror fibras  
musculosas vasorum constringunt , respirationem  
accurrent : hinc apoplexiā facere possunt.

summi , et intensissima studia nocent.

5. Huc venena quædam referuntur, quæ tamen vel ex vi trium ultimarum causarum (N. 2. 3. 4.) agunt , vel potius pulmoni prius , quam cerebro nocent.

1011 Causas has (1010.) docuit Anatomica inspectio cadaverum apoplexia extinctorum , atque observatio historica eorum , quæ in ipsa horum ægrorum curatione observari possunt : meditatio autem facile in dictas (1010.) classes ordinat, curationi inveniendæ quam aptissimas.

1012 Ex iisdem constat à diversis et oppositis quidem causis , morbum hunc sepe produci ; adeoque bene dividi in sanguineam et pituitosam ; sed non perfecta divisione , quum et serosa , et atrabilaria , et polyposa sit , et alia.

1013 Locus vero affectus in apoplexia exquisita est totum sensorium commune; in parapoplexia vero ejus quædam pars

5. *Venena apoplexiæ producentia sunt aer mephiticus , halitus fermentantis liquidi , carbonum , mercurii , plumbi vapores , opium , frigus , electricitas , pathemata. Spiritus sulphuris , nitri , salis marini . dum halitus forma una cum aere hauriuntur pulmonem constringendo subitam mortem inducunt ; adeoque pulmoni potius quam cerebro nocent. An omnia ista systemati nervoso potius , quam vasculari nocent? Quomodocumque sit ista omnia deleteria sunt.*

præ cæteris , reliquis quodammodo , sed tamen minus , pressis. Cerebello , ut plurimum , in initio illæso.

1014 Unde patet , cur pulsus et respiratione exerceantur , sensibus interim , motibusque voluntariis destructis? imo cur sæpe pulsus et respiratio crescant pro rato , quo sensus , motusque plus decrescunt , ut et circa mortem?

1015 Magnitudo igitur apoplexiæ censetur ætate , temperie , fabrica ægri ; tum vehementia symptomatum , et in primis absoluta destructione sensum , motuumque ; respiratione valida cum profundo stertore ; spuma circa os copiosa , viscidaque ; sudore tenui , guttatum hærente ; frigidiusculo ; ortu ex debili primo parapoplexia prægressa ; ortu ex epilepsia (a) ingenti præmissa , vel ex causa nota vehementiori.

1016 Levitas et sanabilitas (b) mali con-

(a) Frequenter in fine paroxysmi dormiunt epileptici cum stertore , et paulo post ad se redeunt. Apoplexia ista ab defatigatione et immobilitate potentiae nervosæ ut plurimum dependet , quæ stimulantibus facile excitatur.

(b) Magna requiritur cautela ne Medicus in prognosi hic erret cum ægri , et suæ famæ periculo. Memor sit Aphorismi illius hippocratici: *Apoplexiā fortē solvere est impossibile ; debilem vero non facile.* (III. Aph. 42.)

tra decernitur ex levitate symptomatum,  
absentia dictorum (1015).

1017 Lenis apoplexia solvitur super-  
veniente sudore multo , æquabili , rorido ,  
calido , levante ; urina multa , crassa ; hæ-  
morrhoidibus largis , diu fluentibus ; fluxu  
menstruo restituto ; alvi fluxu ; febre  
magna (a).

1018 Paulo gravior , superata causa ,  
solet mutari in paralysin alicujus partis  
musculosæ ; totius lateris unius , unde *he-  
miplegia* ; vel omnium cervici supposita-  
rum partium , unde *paraplegia* dicitur ;  
quæ raro curatur , semperque memoriæ ,  
judicii , motuum læsiones relinquunt ; unde  
soporosi , hebetes , tremuli , vertiginosi ,  
pusillanimes remanere solent.

1019 Exquisita apoplexia (1015) , at-  
trito cerebello , corruptis liquidis , causa

(a) Ista maxime proderit in apoplexia pitui-  
tosa . Sanguinis lensor inflammatorius per ipsam  
febrim etiam sic solvi potest , ut aptus fiat tran-  
sire vasa cerebri in quorum angustiis hæserat . Fe-  
bris ista magna debet esse : et ab initio morbi  
supervenire , dum natura adhuc in suo robore  
existens extremos conatus efficere potest : si enim  
febris mediocris insuper accedat , quæ diu trahat  
mortifera est Hippocrate decisivè aseveran-  
te (Prædict. lib. I. sent. 32.) et Prospero Mar-  
tiano fidelissimo dogmatum Hippocratis perserü-  
tatore confirmante (Comment. in lib. 2. de Morb.  
sect. I. vers. 67. et in Aphor. 5. Sect. V.)

in cerebellum propagata , in mortem cito finitur , raro septimum diem excurrens.

1020 Futura apoplexia prævidetur: 1. ex cognita naturali temperie (1010. N. 1.) 2. materie morbosa cognita ut causa proëgumena (1010. N. 2. 3.) 3. ex procatarecticis. 4. ex primis effectibus incepti mali , ut sunt tremor ; vacillatio; vertigo (*a*) ; scotomia ; stupor ; sopor ; memoria vacillans ; tinnitus aurium (*b*) ; inflatus superiorum ; respiratio solito profundior , cum naribus compressis ; incubus (*c*).

(*a*) Effectus iste incepti mali aliquam discussionem ulteriorem exigit. Petr. Mich. de Heredia longo sermone de *vertiginosa febre* egit , ad quem doctissimum virum hispanum tyrones accedant. Hi interea sciant varietates istas : cum omnia circumagi videntur *Dinos* : quando repentinæ tenebræ oculis offunduntur sine circumactione , aut illa sane levi *scotoma* : dum utrumque contingit *scotodinos* seu tenebricosa vertigo nominatur. Hæc quæ gravior ita definitur : *hallucinatio* , qua objecta licet quiescentia è loco moveri , vel in gyrum versari nobis videntur. Ita Sauvagesius , qui retrogrado motui sanguinis in vasis reticularibus retinæ hunc affectum tribuit. Hujus species sunt ; *plethora* , seu *idiopatica* , *stomatichica* seu *sympathica* , *hysterica* , *fugax* , ab ictu , à venenis.

(*b*) Iste solet contingere etiam sanis hominibus , quibus alias apoplexiæ metus non est ; cum à levibus satis causis oriri posse videatur , quæ ipso auditus organo hærent. (Sauvag. de *Vertigine*.)

(*c*) *Incubus* dicitur adesse quando somni tem-

1021 Præsens facile noscitur , si modo inter diversos ejus gradus distinguitur.

1022 Curatio hujus mali generalis nulla dari potest : oportet enim ut pro varietate causæ (1010.) , modo applicandi , et loci affecti , varia omnino sit ; et ut applicetur antequam malum adoleverit.

1023 Si ergo ex lenta , inerti , frigidaque causa (1010. N. 2. lit. c.) oritura prævidetur per signa ibi posita , statim conandum . 1. ut pressio glutinosi à capite avertatur . 2. lento in cerebro et in toto corpore attenuetur.

1024 Pressio in vasa cerebri minuitur  
 1. derivatione in alia , et opposita loca.  
 2. evacuationibus universalibus.

1025 Vapor , fatus , balneum , suctio , epispasticum , rubefaciens , vesicans , causticum , fonticulus , setaceum , frictio , ligatura determinata , venis majoribus , pedibus , cruribus , femoribus , applicata primo scopo attingendo (1025. N. 1.) valent . Collusiones , gargarismi , masticatoria , salivam moventia , apophlegmatis-

pore ingens anxietas cum sensu ponderis incumbentis percipitur una cum impotentia motus et loquelæ . Aecius dixit : „ qui incubus appellatur „ non est Dæmon , sed magis præludium , et „ proemium morbi comitalis , aut maniæ , aut „ apoplexiæ . ” ( lib. IV. cap. 12.)

mi, ori, faucibus, naribus applicata eidem inserviunt.

1026 Vomitoria, purgantia valida, certo determinata; scarificatio; venarum pertusio secundo scopo (1024. N. 2.) satisfaciunt; licet aliquid semper incerti (*a*) secum ferant.

1027 Lentor vero, præmissis (1024. 1025. 1026.) determinantibus, dissolvitur remediis generalibus contra gluten descriptis (75.) cum prudentia adhibendis, capiti applicandis omni forma: inter omnia vesicæ per cantharidas (*b*) prosunt, et insecta similia sensim usurpata.

1028 Si ab iisdem causis (1023.) apoplexia jam facta est, raro curatur: si vires ferunt, eadem tentanda (1023. ad 1028.) naribus, ori, capiti applicanda omnia, quæ sensus excitare queant; acerrimi usurpandi stimuli quicunque; alvus acri clysmate laxanda.

1029 In usu tamen horum omnium (1028.) augetur sæpe malum, materie ma-

(*a*) Vomitoria licet magnam humorum crassorum copiam minuant, horum tamen partem impetuose versus caput ferunt. Purgantia tutiora sunt. Sanguinis evacuatio in apoplexia ista pittuitosa vix prodest. Clysmata nihil incerti secum ferunt. Vomitoria atque purgantia in materia medica proposita nimis valida atque *incerta* pro nostratis censeri debent.

(*b*) Emplastra vesicatoria nudæ capitis cuti

gis mota , et impacta , per omnia stimulantia : viribus tamen mox projiciundis per evacuantia. Hinc in concilianda dissolutione semper evacuationi et avulsioni studendum , quantum res pati queat: inde regula ; Venæ sectio , ni juvet , occidit. (a)

1030 Si autem per sua signa (1010.  
N. 2. l. b. N. 3. l. a. l. c.) apoplexia oritura prævidetur , illico confugiendum ad ea, quæ velocissime inanire , resolvere , avertere , queant. 1. ergo fiat larga , cita , missio sanguinis , et quidem ex jugularibus venis ; quæ , pro re nata , repetatur : post hanc enim , si statu est morbus sanabili , statim levamen oriri solet. 2. tum purgans antiphlogisticum detur magna copia , et aliquoties repetatur , ut fere assidua diarrœa excitetur ; si autem purgantia non satis cito operantur , clysmate satis acri determinentur. 3. toto dein decursu mor-

rasæ applicata insigniter prossunt. Insecta ut millepedes , cochinella . . interne possunt adhiberi impune ; non ita cantharides.

(a) Celsus in isto casu pronuntiavit VEL occidit , VEL LIBERAT (l. 3. c. 27.) Hoc ita ex eodem declaratur : post sanguinis missionem si non reddit motus et mens nihil spei superest : si reddit , sanitas quoque prospicitur. Venæ-sectio in apoplexia sanguinea necessaria : in pituitosa cum prudentia poterit forte exequi ut tutius postea acria stimulantia applicari , et adhiberi possint.

bi medicamenta refrigerantia , diluentia, attenuantia, ad urinas ducentia , exhibeantur. 4. assiduo simul revellentia fortia addantur , donec malum superatum sit. 5. victu , potuque utatur tenuissimis. 6. caveatur summopere ab omni medicamento valido (*a*) stimulante, movente, calefaciente ; à calore externo ; à decubitu in lecto, maxime declivi et supino.

1031 At si illa ipsa (1030.) jam facta est , vix ulla spes supererit ; eaque sola in exercitatione eorundem (1030.)

1032 Quæ vero ab extravasatis liquidis inter cranium et membranas , inter membranas ipsas , à vulnere , contuso, fracto , suppuratove oritur , jam tractata est in vulneribus capitis (267. 268. 273. ad 297.), unde petenda.

1033 Quæ ab effusis jam liquidis in interioribus cerebri cavitatibus orta jam est (1010. N. 4.), per sua signa ibi data, cognita , vix requirit medelam , quum plerumque mors certa cito adsit : si quid tentandum , id omne sperandum 1. à resorptu effusi in venas iterum (279. 280.) 2. à correctione acrimoniæ prædominan-

(*a*) Agitur hic de apoplexia à plethora , vel ab inflammatoria densitate , vel nimia velocitate sanguinis in caput determinata. Stimuli , qui adeo prudenter in apoplexia serosa comedabantur , potiori jure hic excluduntur.

tis , et glutinis simul , quæ nulla re felicius quam per saponacea (a) Chemica absolvitur.

1034 Quæ à prædominio lymphæ extravasatæ orta est , facilius tollitur , omissa , utpote hic fere nocente , missione sanguinis ; datis hydragogis fortissimis statim ad alvum determinatis ; tum dissipantibus applicatis ; maxime vesicatoriis largissimis , diu apertis ; victu exsiccante ; fortibus epispasticis , fonticulis , setaceisque.

1035 Si vero à venenis jam producta fuerit , nulla (b) hactenus medela descripta habetur ; ut nec illi , quæ à polypo.

(a) Ista vix videntur aliquid efficere posse in humores jam extravassatos ; adeoque potius usum habent ad præcavendam apoplexiā à tali causa nascituram , quam ad curandam ubi jam adest.

(b) Venena , quæ apoplexiā producunt dum in ventriculo hærent , per promptum vomitorium excuti possunt facile , sicque morbus sanari . Neque omnino pro desperatis relinquendi videntur illi , qui à carbonum nidore sic affecti fuerunt . Memorabilis casus legitur de homine , qui tetro hoc nidore afflatus conciderat , et ultra dimidiam horam derelictus manserat ; tuncque oculis aperitis , ore hiante , totus frigidus absque ullo pulsu , aut respiratione jacebat ; unde ab omnibus pro mortuo habebatur . Periti chirurgi tamen opera et industria intra quadrihorii spatium adeo bene se habuit , ut pede domum redire potuerit . ( Essais d' Edimbourg . tom . 5 . part . 2 . observ . 55 . ) Dicit iste casus non temere pro mortuis derelin-

## A P H O R. 1025.

*Collutoria, et gargarismata in hoc casu.*

Decoctum sialogogum, impetum sanguinis à capite revellens; ingruente apoplexia frigida utilissimum.

R. Radicis Imperatoriae  
Pyrethri  
Galangæ, singularum unciam  
unam.

Foliorum recentium origani  
Rutæ  
Thymi, singulorum  
manipulum unum.

Florum Lavendulæ  
Matricariæ, singulorum  
unciam unam.

Corticis Magellanici drachmas sex.

quendos esse licet nulla omnino vitæ signa superesse videantur; et admodum credibile videtur plures à simili causa periisse, qui servari potuissent. Videantur Auctores qui ista tractaverunt, præsertim: Michael Barnades Archiater hispanus jam alibi laudatus: Medicinæ Doctor Gardane hispanicè à Medicinæ profesore Joanne Galisteo ex gallico conversus sub hoc titulo: *Cathecismo sobre las muertes aparentes; con el modo de remediarlas.* Matriti prælo deditus anno 1784. cum figuris æneis. Libellus iste omnium, Professorum præsertim manibus versandus.

Cum aqua decoctis vase clauso libris tribus admisce  
Spiritus salis ammoniaci drachmas tres.

*Masticatoria salivam moventia.*

R. Mastiches  
Ceræ albæ  
Zingiberis , singulorum unciam unam.  
Fiant secundum artem parvi pastilli.  
*Apophlegmatisantia* fiunt ex iisdem.

A P H O R . 1026.

*Vomitoria.*

R. Vini emetici uncias duas et semis.  
Oxymellis scillitici unciam unam.  
Misce. Fiat haustus.

R. Cremoris tartari emetici grana septem.  
Fiat una dosis. (*Nimia. Vid. Sylloge.*  
Tom. II. Pag. 372.)

R. Succi ex raphano rusticano expressi unciam unam.  
Oxymellis scillitici uncias duas.  
Misce. Fiat haustus.

R. Mercurii vitæ grana duo.

*Purgans.*

R. Diagrydii grana decem.  
Resinæ jalappæ grana decem.

Spiritus vini rectificati drachmas duas.

Accurate tritis , et solutis admisce  
Syrupi rosarum solutivi cum senna  
drachmas sex.

Fiat haustus.

## A P H O R. 1028.

*Vapor stimulans nares.*

R. Tincturæ castorei

Spiritus salis ammoniaci , singulorum  
drachmas duas.

Misce. Subolfaciat sæpe.

R. Aceti accerrimi

Tincturæ castorei , singulorum drach-  
mas duas.

Misce in eosdem usus.

*Balsamus in apoplexia lenta calidus.*

R. Olei stillati Rorismarini

Tanaceti

Lavendulæ

Rutæ

Abssinthi singulorum gut-  
tas quatuor.

Infusi castorei drachmam unam,

Unguenti nervini unciam unam,

Salis volatilis oleosi drachmam unam,

Misce. Fiat secundum artem balsamus pro  
suffitu sub naribus, et circa tempo-  
ra, affricandus.

*Acre clysmæ.*

R. Pulpæ colocynthidæ drachmam semis  
Foliorum tabaci drachmam unam, et  
semis  
Aquæ unciis decem incoctis ad misce  
Salis gemmæ drachmas duas.  
Fiat clysmæ.

APHOR. 1030 Num. 2.

In primis vero ex senna, et tamarindis.

Vid. Aphor. 396. Num. 2.

APHOR. 1030. Num. 3.

Vid. Aphor. 954 966.

C A T A L E P S I S.

1036 **C**atoche, Catochus, Catalepsis (a), dicitur morbus, quo laborans repen-

(a) Catalepsis, cathocus, catoche vi vocis idem sunt; omnes enim veniunt à catalambano verbo, quod congelatio, prehendo significat. Status,

te , immotus , nec sentiens , illum corporis statum retinet , quem primo momento accendentis morbi habebat.

1037 Hujus ergo proxima causa immobilitas sensorii communis (*a*) , prout primo momento insultus se habebat.

1038 Ergo sanguinis cerebrosi , glandularum cerebri , emissariorum ejus absoluta quies (*b*) , ut in initio .

quem corpus retinet , et cerea flexilitas , qua membra manent in situ , qui ipsis datus fuit mirabilem eum redunt. A tetano universalis differt , quia in isto omnes articuli rigidissimi manent. Aliquæ diversitates in illo observatæ fuerunt : aliqui enim *nihil sentiunt* , alii audiunt , immemores alii , alii quorundam memores.

(*a*) Mirabilis hujus morbi insoles in primis est , quod sopiantur omnes sensus interni et externi , superstite tamen efficacia causæ muscularis motus ; sed abest potentia mutandi directiō nem illius causæ ; unde omnia manent in eodem situ , quem habebant illo momento dum morbus ingruerat. Probabile est sensorium *commune* dictum esse illud organum corporeum , per quod hoc *Velle* in mente producit motum in corpore ; si ergo uno momento immobile fiat illud sensorium commune nec transmittat , ut ita dicatur , hoc imperium mentis in corpus , manent omnia in eodem statu ut ante erant , et sic videtur haberi optima hujus abstrusi morbi *Catalepsis* idea.

(*b*) Van Swiet. summa ut solet moderatione Præceptorem suum emendans ait : interim tamen in catalepticis quos vidi inveni pulsum manifestum in carotidibus ; facies non semper erat

1039 Omnes quidem in eo morbo functiones cerebri lœduntur, et illæ, quæ inde pendent; soli musculi sic manent tensi ut in initio erant; cæterum respiratio et pulsus supersunt, at plerumque leves.

1040 Febris intermittens diu perdurans, maxime quartana; melancholica, sicca, strigosa temperies; menstrua, et hæmorrhoides retenta; terrores summi, subitique; profunda, protracta diu in unum objectum meditatio; febres validæ in homine sanguinolento accensæ, morbum hunc (*a*) plerumque antecedunt.

1041 Dissecta (*b*) cadavera demonstra-

turgida et inflata, imo in quibusdam collapsa potius: adeoque videbatur sanguis per vasa arteriosa cerebri ire, et per venas redire satis libere. Verum illa quies videtur in primis esse in subtilissimo fluido, quod à fabrica arteriosa cerebri secretum per minimos canales nerveos movertur, et cujus fluidi motus non à corde, et arteriis pendet, sed à mentis corpori nexæ imperio producitur. Hæc ille.

(*a*) Præter causas hic memoratas aliæ etiam sunt non in encephalo, sed in alio corporis loco hærentes. Atrabilis viscera abdominalia grabans, lumbrici in ventriculo.. catalepsin etiam aliquando produxere; hinc dividenda ista in idiopathicam et symptomaticam.

(*b*) Sola repulsa rei admodum concupitæ, vermes ventriculum irritantes, *stomachus imbecillus consentiente principio, quod in cerebro et nervis est* inter alios morbos *catalepses* producunt ex Galeno

verunt arterias venasque cerebri valde turgentes fortiter impacto denso cruento.

1042 Sanatur saepe excitata larga narium hæmorrhagia.

1043 In alios morbos raro transit ; aliquando tamen Epilepsia , Convulsio , Dementia , *atrophia* , eum exceperunt , in mortem plerumque (a) finitur.

1044 Curatio tentatur pro varietate causæ varia. (b) Excitando per objecta valide in organa sensuum agentia , ut sunt lux , sonus , stimulus , sal volatilis acer , dolor , frictio , motus continuatus ; hæmorrhagiæ ex naribus prolectu ; hæmorrhoidalis , menstruive fluxus prolectu ; sternutatoriis , vomitivis ; vesicatoriis ; fonticulis ; setaceis ; victu humectante.

(Lib. I. De Sympt. Caus. Cap. 7.) Hoc in primis notandum videbatur ne quis crederet in methodo medendi ad solas illas causas attendendum esse , quas inspectio cadaverum docuit.

(a) Si morbus iste à vermis , à consuetis evacuationibus retentis , si ab animi affectibus . . . oriatur sanari utcumque poterit.

(b) Curatio hujus morbi duplex debet esse , in paroxysmo nempe , vel extra eundem. Hystericæ et hypochondriaci cataleptici leniter tractandi. Validi animi affectus difficile moderantur. Inter alia peregrinationem præsertim exigunt.

**C** 1045 *Carus* est apoplexia levis, somnus vero gravissimus, cum febre, ex causis maxime cerebrum illæsum comprimentibus (1010.) N. 3. l. a. b. c. d.), aut causis obstruentibus, sed facilis, quam in apoplexia, solvendis (1010. N. 2. l. b. c.): est in hoc aliqua perceptio, sed subitanea; aliquis sensus, sed parvus.

1046 Hinc à caro soluto sanitas, nisi quod forte titubatio vacillans capit is aliquamdiu supersit.

1047 Curatio petenda ex curatione apoplexiæ tradita (1020. ad 1036).

(a) Morbi soporosi variis nominibus insinuntur, sed gradu præsertim discriminantur. Somni isti morbos sedulo à somno profundo, et diurno, qui aliquando salutaris est, distinguendi. Infantes multum dormiunt. Ebrii quandoque, sed rarius in apoplexiæ degenerant, per longum somnum frequentè liberantur. Isti aliquando à minus periti pro apoplecticis habentur.

*Carus* est capit is gravitas cum sopore. In isto motus, et sensus non integrè deficiunt nec respiratio læsa est. Ab apoplexia distinguitur, quia facilis sanatur, et integrè quidem, quod in apoplexia exquisita raro fit, si enim evaserit æger semper fere aliquam læsionem functionum animalium relinquit. Febris non semper carum comittatur. In foeminis, ebriis, epilepticis . . carus sæpe sine febre conspicitur.

1048 Coma vigil, Coma (*a*) somnolentum, Cataphora, videntur tantum esse Cari leviores species (703. ad 710.)

1049 Lethargus (*b*) autem levior est apoplexiæ species ex causa frigida, lenta, aquosa: unde ex historia apoplexiæ ejus cognitio et curatio petenda (1008. ad 1036).

(*a*) Coma, carus, cataphora, catalepsis, et Thypomania sunt frequenter aliorum morborum symptomata, non morbi primarii, quemadmodum lethargus, et apoplexia. *Coma* est somnolentia præternaturalis, qua ægri sine sensus, et motus amissione, modo sopore tantum, interdum sopore vigili jacent. *Typhomania* est affectio præternaturam, qua ægri alternis vicibus delirio, et sopore vexantur. In melancholia, febribus malignis . . non raro fit ut æger repente exiliat, clamet, agitetur, inania loquatur, iisque cessantibus subito in soporem profundum delabatur vicisitudine alterna. Symptomata ista suam curationem, licet paliativam tantum exigunt.

(*b*) Morbus iste longiorem, quam hic Boerhaavius apponit disquisitionem exigit: est enim frequenter morbus acutus idiopathicus, et valde periculosus. Lethargus à *lethe* dicitur, quæ oblivionem significat, et *aergos*, quæ inertiam; hinc lethargus vi vocis est segnis et otiosa oblivio. Lethargus seu veterus, qui à Boerhaavio hic describitur, lethargus lentus potest judicari, qui *levior* erit apoplexia serosa, et in eam incidens, ad quem reduci possunt etiam soñni illi, qui per plures septimanas imo, et menses duraverunt, quibus aquæ frigidæ immersio inter alia, et præ aliis prodesse poterit.

## DE MORBIS CHRONICIS.

1050 **H**actenus de morbis principi-  
bus acutis internis , et externis : nunc de  
Chronicis (*a*) agendum. Illi vero, si in cor-

Observatur tamen alias lethargus acutus,  
cujus brevis descriptio ita se habet.

Contrarius phrenitico morbo , at æque acu-  
tus is morbus est , in quo , et marcor , seu im-  
potentia , et inexpugnabilis pene dormiendi ne-  
cessitas adest cum febre ad tactum levi , reipsa  
vehementi , et acuta. Lethargici etsi vigilare mi-  
nime possint , neque dormire vere valent. Æger  
oculis perpetuo clausis immotus jacet : quocum-  
que modo interpellatus , vix respondet : excitatus  
aliena loquitur , et oblivious est. In augmento pul-  
sus inordinatus , et tremor periculosus adest. Causa;  
humor corruptus serosus in cerebro : inflammatio  
in ipso , quæ ob præsentiam hujus humoris sero-  
si humida potest dici. Morbus iste idiopathicus ,  
seu exquisitus , sive sympatheticus sit periculosus  
admodum. Idiopathicus pure ex auribus , vel na-  
ribus profluente , aut abscessu pone aures exor-  
to interdum solvitur.

Curatio febri et sopori dirigenda. Venæ-sectio ,  
hirudines pone aures , clysteres , vesicantia cru-  
ribus , cervici ac toti capiti raso . . ante diem  
quartum exequenda. Castoreum ad scrupulum  
dimidium quatuor granis scamonei sociatum ver-  
tente morbo maxime prodesse poterit.

(*a*) Optime Celsus definivit morbos longos:  
*sub quibus neque sanitas in propinquuo neque exitium*  
*est.* In præsenti aphorismo recensentur tantum

pore nati, ortum duxerunt vel ex vitiis liquidorum sensim natis, vel ex vitiis relictis à morbis acutis non bene sanatis.

1051 Vitia liquidorum sensim nata oriuntur 1. ex ingestis (*a*) aëre, cibo, potu, condimento, medicamento, veneno, tam

causæ illæ, quæ in corpore natæ morbis chronicis originem dederunt. Sunt etiam aliæ causæ applicatæ corpori, non præexistentes in corpore, quæ difficillimis morbis chronicis producendis sunt quam aptissimæ. Compressio imprudens capitis in recens natis, vel et junioribus perpetuæ stultitiæ, et convulsionibus toties dedit originem. Collaris nimia adstrictio narium hæmorragiam frequenter, et cephalæam diuturnam produxit. Plurima mala à constrictione sola abdominis per thoraces rigidos in sequiori sexu, observantur. A lapsu, gravi contusione.. loco motis vertebris immediabiles paralyses, asthmata... toties producta fuerunt. Quartanæ endemicæ sanissimos homines per plures menses inficiunt. Solidorum degenerations v. gr. laxitas, rigiditas, soluta unio, caries.. morbos quamplures chronicos producere etiam valent. (1053.)

(*a*) Aer in debilibus cum alimentis ingestus elasticitatem non amittit in horum tarda et difficulti digestione. Hinc forte molestæ in istis illæ flatulentiæ perdurabiles. Medicamenta, quæ sani ad præcavendos morbos inconsulto exequuntur v. gr. purgans, emeticum, venæ-sectio .. vere et autumno sanitatem pessum dant, ad chronica sustinenda disponunt. Adversus errorem istum insurgit longo satis opere J. B. Werloschnig sub hoc titulo : *curationis verno-autumnalis .. abusus. Vina,*

alienis , ut nostris humoribus similia non sint , tam validis , ut vi nostrorum viscerum et humorum nobis assimilari non possint. Eaque sunt *a. Acor* (60. ad 69.) *b. Austerum* , ex acore et terrestri plurimo unitis , ut à fructibus immaturis , vel adstringentibus , succis , vinis , et similibus; quæ liquores coagulant , vascula constringunt , hinc obstructiones duras pariunt (31. 36. 40. 50. 51. 113. N. 1. 117.) Sanatur diluentibus , alcalicis fixis , saponaceis alcalicis , diu , prudenter usurpatiſ. *c. Acre pingue aromaticum* , ex cibis , potibus , condimentis , calidis odore , sapore ; hæc calorem , attritum , læsionem minimorum vasculorum , dolores calidos , attenuatio-

et præsertim spiritus fermentatione parati , quibus abutuntur homines , chronicos solent parare morbos , scirrhosa induratione omnia fere viscerata obsidente. Venena ista perniciosa quoniam gratiiora , et ideo communiora bibuntur , eluuntur. Præter *spontaneas nostrorum humorum vitiisas permutationes* numeris in textu citatis explicatas consideranda suspensio illa sanguinis , quæ in casu ab alto , in syncope .. accidit , ex qua polypi emergent tota vita indisolubiles , et pessime turbantes vitalium viscerum actiones. Bilis stagnans resorpta parte tenuiori lentescet inspissata , et calculosas concretiones producit , quæ icterum pertinacissimum , et chronicum toties faciunt. Ex his patet in indagatione causarum , quæ morbos chronicos producent maxime attendendum esse , plurimæ enim atque diversæ recensentur.

nem liquidorum, horum putrefactiones, extravasationes, et similia multa producuntur aquosis, farinosis, gelatinosis, acidis. *d. Pingue iners*, ab nimio usu pinguium ex animalibus terrestribus, piscibus, vegetabilibus oleosis; hinc obstructio (117.), ranciditas biliosa, inflammatio, corrosio, putrefactio pessima (82. 526.) Curatur diluente, saponaceo, acido. *e. Sal-sedo muriatica*, ex sale, salitisve; vascula destruit, liquida solvit, acria reddit illa, hinc *atrophiam*, solutiones vasorum, extravasationes liquorum, non cito putrescentium, sed maculas producentium. Tolleritur aqua, acidis, lixivio calcis vivæ. *f. Alcali* (76. ad 91.) *g. Glutinosum* (69. ad 76.) 2. à viribus nostris nimiis in ingesta (50. ad 58. 92. ad 106.) 3. à spontaneis nostrorum humorum vitiosis permutationibus (58. ad 91.)

1052 Ex morbis acutis male sanatis oriuntur vitia in humoribus quoque corporis loco: *a. Purulenta* (158. N. 5. 6. 7. 402.), quæ producunt multa mala (936. N. 4. 941.): sanantur (942.). *b. Ichorosa* (158. N. 4. 206.), quorum effectus rodeare, consumere. Sanantur blandis, demulcentibus, inspissantibus: *c. Putrefacta*, quæ recensita (1051. N. 1. 1. *c. f. N. 3.*)

1053 Morbi acuti male sanati in partibus solidis, compositisve, relinquunt Abscessus (387. 402.), Fistulas (413.), Em-

pyemata (894.), Scirrhos (392. 484. 485. 486.), Cancros (492. 494.), Caries (526).

1054 Ex his in morbis (1051. 1052. 1053.) simplicibus, aut omni modo compositis inter se infiniti sane alii, ut effectus, sequi possunt; adeoque ex eorum dato intellectu hactenus optime perspici, et curari.

1055 Quum vero inde pendeant, ut patebit, omnes Chironici; horum ergo generalis (*a*) doctrina, divisioque hinc haurienda.

1056 Unde etiam statim apparet, hos varietate quidem infinitos ratione symptomatum (*b*), tamen ex origine non adeo com-

(*a*) Magnum hoc usum in praxi Medica habet ut determinetur indicatio curatoria, et methodus medendi si in classes quasdam dispositis morborum causis memoria Medici juvetur ut ordine sic indagari possint. Si enim Profesor attento animo has classes percurrat in morbis etiam intricatissimis chronicis inveniet quid agendum sit ut tollatur morbus, vel saltem mitigetur.

(*b*) Morborum varietas ratione symptomatum posthabenda. Ista sanatis morbis sanantur, et sanationem tantum paliativam si vehementia sunt expostulant. Varietas morborum ab origine sive causa omnimode circunspicienda. Ista sedulo notanda ad critice legendos Nosologos. Innumeri varietate symptomatum morbi chronicus diversi observantur, quæ diversitas tribuenda diversitati wateriae morbosæ, locorum in quibus hærent, functionum quas lœdunt, et peculiari ipsius ægris

posita pendere, neque tam varia medicamenta, medendive methodum requirere; tum simul perspicitur diurnitatis in perisse, incurabilitatis vero in multis ratio; id ipsum pertractando jam patebit.

idiosyncrasiae. Omnium maxime mirabilia symptomata solent oriri in morbis ubi sensorium commune, et qui inde pendent nervi à causa morbosa afficiuntur. Valde notandum quamplures morbos chronicos quamvis diversos, thermarum, et aquarum medicatarum usu per tot jam sæcula probato sanari. Succi recentes herbarum, serum lactis, fructuum horæorum usus, spones, mel, frictiones, equitatio, mutatio loci... summi usus et communissimi habentur. Circa postremum istud jam dixerat Hippocrates: *in longis morbis solum vertere convenit* (Lib. VI. Epidem.) Celsus postea dixit: *pessimum cælum quod malum fecit*.

Hac soli mutatione alias victus, alia aeris temperies conciliatur dum simul à curis omnibus rerum agendarum liberi oblectantur continua varietate objectorum, quæ peregrinantibus se offerunt. Ægri isti non fallaci spe brevis curæ lactandi sunt: longe enim animosius, et morbi et diurnæ curationis tædia ferent præmoniti, majoremque fiduciam ponent in Medico, qui vanis promissis illos numquam deluserit. Vid. Instit. med. §. 1180. Num. 8, 9, 10, 11.

**P** 1057 Paralysis vocatur musculi laxa(b)  
immobilitas, nullo nixu voluntatis, vel  
vitæ, superanda ; sensus aliquando simul

(a) Sauvagesius Clase VI. Ord. III. Gen. 17.  
*Paralysis.* Species : plethorica , rachialgica , me-  
tallariorum , rheumatica , traumatica (*à vulnere..*)  
scrophulosa , scorbutica , polonica , febrilis , bi-  
liosa , serosa .

Cullenius Clase II. Ord. I. Gen. 43. *Para-*  
*lysis.* Caracter : Motus voluntarii nonnulli tan-  
tum imminuti , sæpe cum sopore. Species *idio-*  
*pathicæ* : partialis , nervea , mutitas à glossolysi,  
*spasmodica* : *symptomaticæ* : intermittens , ex-  
anthematica , syphilitica .

(b) Paralysis dicitur *musculi laxa immobili-*  
*tas* ut distinguatur à tetano , in quo morbo omnia  
rigent cum motus impotentia. Tamen paralysis  
aliquando cum convulsione sociatur (Hipp. I.  
Epidem. ægrot. 13.) Trallianus paralysin aliam  
à frigore cum humiditate : aliam à calore cum  
siccitate fieri animadvertisit (lib. I. cap. 16.) Pa-  
ralysis ista à calore sicco fit , à bile atra , ab  
humore arthritico , ab herpete , ab ulcusculis , et  
scabie improvide sanatis , aliisque similibus. No-  
tanda ista pro varianda curatione. Sensus in  
malo isto aliquando superest , et contra. Notum  
est ex physiologicis nervos quosdam sensui , alios  
motui servire , qui distinctissimi licet sint in sua  
origine intra encephalum , tamen in truncos ma-  
iores nervorum collecti ad partes corporis una  
deferuntur : potest ergo impediri functio nervo-  
rum moventium , dum nervi sentientes adhuc illi-

absolute perit ; aliquando levis cum stupore , sensuque quasi punctorio levi superest.

1058 Causa hujus proxima semper (*a*) impeditus fluor liquidi nervosi à cerebro in musculum paralyticum , vel liquidi arteriosi in eundem.

1059 Ergo oriri potest 1. ab omni causa apoplexiā generante (1010.) 2. ab omni ea , quæ nervum transmittendo spiritui ineptum reddit. 3. Quæ introitum arteriosi cruris in musculum impedit. In de paraplegiæ , hemiplegiæ , paralysios partis singularis , natura intelligitur.

1060 Itaque apoplexia ; levior paraplexia (1009. 1910. 1015.) ; epilepsia ; convulsio ; dolor ingens et diuturnus ; omnes solitæ evacuationes retentæ cum subsequente vertigine , ut hæmorrhoidum , menstruorum , abscessum , fistularum , al-

bati sunt , vel minus læsi , et vicissim. Mirabilis observatio habetur apud Senacum de homine cuius unum brachium omnino paralyticum erat superstite sensu acutissimo : alterum vero brachium omni carebat sensu , sed motu naturali gaudebat (Traité De la structure du Cœur. Tomo II. Pag. 291.)

(*a*) Præter causam duplēm in textu indicatam , potest etiam paralysia fieri vitio degenerantis fabricæ musculosæ . Tunc aliquando paralysia verificatur licet nervi , et arteriæ adferentes liquida suo munere rite fungantur. Vid. 1063. Not. (*a*).

vi, vesicæ, salivæ; metaptoses (*a*) cujuscunque materiæ morbosæ in acutis, vel chronicis; quidquid obstruendo, solvendo, comprimendo, ligando, distorquendo, distracthendo, constringendo, nervos lædit; adeoque crassi humores, vulnera, erosiones, abscessus, gangrænæ, tumores inflammatorii in integumentis nervosæ medullæ, in gangliis, in nervis ipsis, serosi, purulentí, ichorosi, scirrhosi, et similes, fortes arcataeque ligaturæ, fracturæ, luxationes, adstringentia valde alimenta, medicamenta, venena; inde frigus summum, calor maximus, humiditas frigida, usus aquæ calidæ nimius, assiduus, vapor arsenici, antimonii, calcis recentis, mercurii, et aliorum venenorum, Paralysin creare possunt.

1061 Causa proxima (1058.), et remota (1059. 1060), adeoque his nata paralysis ipsa, varios admodum producit effectus, pro varietate sedis, ubi illa causa

(*a*) Nullum morbum chronicum frequentius sequitur paralysis, nunc artuum superiorum, nunc inferiorum, quam *colicam pictonum* dictam. Illa tamen sæpè sanatur solis remedii internis, et aliis abdomini tantum impositis. *Integumenta nervosæ medullæ* in suis vasis obstrui et inflammari possunt. Plurimi ergo morbi in nervorum tunicis sedem habere possunt, à quibus nervorum actio lædi, vel integre aboleri potest, licet nihil mali in ipsa proprie dicenda nervi substantia hæreat.

hæret ; pro varietate magnitudinis , qua ibi hæret ; pro diversitate partis affectæ, prout vitæ necessaria magis minusve , magis mediate , vel immediate ; inde enim letalis , minus letalis , sanabilis , incurabiliusve haberi potest.

1062 Paralysis Cordis , pulmonum, musculorum respirationi inservientium; gulæque , brevi letalis : stomachi , intestinorum , et vesicæ , à causis internis , valde periculosa : musculorum faciei (a) mala , et facile in apoplexiā mutabilis. Paraplegia valde periculosa , apoplexiæ prænuntia, hac nata letalis : hemiplegia mala , paraplegiæ affinis , hinc apoplexia necans ; quæ

(a) In hac paralysi causa encephalo propinquæ est. Tamen Hippocrates pronunciavit : *Distorsiones in facie si nulli alteri parti corporis communicant cito sedantur, vel sponte, vel per necessitatem, reliqui vero apoplectici fiunt.* (Prorrheticorum lib. II. cap. XVII.) Quandoque malum istud topicum tantum est non affectio cerebro , et tunc feliciter sanatur. Si tamen stupores in brachio, manu . . adsint , metuendum.

Paraplegia sæpius apparuit , nullo vitio intræ cranium existente ; forte numquam visa fuit hemiplegia , nisi encephalum similiter affectum fuerit: nam balbutiunt fere semper , atque memoriam læsam habent. Aliquando observatæ fuerunt subitæ mortes absque ullis signis prægressis , neque postea in cadavere inventæ fuerunt ejusmodi mutationes , quibus merito subita talis mors tribui poterat. Tunc non sine ratione creditur cor para-

cum frigore, insensilitate, atrophia partis, mala, raroque medicabilis: quæ cum sæva convulsione, et magno calore partis oppositæ, mala; ex horum vero oppositis scitur, quænam sanabilis, minusque metuenda sit: quænam vero toties causa repentinæ, nec ullo præsagio prævisæ mortis, sine ullo fere symptomate concordante.

1063 Quæ omnia (1057. ad 1063.) si quis singulis musculis, cujuscunque deum functionis auctoribus, applicat, infinitorum certe, et maxime mirabilium (a)

Iyticum factum cessasse à motu. Illud videtur in primis obtinuisse ubi subiti, et validissimi animi affectus hominem perculerunt. In historia Medica plures similes casus recensentur.

*Atrophia* significat nihil humoris vitalis nutritii adferri ad partem, quod transmissione spirituum per nervos ad eamdem denegata pejus est.

(a) Pleraque functiones corporis nostri fiunt per motus musculares, unde et sponte patet illas turbari posse, imo et deleri integre per paralysin. Dum nervorum origine, et nervis quantumvis bonis, fabrica musculi destructa, vel insigniter mutata fuit functionum læsio observabitur. Patet hinc quot et quam *mirabiles* morbi ex hactenus dictis de paralysi intelligi possunt v. gr. si quis consideret mirabilem laryngis fabricam, et musculos omnes adjacentes . . non mirabitur quare toties post apoplexiā sanatam omnes functiones in integrum restituantur, sola sæpe tantum loqua impedita; dum vel balbutiunt tota vita inter

morborum causas intelliget, diagnosin, prognosinque sciet.

1064 Sanavit Natura hunc morbum attenuando et dissipando materiem morbosam, mala crisi ad cerebri exteriora, ejus ventriculos, circa medullam oblongatam, spinalem, exitum nervorum à medulla, nervos, depositam; solvendo impacta per magnam febrim supervenientem; movendo per tremorem (a) convulsivum partis; educendo per diarrhoeam largam et diuturnam.

loquendum, vel quandoque aliquas tantum litteras distinete pronuntiare nequeunt. *Mirus* satis casus apud Wepserum habetur de muliere serosa capitis colluvie laborante, cui loquela interdum sensim minuebatur, quandoque per decem et ultra horarum spatium integre abolebatur, dum vero superveniente tussi tenue et crudum sputum copiose ejiceret loquelandam in instanti recuperabat. Imo quod magis *mirum* videtur si manu cranium premeret circa suturam lambdoideam illo tempore dum loqui non poterat redibat loquela, manu amota statim denuo muta erat.

(a) Tremor convulsivus partis paralyticæ bonus est ut causa, et ut signum; notat enim eausam muscularis motus denuo applicari muscularis paralyticis, sed nondum tali cum constantia, ut durabilis sit effectus, sed mox vacillet denuo; unde incipientem sanationem indicat et integræ curæ magnam spei facit; in primis si levis convulsio tremorem hunc comitetur. Verum et ille tremor convulsivus prodest, ut causa, cum per hos concussus expediri possit sæpe omne il-

1065 Curatio requirit ablationem causæ (1059. 1060.), nervorum functionem et arteriarum impeditientis, dein liberi fluxus restitutionem.

1066 Causa impediens aufertur variis modis, causæ prius perspectæ facile applicandis.

1067 Si illa causa intus hærens, crassa, stagnansque est, utendum iis remediis, quæ producere possint illa, quibus Natura (a) (1064.) hunc morbum sæpe sanavit.

1068 Ergo curatio tentatur 1. attenuantibus, dissipantibusque a. Aromaticis, cephalicis, nervinis, uterinis dictis vegetabilibus, specie succi expressi, infusi, decocti, extracti, spiritus, conditi. b. Salibus fixis ustione, volatilibus destillatione, aut putrefactione hinc electis. c. Oleis expressione, coctione, infusione, destillatione hinc productis. d. Saponaceis ex horum combinatione per artem productis. e. Virosis (b) animalium partibus, insectorum suc-

Iud, quod adhuc immeabile in ipsis musculis, arteriarum finibus, forte et in ipsis nervis, vel saltem horum involucris, hæsit.

(a) Numquam ars Medica magis prodest humano generi quam ubi Naturæ morbos curantis vestigia sequi potest, atque intendit.

(b) Illa quæ gravem et vehementem odorem spirant latini dixerunt virosa. Moschus, Zibetum, ob gravem odorem hystericas et hypochondriacis molesta sunt. Castoreum præferendum

cis, spiritibus, oleis; salibus, tincturis.  
f. Salibus fossilibus (*a*), crystallis metallicis,  
et iis, quæ ex his maxime composita. g.  
His omnibus, ut se mutuo juvent, cum  
prudentia permistis: atque horum qui-  
dem usu attenuatio, dissipatio, calor fe-  
brilis obtinetur. 2. Validis stimulantibus,

epopanaco et sagapeno mistum. Tinctura cantha-  
ridum spiritu vini facta pro friccionibus proderit.

(a) Inter ista remedia valida præferendæ  
aqueæ minerales solutum ferrum continentes. Utile  
les etiam possunt esse sales metallicæ magna co-  
pia aquæ dilutæ, ita ut sua acrimonia non irri-  
tent primas vias, sed ad intima corporis penetra-  
lia pervenire possint. Vomitoria, purgantia . .  
*valida* viscera bona, vires satis firmas exigunt,  
et quod nullus metus sit apoplexiæ venturæ. An  
huic scopo totum corpus concutiendi, atque mo-  
vendi; simulque ad convulsivum motum salutarem  
pluribus musculis induendum inservire possit  
mirabilis illa concusio, quæ per *Vim electricam*  
partibus paralyticis applicata excitatur?

Pro tyronibus innuere sufficiat vim electri-  
cam nedum nervos, sed et vasa sanguinea forti-  
ter stimulare, hinc in paralysi à laxitate, ab-  
sente plethora, leviter, partitis vicibus, et in par-  
tibus ipsis affectis à capite distantibus omnibus  
aliis remediis incassum adhibitis prudentissime  
administrandam. Auctores extranei plurima de re  
ista tractaverunt, inter quos eminent Medicinæ  
Doctor Mauduyt, cuius opera, methodus, ob-  
servationes videnda Tom. II. Societatis regiæ  
Medicinæ parisiensis pag. 199. Tom. III. pag. 187.  
Tom. IV. pag. 243. Tom. V. pag. 160. . . Ty-

et impacta quæcunque fortiter, motu nervoso tremente et convulsivo excitato, exutientibus: eo in primis sternutatoria, et vomitoria fortia pertinent; si aliquoties in primis repetuntur. 3. Purgantibus per alvum calidis, solventibus, aromaticis, vegetabilibus, vel et fossilibus acribus, metallicisque mercurialibus, antimoniatis, adeoque fortibus hydragogis, larga dosi, pluribus diebus successive repetita datis; quorum ope copiosa, et aliquamdiu perdurans diarrhoea excitetur. 4. ~~Implendo~~ primo vasa corporis largo potu (a) attenuan-

*atæ, la.  
mirro  
en pinos.  
los  
dajan*

rōnes ipsi præ oculis semper habeant van-Swietenii prudentissimum monitum: „numerosissima „circa vim electricam à viris celeberrimis instituta fuerunt experimenta, quæ summam ejus efficaciam, sed et simul periculum docuerunt, „dum minus prudenter hæc experimenta tractarentur.” Ant. Haen hac super re consulendus.

(a) Proponitur hic methodus fortassis optima pro sananda Paralysi. In primo numero præponuntur remedia, quibus copia aquæ dilutis corpus impleri potest, inter quæ decoctum Guajaci potest per aliquot dies præferri, et dein sudor elicī ope vaporis accensi spiritus vini. Sic enim dilutis et attenuatis prius humoribus magnus calor, et celerior motus conciliatur, quæ simul juncta apissima videntur, ut obstacula liberum motum subtilissimi humoris per membra paralytica impeditia removeri possint; in primis si vapor accensi spiritus vini determinetur ita, ut sedem causæ detectam (de qua Aph. 1070 agit) alluat.

tium præmissorum, ) dein excitatione majoris motus, et sudoris, ope vaporis spirituum accensorum.

1069 Frictiones externæ siccæ, calidæ ad ruborem usque, vel cum spiritibus penetranti et stimulante virtute præditis ex animalibus, vegetabilibusque, aut cum oleis, linimentis, balsamis, ungüentis, nervinis prosunt. *Balnea (a) vaporum, immersiva; Emplastra acria, aromatica, attrahentia dicta; Cucurbitæ; scarificationes; vesicatoria; fustigationes; dolorem et levem inflammationem excitantia, ut urticæ, et similia juvant.*

1070 Maxime autem curandum, ut ad sedem causæ detectam omnia remedia (1068. 1069.), si possibile, applicentur: pars læsa, plures simul eodem vitio læsæ, scientia (*b*) muscularum, nervorum, horum

Wepferus hac methodo frequenter usus fuit cum felici successu in paralysi, et aliis nervorum morbis curandis uti ejus observationes (32. pagin. 72. et aliæ plures) testantur.

(a) Medicatæ thermæ cum impetu prosilientes, vel ex alto decidentes in partem paralyticam movent, et concutiunt eam satis fortiter et utiliter. Balneum frigidum totum corpus concutiendo; istoque in lecto calido postea collocato calor, rubor, atque sudor sequentur, et prodesse poterunt.

(b) Medici fida anatome suffulti, et in ea ut par est exercitatissimi pulcherrima efficiunt. Ta-

unio, origo, dispersus, et cognitio functionum ab unoquoque horum pendentium, si comparantur inter se, clare docent sedem latentem mali.

## APHOR. 1068.

Vid. 75. Num. 5. Aph. 54. Num. 4.

## APHOR. 1069.

*Pulvis aromaticus pro suffimigio.*

R. Mastiches, Olibani,  
Succini, singulorum unciam semis.  
Misce. Fiat pulvis.

Hujus drachmæ unius super prunam sparsæ  
fumus excipiatur panno sicco, calido ex  
lana: quo dein fortiter fricentur partes.

*Mixtura penetrans, nervina, ad partes  
flaccidas stimulandas.*

R. Spiritus lavendulæ uncias tres,  
Salis ammoniaci drachmas duas,  
Tincturæ castorei drachmas quatuor,  
Aquæ stillatitiæ lavendulæ uncias sex.  
Misce. Perfricentur hac cum mixtura partes.

bulæ eustachianæ, Icones halleriani . . Myologiz Albini, Vieussenii Neurographia consulenda: sed præter istas; imo super istis cadavera ipsa sedulo, atque penitus introspicienda, et ita omnes Medici suæ conscientiæ obsequentes, suæque dignitati strenue, naviter ausculantes indefessi exequuntur.

*Emplastrum acre , aromaticum , calidum.*

R. Emplastri de cuminis

Meliloti

Galbani purati singulorum  
unciam unam

Olei castorei unciam semis.

Misce. Fiat emplastrum ad alutam.

Parti affectæ prius fricatæ apponatur.

*Linimentum ad paralysin nervinum,  
penetrans.*

R. Olei infusi

Absinthi

Anethi

Chamæmeli

Olei infusi Nepetæ

Rutæ

Trifolii odo-  
rati , sin-  
gulorum  
drachmas  
duas.

Castorei

Crocini

Misce. Fiat linimentum.

Irini

Lumbricorum

terrestrium

Nardini

Terræ singulo-  
tum drach-  
mam unam.

Unguenti Agrippæ

Arthanitæ

Martiatonis

Nervini singu-  
lorum drach-  
mas sex.

*Emplastrum acria.*

De cumino

Galbano

Meliloto &c.

## EPILEPSIA. (a)

P

1071 Priori malo adversus valde morbus Epilepsia (*b*) est, quæ adesse dicitur, quoties homo subito prosternitur, amissis sensibus externis, internisque, cum concussu violento, involuntario muscularum omnium, vel aliquorum, reciproco, alterna cum requie, et novo paroxysmo.

1072 Morbus hic mira facie variatus sæpè tam mirabilis apparet, ut diis, dœ-

(a) Sauvagesius Clas. IV. Ord. IV. Gen. XIX. *Epilepsia*. Species : plethorica, cachectica, vel serosa, stomachica, uterina, simulata, à pathemate, febrilis, à dolore, exanthematica, syphilitica, traumatica, symptomatica.

Cullenius Clas. II. Ord. III. *Spasmi*. Gen. 53. *Epilepsia*. Caracter : muscularum convulsio cum sopore. Species *idiopathicæ*; *cerebralis* sine causa manifesta, plethorica, cachectica, à pathemate. *Sympathicæ*, ab aura ex aliqua parte versus caput asurgente, à dolore, à dentitione, à partu, à vermibus, à veneno, exanthematica, à saburra, ab inanitione, ab ischuria.

(b) Morbus iste vi vocis est idem, ac comprehensio, vel subitanea invasio. Dicitur morbus *sacer*, *herculeus*, *lunaticus*, *comitialis*, *sonticus*, *caducus*, et *vulgo*: *gota coral*, *mal de corazon*. Concussu violento ab immobilitate laxa musculari paralytica discriminatur. Morbus iste acutissimus est ratione paroxysmi; chronicus vero ratione durationis, qua paroxysmi repetunt.

monibus , iræ divinæ , incantamentis , et similibus causis naturalibus majoribus adscriptus (*a*) sœpe fuerit.

1073 Nulla quippe gesticulatio , inflexio , posituraque noscitur , quam non aliquando exhibuerit (*b*) ; omnes quoque non-

(*a*) In sacris litteris exemplum habetur inter alia epileptici ab adorando SALVATORE sanati expulso dæmonio. Ita enim legitur (Marci cap. IX. vers. 25. et Luc. cap. IX. vers. 24.) objurgavit spiritum illum impurum dicens ei : *spiritus mute et surde , ego tibi impero : exi ab eo et ne amplius ingrediaris in eum.* Et clamans spiritus , et multum discerpens illum exivit. Casus iste et alii in sacris litteris notati à causis supernaturalibus producti fuerunt ; sed vafri homines causis similibus , et phantasticis in textu enumeratis morbum istum semper tribuunt. Legi dignus est Hippocratis liber de Morbo sacro cum commentariis Antonii Ponce de santa Cruze , Archiatri hispani , in quo impostores isti jam Hippocratis ævo superbientes , insanentes acerriime perstringuntur.

(*b*) Mobilis illa faciei pars , quæ sub oculis ad mentum usque extenditur numerosis musculis constans , qui in singulis fere cadaveribus diversi reperiuntur ab anatomicis , et cujus partis sola mutatione pictores et statuarii omnes animi affectus exprimere noverunt , miro modo agitari solet ; hinc quandoque celerrima vicissitudine omnes animi affectus in his miseris exprimuntur. In brachiis , manubus , digitis fiunt omnes motus extensionis , flexionis , rotationis , pronationis , supinationis ; et cum pollex plures et validiores habeat musculos flexores et versus manum adducentes , quam reliqui digiti , hinc fortissimè so-

nunquam æmulatur motus , cursus , ambulationis , gyrationis , prostrationis , decubitus , erecti , rigidique corporis species.

1074 Omnes tamen hæ varietates tantum versantur in *mutatis motibus* (a) aliquarum partium mobilium , *adeoque* musculosarum ; *ergo* tantum ponunt varias muscularum contractiones ; *hinc* varios liquidi nervosi influxus ; *inde* variam hujus à sensorio communi expressionem in nervos ; *tandem* itaque varias causas in cerebri medulla has expressiones producentes :

let versus volam manus adduci , quod pro signo validi paroxyssimi habetur. Leviter hanc digit contractionem explicare non nocet ; nimio conatu hoc tentari , imprudentissimum.

Interiores corporis partes etiam agitantur. Id docent ructus , borborygmi , vomitus , alvi et urinæ excretio insciis facta , seminis expresio. Vitales actiones quam maxime turbantur , pulsus initio sunt celeres , parvi ; in fine vero paroxysmi majores , sed languidi , ac tardiores. Respiratio miris turbatur modis , quæ nixu valido peragitur.

(a) A simplici *motu mutato* musculi iniro suo ingenio assurgit gradatim BOERHAAVIUS severissimi methodi geometricæ in Medicina necessariæ antistitis in causam hujus morbi primam. Discite tyrones optimi , et antesignanum istum pro vestro acumine imitari conamini.

Epilepsia morbus est sensorii communis , per quem potestas sentiens aboletur , potentia vero motus musculares excitans summos effectus præstat , absque conscientia et voluntatis imperio.

quæ optime noscuntur enarratione harum historica.

1075 Illæ autem sunt 1. hæreditariæ ex labo gentili Patris, Matris, parentumve, aut majorum, silente sæpe morbo in genitore, dum ex avo derivatur in nepotem. 2. Congenitæ, ex imaginatione (a) Matris gravidæ excitata per conspectum Epilepticum. 3. Cerebrum in integumentis suis, superficie, substantia, ventriculis male affectum, per vulnera, contusiones, abscessus, pus, saniem, ichorem, sanguinem, lympham acrem, foetidam, excrescentias osseas cranii interni, intropressiones ejus, cartilagineam sinuum venosorum naturam, fragmenta, spinasve os-

(a) Certe nexus causæ in matrem agentis cum effectu observato in fœtu indagatu impossibilis. Hæc erit suficiens ratio illum pertinaciter, obstinate negandi? neutquam. Galenus jam suo tempore de hac re conquerebatur dicens: *multi Medici rerum, quæ manifestè conspiciuntur causas reddere nequeuntus eas esse omnino negant* (de locis affectis libro V. cap. III.) Plurima exempla possent adduci istius ignorantiae in rebus veri facti sed hac in re narratur surdo fabula (vid. instit. med. §. 694. num. 9.) Narrat hic van-Swieten casum venustissimæ puellæ erucam sub collari nudæ cuti insidente in cervice gestantis, quam à matre grida hauserat, cui in horto deambulanti eruca ex arbore in cervicem deciderat, illamque ægrè inde amovere potuerat. Ridet suam in his credulitatem ridentes.

sium; vel instrumentorum lădentium meningas, cerebrumve, argentum vivum (*a*) ad cerebrum quacunque via delatum. Idem cerebrum affectum male per inflammationem, corruptionem, erosionem meninges, à carie ossis, bile atra, gummatibus venereis. Has autem causas juvant omnia, quæ liquidorum in cranium affluxum augent, ut sunt, plethora, motus, calor, ebrietas, epulæ, venus (*b*), ingenium perspicax, altum, meditatio profunda, affectus animi ingentes, imaginatrix vis ingens, terror, metusque in primis. 4. omnes violentæ (*c*) affectiones generis nervosi, ut sunt magni et periodici dolores, passio hyste-

(*a*) Remedio isto magna semper circunspectione utendum: nullum tamen medicamentum aliud in manibus ineptis empiricorum, barbitonorum.. communius. Proh dolor!

(*b*) Parvus quidam morbus comitialis coitus est. In coitu extincti (de quibus Marc. Donatus (Med. Hist. mirab. cap. 18.) epilepsia absdubio periire.

*Meditatio profunda* maxime caput afficit, præsertim uni, eidemque cogitationi inhærens. Optimæ spei pueri in pessimam, et incurabilem epilepsiam incidere possunt, et frequenter incident dum morosi præceptores urgent, ut absque ulla fere interpolatione studiis incumbant: dumque credulos parentes vana spe portentosæ filiorum eruditioñis lactant, turpissime tantis excidunt promisis dum miseros discipulos epilepticos reddunt, quandoque et tota vita hebetes, et fatuos.

(*c*) Puella sanissima, dum joci gratia sub plan-

rica (a), rosiones et irritationes à lumbricis, dentitione, acri humore, lacte caseoso, acri, acido infantum, meconio, contagio variolarum, cardiogmo, ulcerosa materie alicubi hospitante, inedia, crapula, acribus potulentis, esculentis, medicamentis, venenis. 5. ab interceptis nonnullis, quæ

tis pedum invitam et immotam titilasent diu quædam puellæ paroxysmo epileptico correpta fuit, tota vita pertinaciter repetente. Turbato semel sensorio communii per nervos in extremis corporis partibus positos retinetur impressa quasi talis diathesis, quæ postea à pluribus aliis causis accedentibus paroxysmus epilepticus renovatur. Caveant puellæ ludibundæ ab istis titilationibus (*vulgo Cosquillas*) mutuo producendis. Medicus hujus periculi conscient istas severe moneat et absterreat. Quid sit latens ista diathesis sensorii communis, quæ prædisponens causa epilepsiae est, ignotum. Helmontius cum in nulla re sensibili eam inveniret suo stilo emphatico pronunciavit: *sigillatur in idea entis activi, et constantis per totam vitam.*

(a) De affectione ista in Appendix tractabitur. Hic unice dicendum nervos per abdomina-  
lia viscera, uterum præsertim dispersos inordinatos tales motus pati posse, qui postea totum cerebrum turbent, et pessimas convulsiones producent. Aliquando in paroxysmo hysterico mens constat, omnia audiunt, intelligunt, nulla spuma ex ore prodit . . quibus distinguitur ab epilepsia, in qua sensus interni, et externi aboleniunt; interim tamen affinia admodum hæc mala sunt, et passio hysterica sæpius observata fuit in epilepsiam mutari.

olim excerni solebant , sanie , pure , mens-  
truis , lochiis , hæmorrhoidibus , urina. (a)  
6. fumis nonnullis paroxysmum integranti-  
bus , fomite alicubi hærente , unde sensu  
elevatæ auræ (b) adscendens cerebrum petit.

1076 Quæ omnia (1075.) historia ob-  
servatorum (c) , et incisio cadaverum do-  
cuit.

1077 Effectus hujus morbi reduci pos-  
sunt : 1. ad mala corrupti tot violentis et  
repititis convulsionibus cerebri , unde va-  
cillatio memoriæ , hebetudo , stultitia , pa-

(a) Fere omnes , qui Ischuria pereunt soporosi , et convulsi moriuntur , quia retinetur urina , per quam naturaliter eluuntur de corpore sales et olea acriora sanguinis , unde producuntur capitis morbi.

(b) Epilepsia ista sympathica est , et aliquando observata. Fomes ille epilepticus dum prima mali indicia exhibet ligatura supra ipsum impe- diendus ne cerebrum petat , ita loco suo permit- tente ; alias ferro , igne , vel alitèr destruendus.

(c) Causa epilepsiae adeo latere potest , ut nullis sensibus detegi possit , nec per cadaveram incisionem. Quis dabit rationem quare nobilis foemina toto graviditatis tempore epileptica esset dum marem utero gestaret , minime vero si sequioris sexus fœtum? Ne autem fortuito casui hoc adscribatur tres pueros peperit semper epileptica , usque ad partum , quinque autem puellas enixa fuit toto graviditatis tempore ab hoc morbo libera ( La Motte. Traite complet des Accouché-  
mens. Tom. I. Pag. 423. 427. )

ralysis , apoplexia , mors . 2. ad mala nervorum et muscularum , unde horum , et artuum contractiones , distorsiones , deformitates . 3. à violento spasmo inflamatio , gangræna , nigredo (a) partium sanguinolentarum , maxime quæ supra musculos sitæ sunt . 4. ad secretiones quasdam in impetu paroxysmi vi factas ; cibi , potus , lymphæ , bilis , spumæ , muci , salivæ , sursum rejectio ; fœcum alvi viridium , seminis , urinæ per inferiora egestio ; sanguis utraque via secretus huc spectant .

1078 Inde intelligitur , quæ hæreditaria ? cur ea nunquam sanabilis ? quæ idiopathica ? cur raro curabilis ? quæ sympathica ? cur sæpe curabilis ?

1079 Atque etiam liquet , diversissima remedia , diversissimam curandi methodum ad hunc morbum requiri , pro nota varietate causæ , materiæ peccantis , loci , (b)

(a) Cadavera epilepticorum in ipso paroxysmi vigore suffocatorum horrendam sæpe speciem referunt . Sanguis tunc vasa cutanea urget , in tunicam cellularem effunditur , hinc superficies corporis nigra apparet , in primis facies , palpebræ , et labia . Hæc vidit Boerhaavius in puerò hoc morbo defuncto , et vix persuadere potuit moestis parentibus , quod à naturalibus causis tam horrenda mala produci potuerint .

(b) Aura ex pede assurgens in ipso pede suffocanda . Capitis ulceræ siccata renovanda ibidem . Menstrua , hæmorrhoides retentæ denuo

ad quem applicatio remedii , per quem eductio mali fieri debet.

1080 Causa enim prima et secunda, in mala conformatione solidorum consistens (1075. N. 1. 2.) , vix ullam suscipit radicalem medelam ; paroxysmorum autem renovantes causas , utpote renatas assidue, tollere tuto (a) potest Medicus : unde hæ,

provocandæ. Hæmorrhoidarios magis juvant bina cochlearia sanguinis per hæmorrhoides excreta, quam libra ex vena alia incisa educta.

(a) Maxime considerandum duplicem hujus morbi curationem debere esse; vel radicalem, quæ illam causam proeguinenam latentissimam sæpe delere valeat ; vel eam, quæ manente causa proeguomena tollit , vel cavet causas procatareticas, seu occasioнаles. Prima difficilima : secunda difficulter quoniam operosa. Verum enim est illas causas occasioнаles numero fere infinitas esse , et in singulis ægris sæpe diversas ; adeoque attentissimam et diuturnam sæpe requirere observationem. Hoc autem tardum devorandum est Medico si miseris illis succurrere velit. Certum est Medicos luculenta praxi obrutos sæpe deficere in cura hujus morbi, cum tempus ipsis non sufficiat ut singulari ægro tantam curam impendant : verum et doluerunt toties ægrorum custodes observasse illa, quæ ipsi neglexerant non sine famæ , imo conscientiæ damno. Credo firmissime , ait van-Swieten. si omnem animi attentionem adhiberent hic Medici quod sanarent plures epilepticos , et levamen ædferrent fere omnibus. Galenus merito comparavit paroxysmum recrudescensem renovatæ quasi memoriae silentis illius dispositionis epilepticæ.

quæ infinitæ , nec nisi observando cognoscendæ indagari debent sedulo , dein pro sua natura curari.

1081 Tertia (1075. N. 3.) cognoscitur ex symptomatibus aliis læsum simul cerebrum designantibus , ut est dolor , gravitas , plenitudo , læsio capitis antecedens , vertigo , tremor universalis , scintillæ oculorum , eorundem immobilitas , circumgyratio totius capitis , vel et corporis . Hujus causa solida vix tolli potest , quia vix cognoscitur singularis : revellentia , discutientia , viam parantia , depurantia juvant : hinc venæ sectio , purgatio , vomitus , inustio (a) , fonticulus , fistula , epispasticum , vulnus capitis , cranii perterebratio , anti-hysterica , opiata prosunt : ex quibus quid

Quemadmodum igitur jam illæ ideæ , quarum memoria magno temporis spatio non renovatur in nobis sensim delentur , et evanescunt quasi , ita et aliqua spes est diathesin illam epilepticam in sensorio communi hærentem , diu silentem , nec excitatam per causas occasioneles sensim deleri posse , vel saltem sic disponi , ut minus facile à causis occasionalibus in actum educatur.

(a) Crudelis certè medicina est capitis variis in locis inustio ; ast malum alias fere insanabile cauteriis nedum potentialibus , sed actualibus aliquando debellatur. Remedium istud occipitio applicatum plurimos infantes epilepticos Florentiae sanavit Rondelecio testante , et Aquapendente confirmante. (River. De Epilepsia puerorum.)

eligi debeat, docebit inventa mali causa proxima (1079).

1082 Quæ à causa quarta (1075. N. 4.) fit, ea tractanda erit variè pro varietate suæ causæ proximæ: hinc anodyna (*a*), pægorica, narcotica; antihysterica; anthelmintica; deinulcentia et corrigentia acrum; incisio apta gingivarum; ablatio, correctio materiæ ulcerosæ, tunc fiunt antiepileptica.

1083 A quinta causa (1075. N. 5.) ortæ epilepsiae medela fit solvendo materia immobilem, laxando vias, expellendo: hinc vesicatoria, caustica, fonticulos, et fistulas producentia; aristolochica; emmenagoga; hæmorrhoidas aperientia; diuretica toties contra hunc morbum prosunt.

1084 Quæ autem à causa sexta (1075. N. 6.) oritur, tolli poterit, sanata debilitate (*b*) generis nervosi nimis facile movendi, quod exercitio motus, lusus, equitationis,vectionis; assumptu aromatum; usu

(*a*) Violentæ affectiones generis nervosi narcotica exigunt; sicuti vermes anthelmintica, et sic de cæteris causis remediis peculiaribus debellandis.

(*b*) Nonnulli fumi paroxysmum integrare creduntur v. gr. Gagatis, qui quomodo cumque sit prudenter evitandus. Hoc semper indicat genus nervosum debilitate, atque sensitatem nimia labefare, quæ debitum remediis corrigendæ.

chalybis , et corroborantium optime fit: tum etiam loci fomitis exulceratione artifiosa , profunda , diuturna , inducta cæsim , causticis , vesicatoriis ; dein autem apertis retentis diu per suppurantia corrosivis mista: tandem ligaturis nervum comprimentibus affectum.

1085 Ex his vanitas apparet omnium specificorum , et methodorum , quæ inanis jactantia (*a*) contra hoc malum laudat.

1086 Et patet quidem , causam proximam omnis Epilepsiæ exquisitæ semper esse nimiam cerebri in nervos motorios, nullam in sentientes actionem. (*b*)

(*a*) Malum istud fœdum , terribile , insuperabile .. coegerit homines probos , litteratos .. ad sationem , paliationem , evitationem , dilationem utcumque consequendam. Empirici osores , avari , impii , jactatores .. inutilia , barbara , fœdissima , horrenda .. effuderunt , quæ referre pudet. Non sine indignatione certe videmus , ait hic van-Swieten. publicorum dispensatoriorum formulis antepilepticis fœda plurima misceri. Ungula Aleis inter ostenta ista eminet! Ferox ista Bestia rarissime hominibus occurrit , creditur epilepsiæ obnoxiam esse , et pedis dextri ungula externæ auriculæ immissa à paroxysmo resurgere. Inanis fabula , quam credit judeus apela Horatii.

(*b*) Observationes practiceæ satis evincunt primam originem sensuum distinctam esse in nobis à prima origine motuum. Alterutrum ergo ex his affici potest altero manente incolumi ; adeoque diversam sedem debent habere in sensorio

1087 Atque causas , quæ reciprocos paroxysmos creant , numero et varietate plurimas (*a*) esse.

communi. Paralysis historia , et epilepsia exquisitæ id evincunt. In hac omnes sensus interni , et externi abolentur , adeoque paroxysmi tempore cerebrum in nervos sentientes nullam actionem exercet ; motus autem fiunt summi , et quidem longe violentiores quam in sanitate ab eodem homine exerceri potuissent ; adeoque actione cerebri in nervos motorios nimia est. In fine autem paroxysmi etiam afficitur origo motuum ; nam cessare tunc solent convulsiones , et sequitur profundus somnus cum stertore ut in apoplepticis adesse solet ; et qui ex paroxysmo epileptico perirent , fere semper moriuntur apoplectici.

Observatur quandoque in hominibus cæterum sanis sensus omnes sopiri , manente tamen motu musculari corporis , quod iterum docet sensuum , et motuum origines in sensorio communi sic dispositas esse , ut una possit cessare ab omni actione dum altera pergit agere. In somno naturali sopiuntur sensus et motus ; verum in *Somnambulis* sensus dormiunt , non autem silent motus , quorum somnambulorum exempla numerosa in historia Medica habentur.

(*a*) Morbus iste in suo caractere remediis directis hucusque infeliciter resistit. Causæ proctarcticæ reciprocos paroxysmos creantes consideratæ hactenus : dispositio tamen illa infamis sensorii communis inaccessa superbit ! Mutatio maxima totius corporis tentata fuit , ut presens corporis epileptici constitutio immutaretur . . quæ non mediis fundentibus , ima summis approximantibus . . sed mutatione aeris , victus , locorum . .

1088 Tandem vero spasmi (*a*) singularis, opisthotoni, emprosthotoni, tetani universalis origo, natura, effectus, sanatio, sponte patent; quum sint modo species Epileptici insultus singularis.

procuranda. Quartana febris morbum istum celare; ejus pertinacia sanare creditur. An quando supervenit relinquenda? An procuranda? Purgantia et emetica, mercurialia, et antimonialia valida suspecta, infida. Moschus, Opium, Camphora, Assa foetida, Oleum animale Dipellii, Flores Zinci, Ens vel sal ammoniacum veneris.. Cardamine, Valeriana, Viscum, Cortex Peruvianus, Aurantriorum folia.. pro specificis hujus mali proponuntur. Vegetabilia ista ultima fere innocua sunt, sed infausto insufficiencia; reliqua in manu prudentis medieci proficia utecumque esse poterunt; in manu homicida empiricorum ensis sunt, in manu furiosi, immanis, truculenti!

(*a*) *Spasmus græce*, latinè *convulsio*, *conductio* vel *nervorum Distentio*, cuius species: Tetanos, Emprosthotonus, et opisthotonus alibi (Inst. med. §. 864.) explicatæ. Hic addendum, quod musculo in contractione manente, aut saltē paulatim se retrahente dicitur *convulsio tonica*; si vero contractio et retractio mutuo, et citò sibi invicem succedant *convulsio clonica* nominatur. Culennius spasmum à convulsione distinguit, spasmum dicens esse convulsionem tonicam; et convulsionem clonicum spasmum (N. 1254.) His convulsionibus particularibus addendus *Trismus*, qui est: *maxillæ inferioris convulsio*, vel *tonica*, vel *clonica*. Musculi maxillam deprimentes alibi notati (Inst. med. §. 61.) Nervi sunt maxillares, sympathici.. Hujus species variæ, cuius præcipuæ sunt: Tris-

## MELANCHOLIA. (a)

## HYPOCHONDRIASIS.

1089 **M**elancholia vocatur Medicis ille morbus, in quo æger delirat diu, et pertinaciter, sine febre, eidem fere et uni (b) cogitationi semper affixus.

mus nascentium, traumaticus, spasmodicus, caphistratus, verminosus. Considerandæ hic etiam sunt: *Raphania*, quæ est: *articulorum contractio spastica cum agitatione convulsiva*, dolore violentissimo periodico, et *Eclampsia*, quæ est: *Epilepsia puerilis clonica acuta* (quo ab epilepsia ut chronica disert) cum sensuum in paroxysmo feriatione, cuius species præcipuæ sunt verminosa, stomachica, exanthematica, à cicuta, à dentitione.

(a) Sauvages. Clase VIII. Ord. II. Gen. XIX. *Melancholia*. Species: *vulgaris* (*Pictores*, *Poete*, *Zelotypi*), *amatoria*, (*amor insanus*), *argantis*, (*ægri imaginarii*). *Moria* (*læta et jucunda*, *Moria Erasmi*), *attonica* (*stupida*), *errabunda*, *saltans*, (*choræa*) *anglica* (*tædium vitæ*), *zoantropia*, *entusiastica*.

Cullenius Clase II. Ord. IV. Gen. 66. *Melancholia*. Character: *insania partialis sine dyspepsia*. Species: *delirium melancholicum*: *nostalgia*: *nervea* cl. Lorry: *hysterica*: *verminosa*.

(b) *Melancholici circa hanc*, illamve opinionem delirant tantum; in reliquis omnibus sanam ostendunt mentem, et sæpe acutissimum ingenium. Hæc deliria *partialia* dicuntur quorum varia, et mira exempla frequenter observantur.

1090 Hic morbus oritur ex illa sanguinis et humorum malignitate , quam bilem atram dixerunt Veteres ; et rursum idem morbus à mente initium ducens brevi in corpore bene sano ipsam bilem atram facit.

1091 Ideo opus hic erit paucis ideam pingere mirifici hujus mali , et de quo tam obscura doctrina habetur , ut injusti criminis rea agatur Antiquitas. (a)

1092 Si in toto sanguine mobiliora dissipata reliquerint immobilia unita , tum ille erit crassus , ater , pinguis , terrestris. Ei vero nomen dabitur *humoris atrabiliori* , vel *succi melancholici*. (b)

1093 Cujus (1092.) causa , omne id quod mobiliora expellit , reliqua figit : vehemens mentis exercitatio , noctes atque dies in unum fere objectum occupata ; per vigilium ; animi motus magni , sive hilaritatis (c) , sive mœstitiæ , magni et operosi

(a) Veteres Medici non imaginariam hujus morbi causam statuerunt , *atram bilem* in visceribus congestam , stagnantem , vel tardius motam designantes. Recentiores sanguinem concretum mora in ventriculo , vel intestinis corruptum , et nigricantem hujus loco admittunt.

(b) Hæc est illa caccochymia , quæ *atrabilaria* dicitur , quæ lento gradu nascitur , et augetur.

(c) Licet tristitia et animi mœror ut plurimum hunc morbum comitentur , non semper et absolute adsunt. Horatius melancholicum hilarem producit (lib. II. epistol. 2.) *Hilaritas perspiratio-*

motus corporis multum repetiti , in primis  
in aëre valde sicco et calido admodum;  
eo et immoda venus ; cibi austeri , duri,  
sicci , terrestres , cum quiete et torpore  
corporis diu assumpti ; potus similes ; hue  
fumo , aëre , sale induratæ animalium par-  
tes, maxime durorum et annosorum ; fruc-  
tus immaturi ; faeces non fermentata,  
medicamenta adstringentia , coagulantia,  
figentia , refrigerantia , venena lenta , si-  
milia ; febres calidæ diu hærentes , sæpe  
repetentes , sine bona crisi , et sine di-  
luentibus abeuntes.

1094 Ubi jam in cruento (a) id malum

nem auget , et humores ita liquidissima parte or-  
bantur. Immodiæa venus præsertim vetita morda-  
ces animi curas , luctus venereæ metum . . incutit.  
Utinam Deum ultorem hi metuerent et præcave-  
rentur. Febres calidæ sudoriferis multis , et refri-  
gerantibus paucis tractatæ sanguinem olim exu-  
tebant. Nos tempora vivimus feliciora.

(a) Triplex melancholiæ gradus à Boerhaavio  
sapienissime describitur. Agitur hic de primo, in  
quo universalis humor per vasa circundactus à  
prædictis causis hac cacochymia depravatur.  
Omni cura cognosci debet : illico efficaci medela  
succurrendum , alias mora , atque neglectu gra-  
datim pejor , et curatu difficilior redditur. Minor  
humorum per lateralia vasa secretio in hoc morbo  
alios præexistentes tollere , vel minuere poterit.  
Hydropem abdominis sanare melancholiæ asserit  
Cel. Richard. Meadius.

Affectus animi præcipue hunc morbum com-

(1092.) per suas causas (1093.) natum adhuc omnem circumfeunte humorem aequabiliter inficit , producet aliquos morbos statim conspicuos , qui fere sequentes: color externus , internusque , primo pallidior , flavior , magis fuscus , livescens , niger , cum maculis similibus ; pulsus lentior ; frigus majus ; respiratio lenta ; circulatio per sanguinea vasa bona , per lateralia parcior , minus bona ; hinc humorum secretorum et excretorum omnium minor , tardior , crassior , exitus; minor consumptio; parcior appetitus ; maces ; moestitia ; solitudinis amor ; affectus animi quicunque pertinaces , magni ; in reliquis *adiaphoria* ; torpor ad motus ; summa tamen simul studii cujusque et laborum constantia.

1095 Habet ergo pro materie terram et oleum spissum sanguinis unita , com-

mitantur. Pertinacia unius ideæ gratæ , vel ingratæ hunc morbum facit. In reliquis, quæ non spectant illud unicum circa quod delirant, sapienter sæpe raciocinantur, sunt enim illis res *adiaphoræ*, id est nec placentes multum, nec displicentes. Affectus isti uni, et eidem ideæ pertinaciter adherent , hinc nulli citius proficiunt in studiis quam melancholicæ, qui constanti mentis attentione idem objectum considerant , cum aliis comparant , tumque judicium formant ex pluribus ideis inter se mutuo collatis per attentionem præsentibus redditis menti.

pactaque simul (*a*) : quæ prout liquidiore, blandiore , diluente parte magis privata, quoque ipsa magis condensata , tenacius mista , et diutius nata , eo effectis pejor, eo curatu difficilior est.

1096 Inde diagnosis, et prognosis (quæ clarior ex sequentibus) patent , quin et sationis ratio hinc constat.

1097 Statim enim ac initiiis primis (1093. 1094.) , causa , effectuve se prodit , animo assidua objectorum variatio (*b*) concilianda , et quidem ipso ignaro ; eligenda autem , quæ affectui prædominantि oppositum in ægrō creare solent ; diluentibus , demulcentibus , paregoricis , narcoticis , quiete conciliandus somnus est ; aëre utendum humido tepescente ; cibi dandi leves , liquidi , sanis humoribus similes , re-

(*a*) Analysis sanguinis exactior apud recentes chemicos quærenda.

(*b*) Hæc non melius obtinebitur quam per itinera. Aquæ minerales ex ipso fonte haustæ virtute sua , et longo itinere , quod impeditur valde prosunt. *Fructus horæi* bene maturi blanda vi solvunt , alvum laxant , et melancholicam saburram expellunt. *Cerasa* , fragæ . . magna copia sumpta diarrhœam , qua fœx atrabilaria ejicitur , producent. *Pane* et *aqua* sumendi fructus isti. *Serum lactis* graminei cum melle affatim sumendum. *Cucumeres* , qui tamen apud plurimos tam male audiunt ab Hoffmanno (Med. Rat. System. tomo IV. part. 4. cap. 8. pag. 238.) commendantur.

centes, blandi, vi leni saponacea laxantes, atque in horum usu diu persistendum; medicamenta danda diluentia, acre demulcentia, oleosum terrestre resolventia, vasa laxantia, leni stimulo expellentia, ut succi bene maturorum fructuum horæorum, mellita, olera, juscula ex his confecta; aquæ minerales; potus optimus ptisana mellita leviter; abstinentia sedula à causis mali (1093.)

1098 Si autem illa ipsa materies (1092.) per easdem causas (1093.) magis densa, tenax, immobilis redditia est; necessario in vasa hypochondriaca (*a*) depelletur: id

(*a*) Ex Physiologicis noscenda vasa, et viscera hypochondriaca. Leges hydraulicæ motum partium mobiliorum præ viscidis mensurantes aliquod subsidium adferent. Sedentaria vita studiis pertinaciter inhærens incurvo corpore abdomen apprimendo mensæ, cui assident litterati ad remoram istam disponunt.

Congesta materie ista atrabiliaria adest jam aliis morbus *hypochondriacus* dictus cum materie à spasmatica anxietate hic etiam hærente. Hic morbus *hypochondriacus* est secundus Melancholiæ gradus, qui ita dicitur quando humor atrabiliarius abdominalia viscera obsidet distinctus à priori, et aliis symptomatibus stipatus.

Morbus iste *hypochondriacus* tamenquam à Melancholia distinctus diversis capitibus à variis Auctoribus pertractatur. Pro tyronibus inueniendum Cullenium hos morbos distinguere in eo quod in Melancholia dyspepsia non adest, et est insania, in morbo hypochondriaco dyspepsia adest.

enim natura hujus humoris , situs et conditio horum vasorum , et leges hydraulicae docent. Inde sensim hic hæredit , accumulabitur , stagnabit : tum vocatur *Morbus Hypochondriacus*, (a) lienem , ventriculum ; pancreas , omentum , mesenterium obsidens.

1099 Hinc ibi producit sensum assidue ponderis, anxietatis, repletionis (b), maxime ab assumptis, cibo , potuque; respirationem ob gravata viscera abdominalia difficultem ; bilis utriusque , pancreatici, stomachici , intestinorum , mesenterii succi in confectione , secretione , permistione, efficacia in cibis , impedimenta ; inde digestionem primam omni modo læsam (c);

(a) Sauvagesius Clase VIII. Ord. I. Gen. 5. *Hypochondriasis*. Species : biliosa , sanguinea, melancholica , pituitosa , hysterica..

Cullenius Clase II. Ord. II. Gen. 46. *Hypochondriasis*. Character : dyspepsia cum languore, mœstitia , et metu ex causis non æquis in temperamento melancholico. Hæc est ; morbus hypochondriacus Boerhaavii , et malum hypochondriacum Hoffmanni. Speciem idiopathicam unicum tantum admittit , et hæc est *Hypochondriasis melancholica Sauvagesii* : reliquas hujus Auctoris species parvi pendens.

(b) Quando acidæ acrimoniæ particeps est illud tenax atrabiliarium, sepe famelici sunt tales ægri, et ab assumptis cibis quam maxime gravantur.

(c) Hæc est dyspepsia à Cullenio tanto molimine pertractata. Bosquillonius asserit hanc ab

esculentorum corruptionem in crudum acidum, si ex vegetabilibus, in putridum alcali, rancidumve oleosum, si ex animalibus; hinc ruetus, flatus, spasmos, adstrictam alvum, foeces induratas; icterum pejorem gradu, quam prior (1094); omnia mala (1094) jam pejora.

1100 Ubi jam eousque adolevit (1098.) et per effecta sua (1099.) se manifestavit, summa ope nitendum in curationem, quia aliter tetra mox oritur mali indoles; difficultas autem maxime vit anda hæc est: si malum perseverat, fit incurabile, et saepe letale, ut in sequentibus liquebit: si evacuantibus pugnatur, sani, et facile mobiles humores expelluntur, tenaces malique hærent, unde pejor morbus: si per stimulantia et solventia valida tentatur (*a*), saepe subito soluta materies acris fit, et impetu magno ruens in tenera vasa hepatica, ea destruit, unde multa, et immedicabilia mala.

1101 Hinc 1. lente mobilis reddenda materies est, indagando naturam prædominantis acrimoniæ; tum dando medicamenta saponacea (*b*), in quibus prædomine-

hypochondriasi non nisi per affectionem spiritus discriminari. Nota 3. in Num. 1191. Elementa de Medicina pract.

(*a*) Humor melancholicus mitiora respuit et à fortioribus effteratur. Ita veneranda Antiquitas meritò pronunciebat.

(*b*) Sapo dicitur salis cum oleo areta unio,

tur acrimonia opposita illi , quæ in illo humore adest ; in his pergendum , donec pulsus inæqualis , debilisque , nausea , tenesmusve , anxietas , febricula , signa dent motæ materiei ; tum 2. statim leni laxante purgatione ; clysmate simili , sero lactis , aqua minerali , similibusque expellenda est.

1102 Verum si eadem illa materies (1098.) jam fixata , compactaque , ibi diu hæsit , ipsa acris fieri incipit , et rodens , per stagnationem , motum viscerum , calorem ambientium ; nova assiduo aggeritur , quia jam obstructio facta est , et causæ eadem perdurant ; hinc mole aggesta , acrimonia nata , motu assiduo , vasa extendit , rodit , corruptit ; inde lienis , stomachi , pancreatis , omenti , mesenterii , intestinorum , hepatis , similis destructio; adeoque omnia mala (1099.) priora multum auget , maxime vero assiduo putrefacti vapore venis recepto omnes functiones , in primis cerebri(a), perturbat. Tumque vocatur vero nomine *Bilis Atra*.

ita ut compositum ex his binis æquabiliter aqua dilui possit. Sapones sunt prout sales : alcalini , vel acidi , et ut olea : crassa , vel ætherea . De his egit Med. Doct. Bassianus Carminati. Opusc. Therap. I.

(a) Dictum fuit (1090.) atra bile in corpore nata mutari cogitationes. Mœstitia , delirium , furor .. ab ista atra nasci possunt , licet nullus ex ea vapor caput petat.

1103 Quæ deprehensa per hæc ejus signa data (1093. 1094. 1099. 1102.), non nisi prudentissima arte eliquari , moveri , educi potest, ob difficultates (1000.) hic adhuc majores , et facile excitandam, dein vero vix moderandam morbi acerri-  
mam materiem : hinc sit omnis victus op-  
positus acrimonie in humore prædomi-  
nanti cognitæ ex (1051.), sit ille idem  
semper leniter solvens , stimulans , laxans  
alvum , paucas fœces à digestione relin-  
quens ; potus , vel ex ptisana mulsa , vel  
ex succis horæis , vel ex sero lactis sit;  
motus corporis sit levis , continuusque;  
calor admodum temperatus ; somnus mul-  
tus ; balnea , fomenta , clysmata (a), potus  
in crebro usu sint ex his , quæ sine acri-  
monia , diluendo , solvendo , abstergendo ,

(a) Per clysmata possunt injici remedia sol-  
ventia , quæ diu retenta per absorptionem à venis  
intestinorum directe ad hepar veniunt vix mu-  
tatis viribus. Evacuationes illæ , quibus lente per  
alvum ista bilis evacuatur , tutissimæ sunt. Si his  
præsentibus bono , et idoneo nutrimento vires con-  
servantur , et augmentur , ægri obstinata medicatio-  
ne non gravandi. Naturæ remissionem ( ait Aetius  
lib. VI. cap. 10. ) dare oportet : videtur enim una  
cum curationibus vexari ; in quiete vero invalescere  
et superare morbos jam attenuatos antea. Optimum ,  
et sapientiæ veterum Medicorum respondens docu-  
mentum , Professoribus , aptius Empiricis officio-  
sis , et osoribus merito inculcandum !

macerando , materiem elipient , et dein quam lentissime et prudentissime excernant , via à natura præmonstrata , habita semper ratione acrimonie singularis , quæ simul adest .

1104 Id autem malum (1102.) ad magnam jam acrimoniam proiectum , cum visceribus jam valde corruptis , si durantibus iisdem causis (1102.) , dein motu musculari ; calore solis , ignisve ; victu acri , copiosoque ; medicamentis acribus valide moventibus , cum acrimonia mali effervescentibus ; venenis simili actione laedentibus ; vel tandem morbis nonnullis validis (a) movetur , tum acrior , mobilis , et jam agens redditia , vasa sua rumpit , cor-

(a) Causæ atram bilem turgentem reddentes vitari debent v. gr. nimius calor , medicamenta valida . . Febris ipsa tertiana simplex in corpore melancholico præsertim atram bilem movere poterit , tumque periculum non à febre sed à bilis atræ motu desunendum . Hoc sensu Hippocrates pronunciavit : *febricitanti si atra bilis in principio sursum aut deorsum prodierit letale* (Coac. Præn. Num. 71.) Generalius in aphorismis (IV. 22.) *Quibuscumque morbis incipientibus si bilis atra sursum , aut deorsum prodeat letale* . Hæc bilis atra turgens sedulo distinguenda ab humore nigro simpliciter apelato , cuius evacuatio non raro salubris observatur . Hic humor dicitur melancholicus mitis temperamentum melancholicum constituens , seu efformans Hispanis , utpote Virorum ingeniorum proprium , familiare .

rumpit, putrefaciendo resolvit, cum atra  
bile ipsa in vomicas putrefactas mutat; jam  
est *bilis atra turgens*: hæc jam hucusque  
provecta, si liquefacta in suis vasis, mota  
versus hepar, in exesos venæ cavæ ramu-  
los serpens, cordi infertur, damnosa illa  
mala producit: si enim de acido coagu-  
lante participat polypos cordis, pulmonis,  
aortæ, carotidum, horum mala, mortem  
creat. Si in cerebum perrexit, apople-  
xiam, paralysin, catalepsin, epilepsiam,  
deliria, maniam, pessimi generis, et fere  
immedicabiles, producit. In genere arte-  
rioso omnia mutat, febres immanes, bre-  
vi omnia putrefacientes profert: si de al-  
cali putrefaciente participat, gangrænas  
subito letales, ubique impegerit, ibi  
nasci facit. Unde infiniti morbi in toto  
corpore, et qualibet ejus parte, non cu-  
rables, nisi hoc fomite extincto: si autem  
ruptis viscerum vasculis elapsa materies  
cava peritonaei occupat, debilitas mox  
exoritur ingens, et insuperabilis, putrefac-  
tio acris elapsi, ejusque accumulatio; tum  
erosio gangrænosa omnium abdominalium  
viscerum, unde mirabilia phænomena;  
Tympanitis; mors cum fœtore immani-  
si autem mota ruerit in jecur, indeque  
per exesa et dilatata vascula biliosa in ve-  
sicam fellis, ductum hepaticum, commu-  
nem, in intestina, facit nauseas, vomitus,  
dysenterias atrabilarias, cum anxietate,

impetu , dolore , rosione , intolerabilibus , unde inflammationes , exulcerationes , putrefactiones intestinorum , stomachi , œsophagi , faucium , oris , inde convulsiones terribiles , tandemque placida fere mors , gangrænam , adeoque indolentiam , sequens omnium .

1105 Materies vero sic reddita (1104.) , una cum tenacitate summa et fere picea simul habet acrimoniam acerrimam acidam , quæ metalla rodat , terram fermentet , aut alcalinam salinam , corrosivam quammaxime ; aut oleosam putrefactam , omnium teterrimam . Quæ singulæ species , unde oriuntur , quomodo cognoscantur , qui currentur , supra satis demonstratum habetur (58. ad 107. 1051. 1052).

1106 Atque facile patet consideranti dicta (1000. 1003. 1004.) , et situm , structuram , circulationem viscerum , in quibus hæret hic malignus humor , morbum turgentem curatione majorem : diuentia cum opposito aeri ad acre prædominan , et opio , primaria sunt .

1107 Ex quibus (1090 ad 1107.) jam facilis intellectus melancholiæ descriptæ (1089.) , malique hypochondriaci ; nam liquet à diuturna moestitia prægressa , vasa viscerum abdominalium stricta creare stagnationem , mutationem , accumulacionem bilis atræ (1092. 1093. 1095. 1098. 1102. 1104.) , sensim incrementem , licet

corpus fuerit paulo ante quam salluberimum : Iterumque natam ex corporeis causis eandem bilem atram producere illud delirium (1089).

1108 Evidentes ergo causæ Melancholiæ (1089.) observatæ sunt : 1. omnia, quæ liquida cerebri nervosa figunt , exhauriunt , perturbant ; ut summi terrores , iisque subitanei , studia accerrima cùjuscunque objecti , amor ingens , vigiliæ , solitudo , metus , affectio hysterica . (a) 2. quæ sanguinis confectionem , refectionem , circulationem , secretionem , excretionem variam impediunt , perturbant , maxime in liene , stomacho , omento , pancreate , meseræo , intestinis , hepate , utero , hæmorrhoidalibus vasis ; adeoque morbus hypochondriacus , acuti male sanati , præ-

(a) Inter causas melancholiæ assignantur hic affectio hysterica , et morbus hypochondriacus . Hi duo morbi quatenus spasmodici , atque flatuosi distensiones ventriculi , et intestinalium frequentes producunt , quæ liberam humorum circumductionem per hæc viscera multum turbant.

*Ingenium aere penetrans altum hunc morbum frequenter producit. Acri enim , et penetranti ingenio prædicti ideo frequenter in hunc morbum incidunt , quia vehementibus mentis exercitationibus apti , illis indulgent , sicque mobilissimam sanguinis partem consumunt. Isti abs dubio sunt Hispani in morbos istos melancolicos adeo proni van-Swietenio ipso hic asseverante.*

primis phrenitis, caususque, omnes secretiones, et excretiones nimirum, cibi potusque frigidi, terrestres, tenaces, acerbi, adstringentes, æstus ingens diu protractus et exassans eriorem, aër stagnans, palustris, umbrosus. 3. nativa corporis indoles, nigra, hirsuta, sicca, gracilis, mascula, ætas media, ingenium acre, penetrans, altum.

1109 Si morbus hic (1089.) dia perseverat, producit dementiam, epilepsiam, apoplexiam, maniam, convulsio-  
nem, cæcitatem, imaginationes mirificas, risus, ploratus, cantus, suspiria, ructus, flatus, anxietates, urinam copiosam, limpidam instar aquæ, alio tempore valde crassam, sanguineæ foecis in vasis viscerum abdominalium retentionem, accumulati-  
onem, subitaneam sæpe excretionem, alvum pertinaciter stipticam, sputationem (*a*) te-  
nuem, frequentem, vigiliarum, inediæ, frigoris tolerantiam incredibilem.

(*a*) Ob hanc causam melancholici vocantur sputatores. Nocet autem frequens talis sputatio ut signum, et ut causa. Significat enim vasa abdominalium viscerum infarcta esse, simulque copiosa talis tenuis sputi excretio orbat sanguinem liquidiore, et mobiliore parte; adeoque morbum auget. Nisi certissima observata docerent, omnem fidem superare videretur tolerantia frigoris, vigiliarum, inediæ... in melancholicis, et omnium maxime ubi jam maniaci evaserunt.

1110 Attulit saepe curationem superveniens scabies (*a*) foeda, aliquando Elephantiasin æmulans; aut varix numerosa, ingens, enata; tumentium valde hæmorrhoidum fluxus; atrae bilis per superiora et inferiora rejectio.

1111 Ingens damnum capere solet ab omni medela labefactante vires; acriter evacuante; rursumque ab usu eorum, quæ liquida vehementer exagitant, sive cardia- ca fuerint; sive alio quocunque titulo exhibita.

1112 Unde optima sanandi hunc morbum methodus est, si causa prima bene observata, et temperiei varietate, his opposita medela, variis varia, adhibetur.

1113 1. Itaque erit indicatio liquida cerebri et nervorum excitare, augere, in ordinem redigere; quod fit: *a.* avertendo mentem ab objecto consueto ad alia priori

(*a*) Summi semper momenti est in morborum curationibus attendere ad illa, quæ sponte in morbis contingunt cum levamine. Scabies foeda melancholicum sanavit vidente van Swietenio. Parva olei vitrioli dosis, mala fortuna deglutiti, in habitum corporis delata in plurimis cutis locis cinereas crustas, fœdaque excitavit ulcera, ex Tulpio (Lib. III. Cap. 43.) Acrimonia atrabilaria *acida* frequenter est: non ergo mirum videri poterit *acre* istud ad cutim protrusum talia facere; et ita atrabiliarium liberari.

contraria. *b.* inducendo caute alium animi affectum, melancholico oppositum. *c.* inserviendo falsæ imaginationi. (*a*) *d.* aut sæpe magna vi (*b*) ei repugnando.

1114 2. Obstructiones, vel causam, vel effectum falsæ imaginationis, reserando, emolliendo, incidendo, stimulando per aquas minerales, serum lactis, mulsum, decocta splanchnica, hepatica, an-thyphochondriaca, aquas salibus lixiviosis

(*a*) Maxima hæc sunt pro regendis melancholicorum affectibus perturbatis documenta: sed proh dolor! frequentissime inutilia, et insufficientia. Casus tamen aliqui docuerunt tentamina proficia. Milesiae virgines insanentes, et suicidæ, lege promulgata deferendi per forum cadavera earum nuda, resipuerunt. Ita refert Plutarchus Lib. de virtutibus mulierum. Sæpius assentiendum, quam repugnandum est: paulatimque et non evidenter ab his, quæ stultè dicuntur ad meliora mens adducenda. Ita optimè Celsus Lib. III. Cap. 18.

(*b*) Morbus iste miserrimus, et fere insanabilis aliquando cedit durissime tractatus. van-Swietenius laudat hominem apud Batavos celebrem, qui simulac delirarent ipsi comissi tractabat eos impie verberibus, catenis, perfusione aquæ frigidissimæ. Dum mitescebant omni modo blandiebatur illis, nihilque omnino negabat illarum rerum quas desiderabant. Hoc modo effecit, ut metus verberum coærceret incipiens delirium, et tandem deleret vanas illas imaginations: et contra dum in pacato statu concedebantur omnia, quæ placere ipsis poterant felix sæpe successit curatio. An methodus ista atrox, crudelis.. imitanda?

vel compositis acutas, Mercurialia (*a*) laxantia, vomitoria, motus, exercitia, Equitationes, Navigationes, Uterina, Aristolo-chica, Hæmorrhoidalalia evacuantia, balnea, litus, emplastra.

1115 3. Symptomata leniendo per venæ sectionem, immersionem in aquam frigidam, carminantia, opiata. (*b*)

1116 4. Præmissis evacuationibus (1114. 1115.), exhibendo ea, quæ exhilarare (*c*) docet observatio, et roborare omnes corporis partes.

1117 Ex quibus (1110. ad 1117.) liquet, sanationem hujus mali (1189.) absolutam esse in curatione bilis atræ (1197-1100. 1101. 1113. 1116.), atque inde peti debere non hanc modo, sed infinito-

(*a*) Remedia ista leniora præsertim tentari merentur. Antiqui, Hippocrate præeunte, Helleborum famosam plantam præscribabant. Consultatur elegans peræque utilis tractatus totus de Morbis melancholicis Caroli Anæ Lorry, præsertim ubi de Veterum Helleborismo. T. II. Appendix. .P 288.

(*b*) Furores sævi sæpe debilitatis viribus per sanguinis misiones leniri possunt, hoc tamen prudenter exequendum. Anxietates, et pervigilia opio dato tolli quidem solent pro tempore. Prudentia suadet leniora præferenda esse.

(*c*) Grata amicorum colloquia, lusus, objectorum continua varietas.. moderatus vini generosi usus, quo nullum præstantius cardiacum habetur, nec majus exhilarans.. Cortex peruvianus.. ad vasa debilia roboranda princeps.

rum, falso pro incurabilibus (*a*) habitorum, morborum.

M A N I A. (*b*)

1118 **S**i Melancholia (1182.) eousque increscit, ut tanta accedit agitatio liquidi cerebrosi, qua in furorem agantur sævum, Mania (*c*) vocatur.

(*a*) Maximam curæ difficultatem sæpe facit ægrorum morositas, qui vix diu obedire volunt præceptis medicis, cum tamen rebellis morbus diutinam curam postulet. Quot morbi *falso pro incurabilibus* habiti hac methodo pro melancholia sananda proposita sanari utcumque poterunt, dum obstruens nempe materia solvit, soluta de corpore educitur, integris manentibus visceribus, et dein roborantibus ac cardiacis restituuntur vires.

(*b*) Sauvagesius Clas. VIII. Ord. III. Gen. 20. *Mania. Species*: à pathemate, lactea, ab hemi-crana.

Cullenius Clas. II. Ord. IV. Vesaniæ. Gen. 67. *Mania. Caracter*: Insania universalis. *Species*: mentalis, seu à pathemate, terrore, amore, corporea à vitio corporis: obscura (ista ridicula) metastatica, à represso herpete, scabie; à retentis menstruis, lacte, lochiis; à graviditate, hysteralgica.. et præsertim melancholica, et sanguinea.

(*c*) Cavendum ne mania cum feroci delirio phreniticorum, cum ebriorum furoribus, cum ferocibus illis deliriis, quæ hyosciamo, solano furioso, aliisque pluribus venenatis plantis asumptis sequi solent.. confundatur.

1119 Quæ gradu modo differt à Melancholia tristi, hujus proles est, ex iisdem causis oritur, iisdem fere (*a*) remediis curari solet.

1120 In quo morbo est ut plurimum immersum robur muscularum, pervigilium incredibile, tolerantia inediæ et algoris mirabilis (*b*), imaginationes horrendæ, Lycanthropiæ, Cynanthropiæ, &c.

1121 Notandum vero, anatomica (*c*) sectione constitisse, horum cerebrum siccum, durum, friabile, in suo cortice flavum; vasa autem turgentia, varicosa, atro tenaci cruce distenta fuisse.

1122 Tum etiam in hoc morbo omnes excretiones fere cessasse pariter.

1123 Præcipitatio in mare, submersio in eo continuata; quamdiu ferri potest, princeps remedium (*d*) est.

(*a*) Dantur casus, in quibus mania accidit, quin Melancholia neque Hypochondriasis præcesserint v. gr. Mania metastatica . . quæ diversam, atque peculiarem curationem expostulant.

(*b*) Hæc non nisi observationibus deprehenduntur. Majus excitamentum nervosum æque est imperceptible. Huic tribuitur Mania furens, sicut nervoso collapsu mitis, sive tranquilla. Miserrimi sunt maniaci quando jam canes, vel lupos ululatibus imitantur, et se tales esse credunt.

(*c*) Præter ista, meninx utraque indurata, glandula pituitaria parva, et dura . . inventæ sunt, et etiam aquosa colluvies.

(*d*) Præter remedium istud tentatidæ alia, quæ

1124 Frustra tentantæ per omnia remedia , varix , hæmorrhois , dysenteria , hydrops (a) , hæmorrhagia magna spontanea , febres tertianæ , quartanæve accedentes , salutaria fuerunt.

subtili fragrantia per omnia corporis loca penetrant , quæ sæpe felicem successum produxerunt. Moschi satis audax dosis ad grana sexdecim vel viginti profuit quandoque. Camphora mane , et vesperi ad drachmam dimidiam valere creditur. Extat opusculum cl. Abembrugeri remedium istud majori dosi propinantis , quod pro specifico proponit sub signo specifico retractione nempe unius testiculi in mania Virorum. Submersio proposita vel in mari , vel alia aqua maximè vitæ periculo prudenter evitato , tentari poterit. Consulendus Peclini Tractatus de vita sub aquis. Balnea tepida in Mania melancholica ; frigida in colerica valde proficia sunt.

Alia etiam remedia pro isto horribili malo domando cum fructu quodam administrata fuerunt. In primis æger commode custodiendus est , sive vestitu aliquo proporcionato , sive manicis , et compedibus ex corio factis. Cum hi furibundi sint , metus , et terror ipsis , ut supra dictum , injiciendus , et dum aliquatenus resipiscant blande , atque humaniter tractandi. Acetum distillatum cochleatim pluries in die exhibitum superbibendo meliloti infusionem aliquando profuit. Vesicatoria capiti raso pluries applicata præser-tim in mania exanthematica prodesse poterunt.

(a) Hydrops supponit tenax atrabiliarium solutum iam esse. Ad id asequendum , an etiam salivatio mercurialis intentanda ? Febres periodicæ frigore,

1125 Hujus Maniæ species (*a*) oritur postquam autumnali, valida, diuturna, intermittente febre, corpus exhaustum, debilitatumque, tam per morbum, quam per iteratas missiones sanguinis, et evacuations alvi sæpissime repetitas; tum etiam per eadem hæc renovari hoc malum solet.

1126 Hæc species solis reficientibus, replentibus, cardiacis, roborantibus, diu continuatis, sanatur. At, si evacuando tentatur, atrophiam, debilitatum, insuperabilem fatuitatem infert.

1127 Mania vero enata in robustis, vegetis, floridæ ætatis, plethoricis, calidis, (*b*) sanatur iisdem mediis, ac species Epilepsiae (1081.) ; missione sanguinis iterata; purgatione forti, inter singulas interposita; dein, impetrata sedatione, opiatis, et cardiacis.

calore, sudore, quiete accedentes aliquando vissa sunt profuisse. Num artificialiter procurandæ?

(*a*) Præter Maniam, quæ melancholiæ diutinam sequitur, alia hic proponit, in qua non hæret malum in humoribus, nec in visceribus, sed solum sensorium commune turbatum est, et quidem à causis latentibus. Animi affectus subiti et validi toties Maniam fecerunt in primis IRA merito brevis furor dicta. Mania, quæ intermittentes febres sequitur primum fuit à Sydenhaamo observata, quæ peculiarem exigit sanationem sequenti aphorismo propositam.

(*b*) Ista est alia maniæ species, quæ sanguinea, non melancholica, potest appellari. Licet

APHOR. 1126.

*Conditum roborans, cardiacum.*

R. Corticis peruviani drachmas duas.  
Magellanici drachmas tres.  
Conservæ anthos unciam unam  
Syrupi kermes quod sufficiat,  
Ut fiat Conditum.  
Capiat drachmam semis omni trihorio  
de die.

*Vel simile.*

R. Diascordii Sylvii drachmam unam.  
Elæosacchari ex oleo citri drachmas  
duas.

venæ-sectio in mania melancholica , metastatica,  
gravidarum . . prudenter administrata conveniat  
in ista ulterius et abundantius exequenda. Ple-  
thora ista imminuta purgationes fortes interpo-  
nendæ. Num purgantia levia ut tartarus solubilis,  
cremor tartari , tamarindi . . guttæ gambæ , he-  
lleboro . . præferenda? Ita videtur. His copio-  
sis sanguinis et humorum vacuationibus exhaus-  
to corpore , et sedato malo , opiata , atque cardia-  
ca v. gr. theriaca Pharmacopœæ hispanæ cura-  
tionem poterunt absolvere. In mania ab animi  
pathematibus , vigiliis immodicis , congestionibus  
vacuatis . . vel sine materie dicta princeps atque  
potentissimum medicamentum est Opium , quod  
larga satis dosi à maniacis toleratur.

Radicis helenii conditæ unciam unam.  
Syrupi quinque radicum apperientium  
quod sufficiat.

Ut fiat conditum.  
Usus idem.

*Vel magis aromaticum.*

R. Radicis Zingiberis conditæ uncias tres  
Corticis Aurantii conditæ uncias duas  
Nucis Myristicæ drachmas quatuor  
Syrupi artemisiæ Fernelii quod sufficiat  
Ut fiat conditum.  
Capiat ut prius.

*Vel simile.*

R. Theriacæ Andromachi  
Diatessari Mesue singularum un-  
ciam unam.  
Conservæ Absinthi unciam semis  
Radicis Angelicæ drachmas duas  
Syrupi tunicæ quod sufficiat.  
Fiat conditum.  
Sumat drachmam unam quater interdiu.

*Vinum medicatum cardiacum , calidum,  
roborans.*

R. Corticis	Citrei
Peruviani	Aurantiorum
Magellanici	Chinæ

Cinnamomi singulorum unciam unam.	Stœchados Arabicæ Lavendulæ
Summitatum Serpilli Thymi Mari Syriaci singularum un- ciam semis.	Tanacetis singu- lorum un- ciam unam Ligni Agallochi, Sassafras singularum drach- mas sex.
Florum	

Cum vini hispanici libris sex fiat secundum  
artem vinum medicatum.  
Capiat uncias duas quater de die vacuo  
stomacho.

### R A B I E S C A N I N A. (a)

1128 **E**st et alia ægritudo , quæ ob  
furorem sæpe comitem , huc commode re-  
ferri potest , quum ob summam perniciem  
tractari debeat.

(a) Sauvagesius Clas. VIII. Gen. 16. *Hydro-  
phobia*. Species : vulgaris , spontanea.

Cullen. Cl. II. Ord. I. Gen. 64. *Hydrophobia*  
Caracter: potionis cuiuslibet utpote convulsionem  
pharyngis dolentem crientis , fastidium et horror;  
plerumque è morsu animalis rabidi. Species duæ:  
I. hydrophobia *rabiosa* cum mordendi cupiditate  
ex morsu animalis rabidi. Hæc est hydrophobia  
vulgaris Sauvagesii. II. *Hydrophobia simplex* sine

1129 Vocatur Rabies, et quia à Canum morsu ut plurimum, Rabies Canina, tum à symptomate terribili, aquæ metus, hydrophobia, &c.

1130 Oritur fere semper ab aliis animalibus, prius rabiosis, suscepto contagio, tamen et sponte in acutis (*a*) quibusdam orta legitur, et observatur.

1131 Animalia autem fere quæcunque hoc malo affici, suoque contagio alia, et ipsum hominem lædere possunt.

1132 Nempe Canes, feles, lupi, vulpes, equi, asini, muli, boves, sues, simiae, galli gallinacei, homines, prius rabiosi, id vitium in alios propagaverunt.

1133 Nulli tamen animali frequentius, quam cani, lupo, et vulpi; hisque in primis ex causis internis, absque contagio prævio, nascitur.

1134 Regio fervida; regio magno æstu squalens, et vicissim summo frigore horrens; tempestas æstuosa, siccaque diu durans; victus ex carne putrida, fœtida, verminosa; potus absentia; vermes renibus, intestinis, cerebro, cavis narium olfactoriis, innati, sunt causæ præcedentes, in his animalibus, nascituræ rabiei.

rabie vel mordendi cupiditate. Hæc est hydrophobia spontanea Sauvagesii.

(*a*) Exempla apud Schenk. et Marc. Donatum inveniuntur. Aliquando in hystericis observatur.

1135 Incipientis rabiëi signa sunt hæc in primis, quibus tetræ luis cautela nititur: fiunt tristes, solitarii, se abscondentes, muti quoad latratum, murmurantes tamen, cibum potumque omnem adversantes, in ignotos quoslibet iraui, et irruentes, Heri tamen adhuc et memores et reverentes, aures, caudamque dimitentes, somnolentorum instar incedentes: hactenus primus gradus mali iis adest: morsusque tum exceptus periculosus quidem, non vero pessimus est: dein anhelare, linguam exserere, spumam plurimam emittere, hiare, nunc segniter ut semisopiti, nunc subito celeriter incedere, nec recta semper via, mox ne Herum quidem amplius agnoscere, oculos habere demissos, lachrymosos, pulverulentos, linguam plumbeo habere colore, subito gracilescerre, insanire, furere: hic secundus est gradus mali, quem vix triginta horis ferunt, quin moriantur. Morsus hoc tempore fere insanabilis: quo vero animal vehementius furit, diutius malo laborabit, morti proprius est, eo morsus letalior, acutior, et symptomata citissime creans violentissima, et contra. (a)

(a) Aliud simul rabiei signum attendendum est nempe, quod omnes alii canes fugiant instinctu naturali, et cum signis magni terroris canem rabidum.

1136 Vix autem ullius veneni tam multiplex contagium , nam morsu vel levissimo , per vestimenta adacto , tantum radente , nec eliciente sanguinem ; spiritu ex ore (a) in hominis pulmone adducto ; spumæ contactu recentis , vel etiam dudum exsiccatæ , labiis , linguave exceptæ ; osculo tantum rabido cani dato ; infectione à contactu multo instrumenti , vel vulneris , quo dudum ante animal rabiosum occisum fuit ; esu latis , carnisve animalis rabiosi ; attactu , et pertractatione multa rerum per præcedentia infectarum .

1137 Rursum vix ullum venenum notum , cuius tam atrox , adeoque hominem immutans , virus , quodque , ubi incipit se prodere , tam violente et celeriter furit , et tamen simul adeo diu latere possit , antequam se manifestet : namque alii statim , alii ut narrant , post viginti (b) integros annos à morsu elapsos , alii rursum omni intermedio tempore urgeri incipiunt malis huic furori propriis : pendet vero hæc diversitas , à calore tempestatis anni , à va-

(a) Licet hoc non semper accidat ; talium ægrorum halitus cavendus. Sauvagesius asserit *esu lactis carnisve* venenum istud non communicari. Opinio periculosa valde (Dissert. sur la Rage. pag. 32.)

(b) Hoc nimium est. Pituitosus , qui tardior , longo adeo terrore præmeretur , et tristitia immani in rabiem duci posset. Cautela hic opus est.

rio gradu morbi in animali mordente (1135.), à temperie hominis morsi, quum biliosi eo facilius vergant, pituitosi, et hydropici contra, à diverso victu, medicamentisque adhibitis.

1138 Homo optime sanus contagio hoc (1136.) infectus, post varium tempus (1137.) incipit hoc ordine fere ægrotare: dolet (a) locus, cui impressa contagii labes primo fuit; dein vagi per alia, maxime vicina loca dolores; lassitudo, gravitas, tarditas in toto musculo generi; somni inquieti, turbati, terribiles, cum convulsionibus, et subsultibus; inquietudo assidua; suspiria; tristitia; solitudinis studium; atque his fere primus maliti incursus incipit, his ferme primus ejus gradus finitur: sanguis tunc venis emissus omni nota bonus. Tum postea priora augmentar, acceditque porro ingens circa præcordia angustia; respiratio difficilis,

(a) Proponitur hic optima rabiem istam per gradus dignoscendi methodus quam Tirones exacte callere debent, et in ea severissime examinari.

Si vulnera integre sanato dolor quidam accedit rabies adest in procinctu. Aquæ metus, seu hydrophobia morbi progressum indicat. Hæc non ab aliquo impedimento in via per quam deglutitur bolus solidus, sed à natura veneni deducenda. Metus iste mortem post tertium, vel quartum diem designat. Nec febris, nec delirium perpetuo adsunt in ista terrifica ægrotatione.

suspiriosa ; horror ; ad conspectum aquæ, liquorum quorumcunque , et rerum vel pellucidarum , vel instar speculi reflectentium , horripulatio , tremor ; prostratus appetitus ; deglutitio tamen solidæ cuiusque offæ possibilis ; attactus humoris cujusque , maxime labiis vel lingua , incredibilem anxietatem , tremorem , convulsiones immanes , atque furorem fere creans ; vomitus glutinis fusci biliosi , aut bilis porraceæ ; incalescentia ; febris ; vigiliæ assiduæ ; priapismus ; cogitationum alienarum et insuetarum perturbata valde series . Sic procedit malum , atque hic solet secundi gradus limites ponere . Postea autem omnia enarrata exacerbantur continenter , soletque sequi linguæ asperæ exsertio ; hiatus oris ; vox rauca ; sitis ingens ; furor ad conatum bibendi , humorum adspectum , contactumve ; spumæ in ore collectio ; eam in alios expuendi conatus vel invitus ; ardor obvia quæque mordendi invitus , nec tamen à voluntate comprimendus ; spumante rictu frendit ; pulsus et respiratio deficiunt ; sudor gelidus ; rabies summa , dum interim , quod mirabile , mens prudens , constans , aliis à se metuens , adest ; hinc intra quartum fere semper à primo gradu diem , mors convulsiva , cum summa in respirando angustia .

1139 Ex tota hac historia (1129. ad

1139.) constat hujus mali cognitio : prognosis autem elicetur ex consideratione (1135. 1137. 1138.), simulque cogitando tristissimos ubique eventus , quum , à nata Medicina hucusque , omnes fere Artis Principes deplorent , *demorsorum prophylaxis vix ullam certam haberi , at jam aquam paventium sanatorum exemplum dari certa fide nullum!* (a) maxime vero dolendum , post sæcula elapsa , irritum successum hactenus applicatorum deplorantia , non esse tentatas diversas à primis methodos.

1140 Dissectio (b) cadaverum docuit, plerumque organa deglutiendi utcunque inflammata ; gluten biliosum varium in stomacho ; vesiculam fellis atri plenam ; pericardium siccum ; pulmones coacervato omni fere cruento incredibiliter plenos ; cor sanguine sæpe fere siccato plenum ; arterias plenas ; venas vacuas ; cruentum valde liquidum , et vix in aëre concrecentem, dum missus vena concreverat ante triduum ; omnes musculos , viscera , cerebrum , cerebellum , spinalem medullam, sicciora solito.

(a) Observations satis exactæ , licet paucæ adsunt , quæ ostendunt aliquos evassise hydrophobos. Adsit hodierna chemia! Adsit DEUS!

(b) Non novi , inquit van-Swietenius in Historia medica memorari exemplum , quo rabies communicata fuerit per sectionem cadaveris hoc morbo defuncti. Hoc valde notandum pro dissectoribus.

1141 Curatio omnis hactenus , paucissima exceperis , incerta , tam prophylactica , quam therapeutica ; cuius prima causa , inanis jactantia multorum specificorum , et neglectus methodi ex historia mali excogitatæ .

1142 Quantum ergo ex omni hac historia , comparatione ejus cum aliis morbis , et feliciori paucorum casuum eventu concludere licet , videtur primo consistere in affectione nervorum , proxime referenda ad convulsiones , quæ viscera , horumque vasa occupent ; dein hinc vitium nasci sanguini , humoribusque , quod inflammationi gangrænosæ quasi proximum sit , sedem vero mali primum circa stomachum , et vicina hærere .

1143 Curatio in demorso prophylactica requirit , ut 1. statim à contagio suscepto totus locus affectus , una cum vicinis profundis pertundatur scarificationibus , multumque mitiat sanguinis (a) ; applicentur magnæ cucurbitæ fortiter trahentes ; vel ferro inuratur ignito (b) satis profunde ; dein adigatur in suppurationem

(a) Evacuatio ista alibi procurata est in isto primo stadio nocentissima , sicuti ex ipsa eadem parte læsa , nedum utilis , sed necessaria est .

(b) Omnia efficacissimum auxilium , et forte unicum , ideo minime omittendum . Plaga dein diutius aperta tenenda . Aqua phagedenica , Præ-

perpetuam applicatu eorum , quæ assidua  
rosione exulcerant ; interim toto illo tem-  
pore , ab initio in finem , semper foveatur  
muria ex sale marino et aceto , nunquam  
intermittendo ; id continuetur usque ad  
sextum quidem mensem . 2. vestimenta,  
et cætera , quæ venenum attingere , vel  
afflare potuit , caute abjiciendo , vitando.  
3. statim post infectionem , magno cum  
apparatu , metu incusso , sæpe minitando ,  
tandem præcipitem in mare vel fluvium  
dando , aliquamdiu submersum tenendo ,  
iterum mergendo , id repetendo aliquoties  
cum iisdem omnino circumstantiis : eas  
enim sanare spiritum turbando , non aquam  
salsam , docuit funestus exitus hominis post  
morsum naufragi , multis horis natantis ,  
sæpe diu fluctibus submersi , tamen postea  
hydrophobi ; dein Rheo , Agarico , succo  
corticis Sambuci , sæpe , et valde fortiter  
purgetur . 4. omni mane jejonus parum  
sudet assumpto aceto aromatico , sale ma-  
rino , aqua calida . 5. quotidie pedes , ma-  
nusque , balneo aquæ foveat , caput lavet ,

cipitatum rubrum ad id sufficere possunt . 2. *Vesti-  
menta* nedum attacta , sed aflata , non purificanda ,  
quoniam ignotum ad id medium , sed abjicienda .  
Tanta est hujus mirifici veneni infamia ! 3. Sub-  
mersio subita , atque repetita fortasse prodesse  
poterit . Morgagnius casum infelicem refert . (*De  
Sedibus , et Causis morborum Epistola VIII.*)

os , faucesque colluat , s<sup>e</sup>pe natet. 6. frigidam frequenter bibat , evomatque s<sup>e</sup>pe , tunc et potus acidulos ; vetus sit humidus , levis , laxans tanta copia s<sup>e</sup>pe sumptus , ut revomatur ; cavendo  $\alpha$  nimiis aromaticis , vino , calefacentibus , ut et  $\alpha$  motu nimio corporis , vel animi .

1144 Curatio vero morbi jam præsentis videtur tentanda , maxime in primo gradu ; et in initio secundi (1138.) , in primis quum aliter funestissimo exitu neglectus plectatur. Apparet maxime probabile , et paucis experimentis confirmatum , sequentia fieri debere : 1. statim post prima signa invadentis mali (1138.) morbus tractandus , ut summus inflammatorius (890.) , mittendo sanguinem ex lato vulnera magni vasis ad animi deliquium (a)usque , mox clysmata ex aqua nitrosa , modice salsa , cum pauxillo aceti , injicienda : hæc repetenda audacter , etiam plus , quam in aliis morbis prudentia concederet : interim hoc facto , obnubilitatis oculis in piscinam frigidam demittendus , vel aquæ frigidæ injectu humectandus tam diu ; donec aquam vix amplius paveat ; tum statim plurimum aquæ bibere coga-

(a) Licet inflammatio ista subito in gangrenam tendat venæ-sectiones , et alia valida remedia antiphlogistica in isto stadio tentanda , quæ audacter instituenda sunt .

tur ; et de die sic vexato vesperi concilietur somnus : victus sit tenuissimus , humectans semper.

1145 Ut vero methodus hæc nititur omni morbi indole, omni (*a*) artis præcepto; ita videtur nihil exitiale magis, quam acer- rimis calefacentibus , exsiccantibus , ner- vosum genus exacerbantibus medicamen- tis , hic venenis , jam exsiccatos suo malo ægros enecare ; rursumque nihil crudelius, quam abjecta curatela omni , statim negli- gere , aut suffocare.

1146 Nec desperandum tamen , ob exempla jam in aliis venenis constantia , de inveniendo hujus singularis veneni antido- to (*b*) singulari.

(*a*) Quoniam ex isto morbo quantumvis in- domabili aliqui emerserunt animose tentanda sunt summa remedia; simulque cavendum ne adstanti- bus ægri nocere possint , quod raro fit. Tulpius notat , quod numquam viderit rabidorum sputa cuiquam detimento fuisse ; sed simul addit, quod curaverit sollicite semper hæc mari ablueret (Observ. med. lib. 1. cap. 20.) et merito quidem, cum saliva in primis isto afficiatur contagio. Hy- drophobos *negligere* nihil crudelius ; *suffocare* impium , inhumanum , criminale!

(*b*) In animalibus rabiosis cautela summa ten- tari possunt experimenta. Analogia cum lue ve- nerea , qua saliva inficitur , et per eam expur- gatur , ut in ista lue argentum vivum obtulit, suasit. Moschi grana XVI. Cinnabari grana XXI. remedium efficiunt chinense singulare ; sed huic,

1147 Hactenus vero nullius ea comperta fides , cui credi queat salus miserrime periclitantis hominis , quum nullum sit notum , cujus experimenta certa (a) ; sed vel speculationi ortum debent , vel descriptis ex alio confisum fuit : nec Æschrionis apud Galenum et Oribasium arcano de canceris combustis ; nec Scribonii Largi famigera ta opiata ad rabiem Siculorum ; nec Peregrini consilio de pelle hyænæ , nec Aëtii , Rifi , Posidonii , cinere cancerorum cum Theriaca ; nec jactata Palmario medela ; vel nimis laudato Mayerno , Grew , et venatoribus , stanno cum mithridatio ; nec in insomniis sacris revelata radice Cynorhodonis , aliisve in cœlum elato Lichene cinereo terrestri , pimpinella , jecore rabi osi canis exusto , et similibus ; exceptis .

### APHOR. 1143. Num. 6.

Potus parati ex pomis , prunis sylvestribus ,  
Limonibus , aceto rosaceo.

Victus Brassica muria condita . &c.

et aliis omnibus eminentè præst FRICTIO  
MERCURIALIS salivationem excitans.

(a) Ad erigendam ægri fiduciam aliquid exhibendum innocuum dummodo interea Hydrargyrosis , submersiones . . . et præsertim vulneris obstinata sanatio exequantur. Remedium Palmarii ex ruta , salvia , polypodio , mentha , betonica aliisve similibus , omnibus in textu membratis præferendum , sed æque innocuum , ac insufficiente merito declarandum.

## A P H O R . 1144.

*Clysmata refrigerans.*

R. Nitri drachmas duas  
 Aceti Sambuci  
 Mellis Rosarum singulorum unciam unam.  
 Aquæ decoctæ hordei uncias decem.  
 Misce. Fiat Clysmata.

*Simile.*

R. Salis marini drachmas duas  
 Aceti florum calendulæ drachmas sex  
 Mellis communis unciam unam  
 Aquæ stillatæ rutæ uncias decem.  
 Fiat Clyster.

## S C O R B U T U S. (a)

1148 Scorbutus septentrionalis maris  
 accolis frequentissimus morbus , plurimo-

(a) Sauvagesius Clas. X. Gen. 25. *Scorbutus*.  
 Stomacace , et scelotyrbe Plinii : ileos hæmatites,  
 et magni splenes Hippocratis. Species : incipiens,  
 crescens , inveteratus , lividus , petechialis , pal-  
 lidus , ruber , calidus.

Cullenius Clas. III. Ord. III. Gen. 86. *Scor-*

rum aliorum causa (*a*), neque recens, neque Veteribus prætervisus, licet haud adeo accurate descriptus, defectu longarum navigationum, et peregrinationum in plagas telluris frigidissimas.

1149 Hic, quum variatis admodum symptomatibus sæpe fallat, melius non cognoscetur, quam, si tota ejus historia præmissa, deinde demum de ejus natura constituatur.

1150 Invenitur apud Britannos, Ba-

*butus. Caracter* : in regione frigida post victum putrescentem, salitum, ex animalibus confectum, deficiente simul materia vegetabili recente ; asthenia ; stomachace ; in cùte maculæ diversicolores, plerumque livescentes, præsertim ad pilorum radices. *Species* : *unica*, gradu, et symptomatibus à Sauvagesio propositis divissa.

(*a*) Eugalenus omnes fere morbos à scorbuto procedere asseveravit, quæ generalitas limitanda, tamen certum manere debet plurimorum morborum causam esse, cui maxime attendendum. Morbus iste antiquus, vel novus sit, in quo van-Swietenius ocupatur, parum refert. Quomodo plurimorum aliorum morborum causa sit licet obscuramandum, ita enim isti, domita scorbutica acrimonia unice, sanari poterunt.

Morbus iste *Stomacacem*, et *scelotyrbem* producit. Ille dentium decessum, et compagis in genibus solutionem significat ; hic paralysim, qua quis rectus ambulare non potest, qui effectus, sive symptomata scorbuti sunt ; et eum seu ab initio, seu in progressu comitantur.

tavos , Suecos , Danos , Norvegos , Germanos septentrionales , seu inferiores ; attingit adeoque Boreales populos , et frigidiori (a) sub climate viventes ; atque inter hos maxime infestat vicinos mari , locis marina aqua submersis , lacubus , paludibus , glebae spongiosae pingui , solo depresso inter aggeres exaltatos , aquam coercentes , sito ; in primis sævit in otiosos , hyemali tempore in locis lapidibus instratis et extractis frigidos , in nautas sal-sis , fumo duratis carnis , pane biscocto , aqua putrida , verminosaque utentes mari , terrave ; item quos aves aquaticæ , pisces salsamentarii , ad ventos , fumosve indu-rati , caro bubula , suillave fumo et sale condita nimis delectant , vel farinacea non fermentata , pisa , fabæ , caseus salitus , acer , antiquus ; hos qui Melancholiæ , Maniæ , labi hypochondriacæ , hystericæ , morbis lentis obnoxii vivunt , maximeque qui nimio Cortice Peruviano fuerunt usi .

- 1151 - Dum vero hos aggreditur , his

(a) In ipsa tamen Zona torrida scorbutus sæpe infestat in orientales Indias navigantes . Cau-sa vera , et primaria juxta Bachstron scorbuti nulla alia est , quam abstinentia diurna recentium vegetabilium . Cortex peruvianus scorbuti causa non est , sed febrium intermitentium perti-nacia (Aph. 753.) Nihil tamen officit remedia antiscorbutica alias innocua hic administrare .

fere phœnomenis incedit , augetur , matu-  
ratur.

1. Pigritia insolita , torpor , sedendi et decumbendi amor , lassitudo spontanea toto corpore , gravitas ejusdem , musculorum omnium dolor quasi à nimia fatigatio-  
ne , maxime in cruribus lumbisque , am-  
bulandi in primisque per acclive vel de-  
clive summa difficultas ; mane à somno evigilanti sensus omnium artuum et mus-  
culorum quasi fatigatorum et contuso-  
rum.

2. Difficilis , anhelosa , ad motus vel parvos fere deficiens respiratio ; crurum tumor accedens , recedensque , horum præ gravitate immobilitas ; maculæ rubræ , fus-  
cæ , flavæ , violaceæ (a) , faciei color pallido-  
fuscus ; Oris fœtor incipiens ; Gingivæ tu-  
mentes , dolentes , calidæ , prurientes , ad minimam pressionem evomentes cruorem :  
dentium ob retractas gingivas denudatio,  
et mobilitas ; dolores varii , vagi , per om-

(a) Monet Eugalenus , quod his maculis lividis scorbuticorum decepti chirurgi , et empirici peste laborare sic affectos crediderint , et data theria-  
ca , aliisque calidis medicamentis non paucis ægris mortem acceleraverint . Poupartius asseveravit pessimum scorbutum , quem in nosocomio grassan-  
tem observabat aliquam similitudinem habere cum sœva peste Atheniensium à Lucretio descripta ( Academ. des Sciences An. 1699. pag. 237.)  
Hoc maxime notandum .

nes externas internasque corporis partes mira producentes tormina , Pleuritica (a), Stomachica , Iliaca , Colica , Nephritica, Cystica , Hepatica , Lienaria &c. Hæmorrhagiæ variæ sed leviores.

3. Gingivarum putredo fœtens cader-  
ver , harum inflammatio sanguinem stil-  
lans , gangræna ; dentium vacillatio , fla-  
vedo , nigritudo , caries ; Varicosi annulli  
ad raninas venas ; Hæmorrhagiæ (b) sæpe le-  
tales , ex ipsa cute externa , non appa-  
rente vulnere , ex labiis , gingivis , ore,

(a) Eugalenus refert casum pleuritidis , quam scorbuticam esse declaravit dolorum per interval-  
la intermissione , urina crassa lateritia . . quibus à curatione antiphlogistica ab alio indocto inten-  
tata liberavit , et antiscorbutica sanatione sana-  
tus est. Hoc sedulo advertendum.

(b) Hæmorrhagiæ internæ maximè formidan-  
dæ , et his scorbutici sæpe subito extinguntur;  
quod valdè metuendum. Dolores summi noctu  
ingravescentes non à lue venerea , sed ab scor-  
buto provenire ex utriusque mali historia dig-  
noscendum.

Cocchi suspicabatur , ad scorbutum referri posse elephantiasim , et in Ægypto ideo frequens malum esse , quia ibi frequens erat cibi vegeta-  
bilis defectus : et oportune notat , desperatos elephantiacos , ab hominum commercio remotos,  
ob morbi fœditatem , et ad deserta loca delatos , quandoque convaluisse , non ob viperas ex des-  
peratione coonestas , sed quia miseri nullum ci-  
bum , nisi vegetabilem invenire poterant.

naribus , pulmonibus , stomacho , hepate ,  
liene , pancreate , intestinis , utero , reni-  
bus &c. Ulcera pessima , obstinata , nulli  
applicato cedentia , facile gangrenosa ,  
ubique , maxime in cruribus , vagantia ,  
cum diurno fœtore ; Scabies , Crustæ ,  
sicca et lenis Elephantiasis ; sanguis venis  
eductus , in fibrosa parte ater , grumosus ,  
crasus , et tamen solutus , in parte serosa  
salsus , acer , muco flavo viridi in superfi-  
cie scatens ; dolores summi erodentes , lan-  
cinantes , cito trajicientes , noctu ingra-  
vescentes per omnes artus , juncturas , ossa ,  
viscera ; maculæ lividæ .

4. Febres variæ , calidæ , malignæ , in-  
termittentes omni modo , vagæ , periodi-  
cæ , continuæ , *atrophiam* inducentes ; vo-  
mitus ; diarrhoeæ ; dysenteriæ ; strangu-  
riæ sævæ ; lipothymiæ ; anxietates sæpe  
subito letales ; Hydrops ; Tabes ; Convul-  
sio ; Tremor ; Paralysis ; Contractura ;  
Maculæ nigræ ; Vomitus , et Secessus san-  
guinis ; Hepatis , Lienis , Pancreatis , Me-  
seræi putredo et consumptio (a) ; Conta-  
gium celere .

(a) In tanta humorum et solidorum degenera-  
tione mirum est , cerebrum semper sanum , et  
illæsum repertum suisce ; memoriam , intellectum ,  
ratiocinium mansisse illæsa .

Scorbutici illi , qui in ultimo Septentrione hyber-  
naverunt , et successive perierunt , singulis diebus  
omnia notaverant , quæ ipsis contigerunt , et ul-

1152 Ex quibus liquet, hujus morbi naturam et effectus non difficulter elici ab his, qui prædicta expendunt.

1153 Et causam ejus proximam esse eam sanguinis indolem, qua et crassitie simul in una, et tenuitate acri salsa, alcalica, vel acida (*a*) in altera parte peccat: quæ

timus superstes concludit harum calamitatum historiam dum scribit MORIOR; unde videtur ad ultimum vitæ finem mente constitisse, nec memorat ullum sociorum delirasse ante mortem.

Dubitatur valde an in isto morbo contagium adsit celere ut Boerhaavius asserit, an nec celere, nec tardum, nec ullum ut alii nimis fortasse confidenter autumant. Utinam morbus unice endemius sit à causa communi, vegetabilium nempe carentia, præcipue productus. Ultro assentiendum scorbutum non ut variolæ, lues venerea, scabies . . esse contagiosum, ast in ultimo præsertim stadio, quando gingivæ putrido tabo diffluent ab usu poculi, lecti . . scorbuticorum non abstinere Bosquillonio, Lindio . . ista permittentibus relinquenda.

(*a*) *Acida acrimonia hic rara.* Vilioris sortis homines, qui pane secalino, lacte ebutyrato acido, farinosis fere solis vivunt, simulque sedentarias artes exerceant huic obnoxii. Acrimoniae istæ in parte tenuiori sanguinis adsunt; crassities in parte serosa lymphatica crassiore. Si aliquod ex his vitium unice adesset, haud difficile emendaretur. Verum dum illud acre irretitur huic lentori manet affixum partibus, in quibus illud lento hærere incipit, et colligi, illasque eredit. Hinc mali pertinacia, et fere incurabilitas.

in primis accurate investiganda et distinguenda sunt.

1154 Et ex his per historiam morbi (1151.) cognitis, omnia ejus morbi phænomena, utut mira (a), facile deduci posse.

1155 Quod ipsum clarius docent regulæ, quas curatio morbi prospero, ve sinistro eventu comprobavit; quarum præcipuæ hæ sunt.

1156 In hoc morbo crassum est reddendum tenue; stagnans mobile; cohærens fluidum.

1157 Item nimis tenue cogendum; acre leniendum, in genere, in specie.

1158 Et in correctione unius (1156.) semper respiciendum ad naturam alterius (1157.), unde summæ (b) artis opus tentare hunc morbum cum successu.

1159 Acria evacuantia semper hunc morbum exasperant, et sæpe reddunt incurabilem.

1160 Hinc a. incipiendum in specie (1151. N. 1.) prima à leni, attenuante,

(a) Incipiente morbo crassities sanguinis adest; hinc torpor, pigritia . . in progressu acrimonia exurgit, ita ut pari pasu non procedant: quo mira hujus morbi phænomena utcumque percipiuntur et levantur.

(b) Magni momenti monitum hoc practicum est. Quæ crassities sanguinis exposcit, ejus acrimonia veluti contraindicare videtur.

deobstruente , purgativo , parca dosi s<sup>e</sup>pe iterata. *b.* pergendum in attenuantibus, et digerentibus dictis. *c.* desinendum in specificis lenioribus , diu continuatis , in forma quacunque. *d.* interim sex res non naturales ita ordinandæ , ut sint contrariæ causis (1150).

1161 Ad secundum gradum (1151. N. 2.) conferent eadem , quæ in priori, (1160. *a. b. c. d.*) Tum usus Scorbutico- rum acriorum paulo , forma succi expres- si , conservæ , spiritus , salis volatilis Vini, Cerevisiæve Medicatæ ; Balnea itidem ex- terna et pediluvia ex antiscorbuticis ; fric- tiones calidæ , siccæ , cum specificis liqui- dis ; s<sup>e</sup>pe venæ sectio conduceat , ut pars acris liquidi tollatur , erosio in vasa nimis distenta minuatur , revulsio procuretur, via paretur medicamentis applicandis.

1162 Prout vero tenuitas acris , calor ingens , metus Hæmorrhagiæ , majora ; vel crassities , inertia , frigus , vasorum pal- lor , majora ; utendum specificis modice adstrigentibus , frigidiusculis , vel calidis, acribusve.

1163 Ad vitia autem oris in hac specie emendanda oportet uti his , quæ antiphlo- gistica , antiscorbutica , et simul huic illive scorbuti speciei appropriata sunt.

1164 Ad speciem tertiam (1151. N. 3.) valent omnia prædicta , nisi quod uten- dum sit maxima copia liquidorum lenium,

facile meabilium, Antisepticorum (*a*), Antiscorbuticorum, cum leni promotione sudoris, urinæ, fæcis alvinæ, diu contiuata.

1165 Ad quartam vero speciem rara medela; varianda medendi methodus pro varietate symptomatum; aliquando mercurialia (*b*) prosunt; ut et præscripta (1164).

(*a*) *Antisepticorum Classis* hic etiam necessaria. Scorbatus magnam habet affinitatem cum febribus putridis, ut longo sermone declaravit Medicinae Doctor et Profesor Franciscus *Salva* in *Tentamine: De Analogia inter scorbutum et quasdam febres*; quo corticem peruvianum, acidum sulphuricum, atque cruciferas plantas in succum redactas ad sanationem laudat. *Antiscorbuticorum catalogus* hic advocandus. Plantæ, quæ hunc efformant pro alcalinis habitæ hucusque à Boerhaavia ipso, in acidarum familiam transierunt. Cullenius inuit jam plantas istas in acescentiam primo suæ fermentationis tempore transire, et videntur magnam materiæ acescentis quantitatem continere (Med. pract. n. 1805.) In Actis Academiæ regiæ medicinæ parisiensis extat Analysis quarundam plantarum cruciferarum à Pharmacopœo Tingry (Anno 1783. pag. 341.) qua evincitur plantas istas pro alcalinis habitas, acidas revera esse. Hoc uberior exponitur à prædicto D.D. Fr. *Salva* in *tentamine citato*, cuius lectio nem Tironibus commendamus.

(*b*) Mercurialia in primo scorbuti gradu, quando viscosus lento adest possent fortassis esse utilia: in hoc tamen præstant vegetabilia antiscorbutica. Quando scorbutica lues atque syphilitica sociantur, vegetabilia utrique adver-

Ex quibus omnibus (1148. ad 1166.) rite consideratis, et cum phænomenis morbi, et cadaverum incisorum, collatis, constat, in curatione felici hujus morbi id agendum maxime, ut indagetur indoles vitiosi humoris et singularis acrimoniam, quæ prædominans peccat: quumque illa acrimonia sit salina muriatica, acida austera, alcalina fœtens, rancida oleosa; atque de his singulis, et universis sæpe actum sit, ordinatior mali curatio habebitur; et liquet, cur serum lactis, lac ebutyratum, aquæ medicatæ, toties desperata hujus morbi mala sanaverint? et quæ? Cur acidi succi horæi maturi pomorum aurantiorum, citriorum, limoniorum, granatorum, acetosæ, acetosellæ, aceti, vini rhenani, mosellani, toties specifica huic morbo, et quando? Cur adstringentia aus-

santia præferenda. Mercurialia ab omnibus reprobantur. Solutio humorum nimia præsens, et futura dehortantur ea.

Pro curatione hujus mali aliqua proponuntur nimium acria, quæ prudenter administranda, vel vitanda. Talia sunt Pilulæ cochiæ, Acriviola Allia, Arum, Piperitis, Gratiola, Sedum. (V. Sylloge.) Cerevisiæ, vina, serum: aquæ thermales mites præferendæ. Quæsita textus facile percipiuntur. Duo postrema nedum in isto morbo, sed in aliis omnibus consideranda. Empirici, qui artem brevem esse vellent, quæ merito ab Hippocrate longa dicitur cautiones istas operosas respuunt.

tera , ut Rheum , Lapathum , Tamariscus ,  
Capparis , vinum austерum nigrum , ru-  
brumve , ut et chalybs , adeo sæpe bona?  
et ubi? Cur acerrima aromata , Cochlea-  
ria , Lepidium , Nasturtia , Arum , Ra-  
phani , Piper , Zingiber , Sempervivum  
minus acre , Sales alcalini volatiles , fixi ,  
oleosi , aromatici , saponacei , iterum sæ-  
pe sola prosint? Cur quod uni scorbutico  
salutare , id exitiale idem alteri fiat? Cur  
ergo non nomini hujus mali studendum  
sit , sed ejus tantum singulari , ac si alias  
foret morbus , genio .

## A P H O R . 1160. L. a.

*Pulvis purgans.*

R. Tartari vitriolati non acidi  
Cristalli tartari  
Salis Polycresti , singulorum drachmam  
semis.

Misce. Fiat pulvis ,  
Mane hauriendus ex sero lactis : super-  
bibat dein  
Seri uncias duodecim.

*Aliud purgans , haustus forma.*

R. Salis polychresti drachmas duas  
Pilularum cochiarum majorum scru-  
pulum unum

Syrupi rosarum solutivarum cum senna  
drachmas sex

Aquæ stillatæ cichorei uncias duas.  
Misce. Fiat Haustus.

*Similis virtutis.*

- R. Elixiris proprietatis cum sale tartari  
præparati drachmas duas  
Syrupi rosarum solutivarum cum senna  
drachmas septem  
Aquæ stillatæ fumariæ uncias duas.  
Misce. Fiat Haustus.

*Pilulæ purgantes in scorbuti initii.*

- R. Pilularum cochiarum majorum drach-  
mam unam  
Fiant pilulæ numero viginti , et una.  
Capiat duas vesperi ante somnum , mane  
quinque ante jentaculum.

A P H O R. 1160. L. b.

*Attenuantia digerentia.*

- Tinctura salis tartari helmoniana ad drach-  
mam unam  
Ex vini unciis duabus  
Harvejana ad drachmas quatuor  
Ex vini unciis tribus  
Martis Ludovici ad drachmam  
unam  
Ex vini uncia una.

Tartarus vitriolatus Singula sumi  
 Crystalli, et tremor tartari } possunt ad dra-  
 Vitriolum martis chmam semis.  
 Sal polychrestus  
 Sales tacheniani ex vegetabilibus ad drach-  
 mam unam.

Ex *vini* unciis tribus.

Elixir proprietatis cum spiritu acetii præpa-  
 ratus ad drachmas duas  
 Sale tartari præpa-  
 ratus ad drachmas duas

Aquis aromaticis  
 præparatus ad drachmas tres.

Sales volatiles oleosi, aromatici ad drach-  
 mam unam

Sapo venetus ad drachmas quatuor

Starkejanus ad scrupulum semis

Oxymel simplex ad uncias quatuor

Scilliticum simplex ad uncias tres  
 compositum ad uncias duas.

Conserva	Chinensis
Acetosæ	Citreæ
Lujulæ.	Limonia
Poma Aurantia	Granata.

**A P H O R.** 1160. L. c.

*Specifica antiscorbutica leniora.*

Abrotanum mas,	Cuminoides
fœmina	Endivia.
Absinthium latifo- lium, tenuifolium.	Eupatorium canna- binum.
Acetosæ omnes spe- cies	Fœniculum
Acetosellæ omnes species.	Fumaria.
Ageratum	Galegæ ambæ spe- cies.
Agrimonia	Hædera terrestris.
Anagalis mas,	Lapatha
fœmina	Levisticum.
Artemisia.	Majorana
Balsamita	Melissa.
Bardana	Mentha.
Becabunga	Nasturtium aquati- cum
Botrys	hortense
Brassica rubra, ca- pitata	Nummularia.
Buxiniūn	Rheum-barbarum.
Buxus.	Salvia
Chærophylum	Scabiosa
Chamædris	Scordium
Chamæpitys	Sophia.
Cichorea	Veronica.
Crambe	Urtica.

*Poma aromatica odorata.*

Aurantia.	Armeniaca
Citreæ.	Persica
Granata.	Pruna matura quæcumque
Limonia.	Fructus Rubi vulgaris cæsii.
Fructus Berberis	Rubri
Cerasa matura	Idæi.
quæcumque	Sambuci
Fraga.	Tamarindi
Grossulariæ	Vitis Idææ.
Mori	
Poma acido dulcia	

## APHOR. 1161.

*Scorbutica acriora.*

Acriviola	Piperitis, vel lepidum
Allia	Porrum
Alliaria	Ptarmica draco.
Arum	Raphanus hortensis, rusticanus
Armoracia	Ruta.
Absinthium.	Sabina
Cepæ	Santonicum.
Chelidonium majus	Saponaria
Cochlearia.	Sedum minus vermiculare acre
Enula	Sinapi
Erysimum	Trifolium aquaticum.
Eruca.	
Gentiana	
Gratiola.	
Isatis.	

*Succus expressus, antiscorbuticus.*

R. Raphani rusticani radula rasi uncias  
quatuor.

Foliorum recentium Cochleariæ  
Nummulariæ  
Urticæ singulo-  
rum manipulos quatuor.

Succum secundum artem exprime, et Sac-  
charo misce.

Capiat uncias duas quater, vel sexies de die.

*Spiritus similis.*

R. Seminum Sinapi	Foliorum cochlea-
Raphani hortensis	riæ
Erucæ	Lepidii
Erysimi	Raphani rusticani
Nasturtii hortensis	singulorum
singulorum un-	manipulos
ciam unam.	duos.

Conscisis, et contussis adde	
Salis marini uncias duas	
Florum cerevisiæ unciam unam	
Spiritus vini quod sufficiat ad excessum	
duorum digitorum	

Destilla, et cohoba ter.

*Sal volatile.*

Præcedentibus, loco salis marini, et florum  
cerevisiæ, admisce

Salis ammoniaci contusi uncias tres,  
Cinerum clavellatorum uncias septem.  
Destilla ut ante.

*Cerevisia medicata, antiscorbutica.*

R. Foliorum recentium

Cochleariae,	Trifolii aquatici
Erucae,	Singulorum ma-
Erysimi,	nipulum unum.

Seminum recentium contusorum nasturtii  
hortensis,

Raphani hortensis, singulorum uncias  
duas.

Florum centaurii minoris unciam unam.

Radicis raphani rusticani uncias quinque.

Conscissa reconde in cerevisiae recentis, et  
fervescentis dimidio dolio.

Pro potu assiduo.

*Vinum medicatum simile.*

R. Bulbi Ari recenter effossi unciam semis.

Raphani rusticani unciam unam

Foliorum cochleariae

Trifolii aquatici singulorum
manipulum unum.

Seminum sinapi uncias duas

Vini rhænani libras sex

Fiat secundum artem vinum medicatum.

## A P H O R. 1162.

*Antiscorbutica modice adstringentia.*

Capparis	Lupulus
Flos Genistæ	Polypodium querci-
Fraxinus	num
Lapathum , omnes-	Rhabarbarum
que ejus species	Tamariscus.

*Antiscorbutica frigidiuscula.*

Poma odorata	Aurantia Chinensis Limonia Granata. Citrea
Fructus horæi	acidò dulces.
Acetosa	Taraxaca
Acetosella	Hydrogala , æstate.
Cichorea	Serum lactis
Endivia	Lac ebutyratum
Lujula	Tartarus , et omnia
Lactucæ	acida tartarisata.

*Calida , et acria.*

Vid. Aph. 1161.

## A P H O R. 1163.

*Collutoria oris.**In calidis.*

R. Myriæ limonum  
 Mellis rosacei singulorum uncias duas

Spiritus salis dulcis drachmam semis  
Aquæ stillatæ rutæ uncias duas.

Misce.

R. Spiritus salis marini drachmas duas  
Aquæ stillatæ salviæ uncias octo.

Misce.

R. Succi limonum recentis unciam unam  
Salis ammoniaci drachmam unam  
Aquæ stillatitiæ rutæ uncias sex.

Misce.

*In frigidis.*

R. Spiritus theriacalis  
Cochleariæ singulorum unciam  
unam  
Mellis anthosati uncias duas. Misce.

R. Spiritus vini camphorati unciam semis  
Tincturæ myrræ unciam unam  
Rob juniperini unciam semis  
Aquæ stillatitiæ absinthi uncias qua-  
tuor  
Salis gemmæ drachmam unam. Misce.

APHOR. 1164.

*Decoctum in scorbuto acri lene  
antisepticum.*

R. Fumariæ	unum
Acetosæ	Seri lactis
Becabungæ	Lactis ebutyрати singularum pintas
Trifolii aquatici, singulorum	duas.
manipulum	Fiat Decoctum.

*Serum lactis antiscorbuticum.*

R. Acetosellæ manipulum unum et semis	
Betonicæ	
Chærophyli singulorum manipulum	
semis	
Tamarindorum unciam unam , et	
semis	
Conscissa infunde cum	
Seri lactis æstivi libris tribus.	
Spatio horæ , in calore fere fervido , abs-	
que ebullitione tamen , dein per	
linteum expresso , admisce	
Syrupi è succo citri	
Rubi idæi	
Violacei singulorum unciam unam	
Bibat de alterutro omni semihorio inter-	
diu unciam unam.	

## C A C H E X I A. (a)

1166 **C**achexiæ nomine intelligi solet, ea dispositio Corporis, quæ nutritiōnem (b) ejus depravat per totum illius habitum (c) simul.

1167 Adeoque pro causa agnoscit vel

(a) Sauvagesius Clas. X. *Cachexiæ. Caracter:* Coloris, figuræ, molis in corporis habitu depravatio. Ordines VII. Macies, Tumores, Hydrops, Tubera, Impetigines, Decolorationes, Anomaliaæ. Sub istis septem ordinibus includuntur XXXIX. Genera, sub quibus quamplurimæ species comprehenduntur. Cullenius brevior et exactior.

Cullenius Clas. III. *Cachexiæ, Caracter:* totius, vel magnæ partis corporis habitus depravatus; sine pyrexia primaria, vel neurosi. Ordines III. Marcores. Intumescentiæ, Impetigines.

Primi Ordinis Genera sunt: Tabes, Atrophia. Ord. II. Polysarcia, Pneumatosis, Tympanites, Physometra, Anasarca, Hydrocephalus, Hydro-rachitis, Hydrothorax, Ascites, Hydrometra, Hydrocele, Physconia, Rachitis. Ord. III. Scrophula, Syphilis, Scorbutus, Elephantiasis, Lepra, Framboesia, Trichoma, Icterus.

(b) Iste morbus est veluti congeries omnium malorum chronicorum. Pro eo intelligendo tota chylificationis, et nutritiōnis historia prænoscenda.

(c) Nosologi *cachexiam* in morborum classem assumpserunt. Boerhaavius hic de *cachexia* morbo determinato agit; pravo scilicet totius corporis habitu à depravata præsertim in eo nutritione, cuius effectus ab eo propositi sunt Tabes, vel Leucophlegmacia, et Hydrops Anasarca. Doctrina

liquidi nutrientis depravatam indolem quamlibet, vel vitium vasorum receptorum, vel defectum facultatis applicantis.

1168 Humoris depravatio oritur 1. ab assumptis, quæ à virtute mutante in nobis non possunt assimilari restituundis: qualia cibi farinacei, leguminosi, crassi, fibrosi, pingues, aeres, aquosi, viscosi (69.) Corpora indigerenda, ut cespites, creta, arenæ, calx &c. 2. Ab defectu motus animalis in otio, torpore, somno nimio. 3. à vitiatis organis per debilitatem nimiam (41. 42. 43. 44.), aut nimium robur (50. 92. &c.); liquidisve vitio non facile medicabili (60. 69. 76. 106. 107. 406.); hisce causam præbent multa, ut omnes secretiones nimiæ, qualescumque demum fuerint, vomitus, diarrhoea quælibet, dysenteria, hæmorrhagia quælibet, visceris singularis vitium scirrhosum &c. retentio quælibet secernendi.

1169 Patet vero, has causas semel positas, vel minuendo solida, vel infarcendo ea liquidis libere transfluere ineptis, agere; unde duplex notabilis hujus mali effectus; Tabes sc. vel Leucophlegmatia, et Hydrops Anasarca.

1170 Quin et pro vario colore, mole, tenacitate, acrimonia, fluiditate liquidi

tamen ista ad omnia Genera, et Species cacheiarum maxime necessaria.

infarcti varii admodum morbi , ut Cache-  
xiæ effectus , prodire solent : Cutis sc.  
albitudo , pallor , flavedo , lividitas , rube-  
do , viror , nigritudo , fuscus color ; gra-  
vitas ; tumor sub oculis , et partium te-  
nuissimarum ; flatus , œdema partium à  
corde remotarum ; Cordis arteriarumque  
palpitationes , ad minimum motum admo-  
dum auctæ ; Urinæ crudæ , tenues ; sudo-  
res spontanei aquosi plane ; tandemque  
marcor , vel Leucophlegmatia , et Hydrops.

1171 Vitium vasorum recepturorum  
bona liquida nutrititia universale fingi vix  
potest ullum ; tamen nimia contractilitas  
et laxitas , atque inde pendentia vitia pro  
causis admitti possunt : de quibus actum  
(24. ad 58.)

1172 Defectu facultatis applicantis  
nutritio universalis impeditur ; si vires  
circulantes sunt nimis languideæ , vel ni-  
mis violentæ (92. ad 107.)

1173 Ex quibus diagnosis morbi faci-  
lis : prognosin firmat consideratio causæ,  
durationis , effectus (a) , gradusque mali.

1174 Quin patet , etiam curationem  
semper quidem requirere 1. aliquando ni-  
mis acris , fluidique mitigationem , inspi-  
sationemque modicam. 2. Tenacis , hæren-  
tisque , dissolutionem atque fluxilitatem.

(a) Vertigo , somnolentia . . affectum caput;  
facilis anhelatio pecus gravari innuunt.

Sed quum à tam variis causis hæc duo oriri queant, (1168. 1169. 1170.) in primis necessarium esse pro harum diversitate varia-re et medicamenta, et modum his utendi.

1175 Maxime curandum, ut victus sit ex his, quæ liquidis sanis similia, facile transmittenda, causæ singulari morbi ad-versa, ægroque in primis grata (a) sunt.

1176 Tum ut optime digeri queant, condimentis, potu vinoso, exercitio, aëre, procurandum.

1177 Ut vero organa primarum Coccionum itidem bene disponantur, leni di-gestivo, vomitivo, purgante, roborante, prospiciendum.

1178 Et ubi horum usu viæ laxatæ, materies morbosa attenuata erit, tum at-tenuantibus, diureticis, sudoriferis (b) insis-tendum.

1179 Ultimo Chalybeatis utendum, Alcalinis, Saponatis, cum exercitio cur-sus, vectionis, frictionis, balnei. (c)

(a) Hippocrates ita prudentissime pronun-ciavit: *Paulo deterior tum potus, tum cibus; suau-or tamen, melioribus quidem, sed ingratiорibus præferendus.* Medie iac in re morosi despiciuntur.

(b) Hæc utilia sunt dum cachexia in Leuco-phlegmaciam, vel Anasarcam vergit, non vero in Marasmus. De venæ sectione in chachexia prudenter pronunciandum.

(c) Balnea aquæ tepidæ nocerent: laconicum siccum, et balneum frigidum aliquando conducent.

1180 Hæc autem ex variis peti , varie præparari , applicarique debent , pro causa proxima cognita. (a)

1181 Ubi vero à nimia acrimonia consumptio , et tabes Cachectica , inquirendum in acrimoniæ speciem , si fieri quæat , per indagationem causæ Cachexiæ (1168) 2. Temperiei morbi , ægrique. 3. Symptomatum. 4. Excretorumque.

1182 Hæc cognita corrigenda suis contrariis (vid. 1166.)

## E M P Y E M A. (b)

1183 **Q**uoties intra pulmones et pleuram pus in Thoracis cavo colligitur Empyema est.

1184 Quod semper supponit vomicam purulentam fuisse ruptam , cuius elapsum pus Thorace recipitur.

(a) Levia capitis tegumenta , et lotio matutinalia faciei , colli , cervicis aqua frigida , ita firmant vasa superiora ut aeris vicissitudinibus , à quibus cephalalgia , odontalgia , coryza . . oriebantur , resistant , præcipue si simul pedes calescant. V. Richter. Opusc. Med. t. 3. Prolus. xxxiii. p. 285.

(b) Sauvagesius Clas. V. Gen. 14. *Empyema*. Species : à peripneumonia , à vomica pleuræ , mediastini , diaphragmatis.

Cullenius has *Varietates* dicit esse non semper distinguendas.

1185 Tales sunt vomicæ. 1. Pulmonum ab inflammatione horum (820. 867.), à sputo sanguineo , à materie ad fluorem inepta (a) his impacta. 2. Pleuræ ab inflammatione hujus , (875.) à vulnere externe inficto levi , cito externe clauso , interne rupto (298.) , à contusione hujus , vel ruptione tecta in suppuratum abeunte (324) 3. Diaphragmatis inflammati , suppurati , in superiora rupti (907. 910.). 4. Mediastini similiter affecti (877.) ut et 5. Pericardii ipsius (877).

1186 Cognoscitur futurum 1. ab inflammatione quinque partium (1185.) nulla coctione , revulsione , crisi , medicamento depurata , sed cum horrore vago , febricula , noctu gravi , calore vago , gravitate loco doloris , dyspnœa , appetitu prostrato , siti majori desinente. Vid (833. 892. 913.)

1187 Cognoscitur jam præsens. 1. à tempore inceptæ inflammationis viginti (b)

(a) In catarrhosis contingit materiam crassam circa fines arteriarum in pulmone hærere , et exurri. Hoc Hippocrates jam dixit , et experientia confirmat. Vomica sive tuberculum , aliquando non prius se prodit quam ægrotantem interimit ex Tulpio , et calamitosius experientia frequentissima.

(b) Tempus ruptionis vomicæ varium est; aliæ enim XX. aliæ XL. aliæ posterius aperiuntur. Vomica erupta symptomata minuuntur , sed Medicus cautus corpori , animæ , atque famæ suæ prospiciat.

dierum sine purgatione. 2. à signis vomicæ in quinque partibus (1185.) disparentibus. 3. à novo dolore, tussi, dyspnoea, salivatione ortis, moxque disparentibus. 4. à tussi sicca, gravitate ad diaphragma, decubitu in unum latus, strepitu puris ad motus, febre lenta, genis rubentibus, oculis cavis, digitis in extremitate calidis, unguibus recurvis, abdominis tumore.

1188 Effectus hujus mali 1. puris ex ulcere rupto, nec dein sanato, vel repurgato, continua accumulatio. 2. hujus in loco clauso, calido, humido, perpetim agitato, exacerbatio, putredo, fœtor, attenuatio. 3. diaphragmatis elevandi impedimentum, pulmonumque extendendorum: unde anhelosa, difficilis, erecta respiratio, metus suffocationis jacenti, decubitus in liberam partem impossibilis, tussis sicca perpetua, anxietas. 4. Pulmonis, Pleuræ, Diaphragmatis, Pericardii, Cordis ipsius maceratio, corrosio; in tabum fluidum consumptio, unde febricula hectica cum pulsu celeri, parvo, rubore generum, siti perpetua, fame sublata, debilitate summa, animi defectibus. 5. hinc omnium liquidorum ineptitudo ad nutritionem, circulationem, secretionem, excretionemque; unde tabes, *atrophia*, fibrarum resolutio, liquidorum putredo; adeoque vel per comesum pulmonem rejectio, vel alvi fluor saniosus letalis, cum

sudore nocturno post somnum , pustulis faciei , aduncis unguibus , flavedine pellucente , facie Hippocratica.

1189 Curatio hujus pro varietate causæ statusque mali diversa plane est.

1190 Nam 1. cognita vomica pulmonis , pleuræ , diaphragmatis , mediastini , et pericardii ; quod cognoscitur ex signis propriis , (834. 835 893. 910.) omni ope nitendum , ut id rumpatur (a) quantocius , et determinetur ad exteriora : quod fit igne (b) , ferro , medicamentis , motu idoneo.

1191 2. Ubi constat jam factam disruptionem (302. 836. N. 4. 5. 894. 910.) , tum statim pus elapsum erit educendum , a. per os , si natura hanc monstraverit viam . b. per urinas , si in ea apparent puris evacuati signa . c. per Thoracis aper-

(a) Hoc maximam exigit præmeditationem.

(b) Omni artis molimine tentandum est , ut via concilietur puri versus exteriora . Veteres Medici pluribus locis urere thoracis exteriora solebant dum non constabat certo de loco vomicæ latens . Willisius hæc habet : aliquoties novi in vomica pulmonis per membranas pleuræ adnatas humorem à cysti in fontanellam lateri inustam derivatam fuisse , adeoque sputo cesante morbum alias incurabilem visum tali epicraseos via satum fuisse ( Cerebr. anat. cap. XII. pag. 147.)

Molius hodie medicinam facimus , an melius ? Non adeo liquet . Hæc ex van-Swietenio inustiones istas Antiquorum approbante.

turam , (a) factam ope instrumenti idonei in latere affecto , inter costam 5 et 6 , vel 4 et 5 , ab inferioribus numero ducto , pure lente , et per vices educto , et leni mulsa aliquando repurgato , ultimo bene consolidato (303.) d. dando simul decocta Vulneraria , abstergentia , putredini resistantia satis magna copia .

1192 Si pus album , læve , æquale , fœtoris expers , specillum non colorans exit , si æger sine febri , siti , albi fluore , bene appetit , digerit , cætera sanus est , aëri ingressus in thoracem , quantum possibile prohibetur , spes est , ægrum convalitum (304. 305.)

1193 Si pus fuscum , ichorosum , fibrillis mistum , fœtidum , specillum instar ignis colorans , subcruentum , uno impetu totum effluens , prodit , summum periculum , et mors , vel phthisis .

1194 Si exesum fuerit mediastinum , aperto thorace , sæpe subitanea suffocatio .

1195 Si Empyema vetus , vires collapsæ , capilli jam cadant , alvi fluor colliquatus adsit ; Corpus contabescat ; paracentesis facta mortem accelerare (b) solet .

(a) Si vomica in Mediastini cavitate adsit Sterni perterebratio tentanda .

(b) In isto casu absdubio curatio paliativa unice locum habet .

## PHTHISIS PULMONALIS.

— 1196 **S**i ulcus pulmones exederit, ita ut totus inde habitus Corporis consumatur, Phthisis Pulmonalis ægrum afficere dicitur.

(a) Sauvagesius Clas. IX. *Fluxus. Gen. II.*  
*Hæmoptysis. Species :* accidentalis, (à plethora)  
 habitualis (ab acrimonia), traumatica (à ruptio-  
 ne), catamenialis.

Cullenius classem Fluxuum Sauvagesii, Sagari, et etiam Vogelii, atque Linnæi non adiinitit, cum illa morbos tum facie, tum natura omnino dissimiles conjungat; et ideo hæmorrhagiam ad classem I. *Febrium* reducit, cum pyrexia quædam eam semper coinitetur, activam præsertim, de qua hic agit. Genera hujus sunt: Epistaxis (profussio sanguinis è naribus) Hæmoptysis, Hæmorrhoides, Memorrhagia (menstrua copiosa) Hæmatemesis (sanguinis vomitus) Hæmaturia (sanguinis per urinas excretio.)

Maxime notanda hic divisio illa hæmorrhagiaz cuiuslibet in activam, et pasivam ad curationem recte instituendam necessaria.

Idiopathicæ species præcipuae Hæmoptysis sunt: plethora, violenta, phthisica, calculosa, vicaria (evacuationis alterius solitæ suppressæ.) Symptomaticæ sunt: pneumonica, catarrhalis, exanthematica, variolosa, hydropica, cachectica. Quæ ab anastomosi, diapedesi, rixi, atque diabrosi desumuntur, quidquid aliqui inepte contradicant, retinendæ. Vid. Inst. Med. §. 707.

1197 Cujus ulceris origo deducitur ab omni causa , quæ valet sanguinem in pulmonibus ita sistere , ut in materiem purulentam abire cogatur.

1198 Hæ causæ possunt referri 1. ad ipsam Corporis temperiem illam , qua vergunt in HÆMOPTOEN primo , hinc in ulcus loci erosi.

Hæc consistit *a.* in teneritudine vasorum arteriosorum , et in impetu acrioris utcunque sanguinis : cognoscitur respectu tenellorum vasculorum , et totius corporis ; collo longo ; Thorace plano et angusto ; scapulis depresso ; sanguine valde rutilo , tenui , dissoluto , acri , calido ; colore valde candido , et amœno roseo ; cute pellucida ; hilaritate , et subtilitate præcoci ingenii.

*b.* In ea debilitate viscerum , qua ingesta sua indole nimis tenacia obstrunctiones , putrefactiones , acrimonias , suscipiunt , hisque dein malis erosa vasa , post hæmoptoen (*a*) , exulcerant : cognos-

(*a*) In ea conditione viscerum ventris imi-  
ubi sanguis venæ portarum aut ob copiam , len-  
torem atrabiliarium , aut ob viscera à causis  
præviis obstruentibus impervia tardius movetur ,  
abundantius congeritur ; unde plethora abdomi-  
nalis : inde reliqui sanguinis ad superiora nitus  
major , ejusdem per pulmonalia vasa transpressio  
laboriosior ; in eadem vis major ; horum distrac-  
tio , ruptura : inde hæmoptoe , et quæ hanc exci-

citur levi febricula , tussicula sicca , calore majori , rubore labiorum , oris , genarum , auctis et insurgentibus quo tempore novi chyli in sanguinem ingressus , facili sudore dormienti , debilitate , anhebitu ad minimum motum magno.

*c.* In ea ætate , qua vasa incrementi apicem adepta , ulteriori productioni suæ resistunt , dum interim sanguis augetur copia , acrimonia , impetu ; adeoque intra 16 et 36 ætatis annum.

*d.* In hæreditaria dispositione : hoc refer dicta (24. 26. 29. 38. 39. 40. 41. 44. 45. 48. 60. 61. 64. 69. 72. 82. 84. 86. 100. 106.) , illa enim comparata modo dictis (1198. *a. b. c. d.*) explicant , definiunt , præsagiunt , naturam , causas , effectus , hæmoptoës.

Hujus vero conditionis effectum , hæmoptoën accelerant 1. omnes consuetæ excretiones interceptæ , maxime sanguineæ , ut hæmorrhoidalis , uterina menstrua , lochiorumve , hæmorrhagia narium , missio sanguinis consueta , in primis in plethoriciis , vel truncatis membra.

2. Vis quæcunque magna pulmonibus illata , tussi , clamore , cantu , cursu , nixu

piunt mala : quæ in habitu corporis eusarci , ventricosi , opipare pasti , desidiosi , atque ex repletione hypochondriaci , hæmorrhoidarii , aut aliter obstructi accidere possunt . Hæc Stollius.

corporis ingenti , ira , vulnere quo cunque  
quacunque causa inflito.

3. Victu acri , saline , aromatico;  
potu simili ; vita ; morbo alio , unde co-  
pia , acrimonia , velocitas , rarefactio , ca-  
lor sanguinis augetur ; unde in febribus  
acutis , peste , variolis , scorbuto , toties  
contingit.

1199 Hinc (1198.) oritur cum dolore  
levi , calore modico , angusta oppressione  
in Thorace perceptis ; exit sanguis ple-  
rumque floridus , coccineus , spumans , cum  
tussi , strepitu pulmonis (a) , fibris , mem-  
branulis , vasculis arteriosis , venosis , bron-  
chialibus ; pulsu molli , parvo , undoso ,  
anhelitu ; sapore salso in ore antegresso .(b)

(a) Sanguis potest vitio hepatis per os rejici .  
Tensio , dolor . . hypochondrii dextri id innuunt .  
Hoc pro curatione advertendum . Insignis Dure-  
tus istam hæmoptoen passus fuit , à qua , hirudine  
ano applicata convaluit (Comment. in Coac.  
Hipp. Sent. 46. Lib. 2.). Pulsus hæmoptoen præ-  
nuntians est dierotus , seu bis pulsans ex sola-  
nianis observationibus .

(b) Sollicita cura distinguendum an sanguis  
ex oris interni partibus , ex naso in fauces de-  
latus , ex palato , capite ; an à pulmone ipso pro-  
deat . Pariter notandum non ab omni sanguinis  
sputo puris sputum sequi : hoc enim accidit  
quando sanguis acris , et mali moris est . (Galen.  
in Hipp. Aph. 15. lib. VI.)

Signa in textu proposita indicant sanguinem  
ex pulmone rejici . Capitis dolor præcedens , gra-

TOMO IV.

1200 Curatur 1. Venæ sectione larga, tertio quoque die, ad quartam usque vicem repetita vel donec crusta (*a*) inflammatoria integre disparuit. 2. Medicamentis refrigerantibus, incrassantibus, stipticis, lenientibus, diu usurpati, intermistis subinde lenissimis balsamicis. 3. Sex rebus non naturalibus ita directis, ut adversissi-

vitas, calor, vigiliæ, nimiæ animi perturbationes . . sanguinis sputum nigrescens, grumosum . . à capite venire ostendunt; licet aliqua tussis adsit. Si sanguinis sputum simplici sputatione, excreatione fit, cum titillatione in palato, et fauibus . . ex gingivis, ore, faucibus ipsis provenit.

(*a*) Signum istud infidum est. Plethora, vires, inflammatio præsens, vel absens evacuaciones istas metiuntur. *Diæta à qua, quam siccissimus, et exanguissimus fiat ab Hippocrate (lib. I. de Morb. Sect. I. v. 223.)* proposita prudenter exequenda. Agitur certe hic de hæmoptisi *activa*, quam febris aliqua comitatur, seu vasorum irritatio aucta, quo casu venæ-sectiones repetitæ, methodus seu regimen aniphlogisticum, nitrosum, deinulcens, mucilaginosum . . intermixtis non balsamicis quantumvis *lenissimis*, sed diacodatius, prossunt. Diæta lactea, seu potius vegetabilis instituenda. Balsamica quoniam calida, et adstringentia seu *stiptica* prudentissime administranda, seu potius timenda. Acida inter quæ Galeni Posca eminet præferenda. Mineralia acida cautè administranda. Ferrum, cortex peruvianus, aqua frigidissima . . in hoc easu phlogistico nociva sunt. An Emplastrum vesicatorium pectori, seu dorso applicatum præstantius?

mæ sint Causis (1198.) enarratis : maxime victu , vitaque , blandissimis semper continuatis , quo lactis diæta in primis facit . 4 Corrigendo specificam naturam causæ vel morbi singularis. (a)

1201 Ubi semel accidit , sedatumque est (1200) , quibuslibet sex mensibus per aliquot annos mittendus sanguis , sensim tamen copiam minuendo .

1202 Si vero ob magnitudinem malū (1198.) , stiptica male applicata , neglectam- ve veram medendi methodum (b) (1200.) , post sputum sanguinis oritur dyspnoea , assiduo increscens ; horror vagus ; calor ruborque genarum ; tussicula sicca ; febri- cula hectica ; sitis major , debilitas , gra- vitatis in Thorace sensus ; signat , vulnus hæmoptoës jam collectam circa labia sua , et sub crusta arefacti cruoris , materiem mutare in pus , collectionem abire in VO-

(a) An adesse possit acrimonia biliosa con- gestionibus versus pectus producendis opportuna? Hoc in casu (inquit Selle , de hæmoptisi loquens ) salia media exhibentur , et si sordes turgescant tuto emeticum propinare licet , dummodo ne hoc brevi ante exacerbationem fiat , quia tum sem- per adhuc hæmoptisis nova extimescenda est .

(b) Iterum advertendum , stiptica , sive ads- tringentia in malo isto prudentissime adminis- tranda esse . Vera uedendi methodus neglecta malū insuperabilia producit . Væ illis , qui ista adeo lu- brica , atque terrentia contemnunt ! ipsi viderint .

MICAM TECTAM, qua rupta, in ulcus pulmonum apertum.

1203 2. Oritur itidem Collectio hæc puris, præter causas dictas (1198.), à peripneumonia quacunque terminata in apostema (832. ad 843. 867.); cognoscitur iisdem signis (832. ad 843. 867.)

1204 3. Quin Empyema (1185.) ortum potest rodere, elquare, consumere pulmonem; ut fiat idem morbus, ac si proprio hic ulcere absumeretur (1188. N. 4.) Cognosciturque signis ibidem positis.

1205 Unde liquet, quænam signa sint cognoscendi ulceris pulmonalis, etiam tecti; quot diversæ ejus causæ (a), quam di-

*Vomica tecta sedulo rimanda.* Fernelius errores in ista prænoscenda non adscribit Arti medicæ, sed Medicis dum minus attendunt ad illa, quæ in morbis contingunt (Patholog. lib. V. cap. 10.)

(a) Præter causas memoratas ulceris pulmonalis addendæ *Catarrhus*, et *Tuberculum*. *Catarrhus* in prædispositis ad phthisim, à materie utcumque acri productus, pulmonem irritare, inflammare, suppurare, ulcerare poterit. Sputa in hoc casu mucosa erunt, et purulenta, quæ distinguere necesse est. De phthisi ista à catarrho procedente egit jam Hippocrates (Lib. de Intern. Affection.) *Catarrhus* pertinacia lœdens pulmones fortiter, atque frequenter agitando *tubercula* in ipsis facere potis erit, à quibus *Phtisis*. *Tubercula* ista ab asthmate præsertim spasmodico fre-

versæ species , ut et quam diversa PHTHISIS? (a)

1206 Effectus vero Ulceris pulmonalis jam facti , sed tecti , nomine Vomicæ, hi fere observandi : puris acrimonia , co-

quentissime repetito nasci etiam poterunt. Hippocrates de Pulmonis tuberculo ( Lib. II. de Morbis ) egit. Tubercula ista sunt corpuscula rotunda, dura, cartilaginis instar , magnitudinis variæ sine vesiculis , celulis , nec vasis in tela pulmonis cellulari , seu interlobulari existentia. Aliquæ cavitates , sive foraminula in ipsis reperiuntur pus continentes , et eructantes. Cavitates istæ aliquando semipolicares et amplius apertura rotunda ramo aliquo asperæ arteriæ communicant , quo pus in tracheam evomunt : cum aere externo communificant etiam , et Tuberculum tunc *Vomica* debet appellari. De ista ut et de illis quæ in vesiculis aereis textus cellularis efformantur , quæ potius compressione vasorum contiguorum , quam aliter nocent egit Boerhaavius hic , et alibi , ubi de Peripneumonia , Empiemate . . tractavit.

(a) Sauvagesius et Cullenius varias Phthiseos species proponunt , inter quas præcipuæ sunt: *incipiens* , seu *sicca* , *confirmata* , seu *humida* , *hæmoptoica* , *exanthematica* , *chlorotica* , *hypochondriaca* , *syphilitica* , *cellularis* , à metasta-  
si puris.

His addendæ Phthisis acuta , chronica , nervosa. An etiam Tabes dorsalis , Atrophia infantum , et Marasmus senilis? Phthisis etiam trachealis , pittuitosa , sive catarrhosa considerandæ. De *Phthisi sine ulcere* , et de *Phthisi nervosa* Prolusiones extant apud Richterum Tom. III. Opuscul. medic. pag. 126. et 133. lectu dignissimæ.

pia, putredo quotidie auctæ; membranæ  
hoc coërcentis dilatatio, corrosio, mace-  
ratio; vasorum sanguiferorum, Bronchia-  
liumque conversio in pus; totius pulmo-  
nis, vel alterutrius lobi consumptio puru-  
lenta; tussis fere perpetua sicca, vel sputa  
solo concussu tussiculoso abrasa promens;  
sanguinis in ulcus affluentis conversio in  
pus, vomicæ propagatio in pulmone; vo-  
micæ hujus perruptio in laryngis tubos,  
puris suffocans aliquando secretio, vel quo-  
tidiana cum tussi, ingens, in aqua subsi-  
dens, coacta, dulcis, pinguis, foetida, (a)

(a) *Sputa foetida mala, et contagiosa; circa rem tamen istam caute procedendum.* Valde mi-  
rum videbitur Boerhaavium, qui in Podagra *Contagium agnoscit*, in Scorbuto *Contagium ce-  
lere*.. in Phthisi Pulmonis ulcerosa *Sputis gra-  
vibus, foetidis.. purulentis foedata.. alicujus  
contagii nec mentionem facere.* Van-Swietenius  
in hujus sputi foetidi.. commentario hæc ait:  
„Talibus autem phthisicis consuescere tutum mi-  
“nime videtur, cum putridus sputorum halitus  
„ab adstantibus una cum aere inspirato in pul-  
“mones trahatur; metus enim est, ne contagio  
„in sanos propagetur morbus.” Galenum, Tul-  
pium, et Benedictum, tanquam in isto conser-  
tientes hic adducit.

E contra: Cullenius (El. Med. Pract. n. 836.)  
hujus morbi contagium vix admittit. Bosquillo-  
nius multum de eodem dubitat. Doctor Starck  
et alii dissectores plurima Phthisicorum cadave-  
ra dissecuerunt omnino illæssi.

Utinam opinio hujusmodi contagii penitus abo-

alba, rubra, flava, livida, cineritia, strig-  
mentosa, igni imposita carnem assam spi-  
rans foetidam; Vomicæ perruptio in ca-  
vum Thoracis, unde respiratio difficilli-  
ma, phænomena Empyematis (1188. N. 4).  
Tum respiratio pessima, consumptio om-  
nis sanguinis; chylique in pus; nutritivi  
præparatio sublata; solidorum consump-  
tio fere integra; febris hectica cum pulsu  
parvo, languido, calore ad superiora acri,  
genis rubentibus, facie Hippocratica; an-

leatur in ægrotantium bona, assistentium tranqui-  
litatem, atque supelectilium à flammis liberando-  
rum conservationem! Hodierna Chemia aliqua  
fausta pollicetur. Aer inspiratione haustus mag-  
nam *Azoe* partem ipsi essencialem secum vehit,  
quæ vi ipsius vocis, *vitæ* nempe *privativum* no-  
centissima judicatur: sed magna Divini Numinis  
providentia immutatus, et innoxius ejicitur. An  
non idem continget miasmati ulceroso? Amplius.  
*Oxygenium* in ipso aere inspirato ingreditur:  
pars ejus Pulmonem servat, atque confortat:  
pars in acidum carbonicum conversa miasma pu-  
tridum neutralizat: reliquum acidum cum sit, abs-  
que carbonis intermedio eum destruit, nocendi-  
que vim penitus exhaustur. Ista tamen Chemiæ  
sublimis cultoribus examinanda atque promoven-  
da relinquimus. Interea Tirones consulunt erudi-  
tum Tentamen Johan. Arbuthnoti de Effectibus  
Aeris in corpore humano, et eruditissimum Com-  
mentatorem, et Notatorem Patr. Fortunatum de  
Felici . . et librum etiam utilem Antonii Perezii  
de Escobar Archiatrum hispanum sub hoc titulo:  
*Historia de todos los Contagios*. Madrid A. 1776.

xietas inexplicabilis circa vesperam plerumque ; sitis magna , sudor nocturnus ingens, pustulæ rubræ ; pedum , manuumque inflatio à parte affecta ; debilitas summa; vox rauca ; capillorum defluvium ; pruritus toto corpore , cum pustulis aquosis, diarrhoea flava , foetida , purulenta , caderosa , frequens , tenesmodes , debilitans; sputi suppressio ; mors. Unde Regulæ hæ perspiciuntur.

1207 1. Phthisis hæreditaria omnium pessima , nec sananda , nisi cum præcautione (a) hæmoptoe.

2. Phthisis ab hæmoptoe per vim externam , sine vitio interno præexistente, levissima est , cæteris paribus.

3. Phthisis (2.) , in qua subito rumpitur vomica , expuitur pus album , coctum, æquale , facile , respondens copia ulceri, sine siti , cum appetitu , digestione , secretione , excretione bona , difficulter quidem , tamen sanari potest.

4. Phthisis ab Empyemate insanabilis.

5. Sputa gravia , solida , olentia , dulcia , cum signis ultimis (1206.) desperata.

1208 Postquam Vomica jam facta in pulmone , indicatio oritur medica , eam

(a) Utinam Medici in morborum prophylaxi impensis insudarent ! In hoc casu alias infelissimo, necessarium. Venæsectiones modicæ debitis temporibus repetitæ: diæta exacta .. eminent.

ilico maturare, rumpere (*a*) : quod fit victu lacteo, motu equitationis, vapore tepido, expectorantibus : ubi rupta, tum.

1. Sanguinem munire contra infectio-  
nem purulentam oportet.

2. Ulcus quantocytus evacuare pure, et  
labia abstergere, consolidare.

3. Hujusmodi in corpus ingerere, quæ  
minimam requirunt vim, ut per pulmo-  
nes fluere, ibique subigi queant, tamen  
nutrire apta, et puris refectioni inepta.

1209 Primæ indicationi satisfit ope  
medicaminum leniter et gratae acidorum,  
salsorum, Herbarum vulneriarum, balsa-  
micorum (*b*) lenium, omni forma, magna  
copia diu usurpatorum.

1210 Alteri vero per medicamina li-  
quida, diuretica, tussim moventia, inter-  
na, externa, motum, Equitationem, Rus-  
ticationem expellendo ; tum ope abster-

(*a*) Hoc maximam cautelam expostulat. Mo-  
tus equitationis caute ad id asumendus ; imo pe-  
nitus vitandus. Rupto abscessu sanguis liberan-  
dus à diathesi phlogistica post hæmoptoen à cau-  
sa (Aph. 1198. *a*) fere semper residua : ulcus  
quantocytus consolidari, et inflammatio in ulce-  
ris ambitu præcaveri, sive sanari.

(*b*) Inter remedia ad id asequendum utilia  
cortex peruvianus, et aqua picea eminent. Sac-  
charum rosaceum magna copia è longinquo, ab  
Avicena ipso celebratur. Camphora, Alumen ..  
etiam ut antiputrida admittuntur.

gentium balsamicorum internorum, exten-  
tornorumque (a) depurando; atque ope  
Consolidantium Paregoricorum consoli-  
dando.

1211 Ad tertiam indicationem ptisa-  
na, juscula, (b) lacticinia spectant.

1212 Curatio vero hujus morbi pal-

(a) Van-Swieten. mentionem facit balnei ter-  
ræ solaniani. Aqua calcis aliquando prodesse po-  
test. Paregorica blanda in isto casu sputa non  
sistunt.

(b) Juscula ex testudinum, ranarum . . car-  
nibus bona. Lacticinia optima. Lac humanum  
aptius: lac asinum, caprinum, baccinum suo  
ordine supplere possunt.

Maximilianus Stollius ad his tribus satisfa-  
ciendum hæc habet:

„Primæ indicationi satisfit ope medicaminum re-  
„frigerantium, nitratorum, emollientium, emulso-  
„rum tenuium ex amygdalis dulcibus, et semini-  
„bus frigidis confectorum omni forma, magna copia,  
„parvulo tamen haustu vice singula, diu tepi-  
„dè sorbilandorum.

„Alteri vero 1. prohibendo medicamina cale-  
„facentia, sanguinem rarefacientia, ad pulmo-  
„nes determinantia; illius motum, copiam, acri-  
„moniam augentia, quoctunque specioso titulo  
„abstergendi, depurandi, consolidandi, remedii  
„vulnerarii, balsamici, antipyici, antiseptici  
„cominodata, tussim moventia, interna, exter-  
„na; motum, equitationem.

„2. Conciliando quietem maximam ulceratæ  
„parti, quod sit pace mentis, corporisque; hinc  
„decumbendo assiduo, abstinentio ab omni vo-

liativa (a) maxime spectat tussim, anxieties, alvi fluorem.

1213 Quibus occurritur diæta (1211.), Opiatis caute adhibitis, liquidis calidis (b).

„luntario exercitio pulmonis, ut is quam minimis inspirationibus vexatus admittat ulceris saturationem.

„Ad tertiam indicationem ptisanæ, cremore, serum lactis, lac ebutyratum, hydrogala, et victus è vegetabilibus præparatus spectat.”

(a) Symptomata ista saltem palliativam curam; si radicali opponuntur exigunt. Austeri Philosophi curam palliativam damnant. Vedit tamen van-Swietenius severo fastu turgentes Philosophos dum sani erant, in his angustiis constitutos à quovis obvio petiisse lenimen malorum.

(b) Diæta proposita partitis vicibus alimenta optima parca copia exhibens hic necessaria. Tussis, jam indomabilis opiate tanquam unica fere auxilia exigit. Anxietates à pulmonis vasis chylum et sanguinem protrudere impotentibus liquidis calidis partitis etiam vicibus exhibitis levare utcumque poterunt. Alvi fluxus, à quo morbus, et vita ipsa evanescunt, opiatis, et adstringentibus caute adhibitis, utcumque moderatur. Diocardium, Philonium romanum supra, et infra pro clysteribus, levamen adserunt. Van-Swietenius laudat Clyisma istud: Terebinthinae purissimæ drachma, vitello ovi soluta, uncia dimidia theriacæ unciis quatuor lactis recentis diluta. Mitius, et opportunius ese enema ex opio cum gummi arabico paratum; cum calida illa ut theriaca, et terebinthina febrim, æstum, et sudorem augeant.

Capiti huic *De Phthisi pulmonali* ista addit Stollius, quæ transcribere lubet:

Ex his liquet quæ sit remediorum, methodorumque æstimatio, quas praxis commendat in phthisi pulmonali:

An et quando cortici peruviano sit locus, et cur obsit saepius:

Cur Ver, et Autumnus tabidis funestus, et quonam mortis genere; quid extispicia tunc doceant:

Unde curationis difficultas in sanando ulcere pulmonum:

Cur morbus hic in urbibus, et in quibus, et cuinam hominum generi, sexui, ætati, sit insidiosior:

Quæ prophylaxis in familiis gentilitiæ phthisi obnoxiis:

Quando setaceum, fonticulus, rubefacientia assiduo applicata ad brachia, sub usu lactis asini, hydrogalactis, decoctis cerealium, radicis salab, et aquis Selteranis (*seu aliis similibus*) lacri commixtis phthisi pulmonali medeantur, et à qua causa oriundæ:

Quid sit illud Hippocratis, sanguinem ex pulmonibus spuere, vel eundem spuere ex hepate:

Cur hæmoptoe larga, subito orta in non prædisposito, sine febre, aut ea mox desinente post sputum, raro in phthisin abeat, et saepius sanetur cum constantia; contrarium vero fiat in casu opposito. *Hucusque Stollius.*

*Phthisis sine ulcere*, Haenni puogenia à Bosquillonio, Bonnet, Murray, Scröder, aliisque etiam observata confirmatur.

*Phthisis catarrhosa*, quæ communissima est expectorantia, exicantia, vesicatoria, fonticulos, vomitoria . . post ista corticem peruvianum, vina, ferrum, balnea frigida, tonica alia exigit. Quando catarrhus suspicionem producit an inci-

derit jam in phthisim , sputa mucosa , vel purulenta definiunt. Transparentia , vel opacitas albescens , subpallida , vel subviridis : viscositas , ita ut in aqua projectus difficile solvatur , ita ut sputa separata maneant : odoris carentia : supernatantia in aqua : facilior dissolutio in acido vitriolico : facilis linteorum immundorum purificatio . . mucosa esse sputa denuntiant : contraria vero purulenta. Nihilominus cautè hic procedendum. In Actis Societ. reg. medic. parisien. præmium iterato fuit propositum super determinanda puris natura , atque signis eum dignoscendi in diversis morbis , atque præsertim pectoris , et adhuc forte sub Judice lis est.

*Phthises gastricæ sive pituitosæ , sive biliosæ , de quibus Stollius agit variis Rat. med. locis considerandæ. Emetica , seu Emeticocatartica secundum artem exhibita in his prosunt.*

*Phthisis nervosa* consumptionem , ab ea , quam vomica rupta ( 1206. ) producit , diversam exhibet ; quæ consistit non in affectione nervorum , everso tono , et præternaturali statu spirituum animalium ( ut Mortonus Cap. 1. de Phthisi nervosa judicat ) ; sed in tertia illa nervorum specie ex arteriarum finibus nata , qua opus nutritionis dirigitur , consistit , ut ex Boerhaavio ipso ( Inst. medic. §. 440. 446. 447. ) demonstrat Auctor Pro-lusionis prædictæ de Phthisi nervosa. Hic asserit istam Phthisim vulgari deteriorem esse , quæ nervinis , stomachicis , amaris , chalybeatis in aere aprico , et sereno exercitiis gnawiter anteverenda ; alias enim fallaci lenitatis specie in subitam virium stragem desinit , et tandem necat.

*Phthisis exanthematica* exanthematum eruptionem ut necessariam indicat. Vesicatoria , fonticuli . . utilissima. Scabies retropulsa morbum is-

**T** 1214 **U**t ab ulcere Pulmonis, ita Hepatis, lienis, pancreatis, mesaraei, renum, uteri, vesicæ &c. phthisis produci potest, cuius cognitio, prædictio, effectus,

tum communiter producit, qui medicamentis antiporicis internis, et præserum scabiei ipsius contagione sananda. An scabies ista contagio, seu inoculatione comparata ad alias Phthiseos species valere possit? V. Cullen. El. de Med. Pract. N. 393.

Varia pro isto morbo remedia proponuntur. Aliqua inuam. Lichen pyxidatus lacte coctus: stabulum baccinum quod fœdum, et infidum: silentium nedum hippocraticum, sed harpocraticum . . et alia plurima.

Morbus iste PHTHISIS, ejusque prodromus frequentior HÆMOPTYSIS exacte, atque penitus debent à Medicis introspici, atque enucleari; teterimi enim sunt, atque communissimi. Thomas Sydenham censuit phthisi duos fere tridentes corum esse, quos morbi chronicus Londini jugulant, (Dissert. Epist. ad Wilh. Cole.) quæ funera ubi bis fere eadem infelicitate observantur; quod maximam Medicorum ad ista mala prævertenda, atque sananda attentionem, atque sedulitatem expostulat. Richardi Morton *Phthisiologia*, et Christophori Bennet *theatrum tabidorum*, qui ambo phthisi pertinacissima, atque ineluctabili, licet arte sua sublimi procrastinata perierunt, in manibus omnium Medicorum, atque diurna, nocturnave opera versari debent.

(a) Phthisis hepatica per sensum in hypochondrio dextro præssorium, per colorem cutis fla-

curatio , palliatio facile ex iisdem fontibus petitur ab eo , qui visceris cujusque effectus naturales perspectos habet.

vum , per turbas in appetitu , coctione , sedibus.. per morbum prægressum ulcus in ista parte relinquere valentem , cognosci poterit. Pus ad suras quandoque dejicitur. Aliquando vomica inter peritonæum et membranam hepatis exteriorem formatur , tumorem gignit ; tumque per apertio- nem artificialem evacuari potest. Ita caveri poterit in cavum abdominis aperio , Ascitis purulenti productio , et mors.

Phthisis *lienalis* ex intumescentia et pulsatione in hypochondrio sinistro similiter adverti poterit. Pes sinister ut plurimum intumescit. Ægri sunt tristes , et morosi. Morbus iste rarus ulcerem versus exteriora , vel sponte , vel cantaridibus , vel alitèr excitato sanari poterit.

Phthisis *mesenterica* plerumque ex acrimonia scrophulosa nascitur , cui licet difficillimè occurrentum.

Phthisis *uterina* ab exulceratione maligna , ac carcinomatosa plerumque oritur. Injectiones purificantes , et demulcentes ex radicibus recentibus consolidæ majoris , cicutæ , et scordii in corticis peruviani tinctura incoctis opitulantur. Si è fluore albo nimium frequenti , et diurno orta , roborantia externa , atque interna prossunt. For- sitan quoque vapores ex aere fixo immediate ad partem affectam admissi eximiū præstare pos- sunt usum.

Phthisis *vesicæ* ab ulcerem post inflammatio- nem .. in ea sequuto nasci poterit. Catharrus , quem aliquando patitur pars ista , de quo morbo Lieutaudius agit (Prax. Med. Lib. I. Sect. V.) Phthisim etiam producere potis erit.

## APHOR. 1200. Num. 2.

*Conditum incrassans , stypticum.*

R. Conservæ rosarum rubrarum uncias tres.

Boli armenæ lœvigate drachmas duas  
Syrupi Mirtini , quod sufficiat , ut  
Fiat Conditum.

Cipiat drachmam unam omni bihorio.

*Conservæ refrigerans , styptica.*

R. Foliorum tenerorum plantaginis uncias tres.

Florum papaveris rhæados unciam unam , et semis.

Seminis plantaginis recentis unciam unam.

Misce secundum artem cum sufficiente  
quantitate sacchari,

Ut fiat Conserva.

Dosis ut supra.

*Decoctum refrigerans antisepticum.*

R. Foliorum acetosæ manipulos duos

In seri lactis libra una decocti , et expres-  
si uncia una bibatur omni hora diei.

Phthisis *intestinalis* est , vel sequela veneni  
admodum corrosivi vel dysenteriæ. Demulcentia,  
puris exitum promoventia novasque inflamma-  
tiones præcaventia conducent.

*Simile stipticum.*

- R. Radicis Tormentillæ uncias duas  
 Pentaphylloides argentinæ ma-  
 nipulos tres.  
 Florum pentaphylloides rubri palustris  
 unciam unam.  
 Seminis contusi acetosæ unciam semis  
 Corticis Tamarisci uncias duas.  
 Cum aqua decoctis spatio quartæ partis  
 horæ libris quatuor admisce  
 Syrupi myrtini uncias duas.  
 Bibat uncias duas omni bihorio diei.

*Balsama lenissima.**Oleum expressum, lenissimum.*

- R. Amygdalarum dulcium  
 Nucleorum cocos  
 Pistachiorum  
 Seminis papaveris albi singulorum un-  
 cias quatuor  
 Accurate contusis seccundum artem sine  
 multo igne, exprime oleum.  
 Hujus olei drachma una bibatur omni  
 bihorio, vel quadrihorio, cum regimine.

*Pilulae balsamicæ, lenes.*

- R. Terebinthinæ nativæ unciam semis  
 Glycyrrhicæ quod sufficiat ut fiat  
 Masa pilulis formandis idonea.  
 Capiatur una granorum quatuor omni  
 quadrihorio.

*Vel.*

- R. Terebinthinæ nativæ unciam semis  
 Gummi Tragacanthi pulverisati drach-  
 mas quinque  
 Amyli quod sufficiat ut  
 Fiat Massa , in eodem usus.  
 Balsamus Lucatellæ  
 Capiat drachmam semis ter quotidie , va-  
 cuo ventriculo superbibendo un-  
 ciam unam sequentis mulsæ.

*Mulsa balsamica.*

- R. Florum purorum , recentium  
 Betonicæ  
 Hyperici  
 Paralysios , singulorum pugilum  
 unum.  
 Cum aqua calida fiat infusio , vase clauso,  
 spatio semihorii , tum infusi puri li-  
 bræ uni et semis admisce  
 Mellis massiliensis uncias duas et semis.

APHOR. 1200. Num. 3.

- R. Aquæ puræ libras duas  
 Lactis recens mulsi libram unam.  
 Misce. Hoc solo utatur pro potu , quantum  
 lubet.

- R. Lactis recens mulsi libram semis

Panis biscocti unciam unam

Sacchari drachmas duas.

Cruda misce.

Sumatur quater quotidie, nec utatur alio cibo.

*Pulvis antacidus.*

R. Lapidis cancrorum drachmas duas  
Saponis veneti drachmam semis  
Sacchari perlati drachmas duas.

Misce. Fiat pulvis: divide in duodecim doses.

Capiat semper unam ante usum lactis  
cum pane.

A P H O R. 1209.

*Mistura aperiens, acida.*

R. Oxymellis simplicis uncias quatuor  
Tartari vitriolati drachmam unam  
Syrupi quinque radicum aperientium  
uncias duas

Aquæ stillatæ fermentatæ Absinthii,  
Cardui benedicti,  
Hyssopi, singularum un-  
cias quatuor.

Misce. Bibat uncias tres omni bihorio.

*Thea medicata, anti-phthisica.*

R. Lignorum trium santalorum, singulo-  
rum unciam unam

Sassafras unciam unam et semis  
 Radicis chinæ  
 Sarsaparrilæ singularum uncias tres  
 Florum centaurii minoris unciam semis.  
**Cum** aqua decoctis vase clauso secundum  
 artem spatio dimidiæ horæ , adde  
 Glycyrrhizæ decorticatæ unciam  
 unam.  
**Ebulliant** denuo parum , dein decocti li-  
 bras quatuor exhibe.

*Similis magis composita.*

R. Radicis caryo-	Hyssopi
phyllatæ monta-	Parietariæ
næ uncias duas	Scabiosæ
Apii	Tussilaginis
Bardanæ	Urticæ
Eryngii	Chærophyli, sin-
Graminis	gulorum
Liquiritiæ	manipulum
Mei athamantta	unum.
Petroselini	Seminis Apii
Phu	Hyperici
Rubiæ tinctori- rum singularum	Peoniæ singulo- rum unciam
unciam unam.	unam.
Foliorum agrimoniacæ	Florum betonicæ
Artemisiæ	Hyperici
Capillorum ve- neris	Centaurii mino- ris , singulo- rum pugi- lum unum.
Chamædryos	
Chamæpityos	

**E**x his , vel ex quibusdam horum fiat decoc-  
tum secundum artem , cuius unciæ  
tres bibantur omni trihorio.

**P**ilulæ balsamicæ , sanguinis corruptioni  
ab admisto pure resistentes.

**R.** Myrrhæ tenuissimæ contritæ drach-  
mas duas,

Spermatis ceti drachmas quatuor.

Accurate trita permisce

Terebinthinæ nativæ unciam semis

Admisce

Pulveris olibani quod suficiat

Ut fiat massa formandis pilulis apta.

Capiat grana tria omni trihorio.

**R.** Balsami peruviani albi

Copaybæ albi singulorum  
drachmas duas.

Vitelli ovorum unciam semis

Accurate subactis adde

Pulveris glycyrrhicæ quod suficiat , ut

Fiat massa pilularis.

Capiat grana duo , mane , meridie , vesperi .

**R.** Mastiches                  Myrrhæ

Olibani , singulorum drachmas duas.

Fiat pulvis subtilis , interim fluat in fictili  
ad ignem lenissimum

Succi glycyrrhizæ inspissatæ ,

Terebinthinæ purissimæ , singulorum  
unciam semis

Tum admisce pulverem præscriptum  
Sub finem addendo

Balsami ex Mecha drachmam unam  
Fiat massa copioso glycyrrhyzæ pulvere  
respergenda.

Sumat quotidie quater , vacuo ventriculo,  
massulam granorum sex superbi-  
bendo uncias sex sequentis potus.

*Infusum vulnerarium balsamicum.*

R. Foliorum tene-	Tussilaginis
riorum	Veronicæ , sin-
Agrimoniæ	gulorum un-
Betonicæ	ciam semis
Botryos	Glycyrrhizæ un-
Hederæ terrestris	ciam unam,
Scabiosæ	et semis.

Fiat infusum sine ebullitione in magno  
calore , vase accurate clauso cum  
aque libris duabus.

*A P H O R . 1210.*

Vid. omnia præscripta Aph. 1209.

*Decoctum detersivum aperiens.*

R. Foliorum recen-	Parietariæ
tium veronicæ	Rutæ singulo-
maris , mani-	rum manipu-
pulum unum,	lum unum
et semis	Valerianæ hor-

tensis manipu- cias tres.  
lum semis. Radicis petrose-  
Seminis papave- lini uncias qua-  
ris contusi un- tuor.

Cum Aqua secundum artem decoctis li-  
bris sex adde  
Syrupi capillorum veneris uncias duas.  
Bibat uncias quatuor omni trihorio.  
Vesperi summat pilulam unam harum.

R. Pilularum cynoglossæ drachmam unam.  
Fiant pilulæ granorum quatuor.

*Consolidans paregoricum, dandum, ubi jam  
desinit pus cum levamine decocti forma.*

R. Foliorum recentium borraginis  
Symphyti minoris,  
Malvæ singulorum manipulum  
unum.  
Florum papaveris rhœados  
Verbasci  
Hyperici singulorum unciam unam  
Radicis symphyti majoris unciam semis.  
Altheæ unciam unam.  
Seminis contusi melonum,  
Papaveris albi singulorum unciam  
unam.  
Corticis peruviani drachmas sex.  
Cum aqua decoctas libras quatuor exhibe.  
Bibat uncias tres omni quadrihorio.

## HYDROPS. (a)

**1215**  Quando serum aquosum extra vasa fusum, et cavitatibus receptum est, vel et stagnans alicubi vasa sua (b) nimium distendit, HYDROPS vocatur.

**1216** Qui ideo obtinere potest ubicunque hujus seri vasa, id est in omni corporis habitu, atque in parte qualibet singulari.

(a) Omnes tumores aquei vocantur *hydrops*. Hi oriuntur, aut à secrezione nimia, et resorptione suppressa humorum serosorum, aut à laxitate, et ruptione vasorum lymphaticorum ita, ut lympha restagnet. Ad ista intelligenda systema exhalationis, et absorptionis ab Hippocrate jam propositum, et vasorum lymphaticorum à Neotericis dilucidatum, et auctum attendendum. Species illorum sunt: serosus, lymphaticus . . saccatus, hydatidicus . . an urinosus? an lacteus?

Genera, et Species horum tumorum Anasarcæ nempe.. Ascitidis &c. infra suis locis proponentur.

(b) Vasa ista *vasa lymphatica* nominantur de quibus ample egit Cruikshank Anglus à Petit-Radel gallice conversus. Amplissime et exornatissime super iisdem tractavit et multis iconibus exornavit Paulus Mascagnius. Hæc vasa à venis, et arteriis sanguiferis diversa sunt.

Consulatur Cursus Completus Anatomiae corporis humani à Jacobo Bonells, et Ignatio Lacaña hispanicè V. tomis editus. Tom. III. Sect. III. à pag. 369. ad 501. et Tom. V. à pag. 386. quibus tota hujus Systematis absorbentium vasorum doctrina, et dissectio continentur.

1217 Hinc HYDROCEPHALUS, (a) colluvie facta inter integumenta ipsa externa; inter hæc , et cranium ; inter cranium et cerebri membranas ; inter membranas ipsas , harumque duplicaturas ; inter has et cerebrum ; inter cerebri plicas ; in cavitibus ipsis ; sine morte tamen subita.

1218 Facile cognoscitur posterior species incurabilis , reliquæ levi inustione , trebratione , punctura , prudenter , lente adhibitis , simulque hydragogis et roborantibus internis curantur ; vel externis discutientibus dissipantur.

1219 In THORACIS HYDROPE (b),

(a) Sauvagesius ut Boerhaavius hunc morbum dividit in exteriorem et interiorem. Cullenius Hydrocephalum *internum* ad apoplexiā reducit: ab ea tamen distinguitur quoniam sensuum actiones in eo supersunt. An morbus iste insanabilis? An inunctio mercurialis proficia? An idem , ac spina bifida , seu spinæ aquosus tumor ex Morgagnio Epist. XII?

(b) De isto morbo satis frequenti serio cogitandum. Caracter ex Cullenio est : dyspnœa ; faciei pallor ; pedum œdemata ; urina parca ; decubitus difficilis ; subita et spontanea ex somno cum palpitatione excitatio ; aqua in pectore fluctuans. Asthma spasmodicum frequenter repetitum ; frigus post æstum .. eum producunt. Morbus inflammatorius pectoris empyema potius, quam hydrothoracem faciet. Paracentesis est fere necessaria. Recens malum , vires .. Operationem istam permittunt.

qui ex variis locis colligere lympham valet, eadem fere signa, quæ Empyematis, sed observatio causæ antecedentis discrimen exhibit; paracentesis sanat hunc, una adhibitis his, quæ causæ adversantur ejus.

1220 Deprehensus itidem pulmo (*a*), accumulata, effusa, inter sinus magnos recepta lympha, nunc in hydatides, nunc in vomicas hydropicas incidisse; morbus sane difficilis cognitu, curatuque, nisi alia signa præsentia fortuitam huic hydropis curationem petant.

1221 Quin et arteria aspera anteriori, et conspicua parte, quacunque vi lympham stagnantem colligens, BRONCHO-CELES (*b*) sæpe speciem exhibet; quam

(*a*) Mirus et tectus satis morbus est dum ipse pulmo hydropicus fit. Hoc in tunica cellulosa, quæ nunquam adipem habet, potest colligi extravasata lympha, et verum pulmonis hydropem facere simulac tenuis halitus, quem arteriæ perpetuo exspirant, non resorbetur integre à vasculis absorbentibus. An certo certius morbus iste cognoscitur ex rubore, et livore nasi, labiorumque; atque ex vasorum oculi admirabili dilatatione, ut Petr. Camper confidenter asseverat? (Memoir. de la Societ. de Medicin. de Paris. Tom. VII. Pag. 79.) An in Pulmone Ædema?

(*b*) Morbus iste in glandula thyroidea, quæ vel ab aere retento in aspera arteria, et per validos nixus in istam glandulam transeunte, vel à liquidi imperfecta absorptione nascitur. Spiritus vini camphoratus, Bryoniae radicis decoctum

cognitu facilem, punctura, discutientibus, avertentibus aggredi licet; si observatur, ut Auctores scribunt.

1222 Simili morbo cujuslibet glandulae folliculus occupari, simili modo sanari potest.

1223 Notabilis itidem hydropsis species ovaria mulierum saepe occupat, qui morbus ut plurimum steriles, annosasque mulieres occupat, difficulter cognoscitur, et vix sine inciso cadavere; curatur vero nunquam, sed transit saepe in Asciten.

1224 Imo in ipso cavo uterino, (a) clauso accurate ejus ore interno, saepe colligitur tanta aquae copia, ut integrum abdomen mentiatur Asciten; morbus itidem difficulter (b) cognoscendus ob signa fallacia

vino, et sale amoniaco additis . . pro fomento, lotione, seu balneo sufficient.

(a) Morbus iste *Hydrometra* nominatur, ejus caracter ex Cullenio est: Hypogastrii in mulieribus paulatim crescents tumor uteri figuram referens, pressui cedens, fluctuansve; citra ischuriam, et graviditatem. Species per externa signa distinguenda vix dari possunt. Sauvagesius istas proponit: asciticam, gravidarum, hydroticam, sanguineam, puriformem.

Observatur etiam aliquando *Physometra*, quæ est: tumor levis, elasticus in hypogastrio figuram, et sedem uteri referens. Hæc flatuum emissione per uteri orificium procurata sanatur.

(b) In re ista cautus debet esse Medicus ob periculum graviditatem pessuindandi.

graviditatis ; curabilis laxatione oris uterini per fomenta , vapores , Uterina adhibita.

1225 Quoties in toto habitu pinguitudinis subcutaneæ eadem lympha stagnat, vel effunditur , hydrops oritur ANASARCA , YPOSARCA , LEUCOPHLEGMATIA : qui et circum abdomen , et circa scrotum. (a)

1226 Dum eadem aqua in duplicatura peritonæi , in cavo abdominis inter peritonæum et viscera abdominis , aut in dilatatis glandularum cavis : vasisque in abdome contentis, colligitur , ASCITES (b) appellatur , ut et TYMPANITES , si va-

(a) Cullenius Class. III. Ord. II. Gen. 75. *Anasarca* . Caracter : corporis totius , vel partis ejus intumescentia mollis , inelasticæ. Species: serosa , oppilata , exanthematica , anæmia (à tenuitate sanguinis per hæmorrhagiam producta), debilium. An *Leucophlegmatia* idem?

(b) Cullenius Class. III. Gen. 79. *Ascites*. Caracter : abdominis intumescentia tensa , vix elasticæ , sed fluctuosa. Species : abdominalis, saccatus.

*Typanitis*. Caracter ex eodem est : abdominis intumescentia tensa , elasticæ , sonora ; alvus adstricta , cæterarum partium macies. Etiam dicitur *Meteorismus*. Species : *intestinalis* cum tumore abdominis sæpe inæquali , et cum rectione aeris frequenti tensionem , et dolorem levante ; et *abdominalis* cum resonitu evidenter , tumore magis æquali , et emissione flatuum rariori , et minus levante.

pore rarefacto turget, ab aqua, pure, ichore, aëre; clausis hic, fotis, putrefactisve.

1227 Hydrops testium (*a*) dictus, est 1. scroti; pertinet ad (1225.); noscitur sensu tactus; pelluciditate conspicua; vesti-

(*a*) Hæ tres species hydropis testium considerandæ. 1. est proprie *Anasarca scroti*, sive collectio aquæ in tunica cellulosa hujus partis. Sedes hujus hydropis est in illo spatio, quod cutim, et tunicam vaginalem dictam intercedit, et utramque hanc cellulosam occupat. Dum à calculo in urethra hærente, vel alia quacumque causa, carunculis v. gr. impeditur urinæ excretio; tunc summis illis, et perpetuis nixibus urethra rumpitur et urina se per substantiam scroti, et penis diffundit. Excrescit aliquando scrotum, uti et penis in molem immanem, toto scroto, et penis involucro tenace latice repletis.

2. Notum est hernias inguinales, et scrotales fieri non à ruptura peritonæi vel saltem rarissime, sed à peritonæo producto, et extenso in processum cavum, qui recipit et continet in se intestini, vel omenti partem: talis saccus peritonæi adhuc facilius recipiet in se aquam in abdomine contentam, uti et aerem in cavo abdominis collectum in tympaniticis. Hæc species hydroceles cognoscitur in primis ex hernia prægressa, et Ascite præsente; solus enim Ascites non implet scrotum nisi in herniosis. Vesica urinaria protensa in processum quasi exire potest per anulum abdominalis in scrotum, et tumorem herniosum facere, qui urina distentus fallere posset minus peritos sub hydroceles specie. Hoc malum post diu retentam urinam accidit; et ita dignoscitur.

gio remanente impressi digiti. 2. sacci ex producto peritonæo in hernia vera orti: fit in Ascite (1226.) valido: noscitur signis Ascitis, Tympanitidis prægressis; evanescentia per pressionem, decubitus supinum declivem, evacuationem aquæ ex abdomen; subito sæpe augmento et decremento mali, sine causa manifesta; figura tumoris farciminali per inguina ex scroto. 3. involucri vaginalis testis: fit si humor ibi secretus non resorbetur suis vasis, sed stagnat, accumulatur, vesicam suam distendit in immensum sæpe; aut si ruptis, obstructis, vasis, itidem colligitur; inflammatio, suppuratio, ichorosa collectio, sæpe hujus speciem mentiuntur. Cognoscitur tumore non elasticō, non cedente, duro, lente producto; absentia signorum primi et secundi hydropis testium; figura tumoris rotunda, vel ovali saltem; pelluciditate apparente, si circumtenso scroto, saccus collectionis candelæ lucenti expositus cernitur clarus: an vero, præter hos, inter tunicam nerveam et ipsam testis substantiam, aut in ipsa hujus substantia similis sit tumor, haud ita observatur, à præcedenti specie vix dignoscitur, nec forsitan, nisi extir-

3. Hæc Hydroceles species omnium frequissima est, quæ peculiarem expostulat curationem de qua infra.

pando , curatur. Vocantur mala hæc , HYDROCELÆ (a).

1228 Observatum fuit , hos omnes morbos produci ab omni causa , quæ vallet liquidum serosum 1. ita coërcere , ut redire nequeat in venas , sed extensis in vasis stagnet , vel 2. ipsa vasa rumpat ita , ut intra membranulas effundatur. aut 3. vasa reducentia à cavitatibus ita obstruat , et liquida in cavitatibus deposita tam parum moveat , ut non exhalent , nec resorbeantur.

1229 Quæ causæ observatæ sunt in primis , dispositio gentilitia : potus nimius frigidæ subitus , neque vomitu , neque alvo , neque sudore , vel urina , calore motuve excitatis , excretus : Morbi acuti , in primis ardentissimi , sive cum siti potuque inexplebili , sive sine his : Dysenteria lienosa diu permanens : omnes pertinaces viscerum obstructiones , ut scirrhi Hepatis , Lienis , Pancreatis , Mesenterii , Renum , Uteri , Intestinorum : Icterus : Quartana sæva et diurna : Lienteria : diarrhœa : dysenteria diurna : Cœliaca : Empyema : phthoe , podagra : Evacuationes quæcunque nimiæ , maxime sanguinis arteriosi : haustus acrium , fermentatorumque liquidorum : victus tenacium , durorum : Hyda-

(a) Cavendum ne Sarcocele cum Hydrocele confundatur , à qua illa duritie distinguitur.

tides ingentes , plures , in cavo abdominis pendulæ : et plura similia , ut Melancholia , Scorbatus , &c.

1230 Effectus adeoque , et morbi progressus hic fere est : tument pedes : maxime vesperi , sensim hic augetur tumor increscitque : tum tumor abdominis quotidie increscens: hujus extensi sonus in Tympanitide , si percutitur ; strepitus fluctuantis aquæ in moto corpore in Ascite ab aqua libera fluente in cavo abdominis ; at in Ascite ab aquis clausis in suis cistis, fallit : Dyspnœa : Sitis : Gravitas : Torpor: Alvus dura : Urina pauca : Febricula len-ta : Sudor nullus : macies eo major , quo partis affectæ major intumescentia : tum femorum , scroti , cutis abdominalis aqua intercus : hydatides : aquæ , in loco calido , clauso , stagnantis , putrefactæ acri-monia : Ulcera : Gangræna : Hæmorrhagiæ narium : EXOMPHALI : (a) Viscerum sphacelus : Mors.

1231 Hydrops curandus ergo indicat  
1. Liberum conciliare fluorem Lymphæ:

(a) Herniæ umbilicales non infrequentes sunt in fœminis præsertim. Est *Exomphalus* : cystica quæcumque collectio fluidi ad umbilicum , seu cystis umbilicalis ex Sauvagesio. Species sunt: flatulentus , aqueus , cruentus , varicosus , puru-lentus. Videantur Auctores Chirurgi Dyonis, Heisterus , aliique.

sive fuerit aqua , serum biliosum , ichorosum , sanguinolentumve. 2. Aquas jam in cavitates effusas inde educere. 3. Labem debilitatorum viscerum tollere , sive ea causa , sive hydrops fuerit effectus.

1232 Fluor conciliatur Lymphæ , tolendo causas hunc impedientes , quæ 1. vis vitalis minus fortiter circumagens ; 2. vasculorum compressio , disruptio , obstructio. 3. liquidi nimia tenacitas.

1233 Ad primum (1232.) faciunt Cardiaca dicta , roborantia , et stimulantia: quæ , si sitis valida non urget , petuntur ex aromaticis , salinis , oleosis , calidis forma Electuarii , Misturæ , Vini Medicati , Cerevisiæ Medicatæ , Pilularum , Decocitorum , Syruporum , Tabellarum , facillime varianda.

1234 Si ingens vexet sitis , causa fuerit calida , morbus cum febre calida , quod sæpe solet fieri , ad primum (1232.) faciunt Cardiaca dicta reficientia , acida (a) grata , et leniter aromatica.

1235 Utroque casu (1233. 1234.) prodest frictio , motus , calor.

1236 Ad secundum scopum (1232.)

(a) In Hydrope morbos acutos inflammatorios parvis venæsectionibus et multis diluentibus tractatos secuta , et in illa , quæ à suppressione mensium , lochiorum . . oritur venæ-sectio prudenter administrata prodesse poterit.

indaganda causa vasa aretans , obstruens , rumpensve , quæ tollenda , si fieri queat (1229.) vel emendanda sæpe aquis mineralibus (a).

(a) Utinam harum , et aliarum potatio ulteriorius excolatur , ut sine periculo *Sitis* horrendum symptoma mitigetur. Hippocrates Libr. De affect. inter. cap. 28. ) usum aquæ non damnat. Franciscus Milman Med. Doct. Londinensis longo satis sermone declaravit hanc fuisse Hippocratis sententiam de concedenda hydropicis potatione. Evicit etiam abstinentiam à potu , seu siccum regimen in Anglia , Gallia , Germania . . . jam esse proscriptum , plurimosque adducit hydropicos potulentis in medicamentorum opem admissis perfectissime sanatos. Constitutio nimium phlegmatica unice excipitur à Selle. Doctrina ista altamente teneri de et ab ipso tyrocinii initio ne postea Medicis impie , atque crudeliter hydropicos pertractent. Opusculum Milmani (*Animadversiones de Natura Hydropis , ejusque curatione*) typis hispanicis extundi , et ab omnibus Medicinæ Professoribus versari dignum est.

In fine sui operis Appendicem offert , in qua remedium famigeratissimum , et certe efficax , Pilulas nempe Georg. Bacheri proponit , quarum basis est *Helleborus niger* certo modo præparatus , in ipso Appendice propositus ; cuius formula ad quartam partem contracta talis est:

R. Extracti hellebori,

Mirrhæ solutæ , singulorum drachinas duas , Cardui benedicti pulverissati drachinas sex. Misce. Fiat secundum Artem massa acre sicco exsiccanda , donec formandis pilulis apta sit. Singulæ ad granum semis.

1237 Liquidi nimia tenacitas solvetur in calido , frigidove hydrope (1233. 1234.) 1. per ea remedia , quæ ibidem data 2. per alcalinos maxime sales , tam volatiles, quam in primis fixos. 3. ope Mercurialium, Antimoniatorumque , et Venereorum (a) Medicaminum arte Chemica rite præparatorum , et sagacitate Medica bene exhibitorum.

1238 Aquæ in cavitates congestæ inde educuntur. 1. paracentesi. 2. Emissariis paratis novis. 3. Urinæ via. 4. Vomitu. 5. Purgatione alvi. 6. dissipatione.

1239 Si causa Hydropis Ascitis est recens , extrinsecus cito applicata , si vires integræ , corpus juvenile ; si viscera bene constituta , neque alio morbo perdita ; si

(a) Ferrum fortasse his præstat. Cerevisia in cuius duodecim libris infunduntur libra cinerum Genistæ , unciae duæ seminum Sinapi , et unciae quatuor limaturæ Ferri summe utilis esse poterit , sumendo uncias tres , vel quatuor bis de die. Præparata illa metallica manu propria conficiebat van-Swietenius , quæ revelabat ingenuus , et probus. Helleborus , Cicuta , Aconitum , Scilla , Digitalis : Colchicum , Seneka seu Polygala Virginiae , Armoracia , Oleum terebinthæ , Cortex peruvianus . . . prudenter administrata insignem adferunt utilitatem. Si acrimoniam venerea producit , vel comitatur hydrope Mercurius nitrosus excellens est remedium , quia is provide adhibitus præsertim agit in urinam. Ita Selle.

aqua nondum putrida , neque diu in loco stagnaverit , statim instituenda Paracentesis (a).

1240 Quæ fiat trium pollicum longitudo infra umbilicum , et eadem distantia à linea alba , mensura in corpore sano intellecta , in latere à fonte Hydropis averso , punctura facta ope instrumenti idonei , cannula immissa , iterumque educta , aquæ copia parva , quotidie bis emissâ , ad minimum impensis quindecim diebus in evacuando , interim utendo præscriptis ( 1233. ad 1238. ) , aut et recentiori methodo , qua abdomen circumductis linteis præmitur (b) proportione eductæ aquæ : ne laxa , et pendula viscera et vasa fluctuant in inani post evacuationem abdomine .

(a) *Hydropicos cito secандos esse Hippocrates imperavit. Omnia , quæ in textu proponuntur necessaria non sunt , alias raro fieret operatio , quæ licet causam morbi non tollat , prodest semper , et potest repeti. Miles helvetus quinquagesies septies paracentesim toleravit spatio viginti et uno mensium. Prolongatur ea vita , et simul imminuitur morbi tædium.*

(b) *Hac methodo satis tuto tota simul , et semel aqua educi poterit. Facilitas , qua venter iterato impletur quin ægri inmodice bibant , et urinam retineant consistit in eo , quod tunc ex aere trahunt aquam hydropicorum corpora ; quod jam Hippocrates ( lib. de Flatib. cap. 6.) cognovit. Hinc Diabetes inteligitur.*

1241 Si conditiones (1240.) absint, vel sint contrariæ, paracentesis mortem accelerat.

1242 Emissaria ferro candenti, medicamentis causticis, vesicantibus, lanceolis, filis facta, in parte (a) carnosa, loco declivi, sæpe admodum prosunt, maxime si aperta teneri permittit morbi genus.

1243 Per urinas evacuati hydropis quum citentur plura exempla, et hanc viam tentabimus præeunte natura, utendo salibus urinosis, fixis, compositis, specificis animalibus, vitriolatis, solutisve metallis, specificis renibus.

1244 Per Vomitus solvuntur cuncta tenacia, concutiuntur obstructa, expelluntur stagnantia, unde mirabiliter in hoc morbo prosunt.

1245 Sed fortiora (b) dari, sæpe repeti, et sine longa mora intermedia se mutuo excipere debent.

1246 Ut plurimum eadem valide solent evacuare alvum, unde dupli effectu, quin sæpe et tertio diuresi prosunt.

1247 Per alvum seri eductio fit per

(a) Aphorismus iste de Anasarca intelligendus. *Lanceolæ* aliis mediis præferendæ. Vesicatoria in Anasarca minus timenda.

(b) In Materia medica proponuntur emetica valentissima dosi, nostris popularibus minime congruentia.

usum largum, s<sup>e</sup>pe et breviter repetitum summe purgantium (*a*), variis formis, maxime liquida, assumptorum.

1248 Dissipatur calore foci, hypo-causti, furni, arenæ, solis, salis, fimi, excitato sudore, vel diaphoresi.

1249 Tum maxime pertinaci (*b*) abstinentia à potu, victu panis biscocti, cum pauco sale, et pauxillo vini oleosi.

1250 Tertiæ indicationi (1231.) satis-faciunt in primis vina chalybeata, chalybs, et roborantia leniter adstringentia, debita dosi, et in tempore usurpata, victus siccus, vinum meracum, vetus, adstringens, motus.

1251 Tympanitis iisdem mediis, eadem methodo tollitur, si ortum duxit à rarefacto vapore humoris extravasati, et

(*a*) Validissima purgantia pro nostratibus moderanda. Purgantia, et Emetica proportionate valida miros quandoque produxerunt effectus suis stimulis absorptionem producendo, seu promovendo. Purgantia *hydragoga*, inter quæ Gummi Gutta eminet præferenda.

(*b*) Aliquæ sunt observationes hydropis sanatae abstinentia pertinaci à potu, et hoc in tempeste phlegmatica nimium, et non immāni siti fortasse contigit. Observationes hydropum ut dictum (Aph. 1236.) sanatarum innumeræ. Sitis mitiganda alias collutorio ex aqua frigida acido sulfurico acidulata. Limonis particula, Tamarindus . . . in ore retineantur.

putrefacti (*a*) , tum enim , causa ablata , tollitur : si vero ortum duxit ex aere per membranas intestinorum putrefactorum perforatas in cava delapso , retroire non potente , sed calore corporis rarescente , tum cuncta cito putrefiunt , aere juvante , malumque ex posita causa est fere semper insanabile : unde hydrops siccus humido longe magis immedicabilis habetur : punctura s<sup>e</sup>pe solatio , raro sanatione sufficit , fasciæ post puncturam locum habent.

1252 Hydrocele prima (1227.) sanatur , si 1. hydrops anasarca , cuius soboles est , sanatur (1231. ad 1238.) 2. per remedia (1248.) 3. summis discutientibus , et corroborantibus simul , ipsi scroto applica-

(*a*) Aqua glacie , aut nive frigidissima reddita abdomini applicata , potata , et per clysmata injecta aeris rarefactionem minuent. Aqua acido sulfurico mixta sitim sedat , et flatus copiosissimos expellit. Viscera emphysemate quandoque affecta inveniuntur. In homine , qui validissime tussiens subito periit post mortem inventus fuit „pulmo „totus durus , inflatus , valide elasticus ; aer inter „membranam pulmones investientem effussus mul- „tas diversæ magnitudinis bullas efformavit. Nul- „la præssione aer per asperam arteriam expelli „potuit ; pulmo in frusta dissectus nequaquam „collabebatur , et omnia frusta æque inflata , et „elastica permanserunt.” Hæc Storck *Annus Medicus* pag. 115. Istum casum miserrimum hominis validissime tussientis , et qui subito periit ego ipse vidi , et horruī.

tis, perque calorem externum assiduo excitatis in majorem motum. Secunda autem species (1227.) curabitur optime 1. si hernia radicali chirurgica cura persanatur. 2. ablata ascitis materie (1238. ad 1252.) et occluso fonte. 3. tum per machinas comprimentes presso loco exitus, ut in herniis per ligamenta: raro autem semel factus hydrops hic sanatur integre. Ultima tandem (1227.) sanabitur, 1. datis hydragogis fortibus, saepe repetitis, dum interim victus est exsiccans. 2. validissimis discutientibus et corroborantibus. 3. paracentesi scroti. 4. Causticis et suppuratione. (a)

1253 Ex quibus denuo apparet, in sationem Hydropis plus difficultatis oriri

(a) Hydrocele tractatur *paliativa* cura, repetitis paracentesisibus scroti, vel *radicali*. Hæc consistit in eo ut impediatur omnis exhalatio in cavum tunice vaginalis; quod obtinebitur si concrescat tunica vaginalis cum teste; dum nempe prius inflammatio et suppuratio excitantur educta aqua, in omni ambitu tunice vaginalis, et tunice nerveæ testis, ut postea puræ et vivæ redditæ hæ partes concrescant inter se, sicque totum cavum, in quo antea colligebatur hydrocele aboleatur. Cavum quod aqua reliquit non aqua sale, vel nitro acuta, nec spiritu vini, sed vino rubro injecto leviter inflammada. Setaceum ab aliis usitatur. Prudenter tamen advertendum inflammationem in tunica vaginali excitatam esse terribilem, quandoque tam validam febrim comitem habere cum delirio, abdominis convulsione,

ab indole aquæ in stagno putrefactæ, quam quidem ab ejus causis (a) primis. Cur eductis his aquis acceleratur gangræna partis prius innatantis? Cur educta subito ex Thora-ce, vel abdomine hac aqua, mors, aut animi deliquum summum? Cur tanta in hydropicis sitis? Et quid illa notat? Cur acida sæpe adeo in hoc morbo prosunt? Cur eductis per evacuantia valida pluri-mis simul aquis tumor abdominalis idem, vel et major videtur? Opio autem dato subsidet? Cur fasciæ hic tanti usus? Et quo-usque?

et aliis malis symptomatibus, ut æger in mani-festo versetur vitæ periculo; à quo tamen Sharp vidi evasisse ægros semper.

(a) Causæ hydropsis utcumque superari pos-sunt: aquæ putrefactæ viscera pesundant, in gangrænam præcipitant. *Eductio* aquæ certis cautelis procurata non exitiosa adeo. Sitis à san-guine diluente vehiculo orbato, humorum imme-a-bilitate, et putredine nascitur, et ea indicat. *Acida* sitim sedant, diuresin promovent, et putre-dinem arcent. *Tumor abdominalis* post eductas aquas manens à distentis ventriculo, et intestinis flatu, seu spasmo oritur; *opiatis* subsidens. In para-centesi vulnus summa cura tegatur, atque ab aditu aeris externi custodiatur, alias aqua for-te remanens facile in putredinem transit. *Fasciæ* utiles dum evacuatio fit, et post educationem fac-tam: tumentes partes crura v. gr. femora fas-ciis fortiter stringere hac spe ut retroprimatur illud, quod extravasatum est, tutum minime.

## APHOR. 1233.

*Vinum medicatum ex stomachicis, et roborantibus, ad fluorem stagnanti lymphæ conciliandum.*

- R. Radicis Imperatoriaæ  
Aristolochiæ utriusque  
Zedoariae  
Sileris montani singularum  
unciam unam  
Zingiberis drachmas sex.  
Florum Centaurii minoris uncias duas  
Rorismarini unciam unam.  
Gratiolæ Germanorum drachmas quatuor  
Baccarum Lauri  
Juniperi singularum unciam  
unam et semis  
Thymi  
Serpilli  
Mari syriaci singulorum unciam unam.  
Seminis Abstinthii  
Tanaceti  
Santonici singulorum unciam  
unam.  
Misce. Fiat secundum artem omnium pulvis tenuis, tum  
R. Pulveris præscripti uncias sex,  
Vini gallici meri libras quatuor.

Fiat secundum artem vinum medicatum.  
Bibat uncias duas quater de die , vacuo  
stomacho , cum regimine.

*Vel conditum simile.*

R. Pulveris prescripti uncias duas,  
Conservæ anthosatae unciam unam,  
Syrupi Artemissiae Fernelii , quod suffi-  
ciat ut fiat conditum.  
fiat conditum.  
Dosis drachma semis omni quadrihorio.

*Aut*

R. Pulveris præcedentis uncias duodecim  
Cerevisiaæ meracioris quartam partem  
tonnæ.  
Fiat cerevisia medicata , in usus quoti-  
dianos.

*Quin*

R. Pulveris ejusdem drachmas quatuor,  
Vini albi generosi uncias octo.  
Fiat secundum artem infusio.  
Bibat unciam unam omni bihorio.  
Huc , Elixiria propietatis  
Sales volatiles Oleosi

*Aromatici.*

Spiritus volatiles acres oleosi.

Aromatici , Cephalici , Matricales

Stomachici &c. pertinent.

Vid. Aph. 75. N. 5. Aph. 54. N. 4. Aph. 135.

A P H O R. 1234.

*Mistura aromaticā, cardīaca, acīda, sitim  
sedāns, vires vitāles excitāns, lymphāe  
fluōrem conciliāns.*

R. Olei stillati corticis Citrei

Aurantiorum

Cinnamomi singulorum guttas tres.

Florum Lavendulæ

Juniperi singulorum guttas duas.

Cum Sacchari drachmis sex fiat secundum artem Elæosacharum, quod admisceto deinde

Rob Sambuci,

Juniperi, singulorum unciam unam, Spiritus salis drachmam unam,

Aquæ stillatæ corticis Citrei,

Aurantiorum,

Cinnamomi singularum drachmas duas

Menthæ drachmas decem.

Capiat drachmam unam omni bihorio.

*Decoctum aperiens, acidum.*

R. Succi recentis expressi ex tota recenti herba consissa

Fumariæ      Acetosæ , singu-  
 Cichorei      gulorum li-  
 Taraxaci.      bram unam.

Cremoris tartari , libram semis.

Leni igne decoque ad dimidium ; dein de-  
 purati hujus decocti uncis decem  
 admisce

Rob Sambuci drachmas decem.

Capiat unciam semis omni bihorio.

*Mistura cardiaca , aperiens , acida.*

R. Spiritus nitri dulcis drachmas quatuor.  
 Cochleariæ drachmas sex.

Syrupi Cichorei cum rheo , Quinque  
 radicum aperientium , singulorum  
 unciam unam.

Vini rhenani libram unam.

Misce. Bibat unciam unam omni bihorio.

APHOR. 1237. Num. 3.

*Pulverum purgantium mercurialium  
 formulæ.*

R. Turbith mineralis granum semis,  
 Zingiberis albi grana decem.

Misce. Fiat pulvis mane sumendus alterno  
 die , ex pauxillo pulpæ pomi tosti.

R. Mercurii præcipitati rubri granum  
 unum.

Nucis myristicæ grana sex.

Misce. Fiat pulvis.

In usus eosdem, sumendus ut prior.

R. Mercurii sublimati dulcis grana septem,  
Corticis magellanici grana octo.

Misce. Fiat pulvis. In usus eosdem.

*Pulvis emeticus.*

R. Tartari emetici granum semis.

Elæosochari citrei grana sex.

Misce. Fiat pulvis, tertio quoque die su-  
mendus.

R. Emetici mitissimi, ex antimonii parti-  
bus duabus

Nitri partes quinque detonando præpa-  
rati grana quatuor.

Fiat Pulvis omni mane assumendus.

*Tinctura diuretica, solvens.*

R. Limaturæ cupri grana decem.

Salis volatilis oleosi drachmas sex.

Misce. Fiat tinctura cœrulea.

Capiat guttas duodecim ter de die, vacuo  
Stomacho, ex syrapi Quinque radicum  
aperientium uncia semis.

## APHOR. 1243.

Vid. 334.

## APHOR. 1245.

*Medicamenta fortia, sœpe, sine longa  
mora interposita, repetenda.*

R. Vini emetici vulgaris uncias duas, et  
semis.

*Pro una dosi.*

R. Tartari emetici grana sex. \*

*Pro una dosi.*

R. Turbith mineralis grana septem.

*Pro una dosi.*

R. Succi recentis expressi corticis mediis  
Sambuci unciam unam.

Syrupi violarum unciam semis.

*Pro una dosi.*

R. Foliorum soldanellæ marinæ unciam  
unam.

*Comedat una vice.*

R. Elaterii grana quatuor.

Syrupi de baccis rhamni cathartici un-  
ciam unam.

Misce. *Pro una dosi.*

## A P H O R. 1247.

*Tinctura fortiter purgans.*

R. Resinæ Jalappæ.

Scammonei singulorum drachmam unam.

Foliorum Sennæ pulverisatæ

Seminum contusorum carthami singulorum drachmas quatuor.

Spiritus vini rectificati libram unam.

Fiat secundum artem tinctura, cui puræ admisce

Syrupi rosarum solutivarum cum  
Senna uncias sex.

Bibat unciam unam mane.

R. Lunæ purgativæ Boyleanæ

(Ex Argento et spiritu nitri confectæ.)

Micæ panis singulorum, grana quatuor.

Misce. Fiant pilulæ granorum duorum.

Capiatur una omni semihorio, donec incipiat purgatio.

## A P H O R. 1250.

*Vinum medicatum roborans.*R. Limaturæ ferri recentis non rubigino-  
si uncias duas.

Corticis Peruviani,

Magellanici singulorum uncias  
duas.

333

Radicis Rhei exsiccatæ unciam semis.  
Vini rhenani generosissimi libras duas.  
Fiat secundum artem vinum medicatum.  
Dosis unciæ duæ ter de die vacuo sto-  
macho.

APHOR. 1252 Num. 2.

### *Cataplasma valde discutiens.*

R. Radicis electæ Bryoniae  
Jalappæ  
Foliorum Rutæ  
Absinthii  
Cinaræ hortensis  
Florum Meliloti  
Centaurii minoris  
Bulborum Ceparum  
Alliorum singulorum uncias  
duas.  
Cum aquæ communis quantitate sufficien-  
ti decoctis secundum artem in ca-  
taplasma , sub finem admisce  
Galbani in vitello ovi secundum ar-  
tem subacti uncias duas  
Farinæ lini uncias duas  
Olei lini drachmas quatuor  
Salis Ammoniaci drachmas duas Misce-

### *Fomentum in eundem usum.*

R. Saponis veneti drachmas quatuor  
TOMO IV. Z

Spiritus vini theriacalis uncias duodecim.

Misce accurate pro fomento, cum laneis pannis applicando.

*Epithema siccum ad hydrocelen serum dissipans, educens.*

R. Salis marini decrepitati sicciissimi, calidi, tenuissime triti quod sufficiat  
Intra lintea consuta applicetur, renovando simulac maduerit.

*Pulvis pro suffimigio, discutiens ad hydrocelen.*

R. Benzoini  
Olibani  
Sarcocollæ  
Resinæ Guajaci singulorum unciam semis.  
Camphoræ drachmam unam.  
Masticæ unciam unam  
Salis Ammoniaci scrupulos duos.  
Misce. Fiat pulvis. Cujus incensi vapor excipiatur nudo seroto, dein panni lanei fumo hoc vaporosi, calidi super-applicentur.

## PODAGRA. (a)

**P**

1254 **P**odagra vocatur (*b*) dolens admodum ægritudo circa ligamenta ossium

(a) Sauvagesius Class. VII. Gen. I. *Arthritis*, *Podagra*. Species : unica. Varietates plurimæ: rachialgica, chlorotica, asthmatica, exanthematica.

Cullenius Class. I. Gen. XXIV. *Podagra*. Caracter : „Morbus hæreditarius, oriens sine „causa externa evidente, sed præeunte plerumque „ventriculi affectione insolita ; pyrexia ; dolor „ad articulum, et plerumque pedis pollici, cer- „te pedum et manuum juncturis, potissimum in- „festus ; per intervalia revertens, et sæpe cum „ventriculi, vel aliarum internarum partium „affectionibus alternans.” Varietates sunt qua- tuor : I. *regularis*, seu cum artuum inflammatio- ne perstante. II. *atonica*, seu cum ventriculi, vel alias partis internæ atonia, sine artuum dolore ullo, vel levi. III. *retrograda*, seu cum inflam- matione artuum subito recedente, et ventriculi, vel alicujus interni visceris læssione mox inse- cuta. IV. *aberrans*, seu *anomala*, aut cum partis internæ inflammatione, vel non prægressa, vel prægressa, et subito recedente inflammatione ar- tuum.

(b) *Podagra* vocor quasi pedum captura sim. Ita LUCIANUS, qui de isto morbo Poema ele- gantissimum conscripsit, cui hoc nomen im- posuit : *Tragopodagra*, lectu dignissimum.

Dum alia loca occupat morbus iste varia no- mina ipsi imponuntur. Ita dum manus invadit *Chiragra*, si genua *Gonagra*, et sic porro.

pedis , et circa juncturas horum vere et autumno maxime revertens.

1255 Qui semper idem quacunque demum causa ortus , ubi naturæ suæ decursum non turbatum absolvit, sequi solet ætatem matura majorem triginta , et plurius , annorum ; sexum virilem (a) : ingenium acutum , hujus exercitia durissima et protracta , maxime nocturna ; victrum opiparum , vina acidula , alba , potum generosum , copiosumque , maxime noctu , Venerem præmaturam nimis cultam , Corpus magnum , crassum , plenum , acidorum usum nimium , pedes sudantes subito refrigeratos , in humidis caligis sudantes , hinc venatum , equitationem in frigore , hæreditatem in seros nepotes , per parentem sæpe nondum podagricum , sed tantum labe genitali damnosum genitæ proli contagium.

(a) Fœminæ huic etiam obnoxiæ. *Beneficium sexus suis vitiis perdiderunt , et quia fœminam exuerunt damnatae sunt morbis virilibus.* ( Seneca Epist. 95 ) Podagræ contagium dubitatur : Invenitata tamen à contactu utcumque præcavenda. Sudor certè pedum in podagricis admodum olidus , fœtidus . . est , et metalla propinqua fusco , vel et nigricante colore inficit ; simili ferè modo , ac sulphuris accensi vapor ex D. Coste , qui de hoc morbo rectè scripsit pag. 23. Hoffmanni annulus ad ista inclinat ( Med. Rat. Systematic. Tom. IV. Part. 2. Sect. 2. Cap. 2. pag. 507. )

1256 Tempus, ætas, et reliqua vice causæ fungentia, (1255.) tum et phænomena, initium, progressus, effectus, finis hujus morbi, simul comprehensa, causas medicas hujus mali demonstrant.

1257 Repetitos enim ejus, latentis diu, in semine nondum germinante paroxysmos præcedit cruditas, ructus, gravitas, torpor flatulentus, alvus adstrictior, febricula, sudor pedum solitus interceptus, horum varices, anni tempestas, mutatio cœli.

1258 Accelerat, et inexpectatos accersit vitium quodcumque admissum in sex rebus non naturalibus, unde cruditas oritur, hinc venus immoderata, lucubratio, pergræcatio (*a*), asparagorum (*b*), lardi et similiūm comestio, defatigatio, animi affectus, purgatio medica alvi sola, aer humidus, frigidus, procellosus, hæc adeo podagrīcīs inimica.

1259 Locus, quem primo, quem regularis aggreditur, semper pes, hujusque illæ in primis partes, quas difficillime suum pervadit liquidum, ut periostea, tendines, nervos, membranas, ligamenta (*c*),

(*a*) *Pergræcari* est : Græcorum more intemperantius bibere, epulis, et potationibus indulgere.

(*b*) Asparagi an penetrabili sua virtute movent, et in actum deducunt materiam morbosam quæcumque sit hactenus silentem?

(*c*) Ligamenta omni carent sensibilitate ex

quæ à corde remotiores, et maxime pressæ.

1260 His (1259.) demum obstructione, infarctu, tumore occlusis, vel materia morbi quacunque vi dispersa in alia loca, alias aggreditur partes, ita tamen, ut eadem ibidem loca (*a*), easdem partes, obsideat (1259.)

1261 Dolor adest tensivus, dilacerans, coaretans, increscens sensim (*b*), decrescens iterum, cum madore, rubore, tumore,

III. Alberto Hallero. Nervi sunt, qui tormentum istud patiuntur.

(*a*) Hic jam innuitur divisio podagræ in regularem, et retropulsam, quæ exactior, atque expeditior est quam prædicta ex Cullenio.

(*b*) Ex natura doloris, ex constitutione partium, quas aggreditur (1260.) patet materiam podagræ vix adesse; esse tantum characterem *morbidum seminaliter in spiritu vitae insertum*, ut loquitur Helmontius; vel esse quid latens, et silens, quod excitatum, et in actum deductum ad articulos deponatur, ut asserunt Medicinæ Parentes. Hinc mirum est Cullenum, et Bosquillonium ejus adnotatorem tanto molimine materiam podagræ productricem explodere; Stahlium tamquam primum hujus materiæ destruciorem Helmontio innominato in medium adducere; systema nervosum unice fere in podagra affectum esse Boerhaavio innominato etiam, qui ista aphorismo sequenti pronuntiavit.

Circa cretæ, calcisve productionem videatur hodierna Chemia, et etiam van-Swietenius, qui ista pro dignitate tractat, concludens: „videatur „cretam, sive calcem podagricam eamdem esse

finitus diaphoresi , fotu lecti , pruritu , desquamatione , vel abeuns in cretam , calcem-  
ve , vasa rumpentem , articulorum vincula , formam , motum , usum privantem .

1262 Ex quibus cunetis liquet , Cau-  
sam proximam hujus mali esse vitiatam  
indolem minimorum , adeoque nervosorum  
vasculorum in corpore , tum etiam  
liquidi , quod nervosas partes alluit .

1263 Et quidem liquidum peccans hic  
acrimonia , et majore tenacitate , solidum  
nimia vasculorum angustia , et rigiditate .

1264 Unde in locis à cerebro remotissimis , motui maxime resistentibus ob soli-  
ditatem , duritiem , exercitium , pondus in-  
cumbens , primo se manifestat .

1265 Ejus vitii autem (1262. 1263.)  
origo proxima in indigestione (a) viscerum ,  
non attenuantium , assimilantiumque satis  
assumpta in indolem requisitam in liquido  
nervoso , id est ultimæ elaborationis ulti-  
mo effectu spiritui vitæ , et radicalis semi-  
nis proliferi materiæ , hinc se innectit clan-  
culum .

1266 Cujus (1265.) ratio iterum de-  
ducitur ex causis remotis (1255. 1258.)

„cum terrea illa substantia , quæ cartilaginem in  
„os convertit , et qua ablata os antea durum , de-  
„nuo mollescit .”

(a) Nonne ista est dyspepsia , vel ventriculi  
atonia à Cullenio ad podagræ productionem adeo  
concurrenti proposita ? Ita vidit iste Boerhaavium ?

1267 Supponit itaque omnes fere coccionum vitiatas functiones ad producendum hoc malum (1265) et quidem vitio in majoribus vasis, liquidisve vix sensibili.

1268 Adeoque curatio impossibilis, nisi per medicamenta, quæ integre hæc vitia emendare queant, et subtilissimum pecans rite corrigant. Unde incurabilis fere hactenus habita, nisi paucis Empiricis. (a)

1269 Hæreditaria, et tophacea, curatu omnium difficillimæ. (b)

1270 Ex iisdem deducitur, Venæ-sectionem non attingere mali materiam, sedem, causam, prodesse (c) tamen aliquando

(a) Helmontius suo stilo ita loquitur: in sanna podagra meditandum est quomodo è spiritu vita character seminalis Podagræ sit abolendus. Quo alias perstite nil actum est, electo Medico dignum. Neque enim ad intima spiritus vitalis scribia quivis tabellarius accedit, nisi legatus amicus. Ipse tamen, quantumvis legatus amicus, suo Arcano corallino, neque aliis quivis Chemicus accessit. Num istud expectandum à recentiori Chemia? Utinam ista exequatur istud.

(b) Hippocrates hanc prognosim efformavit: Senes . . callos habentes . . sani fieri non possunt humana arte. Juvenis . . nondum callos habens, accurate vivens . . hic sane Medicum intelligentem nactus sanari poterit (Prædict. Lib. II.) Quid accidet misero juveni Medicum non intelligentem nacto?

(c) Magnum hic Boerhaavii judicium practicum admirandum. Cucurbitæ cum scarificatione singu-

casu , revellendo parum , et vires urgentes minuendo (1257).

1271 Neque purgationem per superiora , inferiorave tantum præstare , quantum vulgo sperari solet , excitare sæpe tumultum (a) liquidi nervosi , subducere liquidiora , labefactare virtutem expellentem.

1272 Sudorifera (b) ex arte instituta plus proficere.

1273 Nihil autem in hoc morbo damnosius , quam impedire materiæ podagræ jam adultæ (1263.) , nec alio modo tu-to eductæ , vel correctæ , defluxum ad sua loca (1259. 1260) , maxime quidem dolentia , minime tamen periculosa. Tum enim retenta (c) apoplexias , paralyses , deliria , debilitates , sopores , tremores , convulsiones universales , si in cerebrum introivit ; asthma , tussim , suffocationem , si in pulmones ; pleuritidem sævam convulsivam , si in intercostalia et pleuram ; nauseas , anxieties , vomitus , ructus , tormenta , spasmos viscerum , si in viscera abdominalia ;

lis tribus mensibus dorso pedis applicatæ ad præcavendum insultum laudantur ab Hoffmanno.

(a) Clysmata , et leniora cathartica , atque emetica prodesse poterunt.

(b) Ista etiam temperatissima esse debent , et potius præservatoria , quam curativa sunt.

(c) Hic videtur agere Boerhaavius de Podagra anomala , sed apertius de retropulsa .

et ita incredibile quot morbos creat, saepe subito letales: quos frustra exquisitissimo remedio, vel methodo, fonte ignorato (*a*), tractes: nec enim cedunt, nisi podagræ recenti paroxysmo, eoque sævo, resuscitato. Contingit id damni ex applicatu incauto narcoticorum, refrigerantium, constringentium, incrassantium, vel ex omni remedio debilitante, evacuante, rursum revellente, suffocante, hinc missio sanguinis, purgatio sursum, deorsumve, Emplastra, Cataplasmata modo dicta, opiata omnia id efficiunt; ut et spontanea senii decrepiti debilitate ingruente; vel partibus omnibus extremis ita obstructis, exsiccatis, corruptis, destructis, ut mala materies per eas amplius ire nequeat: hinc liquet quæ, quibus cum symptomatibus, et cur podagricis, ex hoc morbo, mors.

1274 Proinde curatio, quam contemplatio mali, et experientia commendavit, absolvitur 1. restitutione vigoris in visceribus perditæ (1265.) 2. ablatione liquidum corruptum fluentis in vasis, vel stagnantis ad loca (1262. 1263.)

(*a*) Mala ista à causa podagræ provenire suspicandum in podagrico, vel ob haereditariam labem in hunc morbum proclivi. Nephritidæ dolores in podagræ paroxismum quandoque migrant. Inter morbos istos quædam adest analogia.

1275 (a) Ad primum (1274.) spéctat. a. Usus plantarum aromaticarum, amararum, antiscorbuticarum, maxime si per se usurpentur solo melle exceptæ. b. Usus salium lixiviosorum fixorum sæpe iterata, parva dosi, diu continuata, assumptorum. c. Tum cibi, potusque nutrientes, facile digerendi, leves. d. Exercitio magno, continuato, equitationis in aere puro, tum frictionibus, motibusque partium, sæpe iteratis. e. Somno maturo longo.

1276 Ad alterum (1274.) Usus conductus. i. salis cujuspam volatilis parva dosi diu assumpti, mane antequam quis surget, cum largo haustu decocti cujusdam

(a) Inter remedia restaurantia eminet pulvis *Ducis Portlandiae* dictus, ex radicibus Aristolochiæ rotundæ, Gentianæ, sumitatibus Camædryos, Camæphytos, Centaurii minoris ad partes æquales compositus. An inventus utilis? an potius perniciousus? Victus vegetabilis solus ab aliquibus laudatur tamquam antidotum. Lac pro tota diæta sumptum magna pollicetur; est alimentum, quod de animali, atque vegetabili substantia participat. *Frictiones* insigne in isto morbo levamen adferunt. Roborantur his partes, et quidquid habefactare incipit dissipatur. Inter remedia prophylactica fortasse unicun. Episcopus hispanus Ill. Bernardinus Gomez Miedes libellum super his scripsit, et PHILIPO II. dedicavit. Inter exercitia præferendum, quod per bihorium sumuntur ante prandium. Hoc debent facere præsertim litteris dediti, si sibi consulere etiam velint.

lenis, sudorisque, vel madoris, expressione levi per horam. 2. frictio calida, cum linteis siccis, partium. 3. Usus purgantis serosi, una cum mercurialibus acuti, et addito circa vesperam potu opiatu sedante.

1277 Quibus equidem remediis, et curandi methodo, multum saepe proficitur, etiam in tophacea.

1278 Ad summam doloris in loco saevitiae temperandam, urgente summa necessitate, Opiatis internis, copioso seri lactis, similisve, potu calido, externis emollientibus, anodynis, calidis, quin verberatione (a) cum urticis, inunctione balsami sulphuris therebinthinati, inustione cum Lino, utendum saepe est.

1279 Cæterum non aliter usurpanda, quin summopere metuatur citior induratio loci affecti, mobilitatisque jactura.

1280 Maximum vero cuique remedium, quod oppositum illi causæ, unde originem duxerat morbus (1255. 1258.)

1281 Si autem materiae podagricæ intrroversæ signa adsint (1273.) sine ulla mora tentanda est ejus expulsio in juncturas:

(a) An vesicatorium lene parti proximæ, vel ipsi dolenti applicatum præstantius foret? Mollis pannus laneus tegens tantum partes dolentes, perspirationem promovens forte erit utilius topicum præ inustione, ac urticarum stimulo, quæ nemo podagricus ad doloris saevitiae levandam, quantumvis patiens admittet.

ergo statim applicentur femoribus larga vesicatoria, locis, dolere assuetis fomenta aromatica salina tepida, fiat deambulatio, vel motus magnus in rheda, sumatur larga copia decocti alicujus aromatici sudoriferi, vel hoc non juvante, vini (a) rhenani generosi, his dein factis, dolore incipiente, in calidum lectum reposius, et operatus, sudet.

1282 Quæ si quis omnia consideret, videt difficultatem summam (b) curandi hujus morbi: tum rationem, cur in renovantibus hujus medelam quæsiverint summi et Medici et Chemici? Cur Lac, et quo usque sanet? an sit acor specificus cruore concep-

(a) *Fragrans vinum quale rhenanum est, in primis si vires langueant, in veteranis jam podagricis omnium maxime si largiori vini usui dudum assueti fuerint; paroxysmum redintegrat.*

(b) *Facilitas curationis vafris Agirtis reservata: hi enim dolorem lenientes sanatam esse podagram suadent ægris credulis, et pecunia accepta abeunt parum solliciti quid in posterum fiet. Medici aliter se gerunt. Renovantia seu totam corporis substantiam immutantia fortasse podagram curabunt; hinc Helleborus, seu Veratrum Antiquis adamatum. Chemici arcana sua ad id commendaverunt. Sed an sanatio ista dubia semper morbo ipso pejor? Lac characterem morbosum forte non tollit; causas tamen paroxysmum excitantes cavet, seu mitiores reddit. Acor specificus certe mater unica podagræ non est, licet vina acidula,*

tus mater podagræ ; quæ sit ratio nodi, tophi, cretæ, podagricorum? Cur miserima sit, quæ sine tumore, podagra? Cur mitior tumens? Cur dolor tandem desinat in podagricis? cur, quamdiu dirissimus dolor in paroxysmis, serena eaque longa, intervalla sint? Cur cessante doloris sævitie, dein vix unquam integre liber sit æger? An ullum absorbens alcalinum specificum sit, quod podagram radicitus extirpet? Cur Machina Statica Sanctorii summa directrix et index futurorum, et faciendorum in podagra? Cœterum podagra, spiritui vitæ inhærens, in humore articulorum tenuissimo, et in semine ipso, tantum se prodit violentis effectibus.

acidorum abusus, inter causas numerentur, et quandoque acerrimi acidi vomitus levaverit subito furentis præ dolore podagri tormenta. Sudor fœtidus, qui quandoque adest, nullo modo acidus, septicam acrimoniam potius incusare videtur. *In dolore dirissimo* totus morbus in artus disploditur, et ibi maturatus redditur aptus ut integre expellatur de corpore. *Absorventia alcalina* unicè ab ignaris pro specificis prædicantur. *Sanctorii Machina* utinam à Medicis amplius exceletur. *Observationes certè laboriosæ* sunt, et sperrandum tedium istud, Listero, Gortero, et aliis Antesignanis constantius devorandum. Ex tota morbi historia apparet causas perspirationem turbantes in eum influere, istumque per diaphoresin, sive sudorem levari atque finiri; ad quæ omnia investiganda, atque definienda Sanctorii

Vid. 1233.

R. Alcahest Glauberi unciam unam.  
Sumat omni mane guttas novem ex jure  
vitulino.

R. Cinerum Genistæ unciam unam  
Vini rhenani libram unam et semis.  
Misce. Bibat depurati liquoris unciam se-  
mis omni mane.

Machina , ejusque , asseclarumque doctrina ma-  
xime deservire poterit.

Multa , imo inumerâ pro morbo isto doman-  
do venditantur. Aliqua magis utilia , seu minus  
nocentia in tironum notitiam proponam. Ad su-  
dorem eliciendum Decoctum sassafras cum alcali  
volatili commendatur. Solutio Gummi Guajaci in  
aqua vitæ ad idem. Assa fætida , Camphora,  
Moschus , Sinapis , Quasiæ Decoctum , cui De-  
coctum Gentianæ , quantumvis vilioris prætii  
præferendum. Pareira braba multum laudatur. Cur  
interrogat , et ita respondet Boerhaavius : Rara  
est : commendatur à Medicis nugacibus , qui ar-  
te vacui , semper quærunt quid , quo dato ulti-  
mum fecisse , nihilque omissoe videntur (Epist.  
ad Bassandum Francisci I. Archiatrum.)

Alibi dictum (Tom. III. pag. 506.) febrem  
hæmorrhoidalem ad sanandam Podagram confer-  
re. Cum febris ista ex arthriticarum familia sit,  
et in observationibus ab Stollio propositis materiæ

**P** 1283 P ræter omnia hæc Acutorum et Chronicorum genera , sunt nonnulli morbi virginibus , gravidis , puerperisque proprii (a) , tum et puerili ætati .

arthriticæ commotæ , et corpus oberrantis signa adsint , et præsertim plethorica abdominalium vasorum conditio .. per hæmorrhoidas fluentes commodè vacuari poterit cum sanguine atro arthriticum illud , sive podagricum quid , et ita vel sanabitur , vel saltim cavebitur dira podagra . Quidquid sit celeberr . Stahlius in frequentiori hirudinum ad venas hæmorrhoidales applicatio ne spem futuræ podagræ sanationis posuit . (Casuale magnum .) Forestus ex apparentibus consuetis hæmorrhoidibus , iisque fluentibus dolorem præsentem articulorum vidit evanescere (Observat . medic . lib . IV .) In morbo isto adeo crude li , atque contumaci tentanda omnia illa , quæ utcumque prodesse ; neutiquam notabiliter office re suadet ratio , cui favet horum celebrium virorum experientia .

(a) Doctrina generalis morborum acutorum , vel chronicorum deservit maxime ad percipienda mala virginibus , gravidis , pueris , senibus .. propria . Pariter istud de morbis Navigantium , Togatorum , Artificum .. intelligendum .

Signa menstrui fluoris prodituri cognoscenda . Mammæ tument , pondus circa pubem cum quadam prurigine sentitur , pigritia , gravedo in renibus adest , oscitatio , totius corporis extensio , rubor in genis non perseverans , cibi fastidium , cervicis , capitis dolor .. post quæ fluor

1284 Quo tempore (*a*) foemininum corpus ad incrementum suum pervenit, in bene facta temperie plus solet conficere cruoris, quam qui vasis contineatur, unde arteriis uterinis fluoris Menstrui nomine secernitur.

1285 Si, posito corpore in condittione (1284.) hic sanguis retinetur (*b*), oritur plethora, tarditas, gravitas, pallor, dolor lumborum, inguinum, depravatæ func-

menstruus appareat, et per tres, vel quatuor dies durat, absolvitur. Pulsus hanc eruptionem praecedens *dicrotus uterinus* dicitur. Sanguis menstruus neque adeo sanus *qualis è victima* ut Hippocrates, nec adeo toxicus ut Plinius, et Columella testantur. Videatur Ludovicus Bonatiolus in Ennead. Mulieb. Cap. 3. Spach. Gynæc. pag. 115.

(*a*) Plerumque circa decimum quartum ætatis annum menses primo apparere solent, et circa quadragessimum quintum cessare.

(*b*) Retentio ista morbus est, qui genericè dicitur: *Amenorrhœa*. Hujus caracter est: Menses tempore quo fluere solent, vel solito parciores, vel non omnino fluentes, citra graviditatem. (Hæc Cullenius Class. IV. Genere 126.) Species sunt: I. Amenorrhœa (*emansionis*) in puberibus, quibus post fluxus tempus solitum, menses non jam prodierint, et cum simul variæ affectiones morbidæ adsint.

II. Amenorrhœa (*suppressionis*) in adultis, quibus menses, quæ jam fluere solebant, suppressæ sunt.

III. Amenorrhœa (*difficilis*) in qua menses parcios, et cum dolore fluunt.

tiones omnes fere naturales, vitales, animales, quæ facile deducuntur à vasis nimis pressis, liquido copiosiore, stagnante, suffocato.

1286 Ab eodem autem sic accumulato miræ sæpe parantur viæ (a), rariꝝ secretiōnibus menstruis notæ, dum per oculos, aures, nares, gingivas, vias salivæ, œsophagum, alvum, vesicam, mammae, cutim, vulnera, ulcera exire viderint Medici.

1287 Vel et sæpe labefactantur inde omnia viscera, oriturque partim à putredine concepta, partim à vasis læsis, infinitum morborum (b) genus (106.)

(a) Præter vias hic propositas vasa hæmorrhoidalia addenda. Hæc via ob viciniam maxime proportionata est ad menses suppressos revocandos hirudinibus ad vasa illa admotis.

(b) Inter istos eminet *Chlorosis*, seu pallidi cum virore virginum colores, qui morbus considerandus utpote communissimus. Cullenius (Genere 47.) hunc ejus characterem assignat: „Dyspepsia, vel rei non esculentæ desiderium, cutis pallor, vel decoloratio; venæ minus plenæ, corporis tumor mollis; asthenia, palpitatio, mens truorum retentio.” Species unica, scilicet *Chlorosis virginea*. Quæ à Sauvagesio proponuntur spuriæ, seu symptomaticæ sunt v. gr. à menorrhagia, gravidarum, infantum, verminosa, viridis, ab hydrothorace, maculosa, rachialgica, (seu metallica.)

Morbus iste, seu potius Amenorrhœæ symptoma, cum debilitate totius systematis, et potissi-

1288 Cognoscitur hic morbus 1. ab ætate. 2. incremento corporis jam perfecto. 3. plethora. 4. signis deinde morbi (*a*) subsequentis.

1289 Pro solutione requirit varia (*b*) remedia respectu variæ causæ.

1290 Quas inter naturalis, vel superveniens pudendorum concretio (*c*), manum Chirurgi requirit debito instrumento, debito vulnere, viam facientis.

mum vasorum uterinorum sociatur: quandoque tamen in virginibus alias robustis, campestribus, temperamenti sanguinei.. menstrui retentio chlorosim faciens, à rigiditate, elasticitate fibra- rum, atque vasorum uterinorum potius, procedit. Distinctio ista ad primum utilis, imo necessaria. Aph. 1285. dictum fuit ab sanguinis retentione ista functiones omnes ferè, naturales, vi- tales, animales depravari. Cura igitur maxima super retentione ista habenda.

(*a*) Circa illud tempus ætatis, quo menstrua prodiere solent virgo corripi etiam poterit aliis morbis, qui non pendent ab instantे menstruatione, sed à longe aliis causis, quod serio distinguendum. Signis venturi primi menstrui præsentibus molli balneo, frictionibus crurum et femorum, lenioribus tantum emenagogis incepta naturæ molimina juvare tunc licet.

(*b*) Quando functiones languent ob boni san- guinis defectum, roboranda prius virgo, quo solo menstrua regulariter prodibunt: si è contra vasa uterina nimis constricta fuerint, mollissima reme- dia proderunt.

(*c*) Agitur hic de membrana *Hymen* dicta.

1291 Cæterum , ubi à stagnante (*a*) liquido , huic conciliabitur fluor. 1. fotu , et frictu pedum. 2. apertura venæ in pede , et sanguine misso. 3. purgantibus Uterinis datis. 4. Emmenagogis. 5. Emplastris , fotibus , linimentis , vaporibus , calore. 6. ipsa vasa à plethora debilitata roborando (*b*) per Chalybeata , et Adstringentia.

Vagina etiam angustiam istam pati poterit. Hæc nedum ad Chirurgiam , sed ad Medicinam legalem circa Matrimonia pertinent.

(*a*) In hac re Medici cautissimi sint , serio introspicientes num liquidum stagnans , num graviditas ista producat.

1. Præter fotum , et frictum pedum , crurum compressio , cruralibus præsertim arteriis applicato splenio circa solitam menstruorum periodum prodesse poterunt ; præsertim si pudenda vapore aquæ tepidæ tunc , et anterius exponantur.

2. Si dicta non sufficient *aperienda vena in pede* ex communi sententia. Joan. Franc. LeFevre Libro de usu et abusu venæ sectionis , Sect. 6. Cap. 1. num. 287 et 88 , asserit et probat primam venæ-sectionem in brachio esse instituendam ; post hanc purgantia , et emenagoga administranda , et post ista venæ-sectio in pede oīnnem paginam adimplet.

(*b*) Roborantia prosunt quando vasa sunt debilitata. Accidit tamen aliquando , uti jam dictum , uterina vasa esse rigida , elastica . . quo casu emollientia , laxantia . . potiora sunt emenagoga.

*Electricitas* ad menses ciendos à quibusdam prædicatur. Absdubio prudenter administrata aliquo casu conferre poterit.

1292 Sublata his morbi scaturigine,  
solent omnia fere mala (1285. 1286. 1287.)  
sponte evanescere. Vel curantur ex natura  
et cura ejus morbi , cujus imaginem refe-  
runt quam proxime : quod facile ex ante  
dictis fit.

## APHOR. 1291. Num. 3.

Aloe.	Bdellium.
Myrrha.	Sagapenum.
Bryonia.	Opopanax.
Colocynthis.	Galbanum.
Gum. Ammoniacum.	Asa foetida.

Elixir proprietatis quodcumque.

## APHOR. 1291. Num. 4.

Omnia hic supra Núm. 3.

Aristolochia.	Ruta
Artemisia	Sabina
Cardiaca	Salvia
Chamæmelum.	Sambucus.
Juniperus	Serpillum
Majorana	Tanacetum
Marum.	Thuya.
Matricaria.	Thymus.
Pulegium.	

Tum Aph. 75. Núm. 5. Aph. 54. Núm. 4.

## APHOR. 1291. Num. 5.

Emplastrum de Cumino	Baccis Lauri Labdano
Melilotus	Oxycroceum.
Galbano	
Applicata cavis pedum, umbilico, et in- guinibus.	
Fotus ex sapone veneto et decocto herba- rum Núm. 4. hujus Aphorismi.	
Linimenta ex Unguento Martiato..	Nervino.
	Enulato sine Mercurio.
	Agrippæ. De Arthanita.
Olea aromatica stillatitia vid. Aph. 75.	
N. 5. inter <i>stimulantia</i> præcipue vero;	
Oleum stillatum	Origani cretici
Baccarum Ju- niperi	Rosmarini
Hyssopi	Sabinæ
Macis.	Spicæ.
Majoranæ.	Tanaceti.
	Succini.
Olea infussa	Castorei
Absinthii	Crocini
Anethi	Irini
Chamæmeli	Lumbricorum ter- restrium.
Nepetæ	
Rutæ	

V. G.

*Linimentum stimulans.*

- R. Unguenti Martiati  
Nervini singulorum unciam  
unam.
- Olei stillatitii Baccarum Juniperi drach-  
mam unam.
- Sabinæ
- Infusi Rutæ  
Castorei singulorum un-  
ciam semis.
- Misce. Fiat linimentum in hoc casu , um-  
bilico , pubi , inguinibus appli-  
candum.
- Vapores ex decocto N. 4 utero excepti.

APHOR. 1291. Num. 5.

Vid. 1250.

## MORBI GRAVIDARUM.

**P** 1293 Postquam gravida est foemina,  
plurimis afficitur malis ex sola gravidita-  
te (*a*) oriundis.

1294 Quorum nonnulla oriuntur ex  
sanguine menstruo secerni impedito ob

(*a*) Mala ista ab aliis diversa causa produc-  
tis sedulo distinguenda.

clausum uterum , et foetu tamen non potente hactenus in sui incrementum eum absumere.

1295 Alia ex ipsa mole , motuque fœtus , atque secundinarum , et aquarium, vim exercentium in partes hasce sensiles admodum.

1296 A priori (1294) videtur pendere nausea , vomitus , prostratus appetitus , vel idem depravatus plane , animi deliquia , vertigines , dolores summi stomachi , pectinis , inguinum , renum , mammarum , torpor , gravitas , dyspnœa (a), abortus.

1297 Quæ proinde pendentia ab una causa eodem remedio , sanguinis missione , (b) tolli solent.

1298 In qua tamen instituenda , locus, tempus , copiaque , maxime advertenda.

1299 Tum victus tenuis , motus ordinatus (c) , potus levis admodum prosunt.

(a) Hisce etiam utcumque graviditas dignoscitur , circa quam tamen caute in foro criminali pronunciandum. *Abortus* circa tertium mensem frequentius contingunt.

(b) Aliqui gravidis omnibus ante tertium graviditatis mensem venæ sectionem in manu , vel in brachio consulunt : alii nullis. Plenitudo nimia , mensium extra hunc statum redundantia . . eam permittunt , imo exigunt , et contra.

(c) Vectio in rheda , itinera , saltationes . . maxime vitanda.

1300 Interim Cardiaca aromatica, una cum lenissimis antihystericis, vel et blandis subacidis, summi usus sunt, et efficiaciæ.

1301 Ab incremento fœtus oriri videntur eadem fere, quæ enumerata (1296.) tum difficultas urinæ, et alvi, (a) Hæmorrhoides, Varices, Inflatio pedum, Uterinorumque labiorum lapsus proclivis.

1302 Quibus quidem auxilium ferri potest aliquando remedio venæ-sectionis (1297.) vel et situ corporis pro tempore mutato: tum etiam fasciis, similibusque, atque tandem linimentis lenibus.

1303 Inter periculosissimos vero gravidarum morbos habetur fluor (b) uterini sanguinis.

(a) Ab assurgente utero gravido intestina comprimuntur, et præsertim intestinum rectum, quo fœces alvinæ exiccatæ manent: undè si clysmata, linimenta .. non sufficiunt, instrumentis scalpendo minuenda fœcalis moles, quo auxilio mulier angla, ex van-Swietenii narratione, ope peritissimi Chirurgi abortum vitavit, et ita exonerata convaluit.

Qualis autem sexus futurus sit fœtus, nullum habetur certum indicium. Sphigmici ista nosse credunt. Num ex animo?

(b) Hæmorrhagia uteri gravi, malum teterimum, atque communissimum, perfectum Medicum, atque peritissimam Obstetricem requirit. Quæ hic adducit Boerhaavius documenta optima sunt. Vid. Puzos Traite des Accouchemens p. 323.

1304 Qui fere ex eo , quod placenta ab utero soluta , et arteriis plenis sanguine distendente , uteroque distento , saepe pleno rivo arteriosus crux emanet.

1305 Cognoscitur ex orificio uteri laxato , sanguinis fluxu magno , citato , admodum debilitante , vivo , vel grumoso , dolente.

1306 Causa hujus , affectus animi vehementes , motus corporis nimii , hysterica , et emmenagoga male applicata , percussio inferioris partis abdominis.

1307 Remedia , quies animi , corporis que , aer frigidus modice , Venæ-sectio , adstringentia , opiata.

1308 Si his nihil proficitur , infans methodo optima , pro situ ejus mutata , illico educendus , uterusque ab foetu , placenta , grumoso crux integre liberandus erit.

1309 Neque refert , quonam gestationis tempore id acciderit , (a) cum melius sit perire , vel aliter periturum , foetum , salva matre , quam perire certo utrosque.

(a) Nihilominus in haemorrhagiis uteri , quæ primis graviditatis mensibus contingunt , non commendanda foetus eductio : omnes enim fatentur rarius perire ex abortu mulieres hoc graviditatis tempore . Auxilia Aph. 1307. proposita regulariter sufficiunt . Ista etiam in sequentibus graviditatis mensibus frequenter succedunt absque educatione foetus . Non igitur haec inconsulto suadenda .

## APHOR. 1300.

*Vinum medicatum, aromaticum, cardiacum.*

- R. Corticis electi depurati Citrei  
Aurantiorum  
singulorum uncias duas.  
Cinnamomi drachmas sex.  
Magellanici drachmas duas.  
Vini hispanici libras tres.  
Fiat vinum medicatum.  
Capiat uncias duas vesperi itura cubitum.

*Tinctura cardiaca, antithystericā.*

- R. Salis volatilis oleosi drachmam unam.  
Tincturæ gummi laccæ drachmas  
duas.  
Castorei drachmam semis.  
Misce. Capiat guttas duodecim in paroxys-  
mo hysterico.

Ratio hujus eductionis omni gestationis tempore,  
qua asseritur, melius esse perire vel aliter periturum  
factum salva matre, quam perire certo utrosque;  
maxima cum prudentia admittenda est. Videantur  
Auctores, qui de re ista gravissima pertractant.  
Interea alta mente tenendum SANCTI AMBRO-  
SII Effatum: si non potest alteri subveniri, nisi alter  
lædatur, commodius est neutrū juvari quam gra-  
vari alterum (Lib. De Officiis Ministrorum.)

*Mistura cardiaca, aromatica, acida.*

- R. Succi citri recenter expressi,  
Syrupi kermesini singulorum uncias  
quatuor.  
Vini rhænani libras tres.  
Tincturæ cinnamomi uncias duas  
Corticis citrei uncias duas.  
Misce. Capiat unciam unam, et semis in  
languore.

*Similis.*

- R. Rob Ribesiorum  
Myvæ Cydoniorum  
Syrupi Berberis conditi  
Acetosæ Citrei singulorum uncias  
duas.  
Spiritus vitæ Matthioli unciam unam  
Aquæ stillatæ corticis citrei uncias duo-  
decim.  
Misce. Capiat unciam semis in languore.

A P H O R. 1302.

*Linimentum emolliens.*

- R. Unguenti Populei  
Rosacei singulorum unciam  
unam.  
Nutriti drachmas sex.  
Sacchari Saturni scrupulum unum.  
Olei infusi Rosarum, Violarum,  
Hyperici, singulorum un-  
ciam semis.  
Misce. Fiat Linimentum, huic casui aptum.

## A P H O R. 1307.

*Mistura adstringens, opata.*

R. Lapidis Hæmatitis

Boli Armenæ

Sanguinis Draconis singulorum drach-  
mam unam.

Syrupi Myrtini unciam unam.

Laudani puri grana tria.

Aquæ stillatæ plantaginis uncias sex.

Misce. Capiat unciam semis omni dimidia  
parte horæ, donec inceperit leniri  
malum, si medicamento hujusmodi  
superabile sit.

## PARTUS DIFFICILIS.

**P**artus difficultis (*a*) fit vitio Matris, Infantisve.

1311 Vitio Matris, deficientibus viri-  
bus ad expellendum, vel partibus ipsis na-  
turalibus male se habentibus.

1312 Si vires deficiunt, hæ excitandæ

(a) Partus est vel naturalis, vel contra na-  
turam, vel difficultis, seu laboriosus. Graviditatis  
terminus naturalis est nonus mensis. Hic termi-  
nus potest anticipari, sive retardari, circa quæ  
videantur Alphonsus à Caranza Tr. *De Partu. La*  
*Motte . . aliique.*

sunt ope Uterinorum, Cardiacorum (a),  
Sternutatoriorum.

1313 Si uteri collum internum nimis angustum, durumve, linimentis succurrendum quantum possibile, ut lubricum emollescat, vel fotu.

1314 Si tumor (b) hic (1313.) vel in vagina enatus expulsionem impedit, is discutiendus, suppurandus, vel eximendus ope Chirurgica.

1315 Si excoriata harum partium labia coaluerint, cito, et ante partum, si fieri possit, dissecanda, et cicatrice obducenda sunt.

1316 Si ossium compages arctior iter impediverit, linimentis emollientibus (1313) fomentis similibus, lenienda sunt, tum manu (c) lege artis succurrendum parturienti est.

(a) Hæc omnia prudenter administranda, cavendo ne Matronæ ridicula, imo noxia horum titulo exhibeant.

(b) Cavendum ne tumor iste sit vesica prolapsa, seu ipse uterus. Ruyshius ipse in hac re fere deceptus fuit. Tumores etiam folliculosi, vel et polyposi in his partibus observantur. Chirurgus obstetricans Levret de his, horumque sanatione ex professo egit (*Observations sur les Polypes de la Matrice...*) Hippocrates hos tumores polyposos jam agnovit, et præcidendo sanavit (lib. de Natur. mulieb.)

(c) Ossa pelvis debent esse bene conformata. Manus obstetricis aptior est angusta, et digitos longos habens. Os sacrum frequenter introrsum

1317 Infantis vitio contingit , ubi ille immobilis , mortuus , vel ita situs , ut ipse sibi claudat portam.

1318 Mortuus cognoscitur , si immobilis , si arteriæ umbilicales sentiuntur in funiculo umbilicali quiescere , maxime , prope corpus infantis , si foetida (a) exeunt , si

vergit , quod manu retrorsum inclinandum . Ossium pubis angustia an per symphism separanda si hoc naturaliter non fit ? Circa operationem istam videndum Opusculum hispanum , in quo D. Franciscus Cascaron quos Chirurgia fecit novos progressus post institutiones chirurgicas Heisteri proponit , in ADVERTENCIA eidem praeposita , qua eam improbat .

Uterus etiam rumpi poterit , quod malum horrendum est , de quo celebr. Crantz tractatum edidit . Hoc casu cæsarea sectio in mortuæ matris cadavere necessaria . Circa istam Cangiamila præ aliis consulendus . Sectio ista instituenda in cadavere ita circunspectè , ac si in vivente muliere fieret . Videatur Heisterus Inst. Chir. tom. II. Sect. V. Cap. 113. An sectio cæsarea in vivente muliere instituenda hac spe ut et mater , et foetus servari possint ? Quid dicendum de conceptibus illis , qui extra uterum facti sunt in ovario , tubis fallopianis .. naturali via numquam educendis ?

(a) Foetor non semper notat foetum mortuum esse : potest enim ab alia causa fieri . Grumi sanguinis si accedat aer putrescant . Ex gemellis unus potest esse mortuus et jam putrescens , dum alter vivus et sanus est . Malus etiam odor adest si meconium foetus excreverit dum adhuc in utero haeret . . Denique neminem poenitebit unquam (ait hic van-Swieten .) „si mortuum foetum in

pondus ingens , si laborat tenesmo , si syncope , horripulatione , halitu graveolente , colore livido , si diu elapsis aquis nondum peperit , si epidermis prompte acute secedit , si cutis foetus flaccida , facile separanda , ossa mollia , et mobilia .

1319 Situlac foetus cognoscitur mortuus (1318.) metu gangrænæ , syncopes , mortisque maternæ , eximendus (a) est vel per pedes maxime , si fieri queat .

1320 Situs infantis redigendus (b) est in eum , quo foetus possit educi , vel per caput , vel per pedes in primis .

”difficili partu tractaverit ac si vivus foret ; sed quantæ manent angustiæ illos (perpetuum quiete animi tortore flagellum) , qui temerario ausu vivum infantem , uncis dilaniatum , protrahunt.” ( Inst. Med. §. 694. N. 20. )

(a) Embryuleia , seu foetus extractio antiquitus erat horrida , ut ex Hippocrate (lib. I. de Mord. mulier. : De superfoetatione : De foetus in utero mortui exsectione .) apparet . Hodie forcipe Levretiano vel vecte Roonhuysiano feliciter hoc perficitur , et tutius quam terrifico uncorum apparatu .

(b) Hippocrates parturientem concutiendo subito , et satis validè ista tentabat . Perita obstetricantis manus aptius facit , atque commodius . Generalis regula in Arte obstetricia est : in quovis situ perverso foetus pedibus educi debere . Difficultas manet in brachiorum extractione . Deventer judicat brachia juxta caput relinquenda esse , simul cum capite excludenda . Levret tamen consulit ut brachia detrahantur dum infans usque ad axillas protractus fuit . idem Crantzius suadet .

1321 Id efficitur 1. positu (*a*) Matris debito. 2. mutatione situs infantis.

## A P H O R. 1316.

*Linimenta.*

Vid. Aphor. 35. Num. 3. Aphor. 1302.

(*a*) Multa de Sella parturientium scripta sunt. Parturientis commoditas attendenda. Uteri declinatio visu et tactu abdominis detegenda , ut mutantur parturientis situ emmendari possit. Naturalis situs infantis est, ut capite prævio, facie os sacrum matris spectante prodeat : situs reliqui sunt præternaturales , obstetricantis manu tunc vertendus fœtus , et pedes quærendi. Post partum , memoranæ , in quibus infans hæsit , chorda umbilicalis , et placenta debent removeri , ut uterus se possit contrahere. An statim hoc faciendum ; an paulisper expectandum donec parum contrahatur uterus ? Dubitatur. Circunstantiæ indicabunt. Numquam vis adhiberi debet. Doluit Ruyschius quod quinquaginta annorum spatio dum obstetricandi artem exercuisset , plures vidisset post partum felicem sanas et hilares periisse , quod placenta rudiis extraheretur. Hippocrates jam dixerat : *id sensim, non vi faciendum.* ( De Superfoetatione Cap. 3.)

Pro coronide addendum inter morbos Virginum recenseri (1290.) *naturalis . . pudendorum concretio*, qualis vaginæ angustia v. gr. esse potest, quæ partum , et inde Matrimonium impedire videtur. Circa rem istam vid. Tom. I. Dissertationum Academiæ Reg. Med. Matrit. pag. 167.

**P**

1322 *Puerpera* (a) corripitur lipothy-  
mia , syncope , convulsionibus , statim à  
partu , quia sanguis arteriosus à cerebro,  
et cerebello ayersus agitur in laxa abdo-  
minis vasa : dein dolore post partum , à  
labore tolerato , partibus contusis , à sangu-  
ine , fœtu alio , secundinisve restituantibus.

1323 Fascia lata laxum abdomen ful-  
ciens (b) tollit priora mala. (1322.) Fœtus  
alius , secundinæ partes , grumi sanguinis ,  
manu educenda.

1324 Dolor à labore tollitur opiatu,(c)  
antacido , cardiaeo , diluente , fotu ano-  
dyno externo.

(a) *Puerpera* potest etiam puerperii tempore  
aliis morbis corripi non precisiè à partu profici-  
centibus , quod valde notandum.

(b) Valida constrictio abdominis nocere po-  
test ; hinc tali modo applicanda ligatura ut firmet  
et *fulciat* lapsum abdomen , non vero valide pre-  
mat. Uterus aliquando grumis sanguinis repletur  
manu educendis. Circa operationem istam vid.  
Tom. I. Academiæ citatæ Med. Matrit. pag. 421.  
An injectiones in uterus jam ab Hippocrate pro-  
positæ sufficient?

(c) *Levret* opium et omnia ejus præparata ad  
ista damnat : van Swietenius suadet. Dolor tunc  
à spasmatica uteri contractione oritur , quæ ano-  
dyna exigit. Opium depuratum theriacis præfe-  
rendum. Somnus in recens enixis observandus. Pul-

1325 Nimio (*a*) lochiorum fluxu vexatur, à nimia fluiditate, agitatione sanguinis, vel ut plurimum à retentis (1322.) in utero, ejus contractionem impeditibus.

1326 Si à retentis (*b*), hæc educenda (1323.)

1327 Si ab affectu animi (*c*), sanguine nimis fluido, nimis agitato, concurren-

sus et respiratio naturales ostendent puerperam in eo bene se habere. Fötus, vel cataplasma ex oleo amigdalarum dulcium, vitellis et albumine ovorum simul mistis, pudendorum labiis applicanda.

(*a*) Facies pallida, oculorum obscuratio, tinnitus aurium . . nimium jam esse lochiorum fluxum demonstrant.

(*b*) Inter retenta in utero *Molæ* solent adnumerari, de quibus miræ fabulæ narrantur. Lamzweerde (*Historia naturalis Molarum uteri*) super re ista consulendus. Auctor iste duas distinguit molas; unam *generationis*, et aliam *nutritionis*; et asserit in utero virginum ex materia nutritionis tumores carneos nasci posse, et has molas *nutritionis* vocandas voluit, quæ absque concubitu produci possunt. Cum vero sub generali Molarum nomine ambæ comprehendantur, magna cum prudentia *Molæ* nomen usurpandum est, ne temere illibatae pudicitiae virginibus, et castis viduabus incontinentiae inuratur nota. Optime quidem!

(*c*) In casu isto æque nocent lætitiae atque tristitia. Aliquando crassiores fœces fluxum istum producunt. Clysmata emollientia, et etiam fortiora forte convenient. Inter *adstringentia* applicatio lumbis, pectini . . oxyerati frigidi, nivis ipsius, in vagina ipsa commendantur.

dum ad hordeata , gelatinas , emulsiones, opiata , adstringentia.

1328 Quorum delectus docent signa morbi , temperiei , velocitatis.

1329 Dum fluit ab uteri vasis restric-  
tis in mammae pabulum serosum lacteum,  
febricula (a) exoritur , qua orta , sæpè lochia  
omnino retinentur , unde infinita et pessi-  
mæ indolis symptomata , prout in hoc il-  
ludve viscus rapiuntur , hinc phrenitides,  
pleuritides, peripneumoniae , anginæ , para-  
phrenitides , mammarum inflammations,

(a) Febricula illa , quæ in puerperis *lactea*  
solet dici , non tantum à lacte ad mammae dela-  
to nascitur , sed etiam à depuratione uteri per  
blandam , et superficiariam suppurationem. Hoc  
resorptum , humoribus mistum , mala metastasi ad  
viscera delatum periculosos producit morbos. In  
puerperis facilis est secessus lactis à sanguine na-  
turali lege , ut in alimentum recens nato infanti  
cedat. Hinc si hoc non fit in mammis , metuen-  
dum est ne fiat in visceribus , in quibus decum-  
bit , et quæ afficit. De his lactis decubitus ægre-  
giè tractant Puzos , Levret , Astruc .. Antiqui  
omnia ista mala lochiis suppressis tribuebant.  
Lactatio , vel lactis è mammis suetu , vel catellis  
expulsio plurima mala præservare valet.

Lochiorum suppressio semper timenda , maxi-  
me quando ab inflammatione uteri originem du-  
cit. Inflammatio ista valde communis est , et ma-  
xime timenda , vix resolvendo curatur , sed sæpe  
in suppurationem abit ; quandoque et in gan-  
grænam subito letalem. Hinc exacte dignoscenda,  
atque tractanda.

pejor hepatis , ventriculi , omenti , mesenterii , lienis , renum , intestinorum , tum Dysenteria , Colica , Iliaca , Apoplexia , Paralysis , et multiplex sane mali species (a).

1330 Cuncta hæc eradicantur sponte , radice mali excisa (1329.)

1331 Hinc requiruntur (b) Antacida lenia , ad labem acidam seri sopiendam , diuentia lenia ex hordeatis , avenatis , amygdalatis , jusculis ; aperientia specifica lenissima ex moderate cardiacis et uterinis , aperientia localia , Clysmata , Fomenta , Cataplasma , Emplastra , Linimenta , Cucurbitæ , Pessaria , Suppositoria .

1332 Venæ sectio haud facile , nec nisi urgente summa necessitate (c) , adhiberi potest .

1333 Neque curanda symptomata

(a) Diarrhœa quandoque adest , quæ licet ut plurimum symptomatica sit , potest aliquando esse critica . Hæc post tertium , vel quatum puerperii diem solet incipere , alvo excernuntur pultaceæ flava , vel alba .. cum levamine . Vomitoria in diarrhœa symptomatica non improbantur ab Hippocrate ipso (lib. I. De Morbis Mulier. cap. 42.)

(b) Agitur jam de methodo tractandi puerperas ut lochiorum suppressio caveatur , et quænam tuto tentari possint ut lochia suppressa , vel parca nimis provocentur . Circa Pessaria . Vid. Instit. med. §. 1226. N. 2. not. (b)

(c) Venæ-secchio in uteri inflammatione necessaria ; alias cautè administranda in morbis puer-

proinde, ac si essent morbi acuti sui generis (1329.)

1334 Lacte ad mammae delato, saepe fit ejus stagnatio, coagulatio, dolor inflammatorius, Suppuratio, Scirrhous, Cancer.

1335 Cognoscitur horrore, frigore et calore reciprocis, febricula, signisque incipientis inflammationis.

1336 Curatur 1. antacidis lenibus.  
2. Diluentibus lenissimis. 3. discutientibus (a) externis cito applicatis.

1337 Si jam in apostema tendit, quantocvus maturandum, aperiendum, depurandum, consolidandum; de quibus in Chirurgicis.

1338 Lactantis papillæ dolor, fissura, (b) inflammatio, tollitur balsamicis blandissimis, spirituosis cephalicis applicatis.

1339 Lac abundans nimis, et tenue,

perii, qui à partu, et ejus sequelis, ut causa pendet. An sanguisugæ hæmorrhoidibus utiliores?

(a) *Benevoli* et *Nannoni* docent ægregium esse usum acetii aqua diluti non tantum in incipiente mammarum inflammatione, sed etiam dum jam proiectior morbus est. Hodie solventem acetii vim onnes agnoscunt. Mamma tumens uiliter etiam foveatur solutione saponis veneti in lacte, et aqua. Cicutæ usus prudenter commendandus.

(b) Malum istud molestissimum est. *Spirituosa* et *Balsamica*... potius ad indurandam prius papillam, et à fissuris præcavendam, quam ad has curandas deserviunt. Mollissima ad Aph. 1336. proposita convenient. Lintea succo semperfervivi

temperatur victu blando , siccoque , et motu (a) : lac deficiens curatur victu humido , blando , nutritente , fotu , frictione que mammæ , sublatione Causæ indagatæ.

majoris madida , oleum ceræ ad mala ista à van-Swietenio laudantur.

(a) Aliquando lac his tentatis non minuitur; ablactandus est tunc infans ; cæteroquin nutrix brevi deficeret. Infusum forte salviæ hanc lactis secretionem nimiam minuere valet. *Defectus lactis* ab aliis evacuacionibus nimiis per alvum , sudores etiam oritur , quæ sistendæ. *Causæ* aliæ , fabrica nempe densa , laxa .. corporis , et præser-tim mammarum vix poterunt emmendari.

Absoluta muliebrium morborum difficilium atque reconditionum admodum tractatione , ut plenariam deinceps tirones notionem adquirant in-nuendi sunt Auctores præcipui , quos adire confi-denter atque impense debent. Hippocrates Medicorum princeps varios super re ista nobis libros reliquit ut sunt : *De Genitura* : *De Natura Pueri* , seu *fætus* : *De septimestri Partu* : *De octimestri Partu* : *De superfætatione* : *De Exsectione fætus* : *De virginum Morbis* : *De Natura muliebri* : *De Morbis mulierum* .. qui omnes sedulo consulendi , et ad horum intelligentiam videndi commentatores Mauritius Cordeus ; Prosper Martianus ; Pompejus Saccus ; Gorræus ; Cardanus .. Videndus etiam Spacchius , et inter nostrates Joan. Raph. Moxius Gerundensis , Ludov. Mercatus ... Inter exterios Joannis Astruc *Tractatus de Morbis mulierum* duobus in 4. tomis , in quorum ultimo Ars obstetri-cia ad sua principia redacta traditur. Sed circa istam præferendus *Tractatus hispanus recentissi-mus* , qui ita inscribitur : *Elementos del Arte de*

## A P H O R. 1324.

*Mistura cardiaca, antacida, anodyna  
ad dolores à partu.*

- R. Lapidis cancerorum drachmas tres  
 Corallium rubrorum drachmas duas  
 Margaritarum drachmam unam  
 Laudani puri grana tria  
 Syrupi Kermes drachmas sex.  
 Aquæ stillatæ corticis citrei  
 Melissæ  
 Majoranæ singularum uncias tres.  
 Misce. Capiat unciam semis omni quarta  
 parte horæ, donec sopiaatur dolor,  
 superbibendo uncias duas sequentis.

*Decoctum cardiacum, diluens, levissime  
nutriens.*

- R. Hordei mundati  
 Avenæ integræ singulorum unciam  
 unam.  
 Cum aqua decoctis spatio dimidiæ horæ  
 libris tribus admisce  
 Vini Rhenani libram unam.  
 Aquæ stillatæ Cinnamomi uncias duas.  
 Syrupi Kermes unciam unam, et semis.

*partear compuestos por Don Juan de Navas duobus  
tomis cum figuris Matriti anno 1795.*

*Febres lactea, et puerperalis in Appendice  
Tom. III. videndæ.*

*Pulvis antacidus , anodynus.*

R. Olei stillati Cinnamomi guttas duas  
                   Sacchari perlati drachmam unam.  
 Fiat secundum artem elæosaccharum , cui  
       dein admisce  
 Margaritarum occidentalium drach-  
       mam semis  
 Matris Perlarum drachmam unam.  
 Coralii Rubri drachmam semis.  
 Laudani puri grana tria.  
 Misce. Fiat Pulvis subtilissimus dividendus  
       in sex doses æquales.  
 Sumat unam omni semihora ex vini  
       rhenani uncia semis , donec dolor  
       mitescat ; dein detur una tantum  
       mane , et vesperi per binos dies.

**APHOR. 1336. Num. 1.***Antacida.*

Vid. Aph. 66. N. 5. Aph. 76. et Aph. 1324.

**APHOR. 1336. Num. 2.***Diluentia.*

Vid Aphor. 54. Num. 4.

## APHOR. 1336. Num. 3.

*Discutientia hic bona.*

R. Florum Chamæmeli, Sambuci, Meliloti  
Lavendulæ singulorum uncias  
duas.

Croci drachmam unam.

Cum lacte dulci decoctis in cataplasma ad-  
misce

Saponis Veneti drachmas duas.

Micæ Panis albi quod suficiat.

## A P H O R. 1338.

R. Spiritus Florum Rorismarini quod suf-  
ficiat.

Applicetur cum linteo.

*Linimentum leniens, discutiens.*

R. Olei amygdalarum dulcium

Infusi Hyperici

Violarum

Rosarum singulorum un-  
ciam semis.

Misce. Fiat Linimentum.

R. Unguenti Rosarum

Populei

Nutriti singulorum un-  
ciam semis Misce.

## MORBI INFANTUM.

**T** 1340 Infanti recens nato oriuntur morbi proprii 1. à strigmentis glutinosis, caseosis, lentis, quibus os, œsophagus, stomachus, intestina ei replentur. (a)

1341 Qua sola de causa, nauseæ, vomitus, tormina, singultus, convulsiones sæpe oriuntur, atque deinceps restant indigestiones assumptorum.

1342 Curatur facile jejunio horarum X. vel XII. assumptione pauci vini cum melle misti, iterata dosi hoc tempore abstinentiæ dati, vel lenissimo quodam simul adjecto stimulo purgante.

1343 Quin ad proluendam hanc pituitæ mucosæ saburram, sæpe prossunt egrégie Epithemata moderate aromatica, et spirituosa.

1344 2. Multum patiuntur vulgo à meconio non satis cito expulso, ob débilitatem foetus, duritiem materiæ, copiam ejus nimiam, siccitatem viæ.

1345 Hinc ab ejus mora, aere jam appulso, acrimonia, acor, putredo, in vapores resolutio, adeoque dolores tormino-

(a) Sectio chordæ umbilicalis, qua aliquando aliqua sanguinis portio permittenda, ut periculum suffocationis vitetur statim instituenda. Anus an clausus observandus.

si , convulsiones , nauseæ , vomitus , singultus , tusses , sternutationes , clamores , fletus , pervigilia , terrores , febres , macies , mors .

1346 Corrigitur vis expellens sopita stimulo leni purgante (a) , leni suppositorio , Cardiaco suavissimo et leni .

1347 Durities materiæ corrigitur haustu seri lactis recentis cum paucō melle diluto , clysmate ex sero lactis saponato , vel mellito .

1348 Intestina lubricantur , assumpto oleo (b) Lini , Olivarum , Amygdalarum dulcium , &c. tum injectis iisdem Clysmatis specie , et linimentis similibus .

1349 Qua methodo , quibus Medicamentis felicissime superantur varia illa et pessima symptomata ab hac una radice orta (1345.)

1350 Si vero ullibi , hic antacida usum habent , et inter illa absorbentia in primis .

1351 Opiata (c) raro , neque sine magna circumspectione , adhibenda .

(a) Recensnatorum vesica fellea plerumque turget bile viridi et acriore , quæ leniter evacuanda .

(b) Cavenda horum oleorum ranciditas , et acrimonia , in quam degenerant si sola adhibentur .

(c) Mitissima necessitate urgente tantum adhibenda . Cavendum est ne nutrices mercenariæ , et custodes infantum , quæ claim sæpe solent hæc dare infantibus ut quieti sint , id efficiant ob stupiditatem horum futuram .

1352 Quin evitanda omnia nimis attenuantia , stimulantia (*a*) , volatilia.

1353 Caique vero singulari malo (1345.) facile remedium invenitur , cognita historia causæ , et curationis omnium morborum hucusque descriptorum.

1354 3. Multum patiuntur ab ipso lacte (*b*) , dum id nimis cito , fortiterque in

(*a*) Male consulitur REGUM PUERIS neonatis (inquit van-Swietenius) dum in luminosis conclavebus exponuntur ; dum in vicinia exploduntur tormenta bellica . . quæ vitanda.

(*b*) Lac ipsius matris sañæ præferendum. An lac aliorum animalium humano præstantius ? An lac in mores imperium habeat ? Maxime dubitatur. Si mater ob morbum , debilitatem , aliamque causam infantem lactare non posset , vel nolit ; elegenda nutrix sana , juvenis , pacata , cuius filius sanissimus . . Joanes Gutierrez de Godoy tres Dissertationes vulgavit , quibus nititur debitum istud suadere sub hoc titulo : *Están obligadas las Madres à criar sus hijos.* An. 1629 in 4. Jacobus Bonells Med. Doct. Gienni (Jaen) spartam istam uberioris , et elegantius exornavit libello in 8. sub hoc titulo : *Perjuicios que acarrean al genero humano , y al Estado las Madres , que reusan criar á sus hijos.* Madrid An. 1736. Joannes Gallego de la Serna malachensis Philipi III. et IV. Archiater aliquas super re ista dubitationes obtulit non contemnendas. Op. Phisica : Medica : Ethica Tract. III. Cap. VIII. pag. 260. Caput. XI. de conditionibus optimæ et pravæ nutricis. pag 266. censulendum.

Circa lactationem duplex istud dubium solet proponi. An menstruorum apparitio lactationi ob-

stomacho coagulatum, compingitur in unam massam, gravem, acremque.

1355 Hæc enim sensim acrior, acidiorque reddita, fœces alvi virides (*a*), acidum spirantes, materiem vomitu rejectam acidam, hinc tormina, flatus, dolores, et infinita alia excitat, maxime convulsiones.

1356 Quæ curantur Antacidis fixis, purgantibus permistis, Clysmatibus similibus, Carminantibus blandis, oleosis internis, externisque.

1357 Insultus porro Epileptici hinc plerumque originem ducunt, irritato genere nervoso ope acrimonie vellicantis.

1358 Unde et his remediis solis (*b*) curantur, si medelam capiunt.

sit? Videtur. An nutricum separatio à mariti consortio imperanda? Non videtur. Tamen ista consulenda. Inter infantum morbos frænum linguæ numerari potest. Prudens manus certè requiritur si tale frænum secundum fuerit; hæmorrhagia enim, et sanguinis deglutitio, vel suctio periculosa valde inter alia metuenda.

(*a*) Magnum in recensnatis hepar copiosam bilem secernit, quæ colostro caseoso per pylorum egredienti admista, illius tenacitatem solvit, et acidam acrimoniam cavit, vel emendat: bili interiori, vel parciore reddita, acida acrimonia exurgit, flavus fœcum color mutatur in viridem. Præter remedia alia, nutricis diæta sic dirigenda ut lac ejus minus in acescentiam prouum sit.

(*b*) Disputatur an infanti quandiu ubera ducit convenienter alios etiam cibos porrigeret. Van-

1359 4 Simulac hæc superarunt mala infantes, et incipiunt uti cibis crudis, fructibus horœis, carnis, caseo, similibusque, VERMES (*a*) oriuntur.

1360 Causam dant ova (*b*) insectorum, in aere vel terra viventium, assumpta, neque vi tenelli motus destruenda.

1361 Nidum dat pituita intestinalis, vel gastrica, in qua hærent, foventur, pariunt, augenturque.

1362 Hinc raro in adultis, et in his modo torpidis, et leucophlegmaticis.

1363 Suntque rotundi, lati, ascarides. (*c*)

Swietenius post sextum mensem et quandoque citius panatellas cum juscule pulli, vel et vitulinæ carnis paratas porrigebat bis de die; et nihil mali observavi (ait ipse) licet tot regiarum Prolium curam gesserim, ad omnia ratione muneris attentissimus; et omnes ablactationem facile tulerunt. Hippocrates jam dixerat: qui dum lac sugunt interea cibum capiunt, facilius ablactantur (lib. de Dentitione). Ablactationis tempus varium; sesquianus, vel bienum genericè sufficient. Nitiditas maxime necessaria. Profuit egelida tantum aqua lavare infantes, et sensim assuefacere ut frigidam lavationem ferant: multum enim sic roboratur tenellum corpus, et postea à tempestatum mutacionibus non facile afficitur.

(*a*) Animalcula ista quandoque in recensnatis jam adsunt antequam carnes... comedant.

(*b*) Historiæ naturalis Auctores circa rem istam videndi. Generatio ex ovo fortasse probabilior.

(*c*) Tres hæ vermium species communiter oc-

1364 Efficiunt irritatione nauseas, vomitus, alvi fluores, animi deliquia, pulsus exiles, deficientes, intermittentes, pruritus narium (*a*), insultus Epilepticos.

1365 Efficiunt consumptione chyli esuriem, pallorem, debilitatem, alvum adstrictam (*b*), inde tumorem abdominis, ructus, borborygm̄os.

1366 Efficiunt s̄epe perforationem ipsorum intestinorum.

1367 Unde et toties letales reperti sunt.

1368 Cognoscuntur ab ætate, victu,

currunt in ventriculo et intestinis humanis; circa alias species videatur Historia medica. Vermes *rotundi* vocantur et *teretes*, *lumbricis* terrestribus satis similes. *Lati* vocantur et *Teniae* à figura plana et longitudine totius vermis, quæ s̄epe immensa est. Dicitur et *vermis solitarius* licet observatione constet quandoque plures simul in hominibus nidulari. Hæc certe ex vermibus cucurbitinis non componitur. *Ascarides* tenues sunt lumbrici in parte præcipue inferiori crassi intestini procreati.

(*a*) Hoc symptoma communissimum, etiam vulgo notissimum per continuationem membranæ pituitariæ intestina, ventriculum et nares internas investientis utcumque explicari poterit. Præter hic dicta, catalepsis aliquando à vermibus producta fuit. Molesta tussis aliquando etiam à vermibus excitatur.

(*b*) Vermes initio alvum irritant; adulto morbo, et vermium copia aucta, omne fluidius ex contentis intestinorum consumunt, crassum manent, quod non propellitur expeditè anum versus.

temperie , effectibus (a) , (1364. 1365.  
1366.)

1369 Curatio fit. 1. nidum destruendo (1361.) per alcalia fixa, gummata phlegmagoga , mercurialia , antimoniata , aromatica amara.

1370 Tum externe inungendo abdomen balsamicis ex aromaticis fortissimis, permistis purgantibus , oleosisque.

1371 2. Vermes necando , quod fit ope Medicamentorum mellitorum (b) , salino-

(a) Vermium copia quandoque una cum morbis epidemicis observatur. Masticatio puerorum singultus , terrores , dentium stridores in somnis, nasus albus ceræ instar , subitæ mutationes coloris in facie , pupilla dilatata , fœces cineritiae . . vermes denunciant. Horum signorum collectio raro fallit ; casus enim contrarius rarissimus.

(b) Hæc ad solvendam pituitam, et attenuandam prodesse poterunt. Mel forte obstruere potest vermium tracheas , per quas respirant. Tamen alia remedia præferenda , præsertim mercurialia , quæ vel purgando , vel per ingratum et penetrabilem saporem , ut innuit Fourcroyus (Elemens de Chymie tom. III. pag. 72.) vermis nocendo valent. Inter vegetabilia Semen Santonici , plantula marina Corallina dicta , et *Filix mas* à Galeno jam laudata eminent. Arcana, seu potius arcanorum venditores ad revellationem oblato præmio cogendi , vel damnandi. Ingenuum decet, ut Generis humani utilitatem lucro magis æstimet : sed auri sacra fames sæpe aliud suadet. Cortex peruvianus , Scordium , Absinthium , Aloes , Colocynthis . . etiam prosunt. Vitriolata ex Calybe , seu potius Ferrum in acido

rum , indigestibilium vermibus , amarorum aromaticorum , Mercurialium , acidorum , Vitriolatorum ex chalybe , vel cupro.

1372 3. Expellendo Lumbricos vivos enectosve ope purgantium (*a*) amarorum, phlegmagogorum , Mercurialiumque.

1373 Quin Clysmata , Suppositoria, Unguenta externa ad eadem prosunt quam maxime.

1374 Quando DENTES (*b*) incipiunt prodire , maxime acuti , à tensione , punctura , laceratione gingivarum nervosarum, sanguinolentarumque , oritur inflammatio, tumor , gangræna , convulsio , alvi fluor viridis , salivatio , febris , mors.

vegetabili solutum innocua sunt , et efficacia. Vitriolata ex Cupro cautissimè propinanda.

(*a*) Gratiola , Spigelia , Jalapa . . commendantur , sed omnibus præstat Gummi Gutta , cui adversus Teniam virtus fere directa , seu specifica tribuitur. Vid. Murray Apparat. Medicam. Tom. IV. pag. 78. Videatur etiam Cullenius hispanus Mat. med. Tom. IV. pag. 365.

(*b*) De Dentitione integrum librum Hippocrates scripsit , qui serio consulendus. Alvi fluor viridis suspectus est ob acidum in primis viis existente. Etiam color iste , præsertim si subito accidat , sensorium commune , et totum nervorum sistema turbari indicat. Cæterum alvus laxior dentientibus infantibus prodest potius. Quibus in dentitione alvus multoties subducitur , illi minus convalluntur , quam quibus ita paucies. (Hip. libr. citato.)

1375 Quæ cuncta facile ex eadem causa oriiri demonstrantur.

1376 Quin sublata irritatione (*a*) nervorum (1374.) sponte cessant.

1377 Quod fit. 1. gingivas emolliendo , refrigerando , leniendo , mollibus, glutinosis , antiphlogisticis. (*b*) 2. sæpe atterendo ad corpora dura , glabra. 3. disseccando ope lanceolæ.

1378 Convulsiones hinc oriundas minuta Spiritus cornu cervi dosis feliciter tollit. (*c*)

(*a*) Aliquando gingivæ ita inflammantur ut venæ sectio necessaria sit , sed quæ fit per unam alteram ve hirudinem infra utramque aurem præferenda. Gingivarum attritus nutricis digito melle tineto, frustulo radicis liquiritiæ , vel alio simili procurandus. Metallica corpora quamvis polita repudiantur. Gingivarum dissectio tum tantum opportuna est, cum membrana alveolum tegens à dente emergente elevatur, tenditur, rubet, dolet intense, valida febris adest , et convulsiones metuuntur. Sectio tamen ista rarò necessaria.

(*b*) Sydenhamus observavit remedium istud profuisse insigniter ad curandam febrim , quæ dentitionem difficilem committatur (in Sched. monit. de novæ febris ingressu.) Vid. Opusculum Josephi Jacobi Plenck *Doctrina de Morbis dentium et gingivarum*. Lovani. Ann. 1796.

(*c*) Inter convulsiones frequentiores infantum numerandus TRISMUS seu musculorum mandibulæ inferioris constrictio. (Aph. 1088. N. a.) Super ista videndæ duæ Dissertationes à DD. Piguillem, et Ballester in Actis Academiæ Reg. Med. pract.

Barcinonensis Tom. I. pag. 483. 519. De Puerorum Morbis consulendi inter alios Nils Rossen, Underwood, Armstrong . . qui utinam è Suecia, et Anglia in Latium transivissent. Morbus iste facillime dignoscitur. Maxime periculosus est. Remedia potiora et validiora sunt in initio ipso pediluvia , frictiones , sinapismi , suris vesicatoria. In progressu frictiones in dorso oleo Cicutæ, Camæmeli , et vesicatorium nuchæ. Cum per os nihil admitatur , alimenta per clysteres immittenda et etiam remedia , quæ Opium et Camphoram, et alternatim stimulantia admitant. Venæ-sectio, vel Sanguisugæ etiam proderunt.

Alius morbus infantilis prolixe describitur in Actis Acad. Reg. Med. Paris. Tom. IX. à pag. 47. ad 328. præente D. Medico Barcinonensi Francisco Samponts , qui primum Præmium reportavit. Hic Auctor *Sodam miliarem infantum* nominavit. Alii Concertatores *Morbum aphtosum: Infantum Aphtas*, incusaverunt. Doctrinam istam Medici qui in Orphanotropiis artem suam exercent exacte callere debent , utpote morbus in istis communissimus truculentus et contagiosus.

Maxima cura tractandi INFANTES. Ex Tabulis necrologicis exactissimè instructis major horum pars fatis cedit , quod summam in Medicis sedulitatem expostulat. Plurima circa illorum ægritudines extant Scripta celeberrima novissima , atque vetera , quæ lustrare , imo introspicere necessum est. Mitto illa , quæ de ipsorum educatione physica atque morali agunt , quæ innumera. Unice lubet memoriam facere Tractatus Medici hispani Joan. Gallego de la Serna , qui inscribitur: *Ethica Puerorum* , in quo ex affinitate demonstrata Philosophiæ Moralis , et Physiologiæ , plurima pro pueris in utroque regendis educit iste Jatro-Ethicus documenta , quæ Medici ex eodem (Cap. I. pag. 6.) constituere deberent.

## A P H O R. 1342.

*Mistura glutinosa dissolvens.*

- R. Mellis , Vini Galici,  
Hydromellis,singulorum unciam semis.  
Misce. Pro una dosi.

*Similis leniter purgans.*

- R. Syrupi Cichorei cum rheo drachmas tres.  
Saponis veneti unciam semis,  
Aquæ stillatæ Mellissæ unciam semis.  
Misce. Pro una dosi.

## A P H O R. 1343.

*Tinctura aromatica , spirituosa pro  
epithemate.*

- R. Cinnamomi, Maceris, Nucis myristicæ,  
Mastiche , Olibani , singulorum drach-  
mas duas.  
Spiritus vini theriacalis uncias quatuor.

*Epithema aromaticum , promovens saburræ  
intestinalis excretionem in infante  
recens nato.*

- R. Vitelli ovi numero unum.  
Tincturæ præscriptæ unciam semis.  
Aquæ stillatæ rosarum drachmas duas.  
Excepta pauxillo micæ panis stomacho  
applicentur.

- R. Flavedinis corticis citrei rasi unciam  
semis.  
Nucis myristicæ drachmas duas.  
Vini Hispanici drachmas tres.  
Misce. Conterendo simul in mortario,  
Et mica panis excepta applica ut prius.

## A P H O R. 1346.

*Syrupus leniter purgans, expellendo  
meconio idoneus.*

- R. Cassiæ recēter extractæ drachmam  
semis.  
Rhei grana tria, Syrupi Cichorei cum  
Rheo drachmas duas.  
Misce. Pro una Dosi.

*Mistura in eundem finem.*

- R. Mannæ calabrinæ drachmas duas.  
Syrupi Rosarum solutivarum drachmam  
unam.  
Aquæ stillatæ florum Sambuci drach-  
mas quatuor. Misce. Pro una dosi.  
R. Mellis albi drachmas tres.  
Syrupi Rosarum Solutivarum cum Sen-  
na drachmam unam.  
Aquæ stillatæ cichorei drachmas qua-  
tuor. Misce. Pro una dosi.  
R. Rhei electi grana sex.  
Agarici electi grana duo.  
Syrupi violarum drachmas duas.  
Exacte contritis admisceto

Aquæ stillatæ Melissæ drachmas duas.  
Pro una dosi.

- R. Saponis veneti parum in globulum vel conum formati
- R. Globulum exiguum vel conulum factum ex saccharo coniformi.
- R. Mel ad duritiem coctum, et in suppositorium exiguum formatum.
- R. Sebi candelarum parum; forma in speciem debitam.

*Cardiaca hic bona, haustus meconium propellentes, cardiaci.*

- R. Mellis drachmam unam.  
Vini hispanici drachmas duas  
Vitelli ovi drachmas duas.  
Misce. Fiat haustus.
- R. Aquæ stillatæ cinnamomi drachmas duas.  
Elixir proprietatis cum sale tartari præparati guttas sex.  
Syrupi kermes drachmam unam.  
Misce. Fiat haustus.

### APHOR. 1347.

*Haustus meconii duritiem emolliens.*

- R. Seri Lactis recentis drachmas sex.  
Mellis drachmam unam.  
Misce. Fiat haustus.

*Clyisma in eundem usum.*

- R. Seri Lactis recentis uncias duas.

Saponis veneti drachmam unam, et semis.

Mellis drachmas duas.

Misce. Fiat clysma.

### A P H O R. 1348.

*Linctus oleosi ad intestina, duro meconio  
repleta, lubricanda.*

R. Olei Lini drachmam unam.

Syrupi Althææ drachmas duas.

Misce. Pro una dosi.

R. Olei olivarum,

Syrupi Capillorum veneris singulorum  
drachmas duas. Misce. Pro una dosi.

R. Olei amygdalarum dulcium recentium  
drachmas tres.

Syrupi Glycyrrhizæ drachmas duas.

Pro una dosi.

### Clysmæ in eundem usum.

R. Olei Lini unciam semis.

Vitelli ovi drachmas duas.

Mellis Mercurialis unciam semis.

Seri Lactis recentis unciam unam.

Misce. Fiat Clysmæ, applicandum semel  
quotidie, donec lubricitas appareat.

### Linimentum in eundem finem.

R. Unguenti Altheæ compositi unciam unam.

Olei Lini unciam semis.

Misce. Fiat Linimentum, quo Abdomen  
inungatur mane, et vesperi.

## A P H O R. 1350.

*Pulvis antacidus, absorbens.*

R. Lapidis Cancerorum, Osteocolæ, Cretæ,  
Mandibulæ Lucii piscis,  
Ostracoderma ostreorum, singulorum  
drachmas duas. Misce. Fiat Pulvis.  
Dosis grana septem bis, vel ter de die.

*Mistura antacida.*

R. Aquæ stillatitiae Florum Rhæados.  
Feniculi singularum uncias duas  
Lapidis cancerorum drachmas duas  
Saponis veneti grana septem.  
Syrupi Altheæ unciam semis.  
Misce. Bibat drachmas duas omni hora, si  
non dormit.

## A P H O R. 1356.

*Mistura antacida lac coagulatum resolvens,  
alvum leniter stimulans.*

R. Saponis Veneti drachmas duas  
Vitelli ovorum drachmas quatuor.  
Lapidis cancerorum drachmas tres.  
Rhei drachmam semis.  
Bene terendo misce cum  
Aquæ stillatae menthae unciis quatuor,  
Syrupi Altheæ uncia una et semis.  
Capiat unciam semis omni hora, donec se-  
dentur symptomata.

*Clysmatum formulæ, ad lac in intestinis coagulatum dissolvendum.*

- R. Saponis veneti drachmam semis.  
 Salis Gemmæ grana tria.  
 Mellis Anthosati unciam semis.  
 Aquæ Stillatitiæ Feniculi unciam unam,  
 et semis. Misce. Fiat Clyisma.  
 R. Fellis Bubuli drachmam semis.  
 Mellis Mercurialis unciam semis.  
 Aquæ stillatitiæ Menthæ unciam unam  
 et semis. Misce. Fiat Clyisma.

*Oleosa interna.*

Vid. APHOR. 1348.

*Oleosa externa hic.*

Unguentum Martia-	Chamæmeli
tum	Rutæ.
Nervinum.	Olea pressa Lauri
Olea infusa Absin-	Macis
thi	Nucis Myristicæ
Anethi	Palmæ.

APHOR. 1369.

*Mistura attenuans, nidum vermium destruens.*

- R. Gummi opopanax drachmam unam.  
 Vitelli ovorum drachmas duas.  
 Misce secundum artem dein adde  
 Saponis Veneti drachmam unam.

Syrupi Artemissæ uncias tres  
 Aquæ stillatæ fœniculi uncias tres.  
 Capiat drachmam unam omni quadrihorio,  
 uno vel altero die , cum regimine.

*Pulvis purgans , mercurialis ,  
 antihelminticus.*

R. Mercurii nigri  
 Agarici trochiscati singulorum drach-  
 mam unam.  
 Sacchari puri drachmam unam et semis.  
 Misce. Fiat Pulvis dividendus in decem  
 partes.  
 Capiat unam mane , et vesperi , vacuo  
 stomacho.

*Mistura attenuans antihelmintica.*

R. Salis cardui benedicti drachmas duas  
 Syrupi quinque radicum aperientium  
 unciam unam.  
 Aquæ stillatæ fumariæ uncias quatuor.  
 Misce. Capiat drachmas tres omni trihorio.

*Electuarium simile.*

R. Seminis Absinthi vulgaris,  
 Santonici , Tanaceti, singulo-  
 rum drachmas duas.  
 Mellis uncias duas.  
 Misce. Capiat drachmas duas omni mane.

## A P H O R. 1370.

*Linimentum nidum vermium destruens  
et simul purgans.*

R. Unguenti Agrippæ,  
Arthanitæ singulorum unciam unam.  
Misce. Fiat Linimentum, cuius pauxillo  
inungatur subinde locus umbilici  
*Unguentum purgans antihelminticum.*

R. Fellis Taurini, Aloes puri singulorum  
drachmam unam.  
Unguenti Altheæ unciam unam.  
Misce. In similes usus.

*Simile valde aromaticum, sed sine  
purgantibus.*

R. Olei Tanaceti,  
Castorei singulorum unciam semis.  
Unguenti nervini unciam unam.  
Misce in eundem effectum.  
In quibus observandum, an nimis turbet  
alvum, id quippe accidit sæpe, ne in  
Dysenteriam prolabatur Infans; ex usu  
nimio cavendum tunc erit.

## A P H O R. 1371.

*Mistura vermes necans.*

R. Mellis uncias duas  
Salis Gemmæ drachmam semis.

Aquæ stillatæ cichorei uncias quatuor.  
Misce. Fiat Potus, cuius unciam semis bi-  
bat omni hora diei.

*Pulveres similes.*

- R. Cornu cervi usti, scrupulum unum.  
Capiat quater de die, quo tempore vacuus  
est stomachus, ex  
Syrupi Rosarum Pallidarum drachmis  
duabus.
- R. Corallinæ marinæ drachmas duas.  
Limaturæ Martis drachmam semis.  
Misce. Fiat Pulvis dividendus in doses sex-  
decim. In usum eundem.
- R. Seminis Santonici, Rutæ, Tanaceti,  
Absinthii, singulorum drach-  
mam unam. Sacchari drachmas tres.  
Misce. Fiat Pulvis dividendus in doses sex-  
decim. In usus eosdem.

*Vinum Medicatum antihelminticum.*

- R. Hydromellis recentis libram unam  
Seminis Santonici  
Tanaceti singulorum unciam unam.  
Fiat secundum Artem vinum Medicatum,  
cui dein puro admisceto  
Mellis albi uncias duas.  
Capiat unciam unam mane vacuo sto-  
macho.

*Pulveres mercuriales, antihelmintici.*

- R. Mercurii nigri grana octo.

- Vitrioli Martis parum calcinati grana duo.  
 Misce. Fiat Pulvis dividendus in duas doses.  
 Capiat unam mane, alteram vesperi inani stomacho.  
 R. Mercurii dulcis grana septem.  
 Diagridii grana quinque.  
 Misce. Fiat Pulvis. Mane hariendus ex Hydromelle.

*Similis sed sine mercurialibus.*

- R. Tartari vitriolati grana quatuor.  
 Vitrioli Martis grana tria.  
 Misce. Fiat Pulvis tenuissimus dividendus in doses tres.  
 Capiat unam mane, circa meridiem, alteram vesperi, vacuo stomacho.  
 R. Vitrioli communis grana duo.  
 Syrupi violarum drachmas quatuor.  
 Misce. Pro una dosi, mane jejuno stomacho, assumenda.

### A P H O R. 1372.

*Pulveres Mercuriales ad vermes necandos,  
 et per alvum expellendos.*

- R. Diagrydii grana quatuor.  
 Mercurii dulcis grana sex.  
 Misce. Fiat Pulvis tenuis pro una dosi.  
 R. Radicis Jalappæ,  
 Mercurii nigri singulorum grana duodecim. Misce. Fiat Pulvis ut prius.

R. Agarici grana octo.  
Mercuri nigri grana duodecim.  
Misce. Fiat Pulvis. Ut prius.

*Pulvis purgans antihelminticus.*

R. Aloes grana tria.  
Resinæ Jalappæ granum unum.  
Vitrioli Martis grana duo.  
Misce. Fiat Pulvis. Ut prius.

A P H O R. 1373.

*Clysmatum antihelminticorum formulæ.*

R. Olei Lini uncias tres.  
Fiat Clysma.  
R. Mellis uncias duas.  
Aquæ stillatæ cichorei uncias duas.  
Fiat Clyster.  
R. Decociti Tanaceti uncias tres.  
Aloes grana sex.  
Misce. Fiat Enema.  
R. Vitrioli Martis grana quindecim.  
Aquæ stillatæ cichorei uncias quatuor.  
Misce. Fiat Lavamentum dictum.

*Suppositorium simile.*

R. Mellis cocti ad spissitudinem debitam  
uncias quatuor.  
Aloes unciam semis.  
Vitrioli Martis drachmas duas.  
Misce secundum Artem. Fiant parva sup-

positoria , applicanda post alvum exoneratam.

*Unguenta externa.*

Vid. Aph. 1370.

*Misturæ refrigerantes antiphlogisticae.*

A P H O R. 1377.

- R. Nitri grana viginti.  
Spiritus salis guttas quinque.  
Syrupi violarum unciam unam.  
Aquæ stillatæ florum sambuci uncias tres.  
Misce. His foveantur Gingivæ.
- R. Cremoris Lactis recentis,  
Vitelli ovorum singulorum unciam unam.  
Syrupi Violarum drachmas sex.  
Aquæ Stillatæ Rosarum uncias tres.  
Misce. In eosdem Usus.
- R. Florum recentium rosarum  
Sambuci singulorum pugilum semis.  
Includantur linteo , appenso , ut in fundo  
maneant, plumbo, tum immitantur vitro  
longo cylindrico; affundatur Lac recens;  
ponantur in digestione : tremor supernatus  
adhibeatur inflammatas ad Gingivas.

A P H O R. 1378.

- R. Spiritus cornu cervi guttas tres.  
Bibat ex syrupi kermes drachmis tribus  
ter de die.

## VARIOLÆ. (a)

*deriva de varius que sig. a vario, y el nombre  
dimitutio. variolæ*

1379 Quia infantibus frequens, *huc* refertur morbus qui vocatur VARIOLA-RUM. Cujus quidem adeo accurata SIDENHAMI descriptio, ut decies legi merenti pauca modo addenda habeam, unde pateat et has ad eandem simplicitatem, ut præcedentes morbos reduci posse, et ali-  
*ta viruela.* quid in ordine medendi desiderari hactenus.

1380 Est ut plurimum Epidemicus,

(a) Sauvagesius Class. III. Ord. I. Gener. 2. Variola. Character : „Phlegmasia exanthematica, sæpius epidemica, cujus eruptio in pustulis phlegmonoideis ad suppurationem tendentibus, nisi magnitudinem demum æquantibus consistit.” Species : lymphatica, seu chrystralina, benigna, complicata, anomala seu maligna, dysenteriodes, vesicularis, verrucosa.

Cullenius Class. I. Ord. III. Gen. 26. Variola. Character : „Synocha contagiosa cum vomitu, et ex epigastrio presso, dolore. Eruptione papularum phlegmonodearum, quæ . . . in suppurationem et in crustas abeunt.” Species : discreta benigna . . . anomala, dysenteriodes . . . confluenta, regularis . . . maligna, nigra, sanguinea.

Varicella, seu variola lymphatica, quam pro specie variolæ Sauvagesius possuit, Genus aliud XXVII juxta Cullenium constituit: Synocha. Character : „Papulæ post brevem febriculam erumpentes, in pustulas variolæ similes, sed vix in suppurationem euntes; post paucos dies in squamulas, nulla cicatrice relicta desinentes.”

en la edad de verno tempore primo incipiens , æstate  
la consistencia crescens , languens autumno , hyeme se-  
g. y ver que quenti fere cedens , vere iterum eodem or-  
en la infancia dñe rediturus. Quo citius in hyeme inci-  
pere mejor erit mali natura. Hinc liquet , quo anni  
ha scito de etas y side nam.

**1381** Occupat omnem ætatem (a) , se-  
xumque , maxime autem pueros , eosque,  
qui hactenus hunc morbum nondum passi  
sunt : quo ætas humida plus dissipavit,  
solida magis coegit , eo violentior mor-  
bus : Hinc pueris , mulieribus , mollibus,  
laxis facilior : exercitatis , viris , senibus,  
pejor.

**1382** Malum hoc , licet Epidemicum,  
un Virus contagiо (b) suscipitur communicato ab ho-  
mīne , qui prius laboravit , quod primo vide-  
lo regularat .

**Ta primavera** (a) Historia medica docet foetum ipsum in utero latenter hunc morbum passum fuisse , et se-  
nies decrepitos variolosos. Rarissime , sed aliquan-  
do repetit , et ego ipse vidi in Comitissa de Torru-  
bia , quæ dum lactaretur variolas confluentes pes-  
simas toleravit , et quinquerum easdem iterum pas-  
sa fuit me autopta ; et sincere fateor triginta sex  
annorum spatio , et in numerosa quidem praxi  
nullum alium casum similem vidisse.

(b) Nequidem post mortem cessat hujus con-  
tagii virus ; constat enim cadaver hominis hoc  
morbo extincti nocuisse. Puella litteras à fratre  
hoc morbo decumbente scriptas secum gestat , et  
eodem morbo affligitur. Per lanceolam seu phlebo-  
tomum possunt etiam communicari.

tur Aeri inhærens, pulmonibus, ori, nari-  
bus, œsophago, stomacho, intestinis, dari.  
Adeoque hoc tempore admodum parum  
materiei venenatæ habere.

1383 Hæc contagiosa materies (1382.)  
humoribus mista statim producit effectus  
quosdam ordine se mutuo excipientes, qui  
sunt horripulatio, rigor, febris acuta, ca-  
lor ingens, perpetuus, oculorum splen-  
dor, à liquore tenui et calido illapso, Ca-  
pitis, dorsi (a), artuum, dolor magnus, ma-  
xime circa partes cordis scrobiculo subjec-  
tas, vomitus, nausea, inquietudo magna,  
stupor, somnolentia, atque in infantibus  
insultus Epileptici.

1384 Initio hujus status (1383.) crux  
venis missus pulcher saluberrimoque simil-  
limus; secundo, tertio, quartove die, jam  
instar pleuritici, et inflammati (b) cernitur  
(384.), eo plus, quo plus duravit, et ve-  
hementius fuit malum.

(a) Dolor magnus in regione lumborum non  
tantum variolas, sed eas mali moris futuras præ-  
nunciat. Insultus epileptici in initio ipso pra-  
vi: paulo ante variolarum eruptionem minus pra-  
vi, et aliquando boni indicii: si in decursu repe-  
tunt ominosi sunt.

(b) Spissitudo inflammatoria non tam à conta-  
gio, quam à febre acuta à stimulo contagioso ex-  
citata nascitur. Variolosum virus potius fundere,  
quam inspissare videtur. Variolarum divisio in  
benignas et malignas præferenda est divisioni al-  
teri communi in discretas et confluentes.

1385 Durat hic status , pro varietate epidemica , vehementia morbi , temperie ægri , vario tempore ; quo diuturnior ex sua natura , eo mitior futurus totus morbus , et contra .

1386 Unde videtur morbus in hoc statu ( 1380. ad 1386.) esse velocitas liquidorum aucta à stimulo inflammatorio (a) omni cruxi admisto .

1387 Morbus ergo ille ( 1386.) , affinis omni acuto inflammatorio , difficulter in hoc statu ab eo distinguitur ; scientia Epidemici regnantis ( 1380.) ægri in hunc morbum proni ( 1381:) contagii prægressi ( 1382.) , et inde secutorum symptomatum ( 1383.) , docet quod adsit , et quod securæ sint papulæ ipsæ in altero , mox describendo decursu .

1388 Cognito ( 1387.) hoc morbi statu ( 1380. ad 1387.) indicatio videtur orihi hæc primo : ut stimulo inflammatorio ablato ( 1386.) sanetur status præsens , et impediatur ulterior ejus progressus , et proinde caveatur futura suppuration , gangræna , &c.

1389 Stimulus videtur auferri posse correctione per specifica ita dicta , vel methodo universali antiphlogistica .

(b) Inflammatio ista à cæteris valde diversa est . Causa ejus , nempe stimulus contagiosus aliquando non febrem acutam calidam excitat , sed vires vitales illico prosternit : et licet specifica sit potest dici *affinis omni acuto inflammatorio* .

1390 Correctio specifica niti debet invento remedio opposito illi veneno contagioso , quod tam parva mole susceptum reliqua parit , ut effecta (1382. 1383.)

1391 Quale (1390.) inveniri posse, comparatio historiæ antidotorum , et indoles hujus mali faciunt sperare , et ad indagandum impellit summa hinc futura humano generi utilitas.

1392 In Stibio , et Mercurio (a), ad magnam penetrabilitatem arte deductis : nec tamen salina acrimonia nimium corrosivis , sed bene unitis , ut quæramus , initiat aliquis horum aliquando successus.

1393 Methodus universalis videtur hic adhiberi posse , et experimentis perfici debere illa , quæ deprehensa est in omni inflammatorio valere , ne inflammatio in pus , gangrænamive abeat : quum in aliis omnibus succedat , hic nihil repugnet, morbus variolosus sæpe sine variolis sit.

1394 Consistet illa (1393.) in his ; i. mittatur crux , ut (854. N. i. 890. N. i.

(a) „In Stibio et Mercurio varia ratione præparatis ; in blanda et iterata purgatione ; emesi ; „phlebotomia ; cortice peruviano; aqua picis; acidis mineralibus dulcificatis ; gummi-ferulaeis; „verius forte in moscho et camphora temporariam „à variolis immunitatem ut quæramus invitat alii „quis horum aliquando successus. Quorum quid in effectus prophylacticus magni esset in epidemia variolarum malignarum.” Hæc Stollius.

&c.) 2. Clysmatibus, fotibusque (*a*), laxetur tota cutis, os, œsophagus, intestina, sæpe. 3. potetur multum aquæ tenuissime farinosæ, acidulæ, nitrosæ, hauriatur nitrum stibii, vel polychrestus sal, et hydrogala tenue. 4. sit victus tenuis, aer in pulmonem ducendus frigidiusculus, corpus bene tectum, et perspirabile,

(*a*) Balnea aquæ dulcis utilissima. Saltim inferiores corporis partes perpetuo fovendæ, et laxandæ ubi hujus morbi suspicio adest, sive balneo, sive pannis laneis madidis. Clysmata, et leniora laxantia ut Tamarindi, tremor tartari, tartarus solubilis.. in alvò constipata prosunt,

4. *Victus tenuis* sit, juscula carnium vitan-da. Juscula avenacea, hordeacea, poma cocta, cerasa, pruna, concedenda. *Aer* in pulmones du-cendus frigidiusculus; corpus (in primis partes inferiores) bene tectum, et perspirabile. Optimum sane, atque præstantissimum documentum! Præ-ter alios casus à van-Swietenio numeratos plu-rium, qui jam papulis eruptis domum suam ad consilium petendum accedebant sine damno, ipse hujus rei ab ipso testis adfertur: decimo enim sexto ætatis anno post transactam triduanam fe-brim satis validam, melius se habens medio mense Decembri, et quidem nive satis copiosa cadente exivi ait amicum invissurus, in cujus domo numerosæ satis papulæ in facie, collo, ma-nibus apparuere. Domum redux morbum facile tuli licet numerosas admodum variolas haberem, sed discretas, et absque ullo periculo so symptome emersi feliciter. Plures similes casus novi. Hæc van-Swieten, qui inde concludit: credo hæc specimina sufficient ad probandum aeris frigus

1395 Quamvis enim in hoc morbo raro cogitetur de hac indicatione (1388.) et de hac methodo in primis (1393. 1394.) casus tamen, ignaro (*a*) morbi Medico, saepe dedit successus probantes talem artem. (*b*)

non tantum nocere , ac quidem creditur. Hinc numquam dubitavi ad alium locum transferri, sed tecto bene corpore hoc morbo correptos , si ob contagii metum illos tolerare nolent in domo , in qua laborare inceperant , et sancte testari possum (addit) me numquam aliquid damni inde obser-  
vasse.

(*a*) In variolis sporadicis aliquando morbus iste tamquam febris acuta inflammatoria apparet, qua, methodo exacte antiphlogistica , tractata, variolæ simplicissimæ postea emergunt. Cuilibet in praxi mediocriter versato aliquis casus similis contigit. Medici numerosa praxi obruti (qui plurimos vident ægros ; morbos vero paucos intelligunt) ista minus advertunt. Lumporum dolor in hujusmodi febribus de variolis futuris suspicionem saltim producere valebit , qui dolor quomodocumque sit methodum talem antiphlogisticam exactam exigit.

(*b*) Boerhaavius agit præcipue de variolis ab inflammatorio stimulo productis , et licet mentio hic non fiat de alia variolarum specie , nempe *maligna* vires vitales deprimente , sanguinem solvente , unde letales saepe haemorrhagiæ , maculae purpureæ , anxietates , animi deliquia .. ob-servantur : hanc tamen speciem agnovit , quam alexipharmacis languentes vires excitantibus opugnandam censebat ; van-Swietenio ejus per plures annos auditore testante , qui ab eo didicit saturatissimam croci tincturam ad id maxime va-

1396 Morbus hic ubi statum primum (*a*), quem Contagii voco, absolvit, secundum ingreditur, qui sic se habet: punctis parvis rubris instar morsus pulicaris cutis capitatis primo et faciei, mox manuum et brachiorum, dein trunci, et inferiorum, inficitur, mox mitescunt symptomata (1383) augentur omni hora quoad magnitudinem, et numerum pustulæ valde rubescentes, assiduo magis, magisque elevantur, inflammantur, cutis tenditur, dolor, calor, impedita circulatio, impedita perspiratio, hinc humorum major ad interiora repulsus, febris, anxietas, dyspnœa, dolor fau-

lere. In epistolis Boerhaavii ad Basandum Lotharingiæ Ducis Archiatrum hic à van-Swietenio transcriptis appareat, quam diversa methodo usum fuisse in vario variolarum genere doctissimum, atque celeberrimum Boerhaavium.

(*a*) Morbus iste in tria stadia dividendus; primus contagii: secundus inflammationis: tertius suppurationis, et ruptionis. In secundo, de quo nunc: *mictus cruentus*, *hæmoptoe* solent observari funesto omine. Narium hæmorrhagia plerumque salutaris. Menstruus fluxus si tempore indebito tunc appareat periculosus: si debito, periculosus minus, non tamen bonus: tamen Richardus Mead asserit fluxum utrumque *levamen magis*, *quam periculum adferre* (De variolis). Utinam! Præsente plethora vera hæmorrhagiæ istæ utiles sunt; in apparenti à sanguinis solutione, et rarefactione perniciosa, corticem peruvianum, Acidum vitriolicum, Alumen .. exigentes.

cium, angina, diarrhoea, dysenteria, mictus cruris, haemoptoe, cutis inter pustulas liberæ inflammatio rubra, dolens, calens, quæ ubi duraverunt spatio 4. 5. vel 6. dierum, jam absolute suppuratæ sunt, et in totidem parva apostemata conversæ. Hinc inflammationis decursum voco, usque in Abscessum, durat pro varietate Epidemici, temperiei, magnitudinis, regiminis, vario tempore, plerumque quatuor, aut quinque diebus, ita, ut octavo ab inchoamento die suppuratio adsit; crurum valde inflammatus.

1397 Si morbus contagii ingens (1383. ad 1386.), pustulæ multæ, sibi mutuo proximæ, ac quasi implicitæ, inflammationis omnia signa magna, temperies salina oleosa, vigor ætatis, vita prægressa lautissima, remedia et regimen velocitatem multum augentia, æstas fervidissima, fuerint, tum ad finem inflammationis vesiculæ lympha rubella distentæ adsunt, gangrenosæ (a) indolis indices (427. N. 5.),

(a) Status iste pessimus si per curam antiphlogisticam vel aliter non præcavetur, fatalis est. Regimen velocitatem augens ista producit. Angliae Regina theriaca Andromachi abusa in variolas incidit, de quibus an Erysipelas, an Rosa, an Morbilli forent dubitabatur. D. Harris judicabat variolas, et morbillos simul esse, quod ad excusandam Medicorum cespitationem in diagnosi morbi usum habere potuit. Infandum! Octava die periit.

hinc cutis circulationi , et exhalationi inepta , inde humorum in interiora repulsus , inde salivatio ingens , tumor magnus manuum , pedumque .

1398 Ex his diagnosis et prognosis secundi status cognoscitur , ratioque morbi , et omnium symptomatum in eo capit , his fere regulis circumscripta .

Quo mitior status contagii , eo lenior status inflammationis .

Quo lentius erumpunt pustulæ , quoque proin diuturnior status contagii , eo morbus levior .

Quo pauciores , magis separatae , maiores , plus à facie remotæ , candidiores , et dein flavæ magis pustulæ , quoque tardius procedunt , eo meliores .

Quo plures , magis intricatae , minores singulæ , magis in facie hærentes , fuscæ , nigræve , citiusque incedunt , eo pejores .

Quo materies pustularum pus magis blandum et perfectum refert , eo melius .

Quo materies pustularum ichorem gangrænosum plus refert , eo pejus .

Quo spatium inter pustulas magis ruit , calet , tenditur , tumet , circa tempus abscessus , eo melior spes , ob circulationem hic remanentem .

Quo idem plus pallet , vel fuscum evadit , eo pejus ; angina sequitur letalis , aut peripneumonia ; nisi salivatio liquida , vel ingens tumor manuum , pedumve accesse-

rit; ratio est, liquorum hic impedita, hinc ad interiora aucta, circulatio.

Si in locis inter pustulas liberis maculæ purpureæ, letalis gangræna designatur.

1399 Indicatio hoc in statu (1396.) est varia pro vario gradu durantis morbi: nam in primo initio apparentis inflammationis externæ, videtur requiri cautela, ne ver-  
gat in suppurationem: de qua jam actum (1393. 1394.): aut, si id spernitur, cu-  
randum ut minima fiat, procul à capite,  
et tarda: quod fit 1. victu tenuissimo, pu-  
tredini resistente: 2. potu, diluente, blan-  
do, subacidulo. 3. medicamento antipy-  
co, aperiente, diluente, assiduo magna  
copia ingestu. 4. balneo pedum bis de die  
repetito, horum fotu tepido continuo, epis-  
pasticis (*a*) applicatis ad cava pedum et po-

(*a*) Remedia ista optima sunt, et ab initio ipso status contagii, absque ullo metu, maxi-  
ma alias confidentia in omnibus variolis, et om-  
nibus variolosis applicanda. (Vid. Aph. 396. et 402.  
N. 3.) Mirandum sanè, Medicos posteriores, ne-  
que Cullenium ejusque adnotatores mentionem de-  
bitam fecisse *Novæ variolis medendi Methodi* à  
Joanne Frederico Clossio, propositæ qui pro digni-  
tate primus absdubio spartam istam exornavit, et  
generalem reddidit, licet aliqui ante ipsum de his  
vel simplicem, vel tantum particularem mentionem  
fecerint. Inter hos Boehmerus eminent in Disserta-  
tione: *De Malignitate variolarum naturalium tem-  
pestivo vesicatoriorum usu evertenda*. Clossius ad  
omnes variolarum species ab ipso initio, venæsec-

plutum. 5. regimine frigidiusculo , maxime admissu puri et frigidi aëris , interim corpore inferiore contra frigus munito. Hæc autem statim et ab initio sic applicanda sunt. 6. si nimio impetu fuerit morbus, opata vespertina quinta conducunt , reliquis simul , ut præscriptum est , actis.

1400 Post toleratum decursum hunc (1396.) sequitur status tertius suppurationis , quo incepta illa crescit et perficitur : in eo pustulæ jam purulentæ quoti-

tione aliquando præcedente, ista proponit, quod vera novum est. Utinam Libellus iste Clossii typis nostris tunderetur. Interea apponere utile duxi commoda ex vesicatoriis redundantia ab eodem experta , atque proposita , quæ explicare atque illustrare singulatim in opusculo nititur , et quæ ita sunt.

I. Febrem variolarum primariam jugulant, vel insigniter certe mitigant.

II. Eruptiones exanthematum promovoent.

III. Eorundem retrocessionem impediunt.

IV. Parciorem illorum proventum efficiunt.

V. Eadem à facie arcent.

VI. Oculos ab omni injuria defendunt.

VII. Nitorem vultus sincerum , integrumque conservant.

VIII. Febrem secundariam vel omnino præ-  
cavent , vel mitissimam efficiunt.

IX. Reliquias variolarum præpediunt.

Opiata seu potius Anodyna modo quo à Boerhaavia proponuntur, ad compescendum nempe nimum febris impetum necessaria. Syrupus de Meconio Laudano liquido Sydenhami præferendus.

die augmentur, dein maturescunt, albescunt, flavent, ac tertio, quartove die hujus cursus, rumpuntur. Tum vero tota pinguitudo et cutis pure scatet mobili, externe aret, locis liberis inflammatur; hinc impedimento perspirationis, circulationisque, irritatione generis membranosi et nervosi, absorptu puris in venas, fit febris (*a*) pessimæ indolis, cum pessimis symptomatibus; si materies hæc purulenta sanguini mista diu movetur, putrescit (82. 100. 406.); hinc pro vario delapsu in diversas corporis partes diros effectus, vixque superabiles, producit; deliria; phrenitides; anginas; peripneumonias; pleuritides; vomitus; dysenterias; hepatitidem; apostemata; anthraces; junciturarum tumores, abscessus, immobilitates; tabem; phthisin; et infinita similia.

1401 Si vero tum materies tenuior, acrior, morbusque vehementior, exeditur cutis, pinguitudo, et caro; fiunt lata, pessima, ad ossa sæpe penetrantia, ulcera cacoethe; cicatrices foedæ.

(*a*) Hæc est febris illa *secundaria* dicta inversæ suppurationis sequela adeo pertimescenda, quæ potius supra dictis præcavenda, seu minuenda, quam sananda. *Delapsus materiei purulentæ* verè diri, ac insuperabiles. Hoc maxime animadvertere debent Medici in adultis præsertim huic febri pessimæ ejusque sequelis magis obnoxiiis, ne ANIMÆ cura criminaliter negligatur.

1402 In hoc statu (1400.) curandus (*a*) puris ad exteriora exitus , ab interioribus expulsio ; quod fit laxando cutim fomentis laxantibus tepidis , assiduo et laboriose renovatis ; ablutione et gargarismo oris , fau-

(*a*) In pertractanda febri ista secundaria summa observatur Auctorum differentia. Sydenhamus , Freind , Huxham , Hillary . . venæ-sectionem suadent. Cel. Lobb eam damnat. Freind purgantia consultit ; Huxham vesicatoria et vinum : Mortonus , Mead , Pringle Corticem peruvianum , et Acida mineralia : Linteaminum permutatio , Opata , Papularum pertussio . . sub diversis et particularibus circumstantiis à Medico doctissimo in usum revocanda. Absint Empirici , qui particula ria ista vilipendentes Andabatarum more hic et illuc miseris infantes trucidant , et si casu aliquo fortuito sospes aliquis servatur immane quantum peritiam suam blaterant et extollunt ! Pessima gens , quæ stupore vulgi fit nobilis ut Medicus Phædri (Fab. XIV. Lib. I.)

Circa pertussionem variolarum pro hujus febris præservatione dum pure cocto turgent maturæ , diversæ sunt Auctorum opinones. Arabes ut Avi- eena cum acubus de auro eas rumpebat , Razes immisso scalpello eas perforabat . . Alii metho dum istam neglexerunt. Van-Swietenius opera tionem istam suadet. Ejusdem sententiæ sunt Selliūs , et Vogelius. Variolis apertis pus eluendum decocto hordei lacte mixto. Denique notandum cum variolis posse concurrere alios morbos ab eis diversos , v. gr. febres intermittentes kina sanandas febres populares , aliosque. Foveolæ , quæ post variolas remanere solent , emollientibus et unctuosis minuendæ. Ophthalmia , quæ subinde remanet ,

ciumque, assiduo; potu largo, calido, cardiaco, detergente, aperiente, putredini resistente; clysmate blando, diluente, emoliente, laxante quotidie injecto, diu retento; victu ex jure carnium cum sale et acidis condito; vini meracissimi subinde moderato usu; dato simul, contra enormes impetus, Opio.

1403 Si morbus vehementissimus; ichor gangrenosus loco puris; tota fere cutis occupata; facile patet, cur infelicem adeo, itmo ineluctabilem perniciem adferat hic morbus: omnium vero clarissime id liquebit ei, qui ex anatomicis norit, ut externam cutim, ita oculos, narium omnes membranas, oris omnia velamenta, asperam arteriam, bronchia, œsophagum, stomachum, intestina, jecur, lienem, pulmones (*a*), obsideri his pustulis; hinc quippe dicta intelligit, et videt, quid ad curationem requiratur, et an magnitudo mali, perditio tot ægrorum, post vulgata (*b*) auxi-

venæ-sectione et repetitis purgantibus antiphlogisticis sananda. Purgantia ista, seu alia levia in omnium variolarum fine fortasse repetita convenient.

(*a*) Morbus iste subdolus, licet satis mitis videatur omni periculo numquam caret, quod sedulam prudentis Medici attentionem expostulat.

(*b*) *Vulgata auxilia*, quæ adhibebantur dum hæc scribebat Boerhaavius calida nempe, sudorifera, exsicantia, sanguinis missionis horror. . Medicus spectator. . omnes fere perdebant variolosos, nul-

lia applicata frustra semper , non excitet boni Medici solertiam , ut initio mali invadentis summa tentet; vulgata quippe methodo nullus , nisi sponte , emergit. Prophylaxis insitiva videtur satis certa , tutaque.

Ius nisi sponte tunc temporis emergebat. Summa igitur tentanda , inter quæ cura antiphlogistica eminere credidit Boerhaavius, admisis exceptionibus supra dictis , quando nempe non eas ab initio febris inflammatoria prodit sed putrida , biliaria , maligna , vel nervosa lenta.

Uberiorem absdubio Caput istud explanacionem exigebat , utpote de Morbo communissimo atque teterium pertractans ; sed pro Tironibus dicta sufficiunt ; qui postea proiectiores Auctorum , qui de eo qua latè patet etiam quo ad prophylaxim agunt , amplam supelectilem assecuruti in illis legendis suæ conscientiæ attenti insudabunt , et impallescent.

Unicè pro coronide addendum separationem primi variolosi , postea secundi , et ita porro ad variolarum contagium præcavendum , imo ad eas penitus extirpandas fortasse sufficere. Videndus hac super re Rosens , Krause apud Vogelium ; et etiam oportunius Tractatus hispanus sub isto titulo : *Disertacion.. en la qual se prescribe un metodo seguro de preservar y extinguir las viruelas .. su autor Don Francisco Gil , Cirujano del Real Monasterio de San Lorenzo y su Sitio .. segunda edición. Madrid Año de 1786.*

Etiam addendum variolas lymphaticas acuminatas , ovales , *Varicellas* dictas , ut plurimum quidem primum in dorso erumpentes sine foveola in medio , ut in veris appareat , atque jam die sequenti in suppurationem transeuntes à vero

## A P H O R . 1392.

*Pulveres Mercuriales, et Antimoniales  
forti veneno varioloso antidoti.*

R. Antimonii Diaphoretici una cum suo  
nitro fixante conservati drachmas sex.

Mercurii dulcis drachmam semis.

Salis Polychresti veri drachmam unam.

Diu terendo fiat Pulvis tenuissimus, divi-  
dendus in vigintiquatuor doses æquales.

Capiat unam tertiaque hora; superbi-  
bendo post singulas

Seri Lactis recentis uncias quatuor.

R. Florum sulphuris drachmam unam.

Cinnabaris Antimonii scrupulum unum.

Stibii diaphoretici nitrati,

Salis Polychresti singulorum dracmam  
unam et semis.

Misce. Fiat Pulvis subtilissimus, dividen-  
dus, et sumendus ut prius.

morbo neminem securum præstare ex Vogelio.  
Pro veris autem tum in primis imponunt, quan-  
do cicatriculas relinquunt ex eodem (Febris va-  
riolosa Tom. I. pag. 104.) quod probe notandum.

Num subita exanthematis variolosi jam per  
febrem expellendi mutatio in mitius morbillosum  
per peruvianum corticem obtineri possit, ut Cel.  
Fr. Casim. apud Vogelium intendit? Utinam!  
Videatur nihilominus Carmen Joan. Friderici  
Closii de cortice peruviano remedio variolarum  
prophylactico valde limitando.

## APHOR. 1394. Num. 2.

*Clysmalaxans.*

R. Florum Malvæ, Altheæ, Taraxaci,  
Verbasci, Lichnidis Saponariæ singu-  
lorum unciam semis.

Farinæ lini drachmas duas  
Coque cum aqua ad uncias duas.  
Fiat Clysmalaxans.

Panni lannei eodem Decocto madidi ex-  
pressique iterum, calidi applicen-  
tur corpori inferiori, pedibus, po-  
plitis, inguinibus, cruribus, fe-  
moribus.

Eodem os, nares, fauces colluantur hu-  
mectentur, foveantur.

## APHOR. 1394. Num. 3.

*Decoctum diluens, acidulum, nitrosum, ad  
stimulum variolosum expellendum.*

R. Florum papaveris erratici, recentissimi  
sambuci singulorum unciam unam.  
Avenæ integræ unciam semis.

Cum aquæ decoctis unciis viginti (*vel  
amplius*) admisce

Nitri stibiati hoc est ab Antimonio  
diaphoretico lavando, et crystalli-  
sando separati unciam semis.

Succi citrei recentis unciam unam.  
 Syrupi violarum unciam unam et semis.  
 Bibat quantum lubet.

APHOR. 1394. Num. 4.

Vid. 28. Num. 1.

APHOR. 1399. Num. 1.

Vid. 28. Num. 1.

APHOR. 1399. Num. 2.

Vid. 1394. Num. 3.

APHOR. 1399. Num. 3.

*Succus Antipyreticus in statu Phlogistico variolarum.*

R. Succi recens expressi Cichorei,  
 Lactucæ , Taraxaci , Fumarie singulo-  
 rum uncias duas.

Radicis scorzoneræ uncias quatuor.

Nitri puri drachmam unam et semis.

Misce. Bibat unciam unam omni hora diei.

*Decoctum simile.*

R. Radicis sarsaparillæ,  
 Chinæ,

Graminis , singularum uncias duas,  
 Scorzoneræ uncias octo,

Florum sambuci , unciam unam.

Cum aqua decoctis spatio unius horæ

Pintas sex exhibe.

Bibat uncias quinque omni hora.

## APHOR. 1399. Num. 4

*Epispasticum, impetum humorum à nobilio-  
ribus partibus derivans.*

R. Emplastri de Meliloto, Galbani,  
Sagapeni, singulorum unciam unam.  
Misce. Extensa ad alutam applica cavis  
pedum.

*Idem fortius.*

R. Fermenti acidi panis uncias sex,  
Rutæ manipulum unum,  
Seminis sinapi contusi drachmas sex,  
Salis, Aceti, singulorum drachmas  
quatuor.

Misce. Applica ad cava pedum, et popli-  
tum, nocte atque die.

## APHOR. 1399. Num. 6.

*Haustus anodyni.*

R. Syrupi papaveris albi unciam unam.  
Fiat Haustus.

R. Laudani puri granum unum.  
Fiat Pilula.

R. Laudani puri granum unum,  
Aquæ stillatæ Melissæ unciam semis.  
Misce. Fiat Haustus.

## A P H O R. 1402.

Vid. scripta ad 1394. et 1399. Num. 6.

## MORBI EPIDEMICI.

**N**otandum vero est super omnia, morbos hactenus descriptos fluidorum, licet nomine, signis plerisque, et aliqua specie eventus iidem appareant incauto, tamen in indole tecta (*a*), phænome-

(*a*) Hoc est illud *quid divinum* Hippocratis, quod unice per effectus potest indagari. Historia exacta morborum variis temporibus epidemicorum valde conductet ad incipientem dignoscendum. Initium cuiuslibet morbi epidemici consesum Medicorum prudentum frequentem exigit, præser-tim si minima Pestis rudimenta apparent.

Licet causa morborum epidemicorum, sive eorum indoles tecta sit, exacta atque minime interrupta constitutionum meteorologicarum obser-vatio maxime confert ad morbos epidemicos dig-noscendos. His observationibus suffultus Hippocrates de Morbis epidemicis perfectissime tracta-vit. Doctissimus Anglus Grant de Febris stationalibus juxta doctrinam libri III. Aphorismorum Hippocratis; et Lepeq de Morbis epidemicis patriæ suæ juxta methodum Epidemiorum quos in Thaso Hippocrates observaverat tractaverunt. Denique Cel. Huxham juxta Cœli atque Aeris mu-tationes suas observationes super morbis epidemicis confecit et prætulit (Vol. II. Præfat. de Aere et Morbis epidemicis). Liber de *Aere, Aquis et Locis* Hippocratis cum commentariis Ludovic; Septalii ab omnibus Medicis consulendus.

Inter nostrates legendus D.D. Gaspar Ca-sal Archiater hispanus Auctor vere hippocraticus

nis non nisi perito observatis , vario tempore incrementi , status , coctionis , crosis , effectu , eventu , sanandi methodo requisita , s<sup>e</sup>p<sup>e</sup> immensum (a) differre.

1405 Adeoque requirere longe aliam administrationem sex Rerum non Naturalium , aliam medelam , alia medicamenta.

1406 Cujus tamen varietatis causa adeo latens , ut à nullo sensili vitio sex Rerum non Naturalium (b) deduci hactenus queat.

1407 Et tamen ob communem pluribus afflictionem , possibilem evitatem (c) ,

in sua *Historia natural y medica del Principado de Asturias* : Madrid Año de 1762 ; in qua de Constitutionibus epidemicis Asturum , et aliis morbis ipsis endemis verè hippocraticè tractavit.

(a) Sydenhamus innuit curationem in hoc casu leviter tantum inflectendam esse (Sect. VI. Cap. 1.) Hoc in initio ipso intelligendum.

(b) Præsente epidemia frugalitas commendanda ; non immutanda ratio victus ex Hippocr. Lib. de Natura Hominis Textu 4.

(c) Qui justè , atque commode locum epidemia infectum evitare , seu deserere decernunt , sibi prospiciunt. Idem experiuntur , qui domibus suis inclusi manent. *Ventus* , seu aer valdè motus causam fortasse dissipare valebit. *Ignis* certè omnia destruit ; tamen considerandum partem aeris vitalem ab eodem consumi. An causa in aere resideat et per aerem in disita loca transportetur , dubitatur. Num insecta minima in aere hærentia possunt esse causa morborum epidemicorum , ut Kirchero et aliis placuit , et etiam Cel. Reaumu-

et exclusionem vento , vel igne , aëre re-sidere comprehenditur.

1408 Et in eo magis ob varietatem inexplicabilem exhalationum , quæ vel mis-turæ , vel stimuli ratione nostræ machinæ nocent , quam ob mutationem notabilem qualitatum sensilium , ut observatio docet.

1409 Tamen vix nisi contagio huma-no (a) , quod mirum , morbos excitare.

rio? Et ab horum subita multiplicatione conta-gium? Hæc opinio assensu difficilis. Ad quid enim severa custodia ad Pestis communicationem præ-cavendam? Quis à morbo epidemico ab hac causa nato liberaretur? Quomodo explicabitur Gallos et Judæos à dysenteria quam Degnerus descriptis immunes mansisse? Quomodo intelligetur *Febris Universitatis Heisterii* , quæ solos cives academi-cos licet per urbem dispersos invadet?

(a) Non omnes morbi epidemici contagiosi sunt , ut patet in febribus tertianis autumnali-bus , in locis paludosis valde frequentibus ; ægri enim isti , vel convalescentes ad alium locum translati paludibus carentem non alias inficiebant. Contagium potest etiam aliis rebus præter cor-pus humanum adhærere. Pestis in sarcinis , mer-cibus . . . in perniciem manet , quas lustrare et infectionem exuere necessum est.

Ad confirmandam doctrinam generalem de Morbis epidemicis agendum esset hic de deterio-ri et terribiliori , PESTI nempe. Sed in Appen-dice videndus morbus iste. Unicè hic innuendum ad lustranda ea , quæ Peste infecta timentur , sive post transactam istam ad domus , supellectilia , vestimenta depuranda hodie maxime celebrari Aci-

1410 Hos autem proprie Epidemicos vocare solemus.

1411 Horum cognoscitur natura juxta regulas datas (11. 12. 13.)

1412 Lucem vero affundit Medico incognitum talem, et recens invadentem Epidemicum curaturo 1. Determinatio ejus ad speciem notam, cui maxime similis. 2. Observatio ejus, qui eo tempore, circa æquinoctium vernum, vel autumnale, frequentior. 3. Attentio ad phænomena spontanea, quæ mortem, salutem, meliorem, pejorem statum morbi præcedunt, comitantur, sequuntur. 4. Eorum, quæ inevitabiliter geruntur, ingeruntur, egeruntur, adjutamentum, vel nocumentum. 5. Comparatio (a) plurium eodem tempore decubantium simul. 6. Abstinentia ab omni auxilio, quod dubium, valde movens, mutans, tectum morbi genium obscurans.

1413 Ex quibus omnibus accuratissima attentione observatis indicatio nascitur.

dum nitricum, atque muriaticum, quæ jam à Boerhaavio fuerant alibi proposita ad emendandam Aeris qualitatem acrem putrefacientem. Aph. 88. Num. 3. et Aph. 605. N. 4. cum notis appositis videndi.

(a) Optandum foret ut Medici in eodem loco præxim exercentes convenirent in primis circa illa anni tempora, quibus epidemicæ constitutions mutari solent, ut collatis inter se invicem ob-

## CALCULUS.

**T**1414 **U**bi in corpore alicubi corpus quoddam plane insolubile (*a*) hæret, ei crusta

servationibus, communi consilio statui posset de utili medendi methodo. Circa rem istam extat eruditissima Parænetica Epistola D. D. Francisci Fernandez Navarrete Archiatri Hispani lectu dignissima.

6. Hippocrates dixerat : *in morbis, quos quis minime cognoscit medicamentum non vehemens potandum* (De locis in homine.) Sydenhamus suspenso pede procedebat . . nec sic potuit efficere ne unus, aut alter vita periclitaretur.

Inter innumeros Auctores, qui de Morbis epidemicis scripsere indicare sufficiet *Magnum Hippocratem* cuius sex libri Epidemicorum cum commentariis absolutissimis Francisci Vallesii sufficere poterunt. Inter recentiores Sydenhamus omnino consulendus : Ballonius, Ramazinus . . . videndi. Inter recentissimos Doctor Grant et Le Pecq de la Cloture eminent.

(*a*) Pueri frequentius calculo laborant. Fas- cium strictura, somni longiores, decubitus in cunis supinus . . ad id conducunt. Calculus certè corporis humani productum est, hincque ad regnum animale pertinet. Cauti debent esse Medici in calculo determinando ob insignes fraudes, quas scelesti empirici in hac re miscent. Præter loca hic memorata, in vesicula fellea calculi sæpe concrescunt (Aph. 950.), qui per ejus ductum dilatatum in intestinum duodenum venire possunt, et ex hoc, vel per alvum, vel per vomitum ex- cernuntur.

calculosa brevi se applicat , plus , minusve .

1415 Id si in Renibus fit (a) , à parte terrestri sanguinis exsiccata , fit Calculus Renum , maxime ortus ad ultimas arterias , specie arenæ .

1416 Qui sensim ibidem accrescens renem obstipat , carnem ejus suffocat , consumit , specie grumi , puris , carunculæ , pellium expellit , totumque tandem corrumpt , mictus sanguineos , purulentos , fœtidos excitat ; quin sæpe ulcerationem vicinorum (b) , post inflammationem creat .

1417 Idem quacunque causa ex loco originis (1415.) in pelvim , et inde in ureterem , hujus flexus , angustias , introgressum in vesicam delatus , sæpe intercipit urinas , cum dolore inflammatorio .

1418 Per Ureteres in vesicam delatus expellitur sæpe .

1419 Restitans in vesica crescit per orbis appositos .

1420 Manente semper nucleo rubro , (c)

(a) Ren sinister calculo magis , quam dexter est obnoxius , quia proxime ipsi adjacet flexura coli flatibus , ac fœcibus induratis sæpe distenta et renem comprimens . Decubitus supinus , mictio homine decumbente ut in podagrīcis , dorso foco obversio continuata . . nocent .

(b) Hæc est Nephrotomia spontanea artificiali hippocraticæ præferenda .

(c) Color iste non semper adest præcissè in vesicæ calculo . Calculi albi fragiliores , cine-

reliqui orbes , rubri , albi , cinerei , cærulei , perque gradus colorum notatur gradus insolubilitatis , ipsa Chemia detegendus .<sup>os</sup>

**1421** In vesica hærens inflammatio-  
nem ejusque symptomata , tum pressiones,  
attritus , ulcera , puris mictus , strangurias,  
obstructionem urethræ , impossibilem mic-  
tum nisi supino , febrim hecticam , tabem ,  
facit ; sæpe impellitur in urethram immo-  
bilis .

**1422** Calculus renum cognoscitur à  
dolore ibidem obtuso , à mictu sanguineo  
post motum ad strata lapidea , motum cor-  
poris vehementiorem , præcipue in curru ,  
à lapidibus sæpe emissis , carunculis , pure ,  
filamentis (1416.)

**1423** Vesicæ , ex dolore in reddenda  
urina , et post , et ante , ex urina stillici-  
dio tantum emissa , alba cum sedimento  
mucoso , crasso , multo , graveolente , pru-  
ritu ad caput penis , tenesmo in reddenda  
urina , manus per anum immisso digito , (a)  
Cathetere , et (1421.)

rei duriores , nigrantes ferruginei durissimi  
sunt. Hodierna chemia consulenda .

(a) No adeo facilis est diagnosis calculi in  
vesica hærentis , et exercitatissimi in arte sua  
lithotomi cespitant diu , et ingenui fatentur ali-  
quando errase. Hinc summa cura cognoscendus  
præsertim dum jam de lithotomia agitur. Inter  
alia signa *tactus* præsertim eminent in maribus ,  
quibus inter calculum et *digitum intestino recto*

1424 Calculus renum indicat sui imminutionem, expulsionem, redactionem eo, ut non lædat.

1425 1. Id fit victu humido, blando, tenui, modice salito; potu aquæ (a), vel huic simillimo; viribus vitæ.

1426 2. Alterum fit laxando vasa per balnea, clysmata, linimenta laxantia; lubricando vias medicamentis humidis, emollientibus, lenibus, oleosis blandis; apriendo per opiata et anodyna; propellendo ope medicamentorum prudenter diureticorum, motu moderato.

1427 3. Tertium, occurrente symptomatibus; inflammationi per venæ-sectionem et reliqua hujus remedia; dolori per emulsiones anodynæ; asperitati per oleosa, saponata, glutinosa.

1428 Neque enim de specificis lithontricticis (b) hactenus vera fides.

*immissum* nihil interponatur nisi intestini recti et vesicæ tunicæ. Tamen ad explorationem istam expertissimus Chirurgus necessarius est. In mulieribus immisso in vaginam digito et versus osa pubis pariter incurvato calculi exploratio tentatur. Ad hoc matrona experta et honestissima requiritur. Catheter fortasse pro mulieribus sufficiet.

(a) Copiosus potus aquæ calidæ, vel seri lactis statim ante prandium plurimum valebit.

(b) Hic enumerat van-Swietenius remedia celebriora, celebri Annæ Stephens non omisso, cui acerrimum Richard. Mead judicium apponit.

1429 Delatus in angustias pelvis, requirit eadem (1425. ad 1428.), maxime clysmata, fatus, Venæ sectionem.

1430 Per Ureteres ex rene in vesicam illapsos noscitur à nephritide antegressa, dolore(a) in via Ureteris subsecuto, horum cessatione cum signis (1423.)

Tamen remedium istud in suam simplicitatem redactum, ad aquam calcis nempe ex Cel. Whytt prodesse poterit. An ista aqua in ipsam vesicam per urethram injecta præstantior, præsertim post ipsam per aliquos dies potatam et lacte mixtam? Operatio ista vel per catheterem fit, vel per machinam Butteri, quæ est tubus satis profunde in urethram demissus ne regurgitet facile liquor injiciendus, neque tamen in cavum vesicæ penetrans, per quem urgeri debet aqua calcis satis notabili vi ut ingressus vesicæ resistantia superari possit. Remedium istud licet lithontripticum non sit, calculi tamen tormenta levat. Uva ursi, liquor, qui verno tempore vulnerato cortice ex *Betula* arbore prodit, cerevisiæ, lixivvia, aquæ thermæ carolinæ, vel aliæ similes, asparagi, terebinthina, mel aqua dilutum, cepæ, decoctum Avenæ, et alia à Cel. D. Lobb Tract. de Dissol. Calcul. ope alimentorum.. utcumque prodesse possunt, sed omnia incerta et lenta. Remedium specificum lithontripticum ab hodierna Chemia unice Deo favente expectandum. Tentamen aliquod jam hodie posidemus, Aqua nempe alkalina acido carbonico supersaturata *lithontriptrica* dicta cuius descriptio habetur in Pharmacopœa hispana pag. 128. edit. alteræ. An. 1797.<sup>ad</sup>

(a) Cavendum ne calculus in uretere subsist-

1431 Tum requirit citissimam (*a*) hinc expulsionem , ne crescens pejor fiat.

1432 Id fit iisdem fere mediis (1425. ad 1428.), sed topice applicatis : balneo oleoso , clysmate simili , injectione olei in vesicæ vias , affrietu hujus. (*b*)

1433 Tum succurrendum omnibus symptomatibus , prout hunc illumve morbum imitantur.

1434 Si in urethram immobilis impactus , injectio , fotus , suctus ; auriscalpium specillum , pressio lenis , vel et incisio (*c*)

tat. Cucurbitulae super viam ureteris applicatae calculum transferri faciunt , calculo in ampliorum locum translato ex Areteo , Galeno , et Aetio. Cordeus narrat se vidisse Medicum hispanum , qui à se ipso ita curabatur (Comment. in Hipp. Lib. I. De Morbis Mulierum. Cap. V.) Quandoque calculus manet in uretere , inflammatione nata suppuration sequitur , per quam exit.

(*a*) Sæpe contingit ægros subito levamine lætos credere se nihil amplius metuendum habere: severe tamen monendi sunt de omnibus secuturis malis si negligent remedia , quibus subita calculi expulsio intenditur , ut ea dociles exequantur.

(*b*) Calculi minores per urethram possunt expelli à natura arte adjuta. Præter remedia indicata situs corporis etiam instituendus. Homo vehementi dolore nephriticō correptus dum sedens inclinaret corpus antrorsum ut in terra scriberet , hoc situ calculum excrevit. La Hire , et Mery hæc suadent.

(*c*) Operatio ista , ut et punctura peripæci

applicanda requiruntur , aut punctura perinæi.

1435 Si major , quam excerni qui queat , lithotomia (a) educendus.

1436 Et in primis apparatu magno(b), utpote certissimo , arte Raviana emendato.

1437 Sciendum tamen omnem even-  
tum operationis semper dubium : propter  
singularia , vix ulla sagacitate previdenda,  
neque ulla arte sananda , incidentia. (c)

1438 In mulieribus vero , dilatando  
urethram , educitur : raro incidendo.

dexterimum operatorem exigit , et Medicum in  
ea dirigenda et etiam exequenda , si necessitas ex-  
postulet , absente Chirurgo , instructum et exer-  
citatum.

(a) Operatio ista solemnior , et fortasse horri-  
biliar inter omnes , quibus obnoxium est huma-  
num corpus. Hippocrates juramento asseveravit  
se numquam operationem istam effecturum , Ma-  
gistris ejus artis peritis id muneris concedens. (in  
Jurejurando.) Circa istam videndus Heisterus,  
Bell . . aliique recentiores.

(b) Dantur parvus et magnus apparatus , qui  
numero instrumentorum definiuntur. Vitandi om-  
nino vagabundi operatores , qui post numeratam  
pecuniam locum mutant brevi de curæ successu  
minime solliciti. Iterum commendo Auctores chi-  
rurgos in his presertim exercitatos.

(c) Hæc alta mente teneri , atque versari de-  
bent antequam operatio decernatur. Vota maxima  
fieri debent ut inveniatur remedium corpus istud  
hucusque indomabile dissolvens. Utinam ! Deus  
faxit !

1439 Si in collo vesicæ hærens impe-  
dit Urinam , Cathetere (*a*) repellendus.

## A P H O R. 1425.

*Olera hic bona.*

Borrago	Raparum
Chærophylla.	Sisari.
Chondrilla	Sonchus
Lactuca.	Scorzonera
Petroselinum	Taraxacum,
Radices Dauci	Tragopogon.

Hæc horumve quædam cum jure car-  
nium cocta pro victu optima.

Serum lactis	}	Animalium solo grami- ne pastorum.
Lac.		
Lac ebutyratum		

Plurimum valet usus horum tandiu  
continuatus , donec alvus fiat , ma-  
neatque aliquandiu laxa ; licet de-  
bilitas inde quædam successerit;  
hæc quippe felix sæpe solvit , vel  
inveteratum malum.

(*a*) Operatio ista in mulieribus facilis est à  
matrona experta perfici potest , imo ob sexus de-  
centiam debet.

## A P H O R. 1426.

*Clysm aperiens, laxans, molliens, calculum  
leniter propellens.*

R. Foliorum Malvæ , Altheæ , Ibisci,  
Mercurialis, Parietariæ,  
Brançæ Ursinæ , Atriplicis,  
singulorum manipulos quatuor.

Ex eodem Decocto fiant Clysmata , et etiam  
potulenta assidua: nam laxant, ape-  
riunt , molliunt , pellunt.

*Decoctum oleosum ad lubricandum.*

R. Amygdalarum dulcium numero triginta,  
Pistachiorum numero viginti,  
Seminis papaveris contusi uncias tres.

Excorticata , et contusa decoque cum  
Aquæ vulgaris quantitate sufficienti  
spatio dimidiæ horæ , tum fortiter,  
et diu contritis simul secundum ar-  
tem adde

Saponis veneti drachmas quatuor.

Glycyrrhizæ uncias duas.

Ebulliant denuo parum , dein Decocti li-  
bras tres exhibe.

Bibat uncias octo , quater de die vacuo  
stomacho , et dein parum leniter  
deambulet.

*Opiatum, anodynum, apperiens.*

R. Syrupi quinque radicum aperientium  
unciam unam, et semis.  
Laudani puri grana duo.  
Nitri puri grana viginti.  
Aquæ stillatæ Petroselini uncias sex.  
Misce. Bibat unciam semis omni hora.

*Propellens Diureticum.*

R. Cicerum rubrorum contusorum uncias  
duas.  
Seminis Petroselini unciam unam.  
Radicis Graminis  
Petroselini singularum un-  
cias quatuor.  
Foliorum Agrimonie,  
Virgæ aureæ,  
Veronicae maris, singulorum  
manipulum semis.  
Glycyrrhizæ unciam unam.  
Cum aqua decoctis spatio dimidiæ horæ li-  
bris tribus admisce  
Nitri drachmas duas.  
Bibat uncias duas omni hora.

**P**ost annum (b) 1493 in Regno Neapolitano, mox Gallico Exercitu, dein per totam Europam LUES VENEREA orta adhuc durat.

1441 Quæ generatione, lactatione, contrectatione, saliva, sudore, liquido genitali, exhalatione, contagiosa (c) est.

1442 Et qua parte contrahitur, primo se manifestare solet. (d)

(a) Sauvagesius Class. X. Ord. V. Gener. 24. *Syphilis*. Species: venerea, polonica, indica. De his duabus dubitat Cullenius.

Cullenius Class. III. Ord. III. Genere 85. *Syphilis*. Character: Morbus contagiosus, post concubitum impurum et genitalium morbum, ulcera tonsillarum; cutis præsertim ad marginem capillitii, papulæ corymbosæ, in crustas, et in ulceræ crustosa abeentes; dolores ostocopi; exostoses. Species unica, nempe syphilis venerea.

(b) Antiquitas seu novitas hujus morbi curiositati potius pascendæ, quam utilitati faver.

(c) Fœtus ipse in utero materno potest jam à parentibus infectus esse. Ut famæ ægrotantium consulatur, et pax inter conjuges servetur, Medici prudenti consilio hanc causam tamquam probabilem saltem admittunt. Idem dicendum de aliis causis præter *liquidum genitale*, quod via est luem communicandi omnium frequentissima, atque certissima.

(d) Hoc ipso innuitur probabile esse miasma

1443 Neque à non infecto, vel non infecta eodem hoc morbo, unquam orta deprehensa est.

1444 Pars infecta (1442.) diverso quidem tempore pro varietate loci infecti, materiæ contagiosæ, gradu caloris excitantis, temperiei diversitate, pruritu, calore, leni inflammatione, pustula subalba, squamosa, erodente, mucosa, insanabili vulgatis remediis, cognoscitur primo.

1445 Hinc crescendo vicina primo, et plerumque externa inficit similibus pustulis ulcerosis, dehinc interna, labia, ginvivas, palatum, linguam, fauces, nasum, cerebrum, pulmones, hepar, lienem, uterum, (a) &c.

1446 Quæ stillant saniem mucosam, lentam, subviridem, carnem erodentem,

venereum fervidissima venere actuosum redditum posse communicari corpori absque ulla læsione sensibili partium genitalium, per quas lues contrahitur, et per longum satis tempus delitescere. Turner ad decenium extendit. Hoc nimium est. Astruc fere pro regula generali contrarium statuit. Videatur utilis hujus doctrina Lib. II. de Morbis vener. Cap. 3. Si nulli morbi locales praecesserint neganti opinioni adbærescendum...

(a) Hujus mali sedes collocatur in illo humore pingui corporis humani, qui membranam cellulosa replet; cum autem hæc totum pervadat corpus nulla pars ab eo liberatur.

Hodie in parte lymphatica sanguinis, et postius in systemate glandulari mali sedes collocatur.

in latum magis , quam profundum proser-  
pendo.

1447 Hinc in veretro externo cancri(*a*) ;  
in interno gonorrhœa ; in vagina fluor  
dictus albus.

(a) Ulcuscula venerea *cancri* vocantur ob  
contumaciam. Hæc irritata Phymosim atque Pa-  
raphymosim producunt. *Gonorrhœa* idem est ac  
genitale profluviū. Aptius dicitur *Blenorrhœa*  
quoniam mucosus humor , non materies semina-  
lis excernitur. Hæc varia est pro variis locis quæ  
occupat ; quæ majorem , minoremve curationis  
difficultatem simul demonstrant perito Medico.  
Simplicior est illa , quæ ab inasueta potatione ce-  
revisiæ , ab immoderato usu veneris etiam puræ ..  
oritur. Sed hæc venerea non est , quæ primo in  
cellulis glandis et corporis cavernosi figitur ; et  
ultima in infectione prostatarum consistit. Si irri-  
tatio est vehemens et in erectionibus dolorificis in-  
torquetur coles tunc *cordata* nominatur. *Gonor-  
rhœa artificialis* à Med. D. Swediaur excitata  
aliquot guttulis Alkali volatilis cum aqua pura  
in urethram injectis , pro inventione ingeniosa ju-  
dicanda. An pro gonorrhœa vera in testes , in-  
guina , urinæ vias .. retropulsa , revocanda pro-  
desse possit præ materiæ venereæ in urethram ad  
ejus inoculationem ope cereoli introductæ ab eo-  
dem Auctore apparatu magno et emphatico stilo  
confiden- tissime propositæ? Istud utrumque me-  
dium severissime pensitandum (Vid. Cullen. Elem.  
de Med. practica , N. 1777. y 79. ) *Fluor albus* ab  
infecto solius vaginæ cavo pendens potest vocari,  
distinctionis causa à Fluore albo naturali , *prima  
species muliebris Gonorrhœa*. *Gonorrhœæ vene-  
ræ* in mulieribus variæ etiam sunt.

1448 Tum glandulæ inguinales tumentes utroque in sexu , bubones (*a*) venerei , communicato per lymphatica resorbentia contagio.

1449 Et in viris membra inflammatio ingens , brevi in gangrænam soluta.

1450 Tum testes tumidi , dolentes, sæpe in ulcerationem abeuntes , inflammatorio tumore ad vesiculas seminales orto.

1451 Ut et carunculæ (*b*) , stranguriæ, erosio urethræ , prostatarum , colli vesicæ, vasorum seminalium ; similia Mulieribus.

1452 Hinc fertur in membra , cum dolore nocturno medios artus occupante , ut et flexurarum rigiditate.

1453 Unde in Cartilaginibus , nasi maxime , et palato , erosio.

1454 Mox media (*c*) ossa occupans caries producit præcipue in crano.

(*a*) Bubo in inguine signum dat recepti in venas contagii. Felicitate infrequentí totum virus hic hæret. De totius corporis infectione saltem in isto casu suspicandum.

(*b*) Molestissimum certe malum *caruncula* est per cændlulas unice fere curandum. De his Franciscus Diaz Chirurgus regius hispanus olim amplissime tractavit.

(*c*) Dolor in hoc morbo media ossa occupat, sensim procedit , et ad attactum non augetur. Ita à dolore arthritico distinguitur , qui tactum minime fert quin augeatur , brevi exoritur , et in articulis , vel juxta illos consistit.

1455 Tumque superpositæ partes in apostemata assurgunt pessima.

1456 Quin et in tophos duros elevat (a), dolentes obscure , sensim acutius , tumque et superposita corruptentes.

1457 Unde facile constat de signis, quibus morbus hicce cognoscitur.

1458 Gonorrhœa curatur , balneo , fotu, injectione, (b) purgatione mercuriali sæpe repetita , emulsionibus, balsamicis , abstinentia ab omni cibo , potuque lauto , et ad venerem stimulante , victu contra potuque tenui.

1459 Persistendum in curatione , do-

(a) Tumores isti molles quandoque sunt , et *Gummi* , vel *Gummata* vocantur. Ulterius duriores *tophi* ; ossei penitus exostoses.

(b) Remedium istud caute administrandum. (Vid. T. II. in Methodo formularum pag. 466. 7.) Injectio mucilaginosa cum tantillo Mercurii dulcis , Æthiopis mineralis , seu Mercurii gummosi plenckiani in Gonorrhœa , in qua ulcer in uretrha timetur et resorptio , utilis valde esse poterit. *Purgationes mercuriales* in Materia medica propositæ valde fortes sunt , et aliae mitiores pro nostratisibus substituendæ. Tamarindi , Folia Sennæ . . . sufficient. *Balsamica* mitiora elegantur. Acria diuretica , inter quæ cantarides etiam numerantur , nocentissima. Venæ-sectio à Boerhaavio omissa , et à Sydenhamo non probata à Cel. Astruc valde suadetur ab ipso initio. Circunstantiæ judicabunt. Dolor , tensio , dysuria , gonorrhœa sicca . . . illam indicant. Remedia hic proposita melius post ipsam operantur.

nec nihil (*a*) amplius insoliti ex pene extillet, vel in urina se manifestet.

1460 Inflatio membra virilis tollitur cataplasmate anodyno, discutiente, emolliente, fotu simili, venæ sectione larga, et dictis (1458.)

1461 Bubo Venereus tollitur dissipando (*b*) per Emplastra singularia; suppurando, si hæc non prosunt; et aperta depurando.

(*a*) Post optime curatam gonorrhœam potest aliquis fluxus remanere, qui si viscidus et instar albuminis ovi sit, innocens est, minimeque contagiosus, præsertim si præter dicta frictiones mercuriales camphoratae perinæo, genitalibus, ac inguinibus applicantur. Orificia ductuum mucosum humorem in urethram eructantium dilatata eum evomunt.

(*b*) Dissipatio, sive *resolutio* bubonis metuenda ob periculum infectionis sanguinis à materia in illa parte remanente, vel et ob transmutationem hujus in massam humorum generalem per vasa absorventia ex his glandulis nata, et in ductum thoracicum tendentia. Inter resolventia potiora numerantur frictiones mercuriales in parte interiori femorum, crurumque applicatae, et in ipso initio repetitæ pro dissipatione bubonum inguinum, et in eadem parte interiori brachiorum, in bubonibus subaxilaribus: ex his enim superficiebus oriuntur vasa lymphatica in has glandulas abeuntia. Venerea Lues, qua infectus est humor bubonem faciens ista methodo corrigitur, et si forte infectio aliqua in humorum massam transeat, eodem remedio continuato sanabitur. Ad maiorem securitatem aliqua intus præparatio

1462 Testis tumidus fovendus similibus (1460.) : si urget , educendus sanguis ex brachio ; Emplastro quoque scroto applicato levandus ; donec redierit in statum plane naturalem.

1463 Pustulæ , et Cancri dicti Mercurialibus erodendi ad vivum (a) usque , tum sensim lenioribus sanantur iisdem.

1464 Semper autem utendum iisdem fere internis , ac (1458.) præscriptis. (b)

1465 In mulieribus (c) fluor venereus curatur iisdem (1458.)

mercurialis sumenda , vel saltim decoctum aliquod antisiphiliticum. Hæc certe via brevior est, atque commodior , utinam salubrior et securior. Emplastrum dissipans in Materia medica propositum nimis stypticum atque repellens est. Emplastrum de Ranis cum Mercurio , seu *Vigonis* sufficient. Resolutione deficiente et tumore in suppurationem inclinante , ista propriis remediis procuranda.

(a) Pustulæ istæ , et cancri , seu ulcera , ut et verrucæ caute sunt tractanda. In venere recenti leniora rodentia sufficiunt : in inveterata fortiora. Mercuralia interna seu externa jam in hoc casu necessaria sunt. Lotio , quæ ex Mercurio sublimato et aqua calcis vivæ proponitur valentissima est.

(b) Remedia præscripta hic non sufficiunt. Interna remedia pro his sunt necesaria. An sublimatus corrosivus præstantior ?

(c) Agendum hic esset de Lue ista mulieres in omni statu afficiente , et de methodo curacionis earum in statu graviditatis , et etiam puerorum tempore lactationis. Breviter dicendum gra-

1466 Sed præcipue fotibus detergentibus validis , et mercurialibus.

1467 Ubi vero pustulæ ubique disperse , dolores artuum , nocturni labores , bubes magni , torturæ ossium , sæpe tole-

viditatem non obstarre sanationi : Mercurium ne-  
dum matrem gravidam sanare , sed etiam foetum  
ipsum lustrare posse : pueros lactationis suæ tem-  
pore curationi sumitti deberi , quod in Orphano-  
trophiis pie atque prudenter exerceatur : Nutrices  
infectas debere etiam curationem tolerare. Du-  
bitari posset num istæ sanationis tempore alere  
possent infantes infectos etiam : sanos enim ne-  
quaquam possunt. Si virus per lactationem com-  
municatur minime lactare possunt et ita revera  
communicati asserit Boerhaavius , et jam dudum  
asseruerat etiam Ximenezius nostras , qui de vene-  
reæ Luis causa loquens ait : *sive ea in semine (quod  
per concubitum fit) sive in lacte aut saliva (quod  
interdum accidit) sit concepta.* Ista porro , sequitur,  
primam præcipuamque sibi tamquam sedem usurpat  
tentam impuramque pituitam . . Ita vir iste doc-  
tissimus æque ac eloquentissimus (Inst. Medic.  
Lib. IV. Cap. 26. pag. 445.) Cel. Medicinæ Doc-  
tor Rossens consulit nutricem sanam , hujus rei  
consciam , mercurium frictionibus admittere ut  
lacte suo mercuriali reddito sanetur infans. Po-  
terit etiam hoc assequi lacte capræ cui frictiones  
mercuriales adhibeantur (Traite des Maladies des  
Enfans , Chap. XXVII. pag. 560.) Maximilianus  
Stoll in Prælectionibus in diversos Morbos chro-  
nicos Tom. I. in Methodo medendi Lui univer-  
sali pag. 119. Methodum istam proponit , et  
approbat.

rata gonorrhœa , docent adesse LUEM ,  
salivatio (a) Mercurialis requiritur.

(a) Hucusque de Morbo isto externo , seu topo fuit actum , qui est velut primum incipientis Luis rudimentum. Nuc de ipsa Lue , præsertim interiora loca occupante agitur.

Lues ista varios gradus obtinet. Mitissima vegetabilibus antisyphiliticis debellatur : gravior salivationem exigit ope mercurialium. Circa salivationem , aliqui nimiam exigunt , alii nullam ut Goulard , Chycoineau . . . qui impense laudavit methodum *per extinctionem* vocatam , qua Mercurius in corpore retineri intenditur , ut constantius et securius operationem suam exerceat. Media via tutissime incedendum. Circa Mercurialia dubitatur num exterius per inunctiones , num interius per præparata , vel ipsum Hydrargirum purum administranda. Celeberr. Astruc frictiones mercuriales absolute præfert , præparata despicit. Boerhaavius , van-Swietenius . . . contrarium suadent. Aliqui plantis pedum , unde indefinita vasa lymphatica oriuntur , unice frictiones adhibent. Chirurgus Anglus Clare gingivas et labia unicè , vel præsertim pulvere Calomelanos fricabat. Cel. Astruc omnino consulendus. Hydrargiri quantitas in unguento cui camphora non ut salivationis præcautiva , sed ut antivenerea addita , duratio sanationis , Anni tempus atque præparatio per laxantia , sanguinis emissionem , ptisanas , lac , serum , balnea . . . quæ præcipua et generaliora judicio Medici , qui huius operationi præest relinquenda.

Nulli morbo major fortassis arcanorum numerus venditur , quam isti. De omnibus absdubio verificatur quod Chirurgus *Belloste* de suis pilulis

1468 Quæ ut fiat, aliquot diebus prius impleatur æger ptisana.

1469 Tum utatur quolibet bihorio dosi apta Mercurii dulcis. (a)

1470 Simulac anima foetere, Gingivæ dolere, dentes erigi videntur, attendum an pergere, consistere, vel inhibere deceat.

1471 Si expuitur ad libras tres, vel libras quatuor, (b) quolibet nucthemero, sufficit.

1472 Si minor, excitandus fluxus erit, stimulo eodem.

1473 Si major, quam vires ferre queant, sistendus erit leni clysmate, vel purgante, vel sudorifero.

1474 Si ruit vis Mercurii ad alvum (c), opus erit opiatu, et diaphoretico.

1475 Ubi os, gingivæ, fauces, nimis

celeberrimis tectis habet, ut nempe meliorem redideret inopem familiæ suæ conditionem.. . quam sperat sustentatum iri pilulas suas venditando. Eadem semper est arcanorum origo, et unicus scopus, LUCRI SPES ait hic van-Swieten.

(a) Præparatio ista lenis certe est. Dosis hujus, vel alterius similis apta debet esse. Robusti majorem quam debiles sustinent. Qui curæ salivationis præest prudenter determinabit.

(b) Quantitas ista sputi prudenter etiam determinanda. An sputatio ista ad longævitatem se nibus conciliandam conduceat? (Inst. Med. §. 1062.) van-Swietenius dubitat.

(c) Effectus Argenti vivi proprietor est per os,

tument, dolentve, utendum molli, blando, liquido gargarismate, vel collutione, vel (1473.)

1476 Pergendum (a), donec omnia symptomata evanuerint, vulgo per xxxvi. dies.

1477 Tum subinde leni dosi mercuriali utendum per alios xxxvi. dies (b), ut lenissimæ sputationis maneat vestigium.

**saliva** olida copiosa excreta. Si fluit ad alvum cum ventris tormentibus molestissimis corrigendus.

(a) Prudenter definiendus salivationis limes. Corporis emaciatio, ulcera venerea depurata sat, gonorrhœa correcta licet non penitus evanida, cessandam salivationem indicant. Agirtæ ista non intelligunt.

(b) In convalescentia diæta severissima imperanda, et mercurii loco decocta antivenerea fortasse sufficient. Van-Swietenius agit hic de usu Mercurii sublimati corrosivi, quo jam utebatur antequam epistolam à Doctore Sanchez accepisset. Remedium istud energicum prudenter à prudente Medico administrandum, ita dictante Boerhaavio (Elem. Chem. Tom. II. Proc. 198.) Agyrtæ ista non curant. Agyrtas (ait hic van-Swieten) nocivam hominum foecem severe cohibui, vel expuli quantocytus ne fallerent imprudentes dum temperariis ausis impune grassantur in Genus humanum. Remedium istud aqua multa dilutum potest etiam lotionibus administrari, et ita fecit jam olim Pet. And. Mathiolus. Balnea antivenerea hoc remedio etiam possunt institui et ista Beaume proposuit. (Chymie experiment. T. II. P. 418.)

1478 Neque ullum (*a*) aliud remedium tum ad sanitatem requiritur.

1479 Tophi minuuntur (*b*) Emplastris

(*a*) Nihilominus post asumptum hydrargirum, ne nimium istud repetatur, aliqua alia proponenda auxilia, quibus possit miseris succurri. Venationes, rusticani labores, macilenta diæta aliquos curaverunt constanter exercitata. Ubi Argenti vivi efficacia in curanda lue ista deficit, Guajacum forte valebit, quod vel in decocto meraco, vel ita dilutiori ut instar thermalium aquarum asumatur ipsis Morgagni, et Valsalva suadentibus hauriendum. (Instit. Med. §. 1190. ad 1202. et Not.). Zarzæparrillæ radicis decoctum, cui par Smilax aspera hispana, cum Guajaco conteredit. Radix Chinæ olim laudabatur tamquam incomparabile remedium ad luem venereum debellandam. Fallopius radicem istam laudat quod ex ejus usu valde pinguis fiat homo. Utilitatem istam testatur Alpinus (Medicina Ægyptior. lib. III.) in mulieribus ægyptiis. Asiatici Populi in Gynæceis suis obessulas mulieres præferunt. Radices Baradanæ vilioris sunt prætii, sed æqualis, imo majoris virtutis præ China. Cicta, Aconitum, quantumvis plantæ venenatæ, ab Storckio laudantur. Lobeliae radix in infuso seu decocto adeo valere creditur ut *syphilitica* denominetur.

(*b*) Solutio Mercurii sublimati corrosivi, qua interne datur, diluatur quadruplo aquæ puræ, et externe applicetur fomenti instar. Si ne sic quidem cedant, os suppositum cariosum erit et dissisis integumentis illa curatio adhibenda, de qua dictum in cap. de Morbis ossium. Omnia qua hucusque dicta sunt intelligenda de Lue syphilitica acuta, expressa, suis signis characteristicis, enuntianda et declaranda, atque remediis propriis

(1461.) ; vel , apertura facta , osse abraso.

hydrargiro præeunte radicitus extirpanda. Præter istam Luem perspicuam , accidit quandoque ut clanculum se introducat, ut innuitur (Aph. 1442.) et etiam alia observatur Lues, quæ *chronica, oculta, degenerata, larvata, et complicata* nominatur. Hæc maximam attentionem , sagacitatem atque scientiam in Medico requirit. Lues prægressa et fortassis non bene sanata , pertinacia morborum debitis remediis minus ausculantium, aliquod symptomata lui venereæ licet ex longinquo respondens . suspicionem incutunt. Antonius Nunnes Ribeiro Sanchez de morbis istis exacte tractavit in *observations sur les Maladies venerieenes* , quæ utinam in latinam linguam convertantur.

Aliqua denique circa Luis venereæ prophylaxim dicenda. Hæc inter desiderata hominum perditorum reponenda : hinc dicam cum Josepho Jacobo Plenck , cuius *Doctrina de Morbis venereis* maxime commendanda (Viennæ An. 1787. edit. 2.) „abstinentia à bono venereo est unica adhuc prophylaxis à venereo malo“ (pag. 179.) Placet in gratiam horum perditorum, quos non terret divina ultio , effigiem hortorum custodis SYPHILIS versibus virgilianis à Fracastorio depictam exhibere:

Jam nimium fidentem animis, nec tanta timentem,  
Invasit miserum labes , qua sævier usquam  
Nulla fuit; nulla unquam aliis spectabitur annis.  
Paulatim ver id nitidum , flos ille juventæ,  
Disperiit , vis illa animi ; tum squallida tabes  
Artus (horrendum) miseros obduxit , et alte  
Grandia turgebant fœdis abscessibus ossa.  
Ulcera ( Proh Divum pietatem ) informia pulchros  
Pascebant oculos , et diæ lucis amorem;  
Pascebantque acri corrosas vulnere nares.

A P H O R. 1458.

*Balneum ex antisepticis ad partes affectas  
à putredine servandas, pro Viris.*

R. Foliorum retentium Rutæ, Scordii,  
Alliariæ, Malvæ, singulorum manipu-  
los duos.

Cum aqua decoctis et expressis, ad libras  
duas admisce

Saponis veneti drachmam unam.

Spiritus vini communis drachmas sex.

In hoc tepido virga, et scrotum immér-  
gantur ter, quaterve de die spatio  
dimidiæ horæ; dein panni lanei  
præscripto Decocto immersi, et  
expressi, omni applicentur Pubi,  
Scroto, Perinæo.

Fiant ex iisdem injectiones.

Nullum credo (ait van-Swieten) potentius  
esse effrœnis libidinis antidotum, quam si quis  
miserrimas illas vulgivagæ veneris victimas, in  
nosocomiis ad hujus morbi curam institutis col-  
lectas contempletur attentius.

„Hæc omnia nunc dixi AUDITORES non ut  
„pravæ libidini, non ut avaritiæ vobis sint, sed  
„ut boni Medici misero Generi humano prodesse  
„possitis.“ Ita claudit suam Tractationem (licet  
minus elegantem) *de Lue aphrodisiaca Boerhaa-  
vius*, cuius lectionem tironibus commendamus.

*Injectio detergens ad Uretram ulcere  
venereo erosam.*

- R. Mellis Rosarū unciam unam.  
 Aloes purissimi grana decem.  
 Salis Ammoniaci grana quatuor.  
 Aquæ stillatæ Fœniculi uncias sex.  
 Misce. Pro injectione.

*Purgatio.*

- R. Radicis Jalappæ drachmam unam.  
 Mercurii dulcis scrupulum unum.  
 Fiat pulvis. Pro una dosi.  
 R. Scammonii grana duodecim.  
 Radicis Jalappæ grana decem et octo.  
 Mercurii dulcis grana viginti quinque.  
 Misce. Ut prius.  
 R. Pilularum cochiarum majorum grana  
 quadraginta.  
 Præcipitati albi grana tria.  
 Misce accurate. Fiant pilulæ numero qua-  
 tuor.  
 Summa aurora devorandæ.

*Emulsio refrigerans.*

- R. Seminum quatuor frigidorum majorum,  
 et minorum singulorum drachmas tres.  
 Cum Aqua hordei fiat emulsio, cuius unciis  
 viginti duo admisce  
 Nitri drachmam unam,  
 Syrupi Diacodii unciam semis.

*Pilulæ balsamicæ, per epicrasim purgantes.*

R. Terebinthinæ vulgaris unciam unam.  
Rhabarbari drachmas quatuor.  
Glyzyrrhizæ siccæ quod suficiat ut fiat  
massa ad formandas Pilulas.  
Capiat unam omni hora granorum quatuor.

### A P H O R. 1460.

*Cataplasma discutiens, anodynum.*

R. Florum Sambuci, Meliloti,  
Chamæmeli, Papaveris erratici,  
Altheæ, singulorum uncias tres.  
Cum Lacte ebutyrato coctis admisce  
Farinæ Lini unciam unam,  
Olei Lini unciam semis,  
Sipiritus vini Theriacalis unciam  
unam.  
Fiat Cataplasma.

### A P H O R. 1461.

*Emplastrum dissipans.*

R. Florum sulphuris uncias duas,  
Mercurii nigri drachmas duas,  
Sacchari Saturni drachmas tres,  
Emplastri de Meliloto,  
Cumino, Galbano, Am-  
moniaco, Sagapeno singulorum  
unciam semis.

Misce. Fiat secundum artem emplastrum  
cum aluta applicandum.

R. Florum Sulphuris drachmas quatuor,  
Sacchari Saturni drachmam unam,  
Picis Sutoriae uncias duas.

Misce. In eosdem usus.

*Cataplasma suppurans, ad bubonem  
venereum.*

R. Ficus molles, maturos ad libram se-  
mis.

Mellis recentis uncias duas.

Galbani in vitello ovi soluti unciam  
unam.

Fiat secundum artem cum aqua coquen-  
do Cataplasma.

*Pulvis depurans, ad bubonem venereum  
apertum.*

R. Pulveris foliorum siccatorum scordii  
uncias duas.

Vitrioli albi drachmas duas.

Aloes drachmam unam.

Misce. Fiat Pulvis. Aperto ulceri, deterso  
prius, inspergendus ad depurandum.

*A P H O R. 1462.*

R. Emplasti de Meliloto,  
Diapompholigos, singulorum quod  
suficiat.

R. Emplastri Vigonis cum Mercurio dupli-  
cato quod suficiat.  
Extensem ad alutam exhibe.

## A P H O R. 1463.

R. Mercurii sublimati drachmam unam.  
Aquæ calcis vivæ uncias duas. Misce.  
Hac Aqua tangantur lenissime una vel al-  
tera vice.  
Dein fiat aucta copia aqua calcis sensim  
lenior.

## A P H O R. 1466.

*Fomentum detergens, antisepticum.*

R. Foliorum recentium Scordii,  
Absinthii, Alliariæ, Rutæ, Rorismari-  
ni, singulorum manipulos duos.  
Florum recentium Tanaceti,  
Centauræ minoris,  
Cardui benedicti,  
Singulorum manipulum unum et semis.  
Radicis Imperatoriæ,  
Hellebori nigri, singulorum  
unciam unam.  
Cum aqua decoctis libris quinque admisce  
Saponis veneti unciam unam et semis.  
Hoc fomento pudenda depurentur.  
R. Mellis Rosarum uncias quatuor,  
Mercurii sublimati corrosivi drachmam  
semis,

Aquæ stillatæ rutæ uncias decem.  
Misce. In eundem usum.

## A P H O R. 1468.

*Decoctum diluens, aperiens, ante salivationem sumendum.*

- R. Radicis Graminis, Chinæ, Sarsaparilla, singularum uncias duas.  
Hordei mundati drachmas sex.  
Glycyrrhizæ unciam unam et semis.  
Cum aqua decoctas spatio duarum horarum libras tres exhibe.  
Bibat de hoc Decocto uncias quatuor omni hora diei.

## A P H O R. 1469.

*Bolus sialogogus.*

- R. Mercurii dulcis triti grana novem.  
Fiat una dosis.

## A P H O R. 1473.

*Clysmæ purgans, salivationis impetum minuens.*

- R. Foliorum Sennæ unciam unam.  
Agarici drachmas quatuor.  
Seminis carthami drachmas duas.  
Radicis Jalappæ drachmam unam.  
Cum aqua decoctas uncias duodecim injice pro clysmate.

*Haustus purgans in eundem finem.*

- R. Diagrydii grana quindecim.  
 Syrupi Rosarum solutivarum cum sen-  
 na drachmas sex.  
 Misce. Pro una dosi.  
 R. Diascordii Sylvii grana viginti quinque,  
 Fiat una dosis pro sudorifero,

## A P H O R. 1474.

*Pulvis anodynus, ad fluxum alvi à  
salivatione cohibendum.*

- R. Laudani puri grana tria.  
 Corali rubri drachmam unam.  
 Sacchari perlati drachmas duas.  
 Misce. Fiat pulvis tenuissimus dividendus  
 in sex doses æquales.  
 Capiat unam omni quadranti horæ, donec  
 sedentur dolor Alvi, et Diarrhoea.

*Vel Mistura anodyna et diaphoretica in  
eundem finem.*

- R. Diascordii Sylvii drachmam unam.  
 Syrupi Diacodii drachmas duas.  
 Aquæ stillatæ corticis citrei uncias quatuor.  
 Misce. Capiat unciam semis omni qua-  
 drante horæ, donec sedentur modo dicta.  
 R. Theriacæ Andromaci uncias duas.  
 Extensam ad alutam applica Abdomini  
 in usum eundem.

APHOR. 1475      Vid. 1426.

## RACHITIS. (a)

1480 **M**edio fere labente seculo decimo septimo, in mediterraneis Britanniæ primo, deinde per totum hoc regnum, denique et per omnia Europæ borealis loca, ortus est morbus novus (b), hodie frequentissimus, qui *Rachitis* appellatur.

1481 Infantibus ille nunquam (c) connatus, raro ante nonum ætatis mensem, vix unquam post biennium vitæ, sed spatio hoc medio frequens, accidit.

(a) Sauvagesius Class. X. Ord. IV. Gener. 18. *Rachitis*. Species: nodosa seu incipiens Boerha. (Aphor. 1485.) britanica seu confirmata Glissonii, strumosa, elephantiaca, à castratione.

Cullenius Class. IV. Genere. 83. *Rachitis*. Character: caput magnum anterius maxime tumens; genicula tumida, costæ depressæ; abdomen tumidum; cætera marcescentia. Species eædem: sed à castratione orta pro morbo haberri non potest.

(b) An *Rachitis* morbus novus sit, an Antiquis cognitus, dubitatur. Dicitur *Rachitis* quoniam Spina, quæ *Rachis* græce dicitur, vel debilis, vel deformata in hoc morbo apparet semper. Glissonius una cum aliis septem Medicis omni cura hunc morbum examinaverunt. Utinam in omnibus morbis ingruentibus simile quid fieret.

(c) Glissonius et Socii hunc morbum aliquando connatum observaverunt, et ideo letalem pronuntiavere, addentes: Quo citius à partu evolvitur periculosior censendus.

1482 Maxime autem infestus habetur proli, cuius parentes (*a*) laxa et debili conditione corporis; otiosi; molles; opipara mensa, cibis pinguibus, saccharatis, paucō pane, vinis dulcissimis, et aqua multa calida, usi; morbis chronicis, venere, ætate, exhausti, Tabi in primis venereæ, et iteratis gonorrhœis, multum obnoxii; effœtam ferme genituram impenderunt generandis liberis.

1483 Ubi vero nutricem (*b*) iisdem affectam malis nactus est, magis augetur infantι præcoci incremento morbus.

1484 In primis si frigidius, humidiusque, tractatur, aquosis, mucosis, crudis

(*a*) Minime potest dubitari parentes ita constitutos inertes proles procreare, matres præser-tim, si præter ista scrophulosæ sint. Conformatio originalis pueri: status particularis fluidi nervei tamquam causæ proximæ proponuntur, in quas prædicta parentium constitutio indubitato influit. *Saccharata*, et *aquosi potus* unice ob abusum noxia. *Tubes venerea*, licet à Rachitide diversa sit, proles debiles, effœtas, languidas producit, rachitidi præprimis obnoxias.

(*b*) Lac Labes venereum, scorbuticam, scrophulosam, cancrosam admittere valet. Infelix pusio! Lues scrophulosa per tumores in collo; labium superius et columnam nasi tumidam, faciem floridam, cutim levem, tumidum abdomen indicatur. Super ista lue docta extat Dissertatio à D. Baunes conscripta, ejus compendium apud Cullenium hispanum in Num. 1759. videri potest.

horæis, piscibus, farinosis azymis, et saccharatis, pascitur; febre autumnali intermittente, morbo chronicō, vel acuto, diu laboravit, à scabie, herpete, ulceribus, suppressis male curatus; balneo, fotu, linimentis, unguentis, vaporibus humidis, enervatus; perpetuæ quieti in sella perforata addictus, nudato inferius corpore. (a)

1485 Cognoscitur morbus hic incipiens in his, qui nondum incedunt, 1. ab ætate. 2. à causis prægressis. 3. à fratribus, sororibus, simili (b) malo captis. 4. à tumore flaccido capitis, et faciei. 5. à cute laxa. 6. à tumore abdominalis. 7. à macilentia reliquarum partium, in primis musculorum. 8. à protuberantia epiphysium ad juncturas radii, ulnæ, humeri, genu, tibiæ, fibulæ. 9. à magnitudine arteriarum, et venarum jugularium, dum reliquæ decrescunt.

(a) Rachitis hic descripta illa est absdubio, quæ pauperum tabernas pulsat. Pueri generosi aliter educantur. Hi rachitici à parentibus præsertim hæreditatem istam infausto nanciscuntur.

(b) Mater scrophulosa undecim proles Rachiticas peperit ex J. Petr. Buchner in Disputat. Med. de *Rachitide perfecta*, et *imperfecta*. Dubitatur an morbus iste contagiosus sit? Glissonius non videtur multum alienus fuisse à contagii suspicione. In ultimo stadio, quo putredo, fœtor, alcali... dominantur, valde suspectus est. Ossa, præsertim *epiphyses* in morbo isto afficiuntur. Osteogenia hoc ex Physiologia advocanda. Chemia

1486 In illis vero qui jam ambulare incepunt noscitur adveniens malum. 1. ex omnibus antecedentibus. 2. ab incessu tardiore, infirmo, prolapsu, instabilitate, transeunte in assiduam sedendi voluntatem, mox abitaram in decubitum perpetuum, tandemque in impotentiam motus quorumcunque artuum, collo flexili, capite nutante. 3. ab ingenii præmaturo acuminè (a), sensuum sincero exercitio, appetitu et digestione ferme illæsis.

1487 Adultior (b) morbus exhibet magnum caput, suturis amplis interstinctum; Thoracem ad latera compressum, ad sternum in acutum assurgens, cum nodosis recens etiam consulenda: præsertim *Hydrologia corporis humani* Jos. Jac. Plenck, quæ *Doctrinam chemico physiologicam de humoribus et etiam ossibus corporis humani* exactissime atque recentissime pertractat (Edit. Lovan. An. 1797.)

(a) In aliquibus stupiditas observatur à sero extravasato in calvariæ cavo. Morbus iste cum hydrocephalo frequenter complicatur. Viscera abdominalia, licet mole aucta, satis sana manent; hinc non mirum quod illorum actiones, nempe appetitus et digestio in morbo incipiente saltim maneant satis integra.

(b) Morbus iste oritur circa sextum ætatis mensem, et ad tertium annum ut plurimum perseverat; rarius ad sextum, rarissime ad duodecimum, et amplius rarum est, totam vitam comitari. Ita Sauvagesius. Inter effectus seu morbos, quos creat maximi sunt *spina ventosa*, seu dolor

costarum extremis ; abdomen protuberans ; cariosos cum nigritudine dentes ; quæ sensim aucta sœpe in omni vita perniciosos similes morbos creant , maxime spinam ventosam , et cariem ossium.

1488 Toto interim decursu mali lenta febricula depascitur corpus usque in mortem ; tumque cadaver omnes fibras , membranas , vasa , viscera , mollia , flaccida , humores solutos (*a*), mucososque , exhibet.

Quare causa proxima mali cacochymia

profundus (ostocopus) in ossibus tubulosis ut tibia , peronæo , fémore , à medulæ et periosteï interni resione oriundus cum ossis ipsius intumescentia , et exostosi ; et *caries ossium* , seu eorum exulceratio , corrosio , sive corruptio.

(*a*) Cadavera rachiticorum mollia , calidaque longo satis tempore manent. Calor ab *humoribus solutis* , seu alcalinis et putrefactis sustinetur : quousque ad ultimum putrefactionis gradum perveniant , quod non nisi diutius post mortem contingit. Mollities à *muco acido* et superabundanti texturam firmam ossium , partiumque aliarum firmarum inhibente deducenda.

*Causa proxima* hujus mali , ut aliorum morborum causæ proximæ , obscurissima est. Conformatio originalis pueri Cullenii : status particularis fluidi nervei Bosquillonii apertiores non sunt *Cacochymia inertis* , *mucosa* , *frigida* , *vapida* Boerhaavii. Caeochymia ista à prava corporis constitutione et imperfecta digestione alimentorum maxima parte acescentium nata , *acida* necessario est , et ita hujus morbi causa. Partes enim terreæ ossium acidis corrosæ disolvuntur , cum

iners , mucosa , frigida , vappida , latente forte leni labe venerea permista , cum laxa partium firmarum fabrica.

1489 Curatio optima fit : Cibo levi, eupepto , sicciori , minus pingui , aromaticis mitioribus condito , saepe dato , et copia moderata. Potu paucu , meraco , ex Cerevisia (a) in primis non veteri quidem,

eorum firmitas à materia terrea alcalinis consolidata pendeat. Cacochymia inquam ista seu *mucus acidus* , ossium , seu *partium firmarum* firmitatem minuant , et fere destruunt. Mucus iste ut pote corpus fermentescibile tractu temporis ex fermentatione acida in alcalinam fermentationem transit , ut cuivis notum.

Boerhaavius ipse postquam in Elementis Chemicis dixerat , et demonstraverat terrea acidis mista in aqua esse solubilia , et insolubilia in alcalinis salibus , concludit tandem : utique , quando vis mutantri acescentia in alcalia in corpore humano deficit , ossa tum , cartilagines , dentes , ligamenta laxa , debilia , mollia , flexibilia redundunt ut in rachiticis animadvertisit quotidie. ( Tom. I. De Menstruis dictis in Chemia , circa finem . pag. 391. Edit. Paris. )

*Labes venerea latens* unice à Boerhaavio proponitur dubitanter et indecisso ; ideo utitur particula modestissima , tanto viro propria et communissima fortè. Unicè monendum Glissonium cum Sociis observasse pueros nonullos unguentis mercurialibus illitos ad necandam scabiem in hunc postea morbum incidisse ( De Rach. Cap. 16. )

(a) Cerevisiae , quæ rachiticis commendantur non sunt fermentatae , sed saturatae admodum

at diu cocta , et spissa. Aëre sicco , et calidiusculo. Vestitu accurate sicco , calefaciente , ex lana præprimis confecto. De cubitu super storeis ex aromaticis , roborantibus , exsiccantibus , herbis factis , in

substantia nutritive frugum , ita ut cibi potabiles dici mereantur. Mumma Brunsvicensis quæ adeo spissa est ut Cereris extractum liquidum vocari posset , commendanda. Vina austera præferenda. Vinum hippocraticum ex vino generoso , cynamomo et Saccharo confectum et per manicam Hippocratis colatum præferendum. *Frictiones* optimæ. *Cantharides* , sive in emplastro , sive in tinctura exterius applicandæ , utilissimæ. Fonticuli forte præstantiores. Inter secundam et tertiam colli vertebram à Glissonio applicabantur sperante enormem capitidis magnitudinem immuniuendam fore , superfluam serositatem evacuandam ; ossium augmentum nimium impediendum , et nimiam spinalis medullæ humiditatem , quam metuebat , exsiccandam. *Vomitoria lenia* saburra præsente administranda. Ad ista atque purgantia status viscerum contemplandus. Inter roborantia *Ens veneris* valde laudatur. Remedium istud cum lacte ab Antonio *Benevoli* adhibebatur ; sed à lactis usu *Zeviani* abstinere maluit acidam in Rachitide acrimoniam non sine ratione metuens ( De Rachitide Cap. 4. ) Boerhaavius lactis pro isto morbo non meminit et quidem merito. Præferendum *Ens* ex limato ferro cum æquali copia salis Ammoniaci ita præparata ut in officinis *Flores salis Ammoniaci martiales* vocentur. Enti veneris ex cupro infensissimo Boylei præferendum. De illo dixerat Boerhaavius : *est medicamentum mirifice instaurans , calefaciens , aperiens.* . ( Elem.

elatiori ædium parte ; supra tabulata lignea. Gestatione , concussione , oscillatione , vectione in rheda super strata viarum, frictione multa , calida , sicca , pannis fumo aromatum perfusis instituta maxime

Chem. Tom. II. Process. 169.) Istud dicendum etiam *Ens Martis* , *sal ammoniacum martiale*. Van Swietenius impense laudat *Tincturam vitrioli martis auream* ex vitriolo martis et spiritu salis marini dulcis confectam (Boerhaavius Proces. 166.) cuius paucæ guttæ vino hispanico exceptæ jejuno datæ instaurant , et vires excitant. Hanc aliqui crediderunt esse veterum chemicorum *Aurum potabile*. „Panæ biscocto , (ait hic van Swieten) , „cerevisia meraca , generosa , nec „acida , nec inebrante numerosos rachiticos me „curasse latus recordor , dum hujus tincturæ „quandoque tantum tres vel quatuor guttulas da „rem semel , vel bis de die in adultioribus.” Tinctura vinosa et martialis corticis peruviani utilissima censenda.

Inter remedia huic morbo convenientia numeratur Radix *Rubiæ tinctorum* quoniam ingesta animalibus , illorum ossa tingantur rubro colore , sed experimenta indubitata adhuc dessunt ex Petr. Jon. Bergius , qui addit ossa Rubia tincta magis quam alias fragilia esse experimento in columbis Rubia enutritis , quod fecit clar. Duhamel. Hinc Boerhaavius hujus radicis mentionem non facit. III. Bassian. Carminati eandem istam *Rubiæ radicem* parvi pendet. *Osmundæ regalis* , seu *Filicis floridæ radix* , quantumvis americans eodem talo incedit ex eodem. (Hygiene, Therapeuticæ . Vol. II. Part. I. Cap. V. N. 732. et 738.

ad abdomen, et spinam. Cantharidum iterata quandoque applicatione, vomitorii lenibus aliquoties cum prudentia repetitis. Purgantibus deinde roborantibus per aliquot dies successivos adhibitis. Denique usu diu continuato medicamentorum roborantium, exsiccantium, antiscorbuticorum, et spiritus excitantium. An et immersio in frigidam prodest? an linimenta? et quæ?

*Immersione in aquam frigidam inter roborantia numeratur.* Joan. Floyer eam contra Rachitidem commendavit, imo creditur inter causas Rachitidis, novi morbi, neglectum balnei frigidi esse numerandum. Subita tamen hæc refrigeratio non leviter mutat corpus. Infantes annui terrentur subito illo frigore. An tuto hoc tentari poterit in recens natis? Id rogat van-Swietenius, qui ita concludit: „unde videtur morbus non adeo facile tolli hac methodo, et cura per tutiora cum optima spe tentari potest.” Linimenta si aliquem usum hic habere possent deberent esse ex aromaticis, amaris, roborantibus, vino... nullo, vel parvo pingui addito.

In Annalibus chemicis Lavoisierianis T. XVIII. pag. 113. Mense Augusti, Ann. 1793. extat Analysis Dissertationis à Medicinæ Professore Bonhomme exaratæ: *sur la nature et le traitement du Rachitis* lectu dignissima. Ejus *theoria* hæc est: Natura morbi rachitici pendet à productione acidi cuiusdam naturæ fere vegetabilis, et præsertim oxalici; et etiam ex defectu acidi phosphorici, animalis etiam dicti, cuius combinatio cum terra calcarea animali format basim naturalem ossium, et illis soliditatem impertit. Acidum illud Oxali-

cum Acidum *Rachiticum*, seu rachitim faciens etiam nominatur, quoniam phosphas calcareum destruendo, ossa mollescunt.

*Praxis* ab isto Auctore proposita consistit in minuenda, seu impedienda productione acidi vegetabilis oxalici, et in reparanda combinatione acidi phosphorici seu animalis cum base ossium, terra nempe calcarea animali, à qua horum soliditas dependet. Ad minuendam productionem acidi oxalici lotiones alcalinæ super partes rachiticas convenient; ad reparandum acidum phosphoricum et sustinendam ejus combinationem cum terra calcarea animali, seu eam reproducendam phosphas calcareum vel solum, vel simul cum phosphate de soda interius assumendum.

Nonne ad impediendam productionem et abundantiam acidi illius vegetabilis.. acidi phosphorici et ipsius consistentiæ ossium destructoris, alimenta non acescentia, sed alcalescentia propinanda? An *ostracoderma* in pūlverem trita bis vel ter de die ad scrupulum exhibita ab Ill. de *Haen* in hoc morbo adeo celebrata ad idem desservient? Ita videtur. Legenda sedulo inquam Dissertatione ista, et serio pensitanda, atque promovenda pro malo isto hucusque fere indomabili cicurando, atque sanando. Malum vertebrale, seu vertebra intorta atque tumida, rachitidi analogum remediis iisdem cedit. Caries ossium, spinaventosa, scrophulæ... an iisdem remediis debellanda? Ita Dissertationis prædictæ Auctor confidenter expectat.

## A P H O R. 1489.

*Cibus optimus.*

1 Panis bene fermentatus, biscoctus, cum admisto paucō Croco, Nuce myristica, cardamomo, Cinnamomo, semine Celeri, atque similibus gratissimis, et roborantibus aromatibus.

2 Caro Columbarum, Gallinaceorum, Cuniculorum, ovilla, hœdina, vitulina macilentior, leniter assa, minutim incisa; dein intermisto pane biscocto, sale, et paucō petroselini, thymi, nucis myristicæ, aut similiū parata.

3 Oryza, Milium, Hordeum, cum aqua, et Ubis passis cocta; dein cum pauxillo vini, et leniorum aromatum condita.

*Potus optimus.*

Vinum gallicum maturum, rubrum, adstringens, ter, quaterve de die ad unciam unam exhibitum.

Vinum Hippocraticum ita datum ad unciam semis eodem tempore.

Cerevisiæ	Mumma Brunsvicensis.
recentes	Ale Britannorum.
ut	Cerevisia Batava, quæ duodecim florenorum pretio venalis.

Hisce æstivo tempore æqua portio aquæ fer-  
ratæ medicatæ admisceri potest, in pri-  
mis vero Acidularum Spadanarum.

*Pulvis Aromaticus robورans , exsiccans ,  
pro Lectulo , et Pulvinari robورante.*

R. Foliorum recentium in umbra sicca-  
torum Filicis maris libras tres,  
Majoranæ,  
Melissæ, Menthæ singulorum  
manipulos duos.

Florum recentium in umbra siccatorum  
Meliloti , Trifolii odorati ,  
Sambuci ,  
Rosarum , singulorum uncias duas.

Terantur in Pulverem tenuem , misceantur  
duplo tanto Paleæ Hordei atque dein  
his linteo immissis fiant Lectuli , et  
Pulvinaria , quibus incumbant , qui-  
que ab humido rite defendantur , et  
sæpe exsiccentur.

*Similis pro suffimigio.*

R. Benzoini , Mastiches , Olibani , Succini ,  
Turis , singulorum unciam unam.  
Misce. Fiat Pulvis.

De hoc pulvere insparsum parum pruna-  
fumet , super hoc fumo Panni lanei  
detenti , fricandis partibus adbi-  
beantur.

*Haustus emeticus, mitior, pro Infante.*

R. Radicis Ypecacuanhæ scrupulum unum.  
Vini albi Gallici unciam unam.  
Sacchari drachmas duas.  
Infusa totam noctem, depurata exhibe  
mane.  
Hoc repetatur quarta quaque die, in  
vicem quintam.

*Similis purgans, et simul roborans.*

R. Rhei electi unciam semis.  
Mirobalani citrini sine nucleis drach-  
mas tres.  
Agarici trochiseati scrupulos duos.  
Infundantur frigida cum cerevisiæ fortio-  
ris libris quatuor.  
Post vigintiquatuor horas paratus erit po-  
tus, quo utatur pro familiari quo-  
tidiano, spatio quatuor septima-  
narum.  
Si vero nimis inde purgetur, æqua copia  
cerevisiæ alterius dilui poterit, aut  
etiam majore, si usus indicat.

*Herbæ roborantes, siccantes, excitantes,  
antiscorbuticæ, Rachitidi sanandæ  
propriæ.*

Agrimonia	Myrobalani pruna.
Betonica.	Osmunda Regalis.
Capparidis cortex ex radice.	Polypodium.
Ceterach.	Quercus folia, glan- desque.
Cichoreum.	Rhabarbarum.
Cuscuta.	Rubi folia, et radix.
Diapensia.	Ruta muraria
Endivia	Scabiosa.
Felix mas.	Tamariscicortex, flo- res, folia.
Hepatica.	Trichomanes.
Lingua cervina.	Veronica.
Melissa.	

Ex his cerevisiæ, vina, infusa medicata  
parari queunt, maximo cum fructu aut  
et *Condita*, et similia componi ex. gr.

*Cerevisia medicata excitans, robورans  
siccans.*

R. Agrimonie, Ceterach, Filicis radicis,  
Linguæ cervinæ, Polypodii radicis,  
Rutæ murariæ singulorum uncias duas.  
Minutim scissa, mista, linteo immissa in-  
fundantur frigida cum libris duo-  
decim cerevisiæ.  
Utatur pro potu communi.

*Vel vinum ex similibus.*

R. Foliorum , et Florum Betonicae uncias tres.

Corticis radicis Capparidis

Tamarisci , Rubi sylvestris.

Trichomanis , sigulorum uncias duas.

Limaturæ Martis unciam semis.

Cum vini librīs octo in frigore infusa adhibeantur , ter de die ad unciam unam.

R. Entis Veneris Boylei grana duo.

Exhibe vesperi , ex vino canariensi quotidie , spatio trium septuaginta rum.

*Tinctura martialis , roborans.*

R. Limaturæ Martis unciam unam.

Aceti stillatitii acerriuni uncias decem.  
Sacchari uncias tres.

In Phiala alta ebulliant leniter spatio virginis quinque horarum , filtratus liquor servetur vase clauso.

Dentur guttæ sex bis quotidie , horis medicis , ex pauxillo Vini Hispanici.

## RHEUMATISMUS. (a)

**A** 1490 Arthritidi, podagræ, scorbutoque, agnatus (b) morbus frequentissimus deprehenditur, qui *Rheumatismus* appellatur.

(a) Sauvagesius Class. VII. Ord. I. Gener. 3. *Rheumatismus*. Species : acutus, vulgaris seu chronicus, arthriticus, scorbuticus, febricosus (febris intermittens rheumatismum simulans), metallicus (pictoribus, deauratoribus.. communis).

Cullenius Class. I. Ord. II. Genere 22. *Rheumatismus*. Character : „Morbus ab externa, et plerumque evidente causa; pyrexia; dolor circa articulos, muscularum tractum sequens, genua et reliquos majores, potius quam pedum vel manuum articulos, infestans, calore exteriori auctus.” Species : variæ, sed præcipua est: acutus hic descriptus, et chronicus illius sequela quem *Arthodyniam* vocat. Varietates sunt: Lumbago, Ischias, Pleurodyne, quæ in varias species symptomaticas distribuuntur.

(b) Arthritis veterum, et Rheumatismus Recentiorum fere nihil differunt inter se: à Podagra, Lumbagine, Ischiade parum: ab Scorbuto et Lue venerea amplius distinguntur. Ab per verbum agnatus Boerhaavius intelligit hos quatuor morbos ab eodem patre, hoc est, ab eadem causa provenire?

Distinctio rheumatismi à podagra, quod ille à causa externa, hic sine ista; ille inopinato, iste dyspepsia præcedente; ille in articulationibus amplioribus, iste in angustioribus; ille universalior, iste particularior; ille semel plerumque,

1491 Quem antecedunt temperies sanguinolenta labe acri(a) infecta, ætas mascula, victus lautior, calefacto corpori subito admissum frigus, autumnalis tempestas, perspiratio prohibita, diathesis inflamma-

iste variis repetitionibus excrucians . . an valde consideranda?

Præter species propositas considerandæ: primigenia, seu idiopatica, et symptomatica, et anomala. De malo isto symptomatico et anomalo doctissime tractavit *Guilhelmus Musgrave* duabus Dissertationibus exactissimis, quæ in editione Sydenhami Operum Venetiis Ann. 1735. in folio extant.

(a) Urina in hoc morbo tenuis, pallida et insulsa indicat labem acrem in sanguine remanere. Subitum frigus perspirationem prohibens rheumatismum non produceret nisi labes aliqua acris intus præextiterit. Rheumatismus acutus febrem habet comitem, licet præcipua mali sedes in sero forte, et in lympha sanguinis hæreat. Inter partes internas, quas aliquando obsidet materies rheumatica vaga, sunt renes et vesica urinaria, unde mala nephritica, et tenesmus dolentissimus vesicæ similis illi dum calculus à rene descendens per ureterem exitum molitur. Areteus de re ista loquens jam dixerat: item communicatur renibus et vesicæ. O rem admirabilem (De causis, et signis Morborum diuturnorum Lib. II. Cap. 12.) Quandoque rheumatismus dolentissimus sine tumore et rubidine loci saltim in initio quandoque observatur. Aliquando periodice recurrit ut symptoma febris intermittentis, qua sociari solet: nisi hoc intelligatur de rheumatismo podagra frequentius repetente.

toria lentior crux pleuritico se manifestans. Cum febre continua incipiens, dolorum creat atrocissimum, dilacerantem, ad minimum motum saevissime auctum, diu in uno loco fixum, juncturas quorumcunque artuum obsidentem, cæterum genibus magis infestum, lumbis et coxendici, quandoque cerebrum, pulmones, viscera, excruciantem, cum tumore et rubidine loci, periodico itu et reditu.

1492 Si durat, et augetur (*a*), sæpe post atrocissima tormenta articulum motu privat, ankylosin creat, vix ulli cedentem remedio. (362.)

(*a*) Hoc accidit quoniam principiis . . *Medicus non restitut*, ut ibidem ait Areteus. Estote parati, cauti, atque sagaces TIRONES OPTIMI ne vobis, et quod pejus est, vestris ægrotantibus ista accident infortunia. Væ illis, si qui sunt, qui tota die occupati, manus habent non ut libros arripiant sed honoraria; ut indecoro NITORI corporis à capite ad calcem deserviant . . *pedes* non ad vissendos festinanter ægros, et quavis hora quantumvis intempestiva; sed ad choreas, venatum . . *oculos* non ad lustranda ægrotantium infortunia, sed ad lusus, spectacula, Libros alienos, et fortasse pessimos hœu! Isti quo provectiones . . indoctiores, stupidiores sunt, et quod pejus procalcices, insolentiores . . Væ illis inquam, quantumvis versutis, simulatis, et malis artibus opulentis, et quamvis de illis verificetur quod eos

..... *Summa ad fastigia rerum*  
*Extollit quoties voluit fortuna jocari,*

1493 Causa proxima ejus videtur inflammatio in arteriis lymphaticis membranarum, quæ ad ligamenta juncturarum, non tam sæva ut in suppurationem (*a*) eat. Curatur missione sanguinis; purgatione antiphlogistica repetita et semper vesperi per narcoticum sedata, balneo leni, tepi-

(*a*) Terminus hujus inflammationis rarissimus est *suppuratio*, sed quandoque formatur abscessus in parte affecta, vel in vicinia. Præterea in illis partibus, quas rheumatismus occupat et vera phlegmone nasci potest. Hæc duo mala sedulo distinguenda, nam error erit periculosus. In primis talis error metuendus videtur in ischiade, ne abscessum comitantes dolores pro rheumatismi crutiatibus habeantur. Hippocrates ipse in ista diagnosi erravit in ischiade Eupolemis (Epidem. Lib. V. Text. 5.) „Si ergo Hippocrates (ait hic van-Swieten) uti ipse ingenuo fatetur errare potuerit, in tali casu infasto quanta cura indigebunt omnes Medici ne ipsis simile quid contingat? *Sanguinis missiones* in isto morbo ab aliquibus audacter repetuntur. Sydenhanus primo methodum istam profusissime sequebatur; postea minorem sanguinis copiam detrahebat, ita ut duas, vel tres venæ sectiones imperabat, et postea catharticis repetitis rem totam absolvebat, et tandem pharmacopœum graviter rheumaticum solo sero lactis, ac pane pro nutrimento dato curavit feliciter absque ulla sanguinis missione. Revera æger iste debilis valde erat, alias venæ sectio fuisset instituenda (Sect. V. Cap. 2.) *Narcotica* aptius *Anodyna* die, quo purgatio administratur vesperi conducunt. Aliqui ad morbum istum levandum vesperi anodyna consulunt, seu

do , fomentis antiphlogisticis loco affecto applicatis ; Vesicatoriis validioribus , et Cauteriis ; Medicamentis summopere diluentibus atque emollientibus simul ; Vic-  
tu tenuissimo ; Quietè ; Tepore lecti , et ad finem curationis frictione sicca , cali-

noctu ; sed cum in omnibus fere ægris febre ar-  
thritica , aut rheumatica affectis febris et dolores  
circa vesperam augmentur , datum tum paregori-  
cum semper male cedit. Mane igitur in doloris  
remissione si ægri perstant vigiles et debiles,  
tunc paregorico eis conciliatur somnus tranquil-  
lus et refficiens , et vel mitior redditur exacerbatio , vel ægri redduntur aptiores ad eam licet va-  
lidam sustinendam. *Balnea* .. tepida optima ; frigi-  
da ab Hombergio et Floyero laudata vitanda. *Ve-  
sicatoria* præmissis præmittendis , optima sunt.  
Per ea morbi materies vel educitur , vel locum  
mutat , sique pars affecta dolore liberatur. Hæc  
identidein repetenda et post seri evacuationem  
exsiccanda. *Cauteria* in inveterato morbo , et aliis  
remediis frustra tentatis applicanda. Suppuratio ,  
quæ ista sive actualia , sive potentialia sequitur  
continuanda ; ulcere enim inustionem semper se-  
quente via paratur materiæ morbosæ penitus ex-  
tinguendæ. Hinc usus Moxæ , vel lanuginis fo-  
liorum Artemisiae. Cicuta et Aconitum ab Storkio  
laudantur. *Medicamenta sumopere diluentia* .. et  
reliqua in initio rheumatismi inflammatorii effi-  
caciissima. Larga copia decocti avenæ cum nitro  
affatim hausti efficacissimum. *Vetus tenuissimus*  
adhibendus. Boerhaavius dum exquissitissimis  
hujus morbi tormentis discutiatretur solo lactis  
sero vitam sustinuit per dies duodecim satis cons-  
tantibus corporis viribus. *Frictio sicca* .. optima.

da, una cum usu antiscorbuticorum.

1494 Si lumborum sedem occupans LUMBAGO (*a*) rheumatica, si coxam ISCHIADICUS vel COXARIUS dolor audiens, eadem methodo, licet paulo difficilius curatur.

Indusium laneum super partem affectam ad id continuo gestatum utilissimum. *Antiscorbutica* . . inter quæ trifolii aquatichi succus eminet inclinante morbo, et febre cum tumoribus circa articulos, præstantia et necessaria.

Præter remedia in Aphor. indicata pro *Materia Medica* à BOERHAAVIO omissa addenda: Decoctum edulcorans, Fulleri, Lac asininum, Syrupus antirheumaticus, camphora, vomitoria, Aquæ minerales, Stuphæ . . An *Aroph* Paracelsi, seu extractum Croci ope alçoholis paratum? An *viri Antimonii* infusum ex vino albo generoso? An vis electrica? Hæc prudentissime consulenda.

(*a*) Muscularis quæ in lumbis locatur fabrica, nervi ex medulla spinali orti, vertebræ dorsi, expansiones tendinosæ, coxae articulus profundus musculis validis tectus, nervi ischiadici adeo magni, &c. facilè demonstrant ingentes moles-tias à rheumatismo in iis locis exspectandas esse, ob causam etiam profundorem, et curam licet fere eandem cæteris paribus difficiliorem, et longiorem.

Dolor ischiadicus magis particularem exigit attentionem. Hippocrates ait: *cum ischias fit dolor coxae connexionem invadit et extremam natem et lumbum; tandem vero per totum etiam crus dolor deerat.* (De Affection, Cap. VIII.) Cotunnius has duas ischiadis species proposuit: 1. in qua dolor fixus in coxa: 2. in qua continuo tractu propagatur in pedem, utraque potest esse *antica*,

1495 Hinc appareat morbi hujus frequen-  
tia (a), varia admodum facies, summum  
periculum si cerebro vel pulmoni incubue-  
rit, maxima difficultas eum hic detegendi,  
discrimen in quod præcipitat calidiorum  
usus, vel præmatura narcoticorum exhibitio.

vel postica. Hæc *ischias nervosa* ab eodem ap-  
pellatur, cujus de ista Tractatus ab omnibus  
legi meretur. Antiqui, qui istam etiam cognove-  
runt acerrima applicabant. Cotunnius vesicatoria  
repetebat quoisque excitata vesica serum funde-  
ret tenacissimum, glutinique par, quo ischias  
licet vetustus evanescit. Cotunnius pertinaciam  
hujus morbi considerans, suspicabatur causam  
hærere in nervis, corumque vaginis. In his con-  
siderabat vasa è quibus tenuis lympha secernitur,  
et quæ nisi vasis bibulis resorveatur, acumula-  
tur inter vaginam et nervosa filaments inclusa  
hinc in ista comprimuntur, illa distrahitur, ex  
quibus dolor, qui acrior, et contumacior si lympha  
acrimonia peccet. Sed ista hypothesis redolent.

(a) Quandoque epidemicò modo grassatur  
rheumatismus. Agnatio cum scorbuto . . sufficit,  
ut instar Prothei ludat iste morbus. Quando prius  
articulos occupat malum istud, levatur subito, et  
pulmo vel cerebrum afficitur, metastasis timenda.  
*Calida* in rheumatismi initio nocentissima. *Narco-*  
*tica*, in manu indocti precipitis, et arrogantis  
*Agyrtæ*, ensis sunt in manu furiosi terrifici at-  
que tremebundi, nedum in hoc morbo, sed in aliis  
plurimis, in quibus isto remedio alias energico  
atque salutifero turpiter, criminaliter, truculen-  
tenter . . abutuntur Agyrtæ pessimi!

## APPENDIX

IN QUA MORBI ALIQUI  
A BOERHAAVIO OMISSI IN COMMODUM  
TIRONUM APPONUNTUR.

## TUSSIS VEL CATARRHUS.

**T**ussis est vehemens et convulsiva expulsio materiæ irritantis, in cavum pulmonum depluentis ex arteriolis vel glandulis, quæ membranam laryngis, asperæ arteriæ, bronchiorum, et vesicularum pulmonium irrorant.

2 Distinguitur, 1. In originariam et symptomaticam. 2. In calidam et frigidam; cum priore conjunguntur febrilia symptomata, cum posteriore nulla. 3. In siccam, ubi nulla vel pauca, et humidam, ubi magna adest excreatio. 4. In tenuem et acrem catarrhum; tenacem et inertem. Sedulo distinguendæ et seorsim describendæ sunt hæ duæ species, utpote diversæ, immo fere oppositæ. Prior strictos, posterior laxos adoritur.

3 Acer catarrhus excitatur à frigore subito corpori applicato; ventis humidis et frigidis, Borea in primis et Euro; subitis

tempestatum mutationibus ; regelatione ; aëre aquosis particulis replete ; vestitu humido ; pedum refrigerio ; alicujus partis, sed capitis pectorisque præcipue , denudatione ; prægressis morbis , videlicet variolis , morbillis , &c. Particulis acribus contagiosis in aëre natantibus. Crassum catarrhum inducit quodcunque nimiam seri copiam generat , uti laxa corporis pulmonumque compages ; vita sedentaria ; aër nimis humidus et insularis ; studia nocturna ; et dieta nimis cruda, frigida, et aquosa.

4 Harum causa proxima est irritatio pulmonum à peregrina materia , et motus totius fere corporis convulsivus , ad hujus expulsionem exinde excitatus : omnia enim irritantia , externæ pulmonam superficie applicata , qualia corpora peregrina , aër particulis acribus repletus , tubercula pulmonum tussim excitant. Tussis vomitui merito assimilatur.

5 Catarrhus tenuis se se manifestat horripilatione , lassitudine , oculis lachrymas effundentibus , et sæpe inflammatis, vultu rubicundo et inflato , dolorifica capitum gravitate , pectoris angustia et dolore, continua faucium titillatione , et solicitude ad tussim ; præcipue vespertino tempore , nulla vel pauca aquosa excretione, pedum refrigerio , pleniore urinæ secretione , pulsu citato et plerumque duro , narium pruritu , sternutatione , membranæ

Sneiderianæ inflammatione , et excoriacione , coryza , raucedine , respiratione difficiili , hæmoptoe , phthisi pulmonali.

In catarrho tenaci respiratio laborat , pulmones muco spumoso scatent , tussis mane præcipue fatigat , et ejicit materiam viscidam albicantem , vel subflavam , vel cæruleam , et in globulos mucosos adhærentes sæpe convolutam. Huic superveniunt tubercula pulmonum , suppurationes , tabes , phthisis pulmonalis.

6 Omnia hæc symptomata facillime deducuntur ab acri tenuique , vel inerti et viscida materia vellicante pulmones. Patitur membrana Sneideriana ob communicationem cum membrana pulmones intus vestienti. Omnes thoracis abdominisque partes externæ internæve in nisum convulsivum trahuntur , quia iisdem nervis , videlicet pari octavo et intercostali , ac pulmones , donantur.

7 Tussis sicca plerumque mutatur in humidam ; prior posteriore periculosior ob inflammationes , vasorumque rupturas quæ comitantur : hinc melius est siccam in humidam , quam humidam in siccam transire ; quia posteriorem subsequuntur sæpe tubercula , febresque putridæ vel hecticæ. Tussis humida digestionem lædit , cachexiamque inducit. Debilibus pulmonibus utraque species incommoda.

8 Hæc diversæ species diversam et fere

contrariam medelam poscunt. In catarrho tenui, 1. Pulmones deplendi venæ-sectione, ductione alvi lenissima, mitissimisque diaphoreticis. 2. Acrimonia materiæ corrignenda, tenuitas inspissanda, et vasa pulmonea relaxanda oleis vegetabilium sine calore expressis; spermate ceti; decoctis mucilaginosis, vel syrups ex herbis pectoralibus dictis, videlicet tussilagine, althæa, semine lini; leniter inspissantibus, videlicet conserva rosarum rubrarum, balsamo Locatellii, et lacte asinino. 3. Motus convulsivi sedandi opiatibus, quæ vires egregie inspissantes quoque possident. 4. Dieta tenuissima, blanda, lactea, cutis bene tecta, quies in initio, et postea lenis motus requiruntur.

In catarrho crasso. 1. Materia avocanda alvi laxitate, emplastris epispasticis, et foniculis. 2. Attenuanda vomitu, epispasticis, et medicamentis incidentibus et detergentibus, videlicet sapone, scillis, allio, gummi ammoniaco, acidis vegetabilibus. 3. Pulmones corroborandi suffitu exiccatante, equitatione continuata, frictionibus validis, præcipue capitis, cum quibusdam calefacientibus, dieta corroborante, et aquis chalybeatis. 4. Opiata, cerevisia, ova, pisces, præcipue saxatiles, nocent ob inspissantem suam naturam.

## TUSSIS CONVULSIVA.

**E**st atrocior et magis inveterata tussis species, quæ puerilis, convulsiva vel ferina appellatur. In hac specie continua fit per aliquot minuta ob tussim expiratio; et inspiratio quando advenit perficitur sibili, stertore, et clangore ob glottidis coarctationem. Parum è pulmonibus rejicitur. Ventriculus sæpe ad vomendum irritatur. Febris supervenit. Sequuntur exulcerationes, hæmoptoe, phthisis.

**D**e sede hujus tussis magna inter praticos agitur lis. Quamplurimi è ventriculo oriri autumant, quia pectoralia relaxantia nocent, et stomachica amara prosunt: alii è pulmonibus; nonnulli denique è pharynge et larynge. Prima sententia non firmis stabilitur argumentis; quia oleosa obesse et amara prodesse pulmonibus æque ac ventriculo possunt; neque per consensum affici videntur pulmones, quia tussi sæviente ventriculus sæpe non irritatur. Mihi videtur provenire à majore partium in catarrho communi affectarum irritatione, et majore totius corporis, in primisque ventriculi, laxitate et irritabilitate.

**T**usses convulsivæ raro periculosæ sunt; nonnunquam tamen suffocationem vel phthisim inducunt. Parum proficiunt

medicamenta donec vires morbi exhauiantur. (*Aptius minuantur.*)

12 In medela conducunt, 1. (a) Venæ-sectio copiosa. 2. Vomitus debitum intervallis repetitus. 3. Purgatio cum rheo et calomelano. 4. Pectoralia attenuantia. 5. Epispastica, ad humores acres è pulmonibus evocandos. 6. Specifica à multis decantata, videlicet muscus pixidatus, succus pulegii. 7. Relaxantia et inviscantia unguenta thoraci externe applicata. 8. Amara et roborantia postea assumpta, videlicet Cortex Peruvianus.

13 Semel mihi contigit videre tussim remittentem, quæ certa hora adveniebat, per horam unam vel alteram instar convulsivæ ægrum agitabat, et dein usque ad eandem horam noctis insequentis cessabat. Omnibus quotquot sunt pectoralibus in cassum tentatis, cortice Peruviano, spatio viginti quatuor horarum, feliciter profigata fuit. (*Observatio plana.*)

(a) 1. *Venæ-sectio* moderata, præsertim viribus, ut dicitur *exhaustis*, vel *imminutis*, an forte convenit? 2. *Vomitoria* vix semel prossunt. 3. *Purgantia* adhuc minus. 4. *Pectoralia* potius sint obtundentia, incrassantia, quam attenuantia. Nonne mirum videri debet mentionem non fieri de medicamentis paregoricis, tanti hic usus, et emolumenti?

## A S T H M A.

**A**

**1** Asthma est impedita et laboriosa respiratio; haud sine metu suffocationis.

**2** Aliud atque aliud nomen, videlicet dyspnoeam, asthma, orthopnæam habet, prout se intendit morbus.

**3** Est, 1. vel periodicum, vel continuum. 2. Vel humidum, vel siccum. 3. Genuinum vel spurium: oriri enim potest à calculo vesicæ felleæ; à tumoribus diaphragmatis, hepatis, ventriculi; à pectoris vel pericardii hydrope; à polypo, aliisque causis. De priore solummodo agendum.

**4** Elapsa juventute homines, præcipue obesos, adoritur. Magis æstate vel autumno quam hyme grassatur.

**5** Causæ hujus morbi remotæ sunt, aër cœnosus, vel particulis noxiis impregnatus; tonitru; animi pathemata magna; variolæ, scorbutus, intermittens, catarthus; ulcera antiqua cicatrizata, vel evacuationes solitæ, per hæmorrhoides vel fontanellas, repressæ; evacuatio critica erysipelatis, vel podagræ, repercussa; œdematosus pedum tumor repulsus; vulnera diaphragmati inficta; labes hæreditaria.

**6** Causæ proximæ sunt, 1. Obstructio bronchiorum et vesicularum, humoribus crassis, vel tuberculis induratis. 2. Irritatio nervorum respirationi inservientium; et

hinc spasmodica fibrarum annulos cartilagineos bronchiorum nectentium contractio. Primam docet mortuorum inspectio et contemplatio causarum remotarum. Secundam demonstrat asthma , apoplecticos et hystericos paroxysmos , scorbutum , evacuationem acrem repulsam , sequens ; sectio nervi diaphragmatici , vel compressio nervorum in occipite hunc morbum inducens ; cadavera aperta ubi omnia viscera sana ; libera et æqualis respiratio ante paroxysmum.

7 Ita se se habet paroxysmus. Primo, ventriculus , sensu coarctationis præcedente , distenditur , et ructus copiose emittit. Sequitur calor , febris , stupor , capitis dolor , nausea , urina pallida. Pulmones rigescunt , spiritus turbantur , membra torpent , pectus plus solito gravatur , difficile spirat , raucescit. Nocte omnia augentur symptoma. A thorace coaretato , respiratio lenta. Recta cervice spiritum trahit , et ægregie elevat humeros. Vomitus bilis flavæ. Pejus in lecto , melius in aëre frigido , sese habet. Lachrymæ involuntariæ ; pulsus parvus , debilis , intermittens ; cordis tremor ; faciei nigredo et fere suffocatio. Remittente coartatione , phlegma viscidum , vel dulce , vel salsum , vel putridum , filamentis nigris discriminatum . expuitur. Urina nunc colorata sedimentum habet. Cessante paroxysmo , cessat sputum.

Inveterato morbo , tument manus et pedes ; febris, præcipue nocturno tempore, infestat ; facies livescit. Incidit vel in hydropem , vel consumptionem , vel inflammationem pulmonum , vel lethargum , vel paralysim.

8 Ab orgasmo in sanguine et nervis, actio ventriculi perturbatur , flatusque gignitur. Ab eodem , febris , calor , &c. Sensatio rigescientiae gravitatisque in pulmonibus , à sanguine ibi accumulato. Ab impletis vel contractis vesiculis , respiratio difficultilis et stridor. Respiratio lenta , ob aërem impeditum. Recta cervice spirat , ut eo facileius descendat diaphragma. Humeri elevantur , ut vi majore agant musculi scapulares. Calor lecti auget symptomata. Faciei nigredo et suffocatio provenit á transitu sanguinis per pulmones impedito. Ab actione pulmonum læsa , hydrops.

9 Diagnosis patet.

10 Prognosis prosperior in juventute, quam senectute ; in asthmate ab evacuacionibus repressis , quam ab aliis causis orto. Quo frequentior et severior accessio , eo pejus. Asthma , in peripneumoniam mutatum, letale. Dispnoea sine incommodo diu durat : orthopnoea senes subito strangulat. Periculosa tremula spiratio , pulsus intermittens , vel deficiens , brachiorum paralysis , syncope , cordis palpitatio , urina paucia. Ad extrema ventum esse , testantur

spiritus parvus, tardus, et frigus; itemque pulsus ex tardo factus nimis creber et debilis.

**11** In asthmate humido scopus est, attenuare et evacuare materiam viscidam, novæque generationem impedire. Attenuatio perficitur, 1. Medicamentis attenuantibus. 2. Liquoribus diluentibus. Evacuatio, 1. Vomitoriis. Novæ materiæ generatio impeditur, 1. Purgantibus lenioribus vel diureticis. 2. Fontanellis et vesicatoriis. 3. Cortice Peruviano. 4. Dietæ mucilaginosæ evitazione.

In asthmate convulsivo scopus est, orgasmum spirituum compescere. Perficitur, 1. Constrictionem minuendo clysmatibus, thoracisque fomentationibus. 2. Humores divertendo ad alia loca, frictione, vel fomentatione pedum. 3. Spasnum compensando opiatis. 4. Antispasmodicis. In sanguinolentis, si sæviant symptomata, phlebotomia levamen præsentaneum adfert. Ad flatulentiam prosunt clysmata spiritum digerentia. Fugato paroxysmo, irritabilitati occurrit cortex Peruvianus.

**12** In utrisque convenientiunt situs erectus; dieta tenuis parcaque, evitatis flatulentis; aër serenus; thorax haud constrictus.

**13** Si è repulsa evacuatione ortum ducat Asthma; expugnandum est diaphoreticis et evacuatione iterum restituta. Si à

noxiis particulis , inviscantibus et veneno  
contrariis.

14 An prosunt merculalia in asth-  
ma humido ? (Vid. Aph.)

## IMBECILLITAS VEL RESOLUTIO

### VENTRICULI ET INTESTINORUM.

1 **E**st morbus , quem imbecillitatem primarum viarum nominare licet , qui sedentarios et litteris deditos quam maxime infestat ; et , quamvis frequentissimus , attamen tantum non prætermissus , et adhuc fere innominatus . (*An Dyspepsia dicendus ?*)

2 Hunc inducunt vita sedentaria ; acriora purgantia nimis frequenter usurpata ; mæror ; nimia ciborum repletio ; dieta ex alimentis leguminosis et flatulentis ; nimiae evacuationes , præcipue sanguinis ; et morbi prægressi , quales dysenteria , abortus , intermittens , et spasmi primarium viarum ; dispositio hæreditaria .

3 An causa proxima est motus peristalticus primarum viarum debilitatus , vel nonnunquam impeditus , et inordinatæ frequentesque duodeni , ipsiusque ventriculi , spasticæ constrictiones ? Huic fidem faciunt causæ evidentes , symptomata , medela , et sectiones cadaverum .

4 Adsunt anxieties ; præcordiorum

distensiones ; flatus generatio et incarcera-  
tio ; sensatio faucium constrictoria et mo-  
lestia ; lateris , vel sterni dolor ; cardialgia ;  
ructus acidi ; summæ aciditates ; intestino-  
rum, præcipue vacuo ventriculo , erosiones  
et dolores ; venter nonnunquam constipa-  
tus , nonnunquam solutus ; fœces virides ;  
appetitus sæpe auctus ; pulsus debilis , par-  
vus , et tardus ; frequens , sed imbecillis ,  
penis erectio ; animi marcior ; vertigo ; pal-  
pitatio ; aurium tinnitus , insomnium ;  
macies .

**5** Cibus , qui ex vegetabilibus præcipue  
componitur , ob defectum motus peristal-  
tici , quietem agens , et calore fatus , in  
acidam ruit fermentationem ; hinc flatus ,  
saliuumque acidorum generatio quæ præce-  
denta excitant symptomata . Faucium la-  
terisque dolor oritur à consensu cum parti-  
bus affectis , interventu octavi paris et in-  
tercostalis .

**6** Prudens Medicus vix spondeat con-  
summata medelam hujus morbi ; quia dif-  
ficillime curatur , et facillime , ob levissi-  
mos dietæ errores , recurrit . In nullo versa-  
tur discrimine æger quamvis emaciatus , si  
obligare se legibus vult .

**7** Obviam itur , 1. evacuando primas  
vias vomitu florū chamæmeli decoctione  
elicito ; et parvis dosibus tincturæ Rhabar-  
bari amaræ . 2. Corroborando has partes me-  
dicamentis calefacientibus amaris , cortice

Peruviano , et aquis chalybeatis . 3. Equitatione continua , quæ repetitis succussionibus in partes affectas se se præcipue exerens , præstantissimam operam pollicetur . 4. Dieta ex cibis putrefacientibus , non acescentibus , uti carne , caseo corrupto , &c. 5. Potu ex aqua , vino Maderensi , vel spiritu vini Gallici cum aqua diluti ; evitatis omnibus cerevisiæ , excepto *Porter* , speciebus .

8 Prodest perfundi aqua frigida , atque in ea natare , canalibusque ejusdem subjicere etiam stomachum ipsum et id quod contra stomachum est ; in aëre quam maxime sicco et temperato degere ; extremitates fricare ; plerumque in motu esse ; et cibos , qui potius difficulter concoquuntur , quam facile vitiantur , assumere . Ergo plerique , qui nihil aliud concoquere possunt , bubulam concoquunt . Utilis est magna salis marini cum cibis copia .

9 Inimicæ sunt omnes evacuationes , præcipue emetica et cathartica repetita ; dieta ex vegetabilibus ; infusio theæ nimis calida vel diluta ; nimia vini vel cibi ingurgitatio ; abstinentia ; lac ejusque cremor ; butyrum , præcipue insulsum ; omnia pinguia ; opus pistorum ; acida , acidæve potiones , qualis illa *Punch* dicta ; et pathemata subita .

10 Si cibus non continetur , valent ad comprimentum stomachum cucurbitulæ duobus digitis infra stomachum admotæ ;

spongia ex aceto ; cataplasma calefaciens, vel lana succida sicca extrinsecus imposita, et calefacentibus particulis referta ; cibus, semper quam minima copia setmel, sed debitis intervallis, repetitus, interposito non nunquam aliquo minus utili, sed magis grato. Vinum meracum, austерum, frigidum, equitatio lenis ; aquæ chalybeatæ et animus tranquillus.

11 Si coacuit intus cibus, prosunt, præter ante dicta, pulveres absorbentes antacidi ; post peractam digestionem, assumpti.

12 Si vero pituita sola stomachus impletur, leniora adsunt symptomata, vide licet appetitus deletus, inflatio, vertigo, ilpothymia, febris erratica, nausea, vomitus. Convenit per viam superiorem, qua primum expelli potest, ejicere ; equitatione, aliove exercitationis genere, quo superior pars movetur, concuti ; præcordia bene vestita habere; vinum rubrum neque effuse, neque timide bibere, stomachum tinctura rhei amara. Corticis Peruviani, et chalybeatis roborare ; et poculum satis amplum, ter quaterve die, digestione peracta, ex aqua calcis haurire, qua nihil omnia glutinosa potentius dissolvit.

13 Illud quoque in omnibus stomachi vitiis præcipiendum est, ut, quo modo se quisque æger refecerit, eodem sanus utatur. Nam redit huic imbecillitas sua, nisi

iisdem defenditur secunda valetudo , quibus redditum est,

## COLICUS DOLOR.

1 **E**st acutus intestinorum dolor cum alvo constipata.

2 Distinguitur , 1. In colicam flatulentam , et spasmoticam. 2. In originariam et symptomaticam. 3. In acutam et chronicam. 4. In febrilem et non febrilem.

3 Causæ remotæ sunt pituita vitrea; cibi exsucci , fœces aridæ , vel concretiones lapideæ viam intestinalem obstruentes; bilis acris magna copia secreta ; collectio sanguinis in vasis intestinorum ; lac aescens ; vermes ; retentio lochiorum ; frigus, vel venter fasciis non ligatus in puerperiis; indoles scorbutica , vel arthritica ; fumi saturnini , vel aqua mineram plumbi lavans ; venena ; diarrhœa , vel dysenteria adstringentibus nimis cito suppressa ; calculi per ureterem , vel ductum cholidochum transeuntes ; intestinorum tumores, vel glandularum mesenterii abscessus.

4 A spastica intestinorum contractione oritur hic morbus. Elucescit à symptomatis, cadaverum inspectione , et experimentis in vivis animalibus institutis.

5 Stipatur parva febre ; dolore acuto abdominem quasi terebrante ; difficulti respi-

ratione ; cardialgia ; nausea , vel vomitu materiæ biliosæ , vel pituitosæ , alvo fortiter constipata ; rugitu ; appetitu et concocione læsis ; siti ; urina biliosa et sæpe obstructa ; hernia umbilicali ; tensione et inflatione abdominis ; singultu , syncope ; delirio ; convulsionibus ; intestinorum disruptione , vel sphacelo.

6 Terminatur paralysi , ileo , profusis sudoribus , hæmorrhagia narum , hæmorrhoidali fluxu , diarrhoea , macularum scorbuticarum irruptionibus , arthriti.

7 Diagnosis inter colicum et nephriticum dolorem oritur à diversitate loci affecti , exacerbatione prioris et non posterioris post pastum , majore alvi constipatione , et urina saturatioris coloris in priore quam in posteriore.

8 Prognosis est prosperior si dolor remittit , neque uno loco infigitur ; è contrario periculosa , si in una parte sine remissione sævit , præcipue accedente pervigilio , singultu , delirio , syncope , sudoribus frigidis. Colica inflammatoria vel epidemica pessima est.

9 Medela requirit , 1. Relaxationem spasmorum. 2. Evacuationem materiæ irritantis.

Relaxatio fit , 1. Venæ-sectione , si adsit inflammatio. 2. Clysmatibus emollientibus. 3. Fomentationibus et cataplasmatibus calidis toti ventri impositis ; semicupio ; cu-

curbitulis sine ferro ventri admotis ; compressione abdominis. 4. Opiatis post materiæ irritantis ejectionem.

Materia irritans evacuatur diversis modis secundum ejus naturam ; bilis acris, purgantibus; fatus, medicamentis spiritum digerentibus ; particulæ scorbuticæ vel arthriticæ, diaphoresi ; fœces induratae, laxantibus ; et venena, medicamentis oleosis. Dieta parca, tenuis, et lubricans convenit.

10 Recidivam impediunt equitatio, animus serenus, cibus haud flatulentus, et venter pedesque à frigore et humiditate muniti.

11 Est species hujus morbi quæ *colica hysterica* vocatur. Stipatur acuto dolore in regione ventriculi, vomitu materiæ biliosæ, pulsu celeri debilique, difficiili respiratione, dejectione summa, et aliquando delirio. Tollitur opiatibus.

## CHOLERA MORBUS.



1 **E**st ejectio materiæ biliosæ supernæ et inferne.

2 Causæ remotæ sunt alimenta facillime in rancidam vel acidam naturam abeuntia, uti caro suilla, pinguedo, alimenta oleo vel butyro frixa, dulcia, cucumeres, melones, uva, cerasi, &c. medi-

camenta purgantia acriora ; venena ; ira vehemens ; bilis acris.

3 Causa proxima est convulsiva contractio intestinorum tenuium , præcipue duodeni , ab irritatione proveniens.

4 Præcedit nidorosa eructatio ; cardialgia ; morsus , dolorque ventriculi et intestinorum. Tunc æger corripitur ejectione ex alvo et ventriculo materiae biliosæ viridis , flavæ , nigræ ; distentione abdominis ; pulsu celeri , debili et inæquali ; brachiorum artuumque contractione ; dolore acuto supra umbilicum ; retentione urinæ ; frigidis sudoribus ; singultu ; palpitatione ; convulsionibus.

5 Prognosis fausta , si cessante vomitu , sequitur somnus , vel morbus transgreditur septimum diem ; infausta , si æger debilis , vel annosus , materia acerrima vel fœtens , aut vomitus cessen , durantibus cæteris symptomatibus. Neque tamen ulli morbo minori momento succurritur. (a)

6 Curatur , i. Diluendo et expellendo humores acres potu multo aquæ tepidæ , vel jusculti tenuioris , et clysmatibus oleo-

(a) Morbus iste perniciissimus , æque ac perniciosissimus subitam curationem expostulat , alias intra viginti quatuor horas interimit : Natura auxilii Artis non adjuta inevitabiliter succumbit. Præsto adsit Medicus doctus , et sua Arte salutifera ægrum ab Orci faucibus liberabit.

sis. 2. Motus convulsivos postea compensando antispasmodicis ; opiatis , et unguentis nervinis externe applicatis. (a) 3. Vino, cum discussa cruditas est , vires restituendo. 4. Tonum ventriculi et intestinorum restaurando medicamentis roborantibus, dieta exsiccante , exercitio.

## ILIACA PASSIO, ILEUS, SEU

### VOLVULUS.

**E**st dolor acutus , inflammatio , et obstructio intestinorum tenuium , ita ut,

(a) Cum morbus iste fervido Cœlo (Inst. Med. §. 810.) et à bile acri , corrupta , atque turgente utplurimum pendeat , inter remedia antispasmodica , antiputrida , et temperantia *Aqua frigida* guttulis aliquot vini fortè temperata , repetitis dosibus exhibenda. Tota spina , vel totus venter linteis , aqua frigida succo agrestæ , vel aceto mixta , madidis cooperiendi , et ista renovanda. Horum loco applicari poterit cucurbitula magna epigastrio , et brevibus intervallis tolli , et renovari. Vesicatorium in eadem parte forte utilissimum. Purgantia , et vomitoria pessima. Venæ-sectio in juvene plethorico , et cum signis ventriculi inflammati prudentissime administrata convenit ; alias , ob syncopis metum omittenda; imo vituperanda. Remedium princeps in morbo isto OPIUM.

Aliquando malum istud teterimum symptomæ est Febris tertianæ perniciosæ , Cortice peruviano afflatim exhibito compescendum.

alvo fortiter obstipata , cibus vel stercus, vel utraque , per os redduntur.

2 Distinguitur , 1. In originatiam et symptomaticam . 2. In veram et notham.

3 Causæ remotæ sunt hernia inguinialis ; irritatio vel erosio à vermibus , medicamentis stimulantibus , venenis , vel acri bili ; nimis longa fœcum retentio ; ingesta exsucca vel acerba , uti panis siccus , nuces castaneæ , ossa , fructus immaturi , acerbi ; intus susceptio unius partis intestini intra aliam ; tumores et schirri intestinalium partiumque vicinarum ; recti coalescentia.

4 Causa proxima est inversus intestinalium motus peristalticus ab obturazione viscerum originem ducens ; hoc patet à symptomatibus et corporum inspectione.

5 Post alvi suppressionem æger corrumpitur acuto dolore et distentione prope umbilicum ; retentione obstinata fœcum et flatus ; eructationibus ; nausea ; vomitu primo materiae biliosæ vel pituitosæ , dein stercorosæ , postremo clysmatum injectorum ; respirationis difficultate ; urinæ obstructione ; imbecillitate ; pulsu citato et contracto ; siti. Tandem , cessante dolore , lipothymia , singultus , delirium , convulsiones , mors.

6 Prognosis incerta in tam acuto morbo. Minus periculi à dolore vago , vomitu per intervalla recurrente , et laxantibus clysmatibus per anum ejjectis ; majus ab in-

flammatione acuta et foecibus male olientibus vel nigris ad os ascendentibus. Debilitas summa, fœtidus spiritus, pulsus debilis, delirium, convulsio, mortem instantem denunciant. Juventus symptomata tam sæva quam senectus non habet.

7 Inflammatio minuenda est, 1. Repe-tita venæ-sectione, præcipue in talo; cu-curbitulis abdomini, et hirudinibus venis hæmorrhoidalibus applicatis. 2. Emollientibus et oleosis ptisanis; clysmatibus, et fo-mentationibus externis. 3. Medicamentis antiphlogisticis, videlicet sal nitri cum cam-phora. 4. Vomitus et doloris diminutione, per anti-emetica et opia, parea manu as-sumpta.

Obstructio canalis intestinalis aperienda, 1. Purgantibus lenissimis, et si hæc nihil proficiunt, acrioribus. 2. Suppositiis vel clysmatibus ex irritantibus medica-mentis, vel fumo tabaci. 3. Crudo mercurio ad plurimas uncias assumpto. 4. Atten-tione sedula ad causas remotas particulares, sive herniam, sive tumorem, sive corpo-ra dura.

Post alia incassum tentata, aqua frigi-da subito in pedes, crura, femora, et ab-domen nuda ingesta, alvum sæpe feliciter solvit, ægrumque ex orci faucibus servavit; multa enim in præcipiti periculo recte fiunt, alias omittenda.

Dieta tenuissima haud inflans, quies,

pathematum et frigoris evitatio , et ægrotanti et convalescenti convenienti. Postea quoque vitare oportet cruditates , frigus, jactationem , ambulationem , cæterosque corporis motus ; nam facile , nisi bene jam confirmatis intestinis , id malum redire consuevit.

*Hucusque ex opere Francisci Home  
PRINCIPIA MEDICINÆ prædicta  
transcribuntur.*

## MORBILLI.

1 **H**uc alter quoque morbus pertinet, puerili ætati , iisque , qui eo nondum defuncti sunt , infestus , quem vocant *morbillorum* , contagio , sæpe populari , unavice per vitam , eidem homini communicandus ; originis , ut videtur , cum variolis coaevae.

2 Cum anni exordio subnascens circa vernum æquinoctium vigens , pedetentim æstivo recedit.

3 En morbi stadia , cursumque : Primo die rigor , horror , frigus , calorque alternatim . Secundo febris assidua ; sitis ; anorexia ; lingua alba , humida ; capitis , oculorum gravedo ; somnolentia continua ; stillicidium humoris aeris ex oculis , cum tumore , ardore , rubore , pruritu palpebrarum ; coriza , et sternutatio frequens ; fauicium

levis dolor , velut à rheumate , cum tussi , tanquam catarrhali .

Paulo ante eruptionem nonnunquam vomitus et alvi fluxus , in dentiehtibus vivescens .

Horum omnium augmentum in quartum , subinde quintum usque diem . *Status contagii* dicunt .

4 Eo autem die eruptio macularum minutarum , rubrarum , morsus pulicum referentium , primo in fronte et facie , sensim numero et magnitudine auctæ , racematis cohærentes , ex innumeris parvulis papulis supra cutem modicissime elevatis , cum aspredine , tactu quidem , non vero visu observanda .

A facie ad pectus , ventrem , femora , crura descendunt , non elatæ , latiores tamen , et interstinctæ .

Eruptione absoluta vomitus cessat , reliqua continuantur , aucta tussi et spirandi difficultate . *Status eruptionis* .

5 Die sexto in fronte aspredo , cuticula rupta ; in reliquo corpore maculæ latiores , intensius rubræ donec die octavo , primo in facie , dein et in truncō , artibusque pallescant , et die nono evanescant cum secessu cuticulæ , instar farinæ , furfumque . *Status exarescentiae* .

6 Per omnia hæc stadia eadem febris est , veluti catarrhalis , peripneumonizæ af-

finis , in eam s̄epe conversa , die nono in  
miti morbo terminata.

7 De Morbillis hæc valent:

Quo tardior eruptio , eo melius.

Subitanea retrocessio macularum cum  
delirio , ferme letalis.

Macularum nimia rubedo , mala ; pe-  
jor vero earum livor.

A calido regimine macularum primo  
livor , dein nigror , letalis.

Vomitus perseverans post eruptionem ,  
periculosus.

Mala febris die nono , et serius ; est  
enim peripneumonica.

Tussicula post morbum , diuturna , ves-  
pertina , nocturna , cum raucedine , et fe-  
bricula latentem peripneumoniam , et ph-  
thisim superventuram docet ; nisi cito et  
potenter juves antiphlogisticis.

Ut plura funera in variolis , quam post  
eadem , ita plura quoque post morbillos ,  
quam sub iisdem , et æque multa fortasse ,  
ac in variolis .

Periculosus morbus , in peripneumo-  
niam , pleuritidem pronis , hæmoptoicis ,  
tussiculosis , asthmaticis .

Cave , ne consuetam exanthematis eva-  
nescentiam habeas pro ejusdem morbosa  
retrocessione .

8 Curatio fit fere eadem , quæ in  
angina , peripneumonia , pleuritide : scili-

cet apparatu antiphlogistico toto , subinde generoso , per totum morbum , cum determinatione ad pulmones : præprimis quiete in lecto , sub levi stragulo , in aere tepido , humidoque ; victu tenui , farinoso ; potu frequenti ex althæa , malva , salab , hordeo , oryza , horum cremore ; emulsis nitrosis , crebro , tepideque propinatis ; vaporibus ore haustis ; avertendo febrim corregentem.

9 Symptoma grave est , peripneumonia post eruptionem ; huc referenda de peripneumonia dicta.

10 Tussis longa , emacians ; febricula ; diarrhoea post morbillos petunt decocatum radicis salab , et phlebotomiam.

11 Ex hisce constat , quæ differentia regiminis in morbo varioloso et morbilloso ; quibusve hic sit funestus , et cur ? Cur ejusdem insitio , et quibusnam , commendanda ?

12 Hæc autem fit ope sanguinis ab homine morbilloso excepti , alterique , ut in variolis insitivis , communicati.

Die sexto ab infectione febricula , tussis perpaucis , absque peripneumonia ; absque effectibus , morbum non insitivum sequi solitus.

## SCARLATINA.

**V**

1 *V*ariolis et morbillis jungenda febris *scarlatinosa*, non raro epidemica, maxime autumno, hyeme, et vere primo, in ætate tenera, sexu sequiore, et inter viros, queis fibra laxa, illosque, qui eo morbo nondum correpti, eadem habitacione utuntur; contagio, ut videtur, peculiari propaganda.

2 Est febris acuta, continua, à frigore, calore, vomitu bilioso exordiens; nondum sat cognita; cognitas tamen, inflammatoriam, biliosam, putridam, eadem fors tempestate regnantes æmulata; hinc ad earundem leges sananda; cum proprietate medicina adhucdum desit.

3 Mitissima subinde; nonnunquam passim funesta; durationis vel in eadem constitutione differentis, nunc intra paucos solum dies, nunc vero plures septimanas conclusa.

4 Die febris incerto maculæ primo conspiciuntur, dein plagæ latiores, rubræ, panni scarlatini colore, morbillis intensius, raro pallidissime rubentes, cum levissimo tumore, calore, pruritu, ardore affectæ partis, papulis albis intermixtis, miliaria referentibus; febre efflorescentiis non judicata, intra paucos tamen dies sopita, si

morbus boni moris , cuticula in farinam  
fatiscente.

At morbo graviore , accedunt coma  
vigil , soporosum ; convulsio universalis;  
phrenitis ; apoplexia : undè mors præceps,  
non prævisa , in morbi principio.

Glandularum colli ; submaxillarium,  
parotidum , tumores inflammatorii ; angina  
varia , inflammatoria , suppuratoria,  
gangrenosa , putrida , maligna , tonsillarum ,  
veli penduli , pharyngis , laryngis ;  
unde mors subita , suffocans , ex cynanche  
in morbi accessu , cum delirio , orthopnoea ,  
risu sardonio , tetano , opisthotono ,  
epilepsia.

Malo autem hinc in thoracem , illinc ,  
vero per totum tubum alimentarem atque  
intra viscera abdominis demisso , à  
materie scarlatinosa vellicante , rodente ,  
inflammante , septica , infinita gravissima  
symptomata , morbique secundarii , pro  
natura et officio affecti visceris , et agentis  
contagii modo.

5 Quo tempore inter juniores febris  
scarlatinosa grassatur , inter adultos sæpe  
sola angina comparet.

6 Febre sensim cessante epidermis  
secedit in manibus , pedibusque per integras  
lacinias ; in reliquo corpore per modum  
furfurum , squammularum , farinæ.

7 Cuticulæ secessum in morbo gravi ,  
subinde et levi , aere rudiore citius admis-

so , vasis cutaneis obliteratis , perspirationi promovendæ ineptis ; secretione lotii per pauci , et subinde subcruenti , nigrescentis , diminuta , aut plane abolita , hydrops , frigidus , calidus , anasarca , demum cavitatum variarum sequitur , curationis laboriosæ .

8 Natura morbi nondum sufficienter intellecta methodum medendi dictat traditam (595. ad 768.) (Aph. 558. ad 726. Boerh.) in moderanda febre , et symptomatibus mitigandis occupatam . In febre , sæpe elatiore , inflammatoria , angina simili , inde abolita deglutitione , encephalo inflammatorie affecto , hirudinum ad tempora , retro aures , applicatio ; nuchæ sacrificatus cruentus ; rubefacientia gutturi , suris , pedum plantis apponenda ; potulenta emollientia , nitrosa , sambucina ; morbo his mitigato camphora prudenter data , convenientur .

9 Hydrops prævertitur , præsens curatur vitando frigus in convalescente ; determinando ad sistema urinarium , regmine , et medicamentis ; sollicitando evacuationes diureseos vicarias , alvinam præprimis ; præcavendo relapsum , tonicis , forma remedii , alimenti , exercitio corporis vario , matutino , protracto , ad initium sudoris usque , rusticatione in elatioribus .

Hydropem calidum phlebotomia solvit .

10 An datur cohtagium scarlatino-

sum, quemadmodum, variolarum, et morbillorum?

An id, semper idem in se, diversimode tamen agit, diversas vires nactum ab anni constitutione, et ægrotantis diathesi?

An ejusdem suscipiendi tantum semel in vita facultas est in eodem homine?

An febris *scarlatinosa*, sine scarlatina æque frequens, tam cum, quam sine angina? et an angina putrida, maligna, contagiosa, ab eodem miasmate, ut scarlatina?

An idcirco pauciores hoc morbo corripi existimantur, et si fortasse paucissimis parcat, diverso schemate occultatus?

Hæc quidem ita videntur.

Si hæc ita se habeant, an tuto inoculari et potest, et debet? præprimis cum inde tam multæ strages?

## PLEURITIS HUMIDA,

### SEU ANGINA BRONCHIALIS.

**T**um inflammatio subinde bronchia, eorumque ramifications prehendit; inde febris acuta continua, cum dolore lateris interiori, inflammatorio, tussi et inspiratio-ne aucto, cum sputis croceis, cruentis.

Pleuritidem *humidam* appellant.

Sede difert à pleuritide sicca, quæ pleuram afficit: differentia ab illis non observa-

ta, qui de sede pleuritidis controversiam moverunt.

Causas habet inflammationum generales, et eas quoque, quæ anginas, trachealem præprimis, et peripneumoniam producunt.

Exitus quoque eosdem habet cum iisdem morbis, habita ratione affectæ partis: nempe in sanitatem, morbos alios, aut mortem.

In sanitatem abit, 1. resolutione benigna in morbo levi, à caussis levibus; 2. crisi per sputa, sudores, urinas, alvum, coctione prægressa, et diebus decretoriis quarto, quinto, septimo, nono, undecimo, ut plurimum.

Terminatur quoque materie inflammatoria repente deposita in cava aerea coccione prægressa, et die critico instante, eventu vario.

Morbus exigit methodum antiphlogisticam, inflammationis magnitudini commensuratam, scilicet venæsectiones, potus tepidos, emollientes, nitrosos, balnea pulmonum, vaporibus aquæ dulcis inspiratis.

Exitus reliqui tum ex cognitione inflammationis in genere, tum ex iis, quæ de angina inflammatoria dicta sunt, repetendi.

Ex hucusque dictis colligitur, cur sputa purulenta post *humidam* pleuritidem morbum curatu difficilem notent; insanabilem vero post sicciam. Patet quoque, plurima

effata veterum æque ac recentiorum de pleuritide , ad *banc præprimis , humidam nempe , seu ad anginam bronchialem pertinere.*

Intelligitur etiam , cur hic morbus tam frequenter cum eo jungatur , de quo nunc agetur (*Peripneumonia vera*) cum eoque pleuroperipneumoniam constituat.

## PLEURITIS,

## ET PLEUROPERIPNEUMONIA

### LATENS , CHRONICA.

**S**i morbus idem (*ac præcedens*) ad speciem mitis , atque *ortostaden* (*seu situm erectum*) affligat , pleuritis aut peripneumonia *latens* dicitur ; ob frequentiam mali , fallacem lenitatem , hinc medelæ neglectum , certumque inde discrimen , hic curatius expendenda.

Febricula per vices , vel et assidua , levissima , aut febriculosa solum diathesis à Medico sæpe , ab ægroto sæpiissime non animadversa , utpote obambulante ; dolor lateris exiguus , fixus tamen , tussi , aut fortis sub inspiratione excitatus , *pleuritidem occultam* notant ; *pleuropneumoniam vero latentem* , si continua , utut exigua , thoracis oppressio simul adsit.

Est sæpe *chronica* , non raro *hæreditaria* , tumque in phthisin terminanda.

Causas habet, 1. pleuritidis, aut peripneumoniae producendæ idoneas, at mitiores; 2. peculiares quasdam, easque frequentius. Oritur nempe à prægressa pleuritide non ex integro soluta, à catarrho, inflammatorio facto, victu, medicamento, neglectu, anni tempore; à tuberculo inflammato ob causam febrilem quamcumque; à diathesi particulari ad eum morbum originaria, aut acquisita, quam prodit corpus gracile, atque extenuatum, cum ejusdem incremento majori, veloci, ac præmaturo: thoracis configuratio prava ob rachitidem, ejusque ossea compages ob idem olim vitium tenuior, et magis angusta, quam pro corporis reliqui mole, et continens pulmonem minorem infirmioremque; scapulæ alatæ; collum tenue, atque elongatum; vultus amabilis, genæ assidue rubentes; ingenium præcox, subtile; fibra delicata, summopere irritabilis; sanguis phlogisticus; acrimonia arthritica.

Ita prædispositi, à febre, motu, potu, saltu, nixu, refrigerio sudante corpore, plethora, pubertatis ingressu, &c. *latentem* pleuritidem, aut pleuroperipneumoniam patiuntur, cum sputo cruento, subinde largo. Malo sæpius mitigato, identidem recurrente, per annos, donec ante trigesimum-sextum ætatis annum in phthisin incident immedicablem.

Sanguis missus , crusta pleuritica semper tectus , mali levamen à parca , sed frequenter instituta phlebotomia ; vivendi ratio mere antiphlogistica hic sola proficua; et curationes hoc modo subinde factæ ; vomicæ pulmonum cætera dire inflammatorum in cadaveribus repertæ , et longus decursus morbi pleuritidem , peripneumoniam , pleuropneumoniam *occultam ac chronicam* significant.

Inde liquet , cur tot mortes à catarrho neglecto , et quinam inde magis periclitentur ; quænam ejusdem curandi ratio , quæ hæmoptoë , et in quibus sit periculosior: an tunc à frigidis actu , à tonicis , adstringentibus , an vero ab antiphlogisticis sit sperandum auxilium ; quanam ratione hæreditarium hoc malum præcaveri , prævertique potius in infante , pueroque possit , quam in adulto sanari ; cur superveniens arthritis , aut podagra regularis , aut hæmorrhoidum frequens fluxus , suos à morbo liberet ; cur inde phthisici ab equitatione , cortice peruviano , lichene islandico , polygala amara , balsamis , atque universim ab omni impetum augente tantopere lædantur , et quæ mens fuerit Sydenhami , equitationem commendantis , in colliquatione ? (Vid. not. in Aph. 906.)

*Hucusque Stollius in Aphorismis de cognoscendis et curandis Febribus.*

## MICTIO IMPEDITA.

DYSURIA : STRANGURIA : ISCHURIA.

**T**

res hujus mali species distinguntur, maximam partem gradu inter se discrepantes:

1 *Dysuria*. Quodsi urina non facile exonerari potest, nullæ tamen amplius molestiæ notabiles inde oriuntur, illud *dysuria* vocatur.

2 *Stranguria*. Quodsi urina tantum per stillicidium, et cum dolore emititur, tunc *stranguria* salutatur.

3 *Ischuria*. Hic adsunt conatus mingendi acerbissimis doloribus stipati, nec tamen minimum urinæ emittitur, ubi simul vesica turgescit, sensum gravitatis in abdomen, et sæpe tumorem in ossibus pubis producit.

Causæ aut in viis ipsis urinariis continentur, aut per consensum agunt. Præcipue earum sunt:

1 Inflammatio renum, ureterum, vesicæ, atque urethræ.

2 Congestiones sanguinis ex hæmorrhagiis suppressis, et consuetis.

3 Calculi renales, et vesicæ.

4 Collectio muci, cui aut irritatio calculorum ansam præbet, aut quoque per

dispositionem peculiarem , non secus ut  
in colica pituitosa , producitur.

5 Spasmi aut è caussis parvis , debili-  
tate hysterica præsentि , aut etiam è ver-  
mibus , sordibus in primis viis acribus , are-  
nulis et calculis producti , eo facilius emis-  
sionem urinæ supprimentes , si jam vitia  
topica in renibus adsint.

6 Ulcera , indurations atque excres-  
centiæ carnosæ in viis urinariis atque in  
prostata , quæ omnia sequelæ gonorrhœa-  
rum perperam tractatarum esse possunt.

7 Diuretica fortiora , usus ex. gr. can-  
tharidum incautus.

8 Potulenta aut minus recte fermenta-  
ta , aut adhuc in fermentatione com-  
prehensa.

9 Relaxatio et debilitas vesicæ urinariæ.

10 Pressio uteri in vesicam tempore  
gravitatis.

In inflammationibus methodus anti-  
phlogistica prorsus observatur. Congestio-  
nes sanguinis contendimus per missionem  
sanguinis , per restitutionem hæmorrha-  
giarum solitarum et per emollientia atque  
antiphlogistica tollere.

Ubi mucus adest , inquiritur , utrum is-  
à calculis producatur , an vero è disposi-  
tione dignatur peculiari. In priori casu in-  
servit aer fixus , in posteriori pharmaca ro-  
borantia atque adstringentia.

In spasmis ad irritationis causas respi-

citur, et simul emollientia atque antispasmodica adhibentur.

In ulceribus, indurationibus et carnositatibus, raro aut nunquam alia ratione, quam mechanice, hoc est, per candelas opitulari licet. In casibus etiam ipsis ubi malum è causis venereis originem dicit, nihil mercurialia juvant.

Ubi cantharides sunt causa, camphora in emulsionibus exhibita vires exerit specificas. Adhibentur præterea, uti, ubi potus fermentati sunt causa, externe emollientia, atque interne demulcentia.

Ubi debilitas vesicæ adest, inquirendum est, utrum hæc debilitas è vitio systematis nervosi universali oriatur, an vero sit tantum localis, atque è retentione urinæ forte nimium diurna orta. In priori casu sæpe per roborantia et diuretica succurrere licet, in posteriori natura ipsa opitulatur, aut morbus manet insanabilis.

In graviditatibus sæpe obliquitas uteri est causa, ubi opera danda, ut ea secundum artis obstetriciæ leges tollatur.

Quodsi adest ischuria perfecta, nec catheter applicari potest, periculumque imminet, *paracentesis vesicæ* (a) est refugium.

(a) Operatio ista non nisi in circunstantiis hic propositis suadenda. Catheteris usus absolute præferendus, ad quem Chirurgus in operatione ista versatissimus advocandus. Si neque iste va-

I Vitium in renibus adesse potest, quo secretio urinæ tota supprimitur, nec ullum adest molimen urinam mittendi, atque adeo nullus dolor nullaque signa collec-

let, et omnibus aliis frustra tentatis, periculum imminet, ad paracentesim istam deveniendum. Hæc triplici loco potest operari: in intestino recto; juxta perinæum, et supra os pubis. Recentissimi Chirurgiæ Scriptores partem istam ultimam præferunt: inter quos Chirurgus Chopart consulendus, qui (An. 1792.) duobus sat grosis tomis de *Morbis urinæ viarum* agit. (*Traité des Maladies des voies urinaires.* Tom. II. pag. 268.)

Utinam Chirurgi omnes in catheteris introducendi dexteritate assuefierent, et eminerent; evacuatio enim urinæ ita per viam naturalem patulam, et incruentam efunderetur. Si ita non est, ægri misserrimè cruciantur, inflammantur, et vel pereunt, vel tempus operationis procrastinando, ista etiam interficiuntur. Sed tandem ad aliquod auxilium, operationem nempe istam confugendum. Quæ supra os pubis fit, inquam, præferenda: hæc enim est minus horrida, minus lassans, et expeditior.

Fieri debet juxta lineam albam, et licet ibi ad-sint tegumenta, aponeurosis musculorum latorum infimi ventris, musculi recti, quandoque unus ex pyramidalibus, et pars vesicæ anterior; hæc omnia partem lacerandam parum crassam efficiunt, hinc operatio prompta, parum dolorifica, et minus periculosa, cum in ea nec nervi, nec vasa notabilia, quorum læssio posset esse ominosa inveniuntur. Ita prædictus Chopart ubi supra pag. 271. apud quem methodus hujus Operationis exercendæ merito videnda.

tionis urinæ in vesicula adsunt. Hoc in casu tumores œdematosi facile nascuntur, morbusque raro est sanabilis, quia renes plerumque sunt destructi. Ea *Ischuria renal*is vocatur. Similes sequelas vitia atque obstrukiones ureterum exhibent.

2 In missione urinæ sic satis commoda quoque collectio urinæ præternaturalis in vesica, extensioque ejusdem oriri, ischuriāmque ut sequelam post se trahere potest. Hic sentitur tumor in abdomen, et verisimiliter vesica fit scirrhosa atque insensibilis, propterea etiam nullus adest dolor. Curatio hic tantum palliativa per cathetrem habet locum.

### D I A B E T E S.

 Quodsi præternaturaliter magna urinæ copia exoneratur, atque ex ea tabes nascitur, morbus *Diabetes* nuncupatur, qui ceterum longe rarissime occurrit.

Dantur casus, ubi urina quidem non nimium copiosa emingitur, sed qualitatis est præternaturalis; ita ex. gr. potulenta adsumpta nonnunquam sine mutatione dejiciuntur. Auctores hunc morbum *diabetem spurium* appellare solent.

Quædam *diabetis chylosi* species quoque datur, ubi nimirum chylus per vasa lymphatica immediate in vesicam defertur. Plerumque urina est odoris et saporis ex-

pers, in calore minime coagulatur, atque adeo non est lympha, ex illa autem omnino substantia *saccharata* (a) secerni potest, et per fermentationem illa fit acida; est ea proinde verosimiliter productum chyli proximum, et sequela vis assimilationis deficientis. Ut plurimum obstructiones pertinaces, atque ulceræ clausa, debilitas cutis et systematis lymphatici, et generatim omnes causæ morborum tabidorum, hic etiam sunt causa.

Agitur proinde secundum indicationes diversas, eodem plane pacto, ut superius in morbis tabidis est dictum. Ratio medendi autem ut plurimum est irrita, quoniam constitui nequit, utrum vitium in instrumentis urinæ secretoriis, an vero in prava qualitate universi systematis lymphatici consistat, quod posterius interim verosimillimum esse videtur, quia sæpe multo major copia urinæ exoneratur, quam fluida adsumpta fuere, quare resorptio cutanea nimium magna esse debuit. In priori casu interim cortex chinæ et balnea frigida, ut

(a) An diæta non ex vegetabilibus acescentibus, sed eminenter animalis, emetica identidem repetita, et remedia alcalina valentiora productio-  
ni acidi saccharini, seu materiæ saccharatæ, cau-  
sæ hujus morbi forte præcipuæ officent, obstabunt?  
Ita videtur. Urina enormis diabetica analysi che-  
mice exposita magnam partem hujus materiæ sac-  
charatæ offert, quæ prædictis remediis minuitur

in posteriori tinctura cantharidum (*a*) , ad relaxationem vasorum tollendam , proficua esse possunt.

## SECRETIO LACTIS.

**P**lerumque die tertio post partum oritur febricula à 18. ad 24. horas , non nunquam vero etiam aliquot dies perdurans , qua plerumque durante fluxus lochiorum est interruptus.

Quod si lac durante hac febre in mammis colligitur , lochiaque in eadem ratione redeunt , collectio lactis ut crisis febris est consideranda , hinc etiam *febris lactea* vocatur. Atque hoc in casu otiosi manemus.

Quod si vero cum febre lac non colligi-

sensim , imminuitur etiam urinæ copia , et æger jam fere tabidus pinguescit. Videatur Opusculum *Jon. Rollo Med. Doct. hispanice versum An. 1799.* quo morbus iste describitur , et plura chemica Inventa ad Medicinam à Professore Fourcroy translata reperiuntur.

Videatur etiam citatus *Chopart , P. I. pag. 52.* apud quem ex variis Auctoribus laudantur Serum aluminosum , Aqua calcis , Pulvis Dowerii , Dia-phoretica , et quando urinæ incontinentia jungitur , vesicatorium regioni lumborum versus os sacrum applicandum.

(*a*) Tinctura cantharidum timenda ; imo vitanda. Alia stimulantia ad relaxationem vasorum tollendam securiora præferenda.

tur, febris perseverat, lochia non redeunt,  
*febris puerperarum* non longe abest, de  
qua inferius. (a)

Nonnunquam lac sine omni febre in  
mammis colligitur, aut illud jam ante par-  
tum adfuit.

Subinde neque lac, neque febris com-  
parent, nec aliud ullum symptoma. Nisi  
hujus rei culpa in defectu alimentorum sit  
quærenda, qui potu largo lactis cum flo-  
ribus sambuci cocti aliisque cibis nutrien-  
tibus compensari potest, nihil amplius fa-  
ciendum restat, quam ut de nutrice alia  
quærenda simus solliciti.

Nonnunquam fluxus lochiorum justo lar-  
gior est causa, quod lac non secernatur, quo  
in casu agitur, ut jam superius docuimus.

Nimium lactis quoque in mammae ir-  
ruere potest, ita ut facile nodi atque indu-  
rationes nascantur. Hi nodi quoque produ-  
ci possunt, si colostrum non satis mature  
fuerit exsuctum. Diæta tenuis, potus aquæ  
coctæ nitro imprægnatæ frequens, atque  
epithemata resolventia sæpe per se juvant.  
Nisi hoc sufficiat, externe camphora, at-  
que emplastrum de ammoniaco cum mer-  
curio, atque interne laxantia antiphlogis-  
tica in auxilium adhibentur.

(a) Febris *lactea* et *puerperalis* ex Stollio  
transcriptæ extant in Appendice Tomi tertii  
pag. 449, et 452.

Idem quoque plane suscipitur, quod si lac in mammis collectum est, nec puerperæ lactare velint.

Generatim non est consultum, ut mulieres constitutionis hystericae, scrophulosae, et scorbuticae, aut temperamenti valde iracundi lactent, tanto etiam minus, ubi minima suspicio miasmatis venerei locum habet. Mulieres quoque plerumque sunt proutrictibus ineptae, quae insimul fluxum menstruum retinent. Necesse etiam est, ut lac nec nimis sit pingue, nec nimis tenue. Colore gaudere debet non lividulo, sed candido, guttulae autem singulæ pellucidae esse debent.

Quod si mater aut nutrix non satis sunt sanæ, nec temperamento gaudent bono, satius semper est, infantes decocto avenaceo tenui cum aliquanto lactis permixto tepideque exhibito alere, in primis si hoc in negotio caute procedatur, et potius in defectu, quam excessu error in alendo infante committatur.

In lacte retropulso respiciendum est: (1) ut minus lactis secernatur. (2) Ut jam secretum atque resorptum non stagnet, sed educatur. Utrumque fit per diætam tenuem, salia media leniter aperientia, atque usum camphoræ externum atque internum.

## METASTASES LACTIS.

**T**In puerperis humorum collectiones inveniuntur, qui constitutione lacti simili gaudent, atque igitur à multis Medicis omni jure pro metastasibus lactis existimantur.

Quidam Medici hoc è rationibus sequentibus negant, dicunt:

**i** Hanc collectionem humorum lacti similium nihil aliud esse, quam lympham puriformem, quæ est inflammationis sequela, atque è partibus inflammatis exsudat, uti hoc in multis inflammationibus est casus, et tales collectiones quoque in viris inveniuntur.

Ad hoc respondeo:

**a** Non semper in talibus casibus, ubi tales collectiones fiunt, inflammatio antecedit, sed subito quodam loco talis metastasis sine multis prægressis doloribus oritur.

**b** Hæc humorum metastasis numquam cum inflammatione gaudet proportione. Sæpe pauca aut nulla ejusdem vestigia observantur, sæpe ea est tantum sequela humorum acre redditorum, et sæpe inflammatio vehementissima sine tali metastasi adest.

**c** Hæc metastases fere semper cum de-

fectu lactis in mammis sunt conjunctæ , atque ubi hoc non est , nihil ulterius probat , quam redundantiam humorum lacti similiūm magnam .

*d* Quoque in viris subinde lac in mammis est secretum , et sic quoque fieri potest , extra lectum puerarum humores lacteos se colligere , et loco quodam metastatice dejicere posse . Utrique casus ad exceptiones pertinent . In regula inflammations talibus collectionibus non sunt stipatae . Quid? quod in puerperis inflammations intestinorum sine omni vestigio talium humorum lacti similium inveniuntur .

*2* Lac esse humorem blandum atque ejusdem resorptionem nullo modo noxiā esse posse .

#### Responsio .

*a* Resorptio lactis sani modica quoque est innoxia ; hoc nihil contra nos probat .

*b* Resorptio autem nimia et subitanea omnino tales metastases efficere potest .

*c* Lac per causas irritantes admodum acre fieri potest . eadem causæ , quæ depositionem efficiunt , quoque simul lac acre reddunt , ex. gr. animi pathemata .

*3* Metastases oriuntur sæpe prius , quam lac in mammis adfuit , et sunt sæpe quoque nimis magnæ , quam quod solummodo è lacte in mammis contento oriri potuissent .

Qua ex re nihil ulterius concludere

possemus, quam quod lac jam ante ejusdem introitum in mammae adfuisse debeat, atque hoc revera quoque est longe verisimillimum. Qua de causa in febre lactea metastasis lactis in mammis est critica.

Quum igitur hi humores collecti maxima similitudine cum lacte corrupto gaudent, quum haec collectiones cum liquore in mammis contento nexum habent, quum haec prorsus metastatica ratione fiunt, quum haec saepe sine omni praegressa inflammatione oriuntur, quum in regula inflammations extra puerarum lectum non tales collectiones ad sequelam habent, id gaudet summo verisimilitudinis gradu, quod metastases sint lacteae.

Ceterum jam HIPPOCRATES metastases lacteas in medium protulit. Inter recentiores primus est *Levret*, qui eas exactius observavit. *Swietenius* sententiæ illius est secutus. Postea *Puzos* hac in re summam meretur attentionem, et mihi descriptio febris puerarum magis accurata remanet.

Quinto plerumque mense revolutio in mammae contingit, ita ut secretio lactis nonnunquam jam incipiat, ubi tum etiam metastases oriri possunt. Quidam adserunt, se observasse, hujusmodi metastases sero admodum et post aliquot demum annos contingere posse. Sed hic metastasis jam tum contigisse videtur, quum adhuc lac in organis ejusdem secretoriis aderat, quæ

vero nunc demum in conspectum prodit. In muliere defuncta, quæ uno anno ante mortem suam in puerperio lac amiserat, et cum eo quoque rationis usum, inveni suppurationem in cerebro, quæ mihi quam verosimillime sequela metastaseos olim factæ esse videbatur. Casus quoque mihi occurrit, ubi hujusmodi metastasis post duos demum annos per uterum viam sibi aperuerat.

Periodus metastasium lactearum plerumque in priores menses post partum incidit. Exæ sunt, uti dictum, ante partum raræ, atque ulterius, ac in ablactatione partim lac non magis tam superfluum adesse videtur, partim loca, in quibus tales metastases fieri solent, dispositionem ad hoc amiserunt.

Excretiones et metastases præternaturales nunc fiunt.

- a* Per sudorem, inde sæpe miliaries;
- b* Per alvum et urinam;
- c* Per os, qua de re *Nucke* et *Puzos* exempla tradunt;
- d* Per umbilicum, sed hic fere metastasis in peritonæi duplicatura jam facta est;
- e* Per uterum, inde lochia alba;
- f* In cerebro, inde melancholia et mania;
- g* In pectore, inde angina pectoris;
- h* In abdomen, inde febris puerarum;

- i* In pelvi ; quod si ea inter musculum psoam atque iliacum occurrit , de-hinc ea per foramen ischiaticum in femora transit;
- k* Inter musculos abdominales ab in-guine usque ad os coccygis;
- l* In extremitatibus.

Causæ metastasium sunt:

**1** Omnia quæ excretionem lactis in mammis contenti impediunt , ut : defectus papillarum , cicatrices , māmīnæ nimis pin-gues , aut generatim abstinentia à succione.

**2** Omnia , quæ secretionem lactis in sanguine contenti impediunt , atque id corrumpunt , atque huc pertinent omnia irritamenta , uti : impuritates biliosæ , ver-mes , refrigerium , febris , animi pathema-ta et quoque inflammations , quæ autem hic quoque tantum pro causis remotis sunt habendæ,

In curatione igitur nitimur , primum omnes has causas auferre , et secundum metastases factas tollere.

Nonnunquam hæ stagnationes per po-tus diluentes , diaphoreticos , sublationem-que causarum irritantium discuti possunt. Haud raro autem in quandam suppuratio-nis speciem transeunt , atque adhuc sæ-pius tumores frigidos post se relinquunt, atque eo ipso motum partis affectæ impe-diunt. Atque hæc differentia ab indole lac-tis stagnantis pendet. Refrigerium plerum-

que, humoribus alias sanis et mitibus existentibus, tumores frigidos doloris expertes parere solet, è contrario hic succus alias lenis per acrimoniam reliquorum humorum, et per animi pathemata è vestigio ita corrumpi potest, ut fiat acris et fætidus, atque hoc in casu naturæ maxime est conforme, ut metastases lactis tam corrupti exulcerationes quoque malignas producant.

Ubi proinde redundantia lactis, proclivitasque ad spasmos animadvertuntur, opera est danda, ut per laxantia lenia, potionis diluentes, diætam parcam opitulemur. Idem suscipitur, ubi jam metastasis contigit.

Sæpe hæ metastases neque resolvi, neque in suppurationem mutari possunt, quod partim inde est, quoniam humor per telam cellulosam nimium est diffusus. Hoc in casu consultum est, humores extravasatos per fascias in unum locum cogere, ubi illi facilius inflammationem ad suppurationem necessariam producunt.

Quod si itaque tumor fluctuatione gaudeat, ille est aperiendus, et humor depositus emittendus.

Nonnunquam ejusmodi tumores in vaginalm aperiuntur, ubi per remedia refrigerantia et leniter evacuantia resorptio puris impedienda, et denique sanatio partis exulceratæ per corticem peruvianum est promovenda.

Quod si postremo tumor magis durus et frigidus est , et tantum manum aut articulos genu invasit , efficacia in auxilium vocanda sunt resolventia. Emplastrum resolvens fætidum , emplastrum de ammoniaco cum mercurio , frictionesque mercuriales , utilem sæpe hic præstant operam , etiamsi nonnunquam hujusmodi tumores sint longe pertinacissimi.

## FLUXUS SANGUINIS

## PRÆTERRNATURALIS

## S P U D E N D I S M U L I E B R I B U S .

Huc refero.

1 Quum menses nimium mature comparent , debilitatemque pariunt. Dantur ex. gr. casus , ubi illi jam ante annos octo adsunt , quod sub nostro climate est præternaturale.

2 Quum in quovis fluxu periodico nimium sanguinis effluit.

3 Quum fluxus nimis sæpe , ex. gr. decimo quarto die recurrit.

4 Quum menses supra ætatem debitam perdurant , et debilitatem dignunt.

5 Quamvis hæmorrhagiam , quæ extra fluxum menstruum ab eoque independenter occurrit.

6 Denique hæmorrhagiam lentam continuam, quæ nonnunquam post abortum, aut partum remanet, aut ex aliis causis nascitur.

Causæ harum hæmorrhagiarum præter universales sunt, irritatio partium genitalium singularis per frictiones, saltationem, concubitumque nimis frequentem; incautus medicamentorum pellentium usus, partusque creber, ubi puerperæ non ipsæ lactant, nec impetus sanguinis versus uterum per lactationem satis mature est sublatus.

Hæmorrhagia larga, quæ in valetudine secunda, independenterque à fluxu menstruo comparet, causam plerumque in polypis uteri agnoscit. Hæmorrhagia lenta ut plurimum ulceris uteri carcinomatosi est symptomata.

In utero scirrhoso omnes causæ spasmum excitantes pariter hæmorrhagias subitas atque largas parere possunt.

Ubi fluxus menstrui præmature imminent, plerumque proclivitas ad phthisin adest. Ubi illi ultra tempus præscriptum perdurant, facile nascitur hydrops. Si fluxus menstruus nimis creber simul est inordinatus, pejoris est sequelæ, quam si is simul tempus suum statum observat; in priori casu facile exulceratio uteri oritur. Hæmorrhagiæ à fluxu menstruo independentes semper sunt pessimæ, et plerumque vitia uteri topica supponunt.

Methodus medendi in essentialibus ab universali nihil differt. Ubi fluxus menstruus tantum nimium frequens adest, non est hæmorrhagia prorsus suppressenda, sed tantum moderanda.

Ubi hæmorrhagia nimis larga est, ordinantur epithemata ex aqua frigida abdomini imponenda, similesque in vaginam injectiones. Sæpe etiam scarificationes siccæ mammis applicatæ ad congestiones versus partes inferiores impediendas prossunt. Nonnunquam cum proclivitate ad hæmorrhagias ex utero adest siccitas cutis, transpiratio imminuta, ubi balnea calida utilia esse possunt.

Lex jam in superioribus præscripta, non nimis mature et cito, sed sensim esse robandum, hic in primis locum habet, quia vasa pudendorum magni roboris sunt indigæ, ut minimis etiam congestionibus resistant.

Quod si polypus uteri adest, delegatione tantum illi mederi licet.

## DE GRAVAMINIBUS

### HÆMORRHOIDALIBUS.

**C**ongestiones sanguinis aut alterius cujuscumque humoris versus intestinum rectum appellantur *hæmorrhoides*. Dividuntur illæ in *cæcas* et *fluentes*.

Fluentes sunt aut *hæmorrhoides sanguineæ*, aut *mucosæ*.

Cæcæ sunt vel inflammatoriæ, nec ne. In posteriori casu illæ *Varices* vocantur.

Causa omnium hæmorrhoidum congestio sanguinis in systemate venæ portarum esse videtur, quod è sequelis colligi posse videtur. Præterea acrimonia plerumque rheumatica in corpore adest, quæ verisimiliter suas partes ad hæmorrhoides producendas confert. Hæc congestio sanguinis in abdomen salutatur *plethora abdominalis*. Causæ remotæ earundem sunt præcipue:

- 1 Debilitas systematis venæ portarum.
- 2 Sanguis viscidus atque acris.
- 3 Obstructiones vasorum ejusdem.

In methodo medendi igitur præcipue ad has causas remotas est respiciendum, et venæ-sectio, atque hirudines ibi tantum sunt applicandæ, ubi congestio per ejusdem durationem noxia fieri potest.

## HÆMORRHOIDES SANGUINEÆ

### F L U E N T E S.

**F**luxus *hæmorrhoidalis sanguineus* omnium gravaminum hæmorrhoidalium optimum esse videtur; nunquam tamen is cum fluxu menstruo est comparandus, etiamsi ille sæpè, ut hic, sit periodicus.

Symptoma semper est præternaturale, et sanitatis vitiosæ signum, in primis si is maturè incipiat.

A dysenteria et fluxu hepatico in eo discernitur, quod sanguis non sit cum exrementis permixtus, sed semper post fœces, easque ut plurimum duras prodeat.

Causa proxima non est sola plethora, quia primo sæpè homines ea tentantur, qui minime sunt plethorici, et secundo missio sanguinis sæpe mala non tollit, quæ post fluxum parentem sistuntur.

Sæpe dispositio quædam naturalis adesse videtur, quo in casu fluxus facile redit, atque eo minus est suppressendum, quo magis sanitas ab eo pendere videatur.

Sæpe autem etiam tantum oritur post exæstuationes, obstructionem alvi, excrementaque durissima, errores diæteticos, purgantia acria, atque in mulieribus in graviditate et post fluxum menstruum emanentem et suppressum. Atque hoc eo facilius, quod si jam antea tumores cæci adfuerunt.

Proclivitas ad fluxus hæmorrhoidales singularis ex eo cognoscitur, si fluxus sine omni causa manifesta se stiterit, si anxieties, lassitudo, cephalalgia et vertigo, spasmi ventriculi, dolores in intestinis atque in regione ossis sacri, et calor atque pruritus circa nates præcesserint, et nunc per fluxum hæc symptomata fuerint sublata.

Hoc in casu fluxus præsens non est supprimendus, quia per hoc congestionibus periculosis in alias partes occasio præberi posset. Nisi is forte nimius esset, enervaretque, ubi vero per remedia refrigerantia interna, atque externa in auxilium veniendum.

Quod si cognitum est, symptomata proxime enumerata è proclivitate ad fluxum hæmorrhoidalem oriri, simulque congestiones versus pectus esse pertimescendas, enitimus fluxum per pediluvia calida, ac fomentationes promovere. Cum remediis pellentibus major hic, quam in fluxu menstruо, cautio est servanda, et potius per hirudines intestino recto impositos, aut missionem sanguinis in pede susceptam sanguis est educendus, congestionesque per hoc tollendæ.

Dantur interim casus, in quibus è fluxione hæmorrhoidum utilitas manifesta speranda est, uti hoc ex. gr. in tympanitide haud raro obtinet. Et hic enemata *ex aere fixo* præstantissimi sunt usus.

Quod si vero fluxus è causis occasionibus cognitis oriatur, contendimus huic per remedia refrigerantia, evacuationem primarum viarum, solutionem alvi, atque per resolventia et roborantia pro re nata occurrere.

## HÆMORRHOIDES MUCOSÆ

## FLUENTES.

**M**ucus ex intestino recto effluens nonnunquam aliqua ex parte est criticus, nec tunc simpliciter est impediendus. Quod ex eo cognoscitur, si ægri, quibus talis effluxus est consuetus, emanente illo, congestionibus humorum serosorum versus partes superiores tentantur. Contendimus hic acrimoniam singularem per remedia sanguinem purificantia atque exercitacionem tollere, quod vero non semper succedit.

Nonnunquam fluxus talis mucus è sola intestini recti debilitate nascitur, atque hic clysteres ex aqua frigida eximiuntur usus.

## HÆMORRHOIDES URETHRÆ.

**H**æ differunt à mictione cruenta per simplicem, et cum urina non permixtum sanguinis effluxum, præcipue autem per earundem ortum è congestionibus hæmorrhoidalibus, qua de causa illæ quoque pro anomaliis hæmorrhoidum existimantur. Hic per hirudines intestino recto applicatos, per remedia attenuantia et leniter diuretica,

et generatim per congestiones hæmorrhoidales tollendas juvamus.

### HÆMORRHOIDES CECÆ.

*Hæmorrhoides cecæ* nonnunquam cum fluentibus sunt conjunctæ, easdemque agnoscant causas, nisi quod plerumque in cæcis plures adsint causæ obstructio-  
num viscerum abdominis pertimescenda-  
rum. Nonnunquam illæ interea solummodo prolapsus ani, et pressionis mechanica sunt sequela.

Varices aut è stasi sanguinis in venis, aut ex humoribus in telam cellulosa-  
m extravasatis oriri videntur. Pressioni cedunt, nec dolent. Ubi proclivitas ad fluxum hæ-  
morrhoidalem adest, semper fere per hunc solvuntur, qui proinde promovendus est. Si vero non hic casus obtineat, illique ni-  
mium diu maneant, verendum est, ne de-  
nique inflamentur: atque hoc in casu,  
enitimus eas per aquam frigidam, aut si  
hoc minime sufficiat, illique ansam hæ-  
morrhagiis præbeant, per cultrum tollere.

Tumores inflammati tractantur ut quævis alia inflammatio. Si vero resolutio non statim contingat, mature sunt aperien-  
di, quoniam alias humores obstructi facile acres redduntur, fistulisque dant occa-  
sionem.

In mulieribus haud raro tumores labiorum vulvæ occurrunt , qui apertæ anomaliæ hæmorrhoidum , et fluxuum menstruorum sunt , atque ut plurimum in suppurationem transeunt , quæ statim in initio est promovenda.

## O P H T H A L M I A.

**T**

*Inflammatio oculi* vocatur *ophthalmia*. In sequentes distinguitur species.

1 *Taraxis*. Sic appellatur levis inflammatio conjunctivæ , quæ nonnunquam usque ad palpebras extenditur , sed nulla est febri stipata.

2 *Chemosis*. Inflammatio hic tam est vehemens , ut sæpe tunica adnata supra totam corneam promineat , eamque obtengat , ubi simul febris acris , doloresque atroces adsunt.

3 *Pblegmone oculi*. Ita vocatur inflammatio partium internarum oculi , quæ ex febri magna simul præsentि , sensibilitate oculi adversus lucem præternaturali , atque è dolore in interioribus oculi pulsanti cognoscitur.

4 *Exophthalmia*. Sic salutatur inflammatio tanto cum tumore stipata , ut bulbus oculi à palpebris tegi nequeat.

5 *Blepharophthalmia*. Ita inflammatio palpebrarum nuncupatur.

6 *Hordeolum*. Sic tuberculum in tarsis oculorum inflammatum salutatur.

Chemosis et phlegmone oculi facile suppurationes oculi post se trahunt, atque hæ sunt extimescendæ, si dolor per caput versus occiput vires suas exerit. Si pus pone corneam interque lamellas ejusdem colligitur, vocatur *Hypopium*. Quod si in cornea abscessus nascitur solitus, is *Onyx* nuncupatur, et si hic abscessus ulcus format, illud *Helcoma* salutatur. Si tuberculum quoddam in tarsis induratur, illud *Chalacion* appellatur.

Causæ inflammationis oculi sunt:

- 1 Læsio externa violenta.
- 2 Nimius oculorum usus,
- 3 Corpora aliena aut physice, aut mechanice irritantia, ex. gr. vapores acres, pulvis,
- 4 Diathesis inflammatoria.
- 5 Sordes in primis viis biliosæ,
- 6 Vermes in intestinis.
- 7 Irritatio è dentitione infantum inflammationi in illis ansam præbere potest.
- 8 Acrimonia rheumatica, scrophulosa, venerea, et cancerosa. Hordeolum pertinet inter signa acrimoniæ scrophulosæ. Ophthalmiæ ex acrimonia scrophulosa et miasmate gonorrhœæ multa gaudent similitudine, quod plurimum ad affinitatem duarum acrimoniarum ostendendam ponderis habet. Ab utraque distinguitur illa

species ophthalmiæ venereæ , quæ symptoma luis est venereæ . Ophthalmia è miasmate gonorrhœæ oritur plerumque à dejectione metastatica materiæ gonorrhœæ , et semper fere cedit soli methodo antiphlogisticae . Ophthalmia è miasmate venereo cancroso (*chanchre*) requirit mercurialia .

9 Diathesis metastatica materiæ exanthematicæ , ex. gr. variolarum , morbillorum .

10 Relaxatio partium oculi singularis , quæ sæpe ophthalmiam sic dictam habitualē fluentem producit , quæ à nonnullis etiam *Lippitudo* vocatur .

11 Dantur etiam ophthalmiæ periodicæ .

12 Denique symptomaticè per alios morbos oculorum produci potest .

Curatio interna instituitur secundum indicationes . In chemosi et phlegmone festinandum est cum remediis , ut suppurationi præveniatur . Vesicatoria in cervice et temporibus sunt ubique et plerumque multo cum fructu adhibenda , in primis si illa per emplastrum vesicatorium perpetuum satis diu aperta serventur . Externe ad oculum in inflammationibus acutis , quæ febres habent comites , tantum fomentationes emollientes prosunt , quem in finem decocta malvacea commodissima sunt . Ubì ophthalmia à congestionibus sustentatur , hirudines quam proxiime applicati prosunt .

Incisiones quoque in conjunctiva s<sup>e</sup>pe magni sunt usus. In dentitione infantum lenit opium interne , atque externe adhibitum s<sup>e</sup>pe inflammationem. In acrimonia venerea solutiones mercuriales lenes externe in auxilium vocari possunt. Mercurialia tanto sunt efficaciora , quod si inflammatio è miasmate venereo canceroso est nata. Generatim ubi adsunt acrimoniæ, laxantia mercurialia prosunt. In ophthalmia habituali inservit aqua frigida , in qua aliquantum vitrioli albi solvere licet. In multis etiam inflammationibus aqua benedicta Rulandi diluta in oculum utiliter instillari potest , in primis ubi inflammatio magis est indolis chronicæ atque ab acrimonia alitur scrophulosa. A medicamentis externis generatim plurimum sperare licet, ab emollientibus atque antispasmodicis.

Infantes recens nati s<sup>e</sup>pissime inflammationibus oculi sunt expositi , quæ facilime in suppurationem oculorum exeunt. Mature proinde exhibenda sunt laxantia mercurialia , emplastrum vesicatorium applicandum , et fomentationes emollientes adhibendæ.

### SURDITAS.

**S**urditas apud multos Auctores appellatur *Cophosis* , multi autem eam tantum surditatem ita vocant , quæ è vitio partium internarum auris sequitur.

Causæ sunt:

1 Destructio partium organicarum, ex. gr. caries aut ankylosis ossium auditus, paralysis nervorum.

2 Diatheses metastaticæ in febribus.

3 Stases acrimonie scrophulosæ, venereæ, et rheumaticæ, quibus non solum glandulæ, sed etiam ossa in margine foraminis auditorii interni turgescunt, atque adeo organa auditoria comprimuntur.

4 Concussiones ex explosionibus tormentorum fortibus, quibus verisimiliter species quædam paralyseos in nervis acusticis producitur.

5 Obstructio tubæ eustachianæ, cerumen inspissatum, et mucositas partium externarum.

Primum casum adesse collendum est è causis prægressis. Ex inefficacia remedium exhibitorum mox quoque se prodit.

Diatheses febries raro sunt periculosæ. Surditas ut plurimum crisi imminente est bonum omen, et symptoma ipsum transitorium.

Contra acrimonias singulares pharma-  
ca illis opposita exhibentur.

Indurations muci et ceruminis nitimus per oleosa, atque emollientia, atque ubi hæc minime sufficiunt per injectiones resolventes è sapone, felle tauri, aqua benedicta Rulandi tollere. Nonnunquam sola aqua calida optimam præstat utilitatem.

In tubæ eustachianæ obstructionibus est consultum , hæc per os spargere , quod autem habet difficultates.

In congestionibus pertinacibus subinde *Electricitas* præclaram exerit virtutem. Ægro cuidam , qui altera aure è tormenti bellici explosione per octodecim annos surdus erat , atque altera procul dubio è congestione rheumatica ab aliquot annis difficulter audiebat , per electrisationem octies repetitam spatio duodecim dierum auditum fere penitus restituji. (a)

### LEPRA.

**S**pecies quædam scabiei humidæ , seu herpetum est ea , quam Græci *Lepram* appellant. Ab aliis exanthematibus tantum in eo distinguitur , quod non solum totum corpus , sed etiam facies crusta crassa furfuracea est obducta , sub qua plerumque cutis cruda jacet.

Vitiligo , morphœa , alphus , leuce,

(a) De Morbo isto extat Opusculum *Wenceslai Trnka* sub hoc titulo : *Historia COPHOSEOS, et Baryecoiæ*. Vindobonæ An. 1778. in 8.

Alerum extat opusculum ejusdem Auctoris super Morbo proxime tractato sub hoc titulo : *De DIABETE commentarius*. Ibidem , et eodem anno. Utinam ambo hæc opuscula particularia rem totam exhaustientia typis nostris hispanicis in communem hic utilitatem recuderentur.

et melas Auctorum species hujus morbi esse videntur.

Hoc genus lepræ haud raro apud nos occurrit, ac indoles exanthematis vitiliginosa, seu herpetica esse videtur. Homines ab ea invasi ut plurimum glandulis scrophulosis gaudent, atque horum ego quosdam hepate sulphuris interne atque externe illud adhibendo sanavi. Sed nonnunquam etiam consequitur tabes letalis.

Bona diæta, balnea calida, et decocatum è ligno sancto concentratissimum mane et vesperi haustum, ita ut sudor producatur largus, insignis sunt pariter utilitatis, præcipue si usus horum remediorum satis diu continuatur.

## ELEPHANTIASIS.

**H**ic etiam morbus quidem lepra appellatur, ab ea tamen discernitur per plura symptomata maligna, et per hoc, quod cutis fiat dura, insensibilis et nodosa, ita ut ea similitudinem quandam cum cute Elephantorum obtineat. Pedes in primis tam deformes fiunt, ut etiam illi pedibus Elephantorum similes esse videantur, unde igitur etiam nomen enatum.

Præterea labia intumescunt, alæ nasi redduntur patulæ, et nodi cutis plerunque in ulcera degenerant malignissima.

In initio suo difficillima est cognitu, color tamen cutis, in locis, ubi malum erupturum est, mutatur, atque ea fit insensibilis. Color capillorum pariter in iisdem locis mutatur.

Morbus in Arabia est endemicus, et idem, quem *MOSES* in Legibus descripts Leviticis. Quod si is proinde lepra nominatur, à priori in eo distinguitur, quod hæc *Lepra Arabum* appelleatur, è contrario illa dicitur *Lepra Græcorum*.

Causa est miasma peculiare, quod maximopere à venereo distinguitur, nec cum Mercurio sanari potest.

Ceterum eodem tractatur modo, ut *Lepra*. Externe in India species quædam *cuscuteæ* adhibetur, quæ cum succo limoniorum in pultem præparatur, qua maculae et nodi inunguntur.

Singulare hujus morbi est symptomæ lascivia invincibilis. Hic morbus nonnunquam à priscis mortalibus per castrationem quoque est sanatus. Nonne proinde fons mali secretio seminis nimium larga fuerit? Et est forsitan hic morbus mater acrimoniæ gonorrhœæ venereæ?

### PESTIS.

**C**haracter *PESTIS* consistit in inflammationibus topicis in glandulis, atque in partibus carnosis, et membranosis, quæ

raro in suppurationem transeunt benignam , sed maxime ad gangrænam sunt proclives. Illæ appellantur *bubones* , hæ *anthraces*.

*Bubones* prodeunt plerumque die morbi tertio in conspectum , et sæpe sunt critici ; *anthraces* è contrario semper gravem morbi statum ostendunt. (a)

(a) *Bubones* in inguinibus . . mali : *Anthraces*, seu carbones , et carbunculi pejores : *Petechiæ* hic omissæ pessimæ. Notandum maxime non semper tria ista veram pestem denotare ; *siquidem eadem*, et cum febre , et sine febre ab aliis causis gigni, inque externam corporis superficiem erumpere possint. Ita cum Medicis haud paucis notat Antonius Haen Rat. Med. Part. XIV. Cap. 4. Pag. 219.

”Maxime cavendum ne febres malignæ pro. ”Peste , hancque pro illis infausto confundantur, ”quod in initio experitur communissimum. Hinc ”maxima Medicorum angustia , (sed hinc etiam ”evincitur eorum hic scientia necessaria.) In dubiis ”enim rebus non monentes Magistratum in causa ”ruinæ Regnorum , hominumque esse possent si ”vera tandem Pestis sit : si vero monuerint , nec ”Pestis fuerit Principum , Magistratuimque pon- ”dus iræ , indignationisque omne in se congerent; ”eo quod et cunctorum mortalium animos panico ”terrore per moverint , et commercium , necessa- ”rium commeatum , redditusque regios omnino sus- ”penderint.” Ita Haenus ibidem pag. 220.

Tanti interest Medicinæ Professorum hac in re peritia atque discretio! Ad eas exactius dirigen- das aliquos Canones ab ipsis sequendos proponit hic Auctor iste , quorum præcipui sunt :

Evictum est , morbum magis quam simplici vice homines invadere , quamvis verisimiliter haud in una eademque Epidemia.

Causa proxima est *Contagium* , quod in Aegypto endemicum esse , et cum austris in Europam transferri dicitur , quod autem adhuc nondum est evictum. Hoc contagium est non admodum volatile , quoniam diu in cistis atque sarcinis manere potest , facillime autem per immediatum contactum propagatur. In systema biliosum , præsertim autem in nervos libenter agere videtur ; quod non solum è morbi ipsius con-

Pejus est *veram* pestem sed dubiam celare , quam *apparentem* tantum declarare veram.

In isto casu publicum odium immeriti , atque ut viri probi , qui Deum , conscientiamque omnibus Mundi bonis , commodisque prætulerint , incurrerent ; in illo strages immanes , depopulatio , desolatio sequerentur.

Si unus , alterve homo , quem invaserit maligna admodum febris cum symptomatibus pessimis , licet etiam brevi pereat , Medicus expertissimus Collegis casum narret eo fine , ut attendant illi , an similem forsitan observent , ut mox intersese conferant de agendis , et Magistratui renunciandis.

Si vicinus eodem , vel simili modo laborare incipiat Collegis similiter declarandum , et si brevi tertius illi similis daretur ægrotus , unanimi consensu renunciationem facere Magistratui tenentur.

ditione , sed etiam è remediis prophylacti-  
cis eluescit , quæ maxime ex diæta robo-  
ranti , atque animi alacritate consistunt.

Febris ipsa æque est varia , atque in  
aliis morbis acutis , interim plane propter  
maximam miasmatis acrimoniam nun-  
quam est indolis benignæ.

In constitutione aeris bona frigida , et  
corporis robore , atque in Epidemiac initio  
ac fine sæpe non multa adsunt symptomata  
nervosa , sed febris est sic satis naturæ in-  
flammatoriæ simplicis , bubones in suppu-  
rationem transeunt benignam , et raro an-  
thraces superaccidunt. Neque tamen me-  
thodus antiphlogistica in toto suo ambitu  
est adhibenda , atque ubique evacuatiōnes  
efferae sunt evitandæ. Missione sanguinis  
providè instituta contendimus transpiratio-  
nem per alexipharmacæ lenia promovere.

In Epidemiac medio è contrario , atque  
ubi qualitas aeris et corporis ad putredinem  
est proclivis , facile prodeunt anthraces ,  
et discrimen est magnum. Hic etiam cum  
remediis antisepticis semper roborantia ex-  
gr. acida mineralia cum vino sunt connec-  
tenda. Ad sudorem promovendum propi-  
natur potio alexipharmacæ. Quoque frictio  
cutis cum glacie quam maximum præstitit  
effectum ad tollendam putredinem atque  
ad sudores benignos promovendos.

Acrimonia in primis viis biliosa ple-  
rumque adest , quæ autem nunquam pur-

gando , sed tantum emeticis subito in morbi initio est ejicienda.

Pestis malignissima jam sæpe die secunda necat , priusquam bubones , aut anthraces prodeant. Ubique bubones tam subito , quam fieri potest , ad suppurationem sunt promovendi. (a)

*Hucusque Selle in opere citato.*

(a) Plurima circa Pestes varias et morbos malignos , et contagiosos , qui Peninsulam hispanam devastarunt , Scripta extant vulgaria , atque latina à Medicis propriis longe sapientissimis et eorumdem autoptis , seu testibus ocularibus , publici juris facta , quæ à Medicis præsertim nostratibus lustranda , atque introspicienda sunt , ut ita parati flagellum istud , quod DEUS in æternum avertat , prævidere , atque profligare valeant. Quadragesinta Auctores à NICOLAO ANTONIO in sua Bibliotheca hispana nova , Tom. II. Pagina 590. memorantur. His Auctoribus addendi quoniam omissi : Estiche , Rosell , Gavalda , Villena , Caldera de Heredia , Zamudius , Peramatus , Valdes , Saavedra , Valdivia , Valcarcel , Salgado , Escobar . . aliique innominati relict i ne nimium excrescat catalogus iste celeberrimus hispanus.

Josephus Fornes in Universitate Barcinonen-  
si Medicinæ Doctor et Professor , circa Provin-  
cias Galliæ Peste infectas per Regium Hispaniæ  
Ministerium delegatus , Tractatum utilem *De  
Peste Masiliensi vulgavit. Barcinone. An. 1725.  
in folio.*

## HYSTERICA PASSIO.

**U**teri affectiones , in primis genus nervosum spectantes , adeo multiplices observatæ fuerunt , ut inde ortæ fuerint convulsiones , et cum illis sæpe Epilepsia ( illam enim à convulsionibus distinguimus . )

Hæc ergo non tantum fit ab humorum putredine , scirrhis ibi natis , vel cancro ulceroso , sed quasi ab irritamentis , et uti vulgo vocant , *vaporibus*. Hæc res autem sic se habet :

Mulieres satis sanæ , forte irritatæ , incipiunt angi , motum sanguinis penitus perturbatum habere , cum palpitatione ; non ita diu post sentiunt ingentem motum circa hypogastrium sub umbilico ; dicunt omnes , uterum motum tunc exorbitare .

Rogatæ quid sentiant , dicunt , se molesti quid volubilis , et rotatilis sentire ; non ita diu post dicunt , malum adscendere versus umbilicum , et designant semper latu sinistrum ; tunc malum altius adscendit , et ubi pervenit supra diaphragma dicunt , se suffocatum iri , et mox lapsuras esse ; sentiunt præfocari gulam , nec ita diu post cadunt cum convulsionibus , et sunt epilepticæ .

Hæc est illa *pñix* ( suffocatio ) *hysterica*. Veterum : non possumus negare , quod

agant corrupti humores circa uterum , et ibi nervos afficiendo eadem mala producent ; sed credimus , quod in illis casibus periodicis , ubi nullus ichor vel virus per genitalia defluit , malum non pendeat ab utero ; videtur vero esse convulsio , nata et propagata circa partes abdominales , forte circa intestina , et mesenterium.

Huic malo summum , et fere unicum remedium est constringere abdomen in initio , uti de aliis Epilepsii deuteropathicis diximus.

*Hæc Boerhaavius in Prælectionibus de Morbis Nervorum. Tom. II. Pag. 698.*

Hic tradit Boerhaavius Passionem hysterica , ut morbum simplicem ab hypochondriaca Passione diversum : nullam enim hic hujus morbi mentionem facit. Distinetio ista postea à Joanne Astruc , et Cullenio proponitur. Hic has diversitatēs inter hos duos morbos notas adducit:

Hysterismus communiter mulieres sanguineas et robustas adoritur , à pubertatis periodo usque ad trigessimum quintum annum : hypochondriasis viros , et præsertim temperamenti melancholici. Insultus spasmodici et epileptici frequentius et violentius in hysterismo , quam in hypocondriasi apparent. hypochondriasis frequenter cum dyspepsia jungitur , Hysterismus non ita , vel rarius. In Hypochondriasi stoma-

chus , hepar , lien , pancreas .. notabiliter afficiuntur : in Hysterismo intestina , ovaria , uterus .. Viri licet rarissimè hysterismo afficiantur ; aliquando tamen hunc morbum experiuntur , ut jam pridem adnotavit Medicus hispanus Gaspar Caldera de Heredia hispalensis in suo Tribunali medico .. Parte altera pag. 36. Post istum idem adnotavit Cullenius (Num. 1518.)

Curatio etiam admodum diversa est. Pro ista in Hysterismo determinanda tres hujus morbi gradus distinguendi.

*Primus* quando symptomata sunt leviora et ratio , sensus , respiratio , et cordis pulsus parum perturbantur.

*Secundus* : cum sensum ægræ amittunt , subsultus convulsivi apparent , respiratio et pulsus debiles et inæquales valde .. musculi laryngis , et pharingis afficiuntur : hinc Globus ibi percipitur ut in abdomen.

*Tertius* : quando partium motus penitus abeunt , respiratio et pulsus pene evanescunt , immobiles fiunt , frigescunt , sensum et rationem amittunt , cadaver æmulantur.

Curatio vel in paroxysmo instituenda , vel extra ipsum ; et an morbus iste sit cum materia vel sine illa considerandum. Remedia prudenter applicanda alibi proposita (Tom. II. Aph. 1260 in Nota præsertim.)

Videantur *POMMEJUS* , *WITHIUS* atque *LORRYUS*.

HERMANNI BOERHAAVE  
INTRODUCTIO  
IN PRAXIN CLINICAM.

**I** Medicus , qui apud ægros inventurus est agenda , debet tum temporis ex vasta Medicinæ Doctrina habere Topica , vel ut Rethores dicunt , *locos communes* , qui faciunt , ut juxta illos omnem suam dirigat Doctrinam.

**2** *Clinica* Medicina vocatur quæ ægros decumbentes 1. invisit , 2. agenda ibi dis-  
cit , 3. Agenda applicat.

**3** Primum itaque est *visere ægrum*, videndo ægrum Medicus deprehendit *se-  
xum* quod sit *mas* , vel *fæmina*.

**4** In *Mare* deprehenditur , quod sit *puer* , vel *adolescens* , vel *pubes* , vel *vir* , vel *senex* , vel *decrepitus*.

**5** In distinguendis his *ætatibus* summa opus est circumspectione , nam gradibus hæ censemur , non mensura temporis , sed effectu vitæ peractæ , et statu vitæ præsentis.

**6** Multi sæpe vitam ita instituunt , ut cito senescant : sic vidi , qui jam ante annum trigessimum steriles fuere ; et contra fertiles ad annum nonagesimum.

7 Quoad statum vitæ respicimus 1. laborem , vel otium , fracta membra labore , ut ait Horatius , qui arant , fodiunt , raro longævi sunt , licet corpora optime constituta fuerint. 2. luxum , vel sobrietatem ; nam nihil citius debilitat , quam luxus. 3. voluptatem , ratione indulgentiæ , et abstinentiæ. 4. morbos toleratos , et non toleratos.

8 Primum igitur quod visendo ægrum nosse debet Medicus , est sexus , in sexu ætas , in ætate distinctio.

9 Discit Medicus , quod sit , fœmina quæ vel *puella* , vel *puella adolescens* , vel *virgo* , vel *gravida* , vel *parturiens* , ve , *puerpera* , vel *nutrix* , vel *anus* , vel *effæta*.

10 *Effæta* dicitur , quæ amplius concipere , aut parere non potest , quod tempus varium est , sic rarum est , hic videre mulieres , quæ post quadragesimum annum pariunt , tamen vidi , quæ ad annum quinquagesimum secundum fertiles mansere pueræræ.

11 Sed intelligenda illa ætas , ubi *desinentia menstrua* dant signum corpus illud non amplius aptum esse ad concipiendum , nutriendum , lactandum.

12 Unica hic est distinctio , quod mares , quantum scimus semper maneant fœcundi , fœminæ vero non nisi ad certam ætatem. Homo centenario major in Anglia adulterii acusatus , et convictus est. In fœ-

minis hoc non ita appareat , nisi sint miracula , ut de *SARA* , quod in sacris legimus , quæ ridebat ad Angelum , quod imprægnata esset , ubi matrix ejus jam clausa . (Genes. Cap. XVIII. Vers. 10.)

13 In his distinctione opus est . 1. Ratione *citioris* , vel *tardioris incrementi* . Universalissima est regula : quo mulier citius crescit per paucos annos , eo citius menstrua habebit , et eo citius menstrua desinent . Hoc vix fallit .

14 2. Ratione *purgationis uterinæ* , quæ pro incremento corporis varia . Sic visæ sunt foeminæ , quæ fecundissimæ fuerunt , quæ tamen menstrua non habuere antequam viris jungerentur , sed post unum alterumve congressum menstrua prodiere , postea diu fertiles mansere .

15 3. Ratione partus *præcocis* vel *seri* ; nam multæ foeminæ , priusquam corpora idoneè formata sunt , et priusquam cartilagines in ossa transiere , pariunt . Sed hoc malo cum successu , nam ut *Tacitus* dicit , apud Germanos erat sera juvenum venus , eoque inexhausta senectus .

16 4. Ratione numeri *Partuum* nam fomina ubi vigesies peperit , ubi desinit parere longe aliter se habet , quam illa , quæ tantum semel vel bis peperit .

17 5. Ratione desinentis purgationis *uterinæ* serius , vel ocios . Multæ ultra quinquagesimum annum menstrua habent , ple-

ræque quadragesimo secundo , vel quinto anno non amplius habent , hæc ingens est distinctio , et morbi , qui ab his supputantur annis vel seriores , vel citiores erunt.

18 Dein etiam hoc referuntur omnia quæ dicta sunt in viris (§. 7.) nam non tantum dixi singularia , sed omnia ex vita ante peracta in fœminis etiam vera sunt.

19 Præter sexum et ætatem in quolibet sexu multa sunt observanda quæ inquire debent , intellecta *idiosyncrasia* illa , quæ est cuique homini singularis , et proprius habitus , ratione formatæ compagis partium solidarum , ratione fluidorum contentorum , ratione utriusque simul. Latinis dicitur propria comixtio ; hæc mixtio solidi et fluidi , et mixtio elementorum solidi , et fluidi inter se , quæ cuique propria est , *Temperamentum* dicitur.

20 In *solidis* obtinet *laxum* , et *strictum* ; si per liquida corpus extensem sit inflatum , et quasi tumens tunc laxum obtinet , quando attenuatum , tunc corpus est strictum , hoc oculus clare videt.

21 In *fluidis* habemus phlegma , bilem , atram bilem , et sanguinem , sed hoc paulo obscurius oculis patet. Nos vero præcipue agnoscimus temperiem 1. *Aquosam* , si aqua prædominatur , quod videmus ex pallore corporis et oculis pallidis.

22 2. *Biliosam* , hæc cognoscitur gra-

cilitate , flavedine , calore majori , urina semper magis flava , si dicis , non est vera bilis , non repugno , sed non opus est hoc inquirere ; intelligo , ubi illud oleum excoctum abundat , gracilis totius , calor naturali major , ariditas quædam , color corporis vergens ad flavedinem.

23 3. *Oleosam* , hæc sponte patet , si omnia plena sint lardo pingui.

24 4. *Salsam* hæc se manifestat sapore acrimonie salsa , et si habitus corporis tenuior appetet.

25 5. *Terrestrem* , ubi siccitas cum torpore , et immobilitate deprehenditur , subniger color cum ariditate.

26 6. *Atrabiliariam* , huc reffirre debeo amorgen tov aimatos : (hoc est *fæcem sanguinis*) ubi à sanguine bono avolarunt partes tenues mitissimæ , et partes crassæ , oleosæ , salsa terrestres abundant , illud notat , quod talis homo habeat officinas viscerum obstructas , si in tali homine movere velis materiem non coctam , rumperes omnia vasa , et haberet suppurationem . Hanc idiosyncrasiam monstrat color niger , vasa magna , macilentia totius corporis , cunctatio , et tarditas in actionibus.

27 *Scorbuticam* , et *putridam diathesim* , multi homines his in locis putrescent , dum adhuc vivunt , halitus ad tres pedes ferri non potest ; urina putrida , fœces alvinæ ; et sudores fœtent , gingiva putrida est , in-

testina talium hominum dissectorum vix  
è loco moveri possunt , quin inter manus  
instar muci diffluant , hanc temperiem  
monstrat putredo oris , ejus fœtor , sitis,  
et siccitas in ore , si corpus attingis , fit  
macula rubra , vel purpurea ; urina acris,  
urens , fœtida ; inspice gingivas inter den-  
tes , an tabum album putridum adsit ; ha-  
litus fœtidus ; si purgare velis ad mortem  
usque purgantur , oborta diarrhœa non fa-  
cile sistenda.

28 Visendo ægrum , inquirit Medicus ,  
an in ægroto ante morbum factum quem  
examino , aliquid fuit *præexistens* quod fa-  
cere potuit , vel facere potuisse videtur  
ad præsentem cognoscendum , et curan-  
dum morbum instar *prædisponentis* ?

29 Medicus non debet , inquit Hippo-  
crates , turbare ægrum , sed taciturnus ac-  
cedere , ad lectum se apponere et blan-  
dis alloquiis interrogare , et sic discere , quæ  
ante Morbum hunc fuerunt , non illico of-  
fendere , et metum incutere , non impetu ,  
vel festinando , sed sedate alloqui .

30 Debemus videre , num sit I. *Ple-  
thora* , mirabilis morborum causa , si aliis  
accedat morbis ; corpus plethoricum dici-  
tur , quod non ægrotat , sed quod in tali  
statu est , ut si humores vel copia , vel mo-  
tu , vel raritate , vel calore augeantur , et  
vasa magis distendantur , illud ferre non  
possit , nec refert an plus ingeratur . Si

Plethora sit , et gravis morbus invadat,  
novi tum , quid fieri debeat.

31 2. *Cacochymia* : Huc referre debeo,  
si homo scorbuticus est , et oritur diarrhoea  
epidemica , omnes inde moriuntur , nam  
status ventriculi , et intestinalium est ins-  
tar gingivarum , quæ si paulum compri-  
muntur , et irritantur statim sanguis effluit.

32 3. *Cachexia* ; quæ est habitus cor-  
poris tam in solidis , quam in fluidis cor-  
ruptus.

33 Visendo ægrum , vides qualis sit  
*aer* , anni tempestas et tempestatis ratio  
inspiciendo thermometrum.

34 *Locus* statim habetur cognitus,  
nam ubi ægrum video , scio , in quo loco  
sum , et omnia , quæ ad illum pertinent,  
an in illo loco quid endemici vel epi-  
demici adsit , an uliginosum vel humidum  
in putredinem abeuns , an montana sic-  
citas.

35 *Victus* , nam videndo hominem  
pauperem , novi quo victu usus fuerit , nem-  
pe solo pane , et lacte ebutyrato , nam  
carnes , pisces , cerevisia bona , vinum non  
suppetunt.

36 *Vita ante acta , quoad opicia , cor-  
poris exercitationes , et vestes*. Sit vir sex-  
ginta annorum , Leydanus , textor ; ex cir-  
cumstantia novi , quod sit vir pauper , rogo  
reliqua ex signis topicis , noto unum , et sic  
illico habeo descriptionem.

37 His indagatis quæritur: quando *Morbus incepit?* Homines supputant corri-  
puisse morbo, quando non laborare po-  
sunt, quamvis sæpe antea fuerint morbosi,  
sic æger quando scorbuticus jam fuerit, et  
quartana accedit, rideret, si interrogarem,  
jam antea ægrotasti, et quando? Nam il-  
lud notat infinita, tempestatem, et anni  
tempus.

38 Rogo, *antequam hic morbus fuerit,*  
*quid prægressum*, hic respondere non po-  
terit æger, sed debo me ipsum informare,  
percurrendo quatuor classes.

39 1. *Gestorum*: Sic si incipit quartana  
mense Aprili, inde scio, quod æstiva sit,  
examino qua hora invadat? An post pran-  
dium? An post labores? An post somnum?  
Examino quid gestum sit corpore, quidve  
animo ante hunc morbum.

40 2. *Ingestorum*; quid comederit,  
hujus rei æger semper memor est, incu-  
sat autem præcedentia semper vel dicit,  
quod comederit multum de lardo, vel  
salsamentis, vel piscibus, vel aliquando vo-  
luere prophylacticum capere, et forte fuit  
venenum, quod datum fuerit; per *ingesta*  
intelligo aerem, cibum, potum, medica-  
menta, venena.

41 3. *Retentorum, excretorum*: Multi  
morbi fiunt, quando consueta aliqua ex-  
cretio desinit tam naturalium, quam non-  
naturalium. Vid. Hippoc.

42 4. *Applicatorum*; Hoc nunquam negligamus; hæc qui examinat invenit plurimorum morborum causas. Sic Sidenhamus dicit, quod vix unquam febres autumnales epidemicæ orientur, nisi ea occasione, quod homines vestes hybernas nimicito mutent, vel sero induant, valde frigidum biberint, postquam valde incaluerere, vel sudantes cito refrigerati sint. Ego accersitus ad puellam curandam, quæ febre continua putrida laborabat, orta à Mercurio, sicuti fœtor Mercurii peculiaris mihi notus manifestabat, vidi quod morbus esset exulceratio gingivarum à Mercurio (Mercurius vivus erat adhibitus ad vermes enecandos.) Si Medicus hoc negligat, æger perderetur titulo promissæ salutis in perniciem Artis, si tractassem ut scorbutum, vel gangrænam et spiritum salis cum melle rosaceo applicassem, nouissem.

43 Hæc dum aguntur ordine omnia prosequor, intellecta enim causa remota, facilius tunc erit, causam morbi proximam accurate investigare.

44 Rogo, *quomodo morbus inceperit*, et *quod æger primo molestum senserit?* Hoc nescit æger, sed si rogo, an habebas dolorem, debilitatem, nauseam, vomitum? Hoc novit, inquiero igitur, qua actione læsa inceperit, percurrendo omnes *actiones*.

45 1. *Vitales* an facile respirabas? An multum calebas? An ilico valde debilis eras? Intelligo statim, quid in functionibus defuerit, si ilico, quasi sydere ictus erat intelligo vitalia affici.

46 2. *Naturales*, an appetitus statim deletus fuerit? An statim sitis magna? An adhibitum cibum horreat?

47 3. *Animales*; facile hoc scio, nam adverto, an sensibus constiterit? An deliraverit?

48 *Intellecta actione læsa*, inquiero, quomodo, dum morbus hic incepit, *qualitates sunt statim mutatæ*. Sic incipiente morbo, statim erat *color* flavus, vel statim albissimus, si flavus, scio impeditum esse bilis transitum. Scio ex *odore*, an statim, ac morbus incepit, fœx alvina, quasi cadaver oleat. Hoc etiam docet *tactus*, an statim maxima asperitas, siccitas? An summus calor in externis?

49 Post hæc examino *excreta naturalia*, et *morbosa*, magnus ille campus hic venit. Excreta naturalia sunt; perspiratio, sudor, fœx albi, urina, menstrua, lac, cerumen aurium.

50 *Excreta morbosa* sunt. I. excreta naturalia mutata, et facta præternaturalia, vel sunt; sudor, lacrymæ oculorum, mucus narium, oris, faucium, œsophagi, laryngis, asperæ arteriæ, bronchiorum.

51 2. *Sanguis*; cum sudore sæpe exit, ut toties contingit, uti hic in puella visum est, in qua lintermina, quibus detergebatur corpus, madebant sanguine, tale quid sæpe etiam fit ex naribus, oculis, fauibus, sine, vel cum magno malo.

52 3. *Excreta vomitu*: vomitus est ingestorum, pituitæ, muci, bilis, lymphæ, sanguinis, bilis atræ, fœcis alvinæ, (quæ aliquando cum vomitu rejicitur), puris, ichoris.

53 4. *Alvo excreta* deorsum ægestorum, uti est in lienteria, muci, bilis, lymphæ, sanguinis, bilis atræ, puris, ichoris, haemorrhoidum; hæc exeunt alvo, quæ singula, si negligantur, faciunt incertum de Morbo Medici judicium.

54 5. *Urina aquosa*, biliosa, flava sine fætore, nephritica, mucosa, phlegmones, qualis in febribus ardentibus, fœtida, spumam continens diu, putrida, sanguinea, purulenta, ichorosa, gonorrhœica.

55 6. *Excreta utero*; fluor albus à sola mucosa dispositione cryptularum, qui à Gonorrhœa venerea distinguitur, hæc semper cum ardore urinæ, et lunctionibus circa urethram: pus, ichor, sanies, virus cancrosum.

56 En sic inquiero quibus *Sympathomatibus* stipatus fuerit morbus, et si coram ægro incipio vacillare, et habeo talem ca-

talogum , et subdole inspicio , et respicio urinam , illico habeo quod volo. (a)

57 Porro *inquiero* , quomodo morbus increverit constiterit , et decreverit , et mutatus sit usque in præsens , hoc est compendiosissimum , et utilissimum , quod hic communicari potest quoad regulas.

58 Postquam hæc omnia indagavi , rogo me ipsum , quodnam huic morbo 1. nomen conveniat , sed verum nomen scire debeo , an sit apoplexia , an paraphlegia , an parapoplexia ; tunc non poteris falli.

59 2.<sup>o</sup> Quis status ejus morbi *præsens* an sit *arche* vel *initium*? An *anabasis* vel *adscensus*? An *acme* vel *vigor*? An *meiosis* vel *imminutio*? An *telos* vel *finis*? An *lysis* vel *Sanatio*? An *metastasis* in alium morbum *mutatio*? Non enim suf-

(a) Documentum istud apocriphum absduo est , à probitate , atque severitate boerhaaviana alienissimum. *Vacillatio* ista scientia vera præcavenda. Si Medicus revera morbum in initio non agnoscit , vel paulisper expectet , aliqua remedia levia adhibens , vel alium Professorem si gravitas atque necessitas expostulet , accersiri jubeat. Ægri confidentia in Medico illi præsertim utilissima ; iste tamen eam scientia vera , atque probitate immaculata adipisci , et conservare nitatur.

Opusculum istud præstantissimum posthumum est , Anno uno post Boerhaavii mortem editum Leidæ An. 1740. Hinc non mirum aliquid minus exacti in eum irrepisse.

ficit morbi nomen tantum cognoscere, sunt enim in pleuritide multi status, vel est in statu inflammatorio, vel suppuratorio.

60 Cognoscatur 3. pars affecta 1. an viscus, vel cerebrum et contenta crano, vel pulmones, cor, viscera chylopoietica, cholopoietica, spermatopoietica. Rogo quænam pars affecta sit? Si viscus, rogo quodnam viscus?

61 2. An glandula, nam ad viscera sunt magnæ glandulæ, ut magna compages glandularum sialogogarum, mesenterii, pancreatis.

62 3. An sit affectio *Rheumatica*.

63 4. An hæreat in *articulis*. Hic occurunt omnes morbi articulares, ut arthritis, rheumatismus, arthritis vaga, fixa, podagra.

64 5. An sint *Arteriæ*, nam multi morbi hærent in arteriis, ut sunt febres ardentes.

65 6. An sint *venæ*, ut in varicosis, et oedematosis malis, et diathesibus.

66 7. An loca *colligentia*, cava cordis, sinus, auriculæ, sinus in capite, in hepate, vesicula fellea, pelvis?

67 8. An loca *excernentia*.

68 9. An nervi sint affecti, nam multi horrendi morbi in solis nervis hærent, reliquo corpore integro.

69 10. An *humor vitalis* sit affectus?

An cacockymia sit nata venerea, scorbutica, vel et hypochondriaca?

70 Inquiritur : quænam sit *materies peccans* in parte affecta?

71 Hæc est vel 1. solida, ut polypi, vermes, puls, pingue solidescens in atheromate, liquor meliceridis, durum scirrhosum, durum cancrosum, durum condylomatosum.

72 2. Vel fluida, tum ob oculos versare debet vel inflammatoria, vel purulenta, ichorosa, saniosa, virosa, ut in cancro, venerea, scorbutica, podagrifica.

73 Postquam hæc examinavi, rogo de *diagnosi* Morbi, tum elicetur morbi nomen, gradus, pars affecta, materia afficiens.

74 Tunc rogamus *prognosin* quando ex præcedentibus scimus sexum, ætatem, idiosyncrasiam, prægressa, cacockymiam, plethoram, cachexiam: scitur an absolute spes sit, an dubia sit, aut an nulla spes sit.

75 De tribus generalibus tum definitur quid agendum sit, nam tum morbus est visus, et cognitus.

76 Hinc non debemus otiosi esse, nec festinare: quæcumque tamen exhibeantur prudenter, atque possibili securitate fiat. In dubiis legendum, meditandum, et consulendum. Confidentialia ægri scientia vera inquam, atque asistentia necessaria, et

afabili concilianda. Ita illi erit gratissimum cardiacum.

(*Quæ alia hoc numero continentur apochripha revera sunt. Vid. n. 56. et ejus annotationem.*)

77 Quando constat de prognosi , definitur *indicatio* : hæc est vel *vitalis* , vel *præservatoria* , vel *curatoria* , vel *mitificans*.

78 In indicatione vitali ordino 1. Aerem communem , calidum , frigidum , humidum , siccum , vel purificatum , ventis , et medicamentis , ut in Nosocomiis ubi plurimi decumbunt.

79 2. Cibum *vegetabilem* , *crudum* , *ceralem* ; ut avenam , fagopyrum , milium , oryzam , triticum , secale. Cruda cocta dant cibum non fermentatum , vegetabilem. Crudum voco non ratione coctionis , sed fermentationis.

80 *Oleraceum* ; hic habetur titulus in Materia Medica ; brassica rubra , beta , spinacia , lactuca , endivia.

81 *Fructum tenue*. Batavis illa hodie nota terræ tubera solani esculenti , terræ glandes decocto præbent cibum simplicem , et in febribus ardentibus optimum remedium , addito sale , saccharo , melle pro grato sapore.

82 *Fructus horæos*; omnes baccæ , uvæ , cerasa , mora , rubi idæi , poma , pyra , melones , pepones.

83 *Fermentatum*; panis, et omnia  
inde facta huc pertinent, panifica culina-  
ria fiunt, si subigo farinam tritici, cum  
aqua fermentationi commito, coquo hoc  
voco fermentatum, tum minus est flatu-  
lentum. Si nolo triticum habere, sumo  
frustum panis, torreo leviter, coquo ex  
aqua, habes panadam, vel panatellam  
Italorum.

84 Sic diversa potestis sumere, et ilico  
formare formulas, quot vultis, et quater  
in die mutare et manere in eodem propo-  
sito, et grato cibo placere ex fructibus ho-  
ræis. ex. gr. si decoquis poma cum saccha-  
ro, vino, et cinamomo.

85 *Animalem*: caro assa, elixa, num-  
quam damus frixatam in morbis, assa plus  
ad bilem accedit, elixa minus, hæc possunt  
temperari succo limonum, et sic melius  
aptari; ova, pisces marini, fluviatiles, crus-  
tacei ibi convenient, ubi acidum prædo-  
minat, et putredo bilis abest hæc vel assa-  
ri, vel elixari possunt. Longo citius piscis  
putrescit, quam caro, excipio piscium pin-  
gue ut hepar, et pisces fibrosas fibras ha-  
bentes, ut salmo, asellus major, et minor,  
raja, crustacei pisces, tanti ab Hippocrate  
æstimati, qui summas inde curas dieteticas  
commendat, in summis quoque morbis,  
ubi homo caderet præ debilitate magni usus  
sunt jura cancerorum fluviafilium. Si can-  
crum heri coxeris, hodie ferit nares alcali-

tas. Porro lac recens , hydrogala , serum lactis. En nunc cibos simplices , medicamenta cardiaca replentia.

86 *Potum* i. non fermentatum , ut aqua vel aqua cum vegetabili crudo cereali , vel fructu horæo cocta ; tractatur homo variolis laborans , coquo ribesia , colo , admisceo paulum sacchari , et cinnamomi , erit potus omnium gratissimus , sitim sedans , putredini resistens ; poma coquo , poma tero , per pannum comprimo , pultam hanc cum saccharo , et vino Rhænano condio.

87 *Fermentatum* , hydromel , vel multa fermentata , vinum de uvis , pomis , pyris , grossulariis , hinc intelliguntur cardiaca replentia. Jam primæ indicationi satisfactum.

88 Quid jam vos detinebit , si ægri vel Amici vos rogant quid licet bibere ? Si scis morbum esse biliosum , salinum , vel aquosum , scis potum debere esse oppositum. Si homo acido obrutus vult potum , et dives est , totus quantus debilis , inertia undique laborans , sumo decoctum album Britanicum , ebur in scobem rasum , et cornu cervi decorticatum rasum ; coquo cum aqua per horas , facio ut gelatinæ quid in aqua dilutum sit , hoc gratissimum est , odorem , et saporem nullum habet , sed adversissimum est omni acido. Si pauper est æger , in tali casu aqua simplex ejusdem

est effectus , vel confugio ad cardiaca roborantia , vel cardiaca stimulantia , spiritibus similia , illa odoratissima vid. Mat. Med. in classes offendentes , et non offendentes digesta. Ultra non possunt querere ægri , amici , Medici.

89 *Indicatio præservatoria* , quæ causam morbi tollit , triplex est ; 1. *correctio* , 2. *enervatio* 3. *Mitificatio*.

90 *Indicatio præservatoria* agit vel per *Diætam* antea explicatam , vel per *Chirurgica* , huc recensentur venæ-sectio , scarificatione , hirudinum applicatio , vesicatoria , fonticuli , setacea , clysmata , fatus , epipastica , frictiones , &c. vel per medicamenta evacuantia , et corrigentia (barbari dicunt *alterantia*.)

91 *Indicatio præservans* in unam vel alteram causam morbi agit tantummodo , non agit in ipsum morbum. ex. gr. laborat quidam pleuritide sævissima cum phlegmone diathesi sanguinis : hic causa est triplex : 1. diathesis inflammatoria , 2. strictura in arteriis intercostalibus. 3. febris violenta urgens , hæc tria simul sumpta sunt ipse morbus. Quomodo nunc curabo pleuriticum prophylactice ex arte Hippocratica. Sumo ex causis unam , diathesin sanguinis inflammatoriam , hujus causa proxima est compressio , hanc curat missio sanguinis corpus debilitans , vel potu diluo , quod

92 Indicatio *curatoria* morbi indole, causa, sede cognita involvit complexum omnium causarum, quæ auxilium petunt. Hæc auxilia agunt vel corrigendo acre, per oppositum; sit acidum extra primas vias, do salem volatilem; si in primis viis, do lapides cancerorum, vel cretam, vel maturando. *pepinein* (coqui.)

Quod acre est, ne motum noceret, prius mitificandum est; eroduntur nares, mones ut aquam calidam ex vola manus educat, das decocta pultacea ex malva, hordeo, scorzonera; abstineat æger à sal-sis spirituosis; loco coryzæ acris habebis mucum, quæ materia matura est, et educi potest per loca idonea, hoc fit victu, manu, medicamentis, si nunc scis, quid prophylactice conveniat, scis etiam quid therapeutice, quod est omnes causas simul tollere.

93 Indicatio mitificans in eo consistit, ut videam ex omnibus, quæ in ægro sunt quid quammaxime periculosum sit, vel per se, vel per effecta. Vides dolorem intolerablem vel magnam evacuationem, sisto illam; sanguis cum impetu ex arteria exeat, mitto omnia, sisto illam; si per alvum fertur materia sanguinolenta, applico clysmata opiatum. Sic dolor summus, evacua-

tio summa , pervagilium requirunt citam curationem , vel mitificationem .

## F I N I S.

*Cum ad Ægrotum deveneris , interrogare oportet , quæ patiatur , et ex qua causa , et quot jam diebus , et an Venter secedat , et quo victu utatur . Hipp. Lib. de Affecti- nibus , Sect. II. Text. 36.*

Mirum absdubio videri debet Boerhaavium Hippocratis supremum veneratorem et redactorem in Introductione ista hujus textus hippocratici non meminisse. Quinque capita in eo continentur , ad quæ reduci possunt quæsita fere omnia præcipua , quæ à Medicis ad cognoscendos morbos facienda sunt. *Julius Cæsar Claudinus Bononiensis Medicinæ Professor librum* scripsit , cui titulus : *De Ingressu ad infirmos* , in quo auream et æterna dignam memoria sententiam istam Hippocratis nominat. (Cap. I. pag. 2.) Quinque istos cardines sive principia commentatur , et ex professo explicat , et in Tironum gratiam hujus Auctoris expositionem contractam adjiciam.

*Quæ patiatur erat interrogatio prima,*

quæ versari debet circa illos affectus , de quibus æger conqueratur , qui ab ægro , et adstantibus rudi licet Minerva expositis , morbi essentia , species . . ipsaque sedes sagaci Medico innotescent.

Secundum quæsitus erat: *Ex qua causa.* Per istam indagare debet Medicus causas externas , procatareticas , primitivas , ut inde internas , proximas , conjunctas . . perspiciat , ut si possibile sit eas auferat , vel enervet , ita ut morbum vel præcaveat , vel mitiorem reddat.

*Quot jam diebus tertium erat interrogatum.* Hoc in acutis diversam ideam principii , augmenti . . offert , quam in chronicis : symptomata enim in istis tardiora , in illis velociora apparent , quod pro cognitione , atque sanatione animadvertisendum.

*An alvus secedat.* Adstrictio , et laxitas ventris valde considerandæ. *Alvi stupor omnium confusio*, ex Hipp. (VI. Epidemior. Sect. III.) Ventris laxitas debilitat , remedia alias efficacia contraindicat , hinc consideranda.

*Quo victu utatur æger.* Hic innuitur indicatio vitalis , quæ maxime attendenda præpositis indicationibus curatoriis , et præservatoriis. Loquitur etiam Hippocrates de victu , tanquam alimento , et etiam , ut materia medicinali morbo opposita.

Ista pro Tironibus sufficient.

HIPPOCRATIS COI  
 APHORISMI  
 VERSU HEROICO EXPLICATI  
 A JOANNE BAPTISTA CONDÉ  
 MEDICO BRUXELLENSI.

*Numerus, qui Aphorismum præcedit Sectionem;  
 qui illum claudit ordinem ejus in Sectione  
 significant.*

P R O C E M I U M.

I. *A*rs longa est, et vita brevis, occasio præceps,  
 Judicium quoque difficile, experientia fallax,  
 Nec proprio Medicum satis est benemunere fungi,  
 Ritè suo jussus pariter nisi fungitur æger,  
 Astantesque suo, sintque extera ritè parata. 1.

S E C T I O I.

*De his quæ ad Diætam instituendam spectant.*

II. *V*ictus paulò quidem pejor, sed gravior, illi  
 Qui melior, verùm gratus minùs, anteferendus. 38.

II. *Insuetis assueta solent minùs esse molesta,  
Hæc licet indubie sint illis deteriora;  
Hinc et ad insolitum fieri mutatio debet.* 50.

V. *Quæ citò frigescit, calefitque, levissima lympha est.* 26.

I. *Bruma et vere solet plus venter habere caloris,  
Et somni minùs esse breves, plus postulat ergo  
Tunc natura cibi, siquidem tum fervet abunde:  
Ætates atque athletæ testantur id ipsu[m].* 15.

I. *Autumno graviter, nec non æstate ciborum  
Copia digeritur; melius fit coctio bruma;  
Verna locum retinent post brumæ tempora primum.* 18.

I. *Qui crescit, plus ille calet, plus postulat ergo  
Nutrimenti, alias corpus consumitur illi:  
At calor in senibus cum non nisi paucior adsit,  
Hos modicè nutrire sat est; nam copia lædit:  
Atque ideo quia languet iis præ frigore corpus,  
Rariùs in senibus febres oriuntur acutæ.* 14.

I. *Præ cunctis ætas jejunia ferre senilis  
Absque labore potest, huic ætas proxima constans,  
Post hanc succedit juvenilis, at omnibus illis  
Longa minùs possunt pueri jejunia ferre,  
Præsertim ingenio qui sunt meliore potiti.* 13.

II. *Assueti licet invalidi sint, et seniores,  
Promptius insuetis possunt sufferre laborem,  
Sint licet hi fortes, mediæque in flore juventæ.* 49.

II. *Quod citò corpus alit, solet id cito corpore pelli.* 18.

II. *Non saties, non ipsa fames laudanda, nec ulla  
Naturæ solitum quæ sunt transgressa tenorem.* 4.

II. *Fas omnem, dominante fame, vitare laborem.* 16.

II. *Esuriem vini generosi potio solvit.* 21.

VII. *Humidiore quibus sunt corpora prædita carne,*

- venit esuries , siquidem siccantur ab illa. 59.
- II. Magna cibi nimium producit copia morbos. 17.
- I. Cum nunquam chronicis in morbis absque periculo  
tenuis victus , tum non securus acutis  
aud quibus expetitur. Rursum tenuissimus ægro  
ctus , ut ad summum repletio ducta, molestus. 4.
- I. In tenui victu delinquent saepius ægri,  
sibi plus obsunt : nam factus quilibet error  
us solet in tenui , quam pleno lñdere victu,  
circo tenuis victus , præscriptaque certò  
fensa , solet sanis etiam persæpe nocere,
8. quod gravius errata ferant ; ideoque pericli  
us, tenuis nimium quam paulo plenior adfert. 5.
- I. Protinus extremus , si morbus sit peracutus,  
titur quacumque dolor ; tenuissimus ergo  
moderit his victus : quod si non sit peracutus,  
erit à tenui tam se subducere victu,  
quam procul extremis morbus censem abesse. 7.
- I. Quando viget morbus, victus tenuissimus esto. 8.
- I. At num cum tali victu exspectare vigorem  
poterit , nec ne , ex infirmo conjiciendum. 9.
- I. Mox quibus ergo vigor fiet , mox victus iisdem  
eretur tenuis ; si vero tardius adsit,  
cum demum , quando vigor instat , subtrahe victum:  
ante tamen plenè , quo sit satis æger , alendum. 10.
- I. Est opus à mensa sese subducere , quando  
morbus acerbatur ; siquidem nutrire nocivum ,  
que novos per circuitus quæcumque gravescunt ,  
semper in accessu fas est exhorreat æger. 11.
- I. Queis per circuitus morbosa accessio certos  
redire solet , dare nil , neque cogere fas est ,  
rum his ante crisim consuetum subtrahe victum. 19.

I. Cum victus ratio febrentibus humida cunctis,  
Tum solet assuetis puerisque perutilis esse. 16.

I. Advertendum etiam, quos bisve, semelve cibare  
Partitimve decet, quibus et concedere largam  
Proderit, aut parcam potius praescribere mensam:  
At ratio vitæ simul est nonnulla peractæ,  
Temporis, ætatis, nec non regionis habenda. 17.

VII. Si quis eum victum, quem sano, febricitanti  
Exhibit, in sano fit robur, morbus in ægro. 65.

V. His sublata quibus præcordia murmura reddunt,  
Quique sitire solent, cerebrove, aut febre laborant,  
Lac nocet, his etiam quos febris vexat acuta,  
Queis bilis, vel multa fuit dejecta crux  
Copia: lac contrà juvat hos qui tabe laborant,  
Nec multum febriunt, prout hos quos languida febris, ju  
Et perlonga tenet (modò dicta his omnia defint)  
Et multum notis sine causis extenuatos. 64.

II. Quæ defecerunt paulatim corpora, sensim  
Restaurare decet, breviter maciata, repente. 7.

II. A morbo comedens si robora nulla resumat,  
Quod nimius detur cibus illi significatur;  
Si verò parcè comedat, vacuare necesse est. 8.

II. Promptius atque cibus liquidi dant robora potus. 11. di

II. Esto malum gracilem, comedit qui ritè, manere. 31. III.

II. Qui male dispositi, comedunt per initia multum,  
Proficiuntque nihil, subit illos nausea tandem:  
At quicumque cibum primò vehementius horrent,  
Atque deinde fament, degunt felicius illi. 32.

II. Impurum corpus, quo plus alis, hoc magè lædis. 9.

II. Corporis in quovis motu, simul atque labore  
Sentiat, exemplò requies solatia præstat. 48.

II. Et dormire nimis, nimis et vigilare, nocivum. 3 ad

VII. Sunt mala, præ multo rigor, et deliria, potu. 7.

## S E C T I O II.

*De his, quæ spectant ad Prædictionem  
generalem, in febribus præsertim.*

**T**

II. *Laxa quibus, facilisque fuit junioribus alvus,  
at ætate solet magis esse adstricta senili:  
contrà, queis sicca fuit junioribus alvus,  
se senectutis consuevit tempore laxa. 20.*

II. *Queis facilis concessa fuit junioribus alvus,  
imò ritè valent; at verò ætate senili  
risjus habent, tum namque solet minus humida reddi. 53.*

II. *Spontè fatigari, morbi prognosticon esto. 5.*

IV. *Si morbum pars ante dolet, fit morbus ibidem. 33.*

IV. *Si qua post morbum revalescens parte laboret,  
qua sentitur labor, apostemata fiunt. 32.*

II. *Sæpiùs in morbis prognosis fallit acutis,  
ne ea sit mortis prænuntia, sive salutis. 19.*

II. *Intra bis septem spatium plerumque dierum,  
adicio morbis contingit finis acutis. 23.*

II. *Si quæ dent aliquod, non pro ratione, levamen,  
fide parum; mala nec vehementius horre,  
que non legitima fieri ratione videntur:  
namque incerta solent hæc esse, brevique perire. 27.*

II. *Nox solet ante crisim, quam post, magis esse  
molesta. 13.*

II. *Index septenæ quarta est, octava sequentis  
principium hebdomadæ, pariter spectanda videtur  
undecima, hebdomadæ nam lux est quarta secunda,*

*Septemdena dies memori quoque mente tenenda,  
Post decimam quartam, nam quarta hæc esse notatur,  
Et post undecimam præcisè septima lucem. 24.*

**II.** Mens ubi per morbos constat, et ad omnia ritè  
Sese æger quæ dantur habet, sunt signa salutis;  
Si verò se contrà habeat: mala denotat illi. 33.

**II.** Per morbos sufferre minus soluere periculum,  
Quorum naturæ, ætati, stationibus anni,  
Vivendique modo morbus respondet obortus,  
Quam quibus in nullo fuerit cognatus eorum. 34.

**I.** Morbi et circuitus, cum tempestatibus anni,  
Sive hi quotidiè fiant, aliisve diebus;  
Naturam morbi nos, accessusque docebunt;  
Nec minus ex illis quæ sese postmodo produnt  
Sumitur indicium: sic quæ in pleuritide fiunt  
Sputa, brevem morbum declarant esse futurum,  
Si cito procedant: tardam, si tarda, salutem,  
Urinæ quoque, sudores, cum fæcibus alvi  
Judicio facilis sit, difficilisne futurus,  
Num brevis existet morbus, nec ne, manifestant. 12.

**IV.** Principio morbi si bilis prodeat atra,  
Sive infrà fuerit, seu suprà, perniciosum. 22.

**IV.** Si queis per longos, vel acutos corpora morbos  
Vulnerave, aut aliis de causis, extenuata,  
Bilis nigra, velutve crux secernitur ater  
Postridie tales passim de corpore migrant. 23.

**IV.** Qualiscumque crux suprà processerit, omnis  
Est malus, infrà autem, bonus est, si prodeat ater. 25.

**VII.** Si quibus in longo contingat nausea morbo,  
Et sincera alvi dejectio, perniciosum. 6.

**VII.** Externum in morbis, mala dicit, frigus acutis. 1.

**V.** In muliere rigor passim primordia ducit

E lumbis , et per dorsum petit indè cerebrum;  
 Nec non in sexu retro magis ille virili,  
 Nempe è femoribus , cubitisque assuevit oriri,  
 Signum est rara cutis , quam crinis denotat ipsum. 69.

VI. Num verò ex oculis quidquam sub tempore somni  
 Apparet , spectare decet , nam si quid in illis  
 Non rectè clausis palpebris , prominet albi,  
 Quod neque purgantis potu , neque fluxibus alvi  
 Contigerit , pravum est signum , multumque timen-  
 dum. 52.

II. Corpus non leviter febrentis , semper in uno  
 Perdurare statu , neque vix deperdere quidquam,  
 Aut etiam plus , quām ratio petit , extenuari,  
 Ambo mala : illud enim longum prædicere morbum,  
 Hoc solet immodicam testari debilitatem. 28.

IV. His quibus accessus fieri solüere febriles,  
 Si , quā dimissit febris horà , deinde recurrit,  
 Talis judicium consuevit habere molestum. 30.

IV. Quæ subit alternis , febris exquisita , diebus,  
 Septem intrà reditus , ad summum , fine potitur. 59.

IV. In febre lassatis , abscessus articulorum,  
 Ossaque præcipue propè maxillaria fiunt. 31.

IV. Terna febris , si continuet non absque periculo est,  
 Sin intermitat , censemur abesse periculum. 43.

### VII. 62. idem.

IV. Abscessus in febre , crises quoscumque priores  
 Non persanarint , longi præsagia morbi. 51.

IV. In febre , vel morbis aliis lacrimare , volenti ,  
 Lumina , non est absurdum , sed lumina , præter  
 Flere voluntatem , absurdum magis esse videtur. 52.

IV. Febre laboranti si quando obnascitur humor  
 Viscidus ad dentes , febris est vehementior illi. 53.

IV. In febre queis multus profluxerat undique sanguis,  
Illi humidior fit sanescentibus alvus. 27.

IV. Dimissa in paribus febris, est redditura, diebus. 61.

IV. Queis cunctis, in febre, rigor solet esse diebus,  
Solvitur his etiam sub tempore febris eodem. 63.

IV. Si prope ventriculum vehemens in febribus æstus,  
Et stomachi morsus fuerit, mala denotat ægro. 65.

VI. In causo tremor adveniens deliria solvit. 26.

IV. Surditie bilis dejectio cessat oborta,  
Contra uti surdities dejecta bile recedit. 28.

IV. In febre surdities fuerit quæcumque suborta,  
Hanc alvi fluxus, hæmorrhagiae sanat. 60.

VII. In febre continua, si frigent exteriora,  
Interiora flagrent, sitiantque, id perniciosum est. 72.

IV. In febre continua, si quando lumina, labrum,  
Sive supercilium, nasusve invertitur ægro,  
Si non ritè videt, non audit, quidquid eorum  
Contigerit, vi jam fracta, mors imminet illi. 49.

VII. 73. idem.

IV. In febre continua, si respiraverit ægrè,  
Et delirarit febriens, letale tenendum. 50.

### S E C T I O III.

*De his, quæ ad purgationem spectant.*

**T**II. *Incolumes, pravoque cibo qui corpora pascunt,*  
*Purganti cito deficiunt medicamine sumpto. 36.*

II. *His qui ritè valent, ægrè medicatio fertur. 37.*

IV. *Si cui contigerint cordis, sine febre, dolores,*  
*Nausea, vertigo tenebrosa, atque oris amaror,*

Talia purgandum demonstrant esse supernè. 17.

I. Athletarum habitus summo si quando plethora  
Vertice constiterit , consuevit lubricus esse:  
Ille diu cum namque statu nullatenus uno  
Perdurare , nec in melius procedere possit,  
Est opus in pejus recidat ; mox plenior ergo  
Hic habitus deplendus erit , quo corpora pastum  
Incipient captare novum : non attamen usque  
Dum collabantur venæ , vacuare licebit;  
Sed quantum athletæ satis est natura ferendo,  
Non aliter siquidem quam formidanda plethora est  
Si summa extiterit , vacuatio summa timenda. 3.

I. Purgetur si quale decet , conduceit , et ægri  
Absque labore ferunt , si non , contra evenit illis. 25.

IV. 3. idem.

IV. Tale per assumptum fas est educere purgans,  
Quale juvat , dum sponte sua de corpore prodit,  
Quod verò excretum profert incommoda , sistes. 2.

I. In fluxu ventris , vomituque suapte subortis  
Purgetur si quale decet ; conduceit , et ægri  
Absque labore ferunt : si non , contra evenit illis:  
Sic et venosi depletio facta crux  
Si sit conveniens morbo , conduceit , et illam  
Non ægrè tolerant ; si non , contra accidit ipsis.  
Ad morbos igitur , regionem , tempus , et annos  
Spectandum , in quibus hæc debent contingere , nec ne. 2.

IV. Inferior brumæ purgandus tempore venter,  
At melius ventrem purgare æstate supernum. 4.

IV. Sub Canæ , et ante Canem , purgans solet esse  
molestum. 5.

IV. Corpore qui graciles , minimoque labore vomentes ,  
Purgandi , præsens fuerit nisi bruma , supernè. 6.

IV. At contra modicè carnosí, ægrèque vomentes,  
Æstas ni fuerit, infernè sunt vacuandi. 7.

II. Quæ post judicium remanent in corpore factum,  
Hæc consueverunt recidivos gignere morbos. 12.

VI. Si quibus aut purgans, aut venæ sectio proposit,  
Hos purgare juvat, vel venam tundere, vere. 47.

VII. Sectio queis venæ conductit, vere secunda est. 53.

IV. Si suprà diaphragma dolor, purgantia poscens,  
Adfuerit, sursum purgandum denotat esse,  
Si verò fuerit infrà diaphragma, deorsum. 18.

IV. Si quibus et genuum gravitas, et torsio ventris,  
Nec non lumborum fuerint sine febre dolores,  
Hæc opus esse docent infrà purgantibus uti. 20.

IV. Qui sumpto modico, dum purgant corpora, potu  
Non sitiunt, his usque sitim purgatio durat. 19.

I. Si quæ judicium subeunt, bene vel subierunt,  
Hæc medicamentis, aliisve movere caveto. 20.

I. Coctum non crudum, nisi turgens sit, medicato. 22.

II. Ut purges, corpus prius illud fluxile reddas. 10.

VII. Ut purges corpus prius illud fluxile reddas;  
Id verò suprà si fluxile reddere queras,  
Secessum impedies, sin infrà, conciliabis. 70.

I. Noxia quā vergunt, si sit via commoda, purges. 21.

I. Copia quantumvis de corpore prodeat ampla,  
Est curanda parum; verùm si qualia debent  
Corpore pellantur, promptèque id sufferat æger.  
Atque ubi defectum usque animi vacuare necesse est  
Id quoque præstandum, modò robur sufficit ægri. 23.

I. Rarius in morbis purgans præbebis acutis,  
Idque in principio, nec in hoc temerarius esto. 24.

IV. In morbis, humor si turget, prorsùs acutis,  
Mox purga; siquidem cunctari incommoda profert. 10.

IV. Fas purgare melancholicos vehementius infrā,  
Oppositam sic nempe viam vacuando tenentes. 9.

IV. Qui veratro sumpto, non absque labore, supernè  
Expurgantur, iis diurno corpora somno  
Convenit, et pleno, prius humida reddere, victu. 13.

IV. In sanis non absque gravi solet esse periclo  
Elleborus, siquidem spasmum producit in illis. 16.

V. Ortus ab helleboro spasmus, letalis habendus. 1.

VII. Mortifer, à poto spasmus purgante subortus. 25.

IV. Corporibus veratro motus, plus convenit hausto  
Quam sopor, aut requies, siquidem qui navigat æquor  
Indicium præbet turbari corpora motu. 14.

IV. Si veratri vires magis accelerare peroptes,  
Exagita corpus, si verò sistere mens sit,  
Concilia somnum, corpusque movere caveto. 15.

VII. Et quibus alvinæ fæces, dum rite quiescunt  
Subsidunt quasi strigmenta (et si pauca pusillus  
Est morbus, contrà fuerint si plurima, magnus)  
Illis infernè purgari convenit alvum:  
Quod si Purgata minimè, sorbitio detur,  
Plus data quo fuerit, plus hoc offenderit ægrum. 67.

VII. Qualia prodierint per ventrem, lotia, carnes,  
Aut alibi corpus num peccet, dispiciendum:  
Parvus enim est morbus modicè si peccet, at ingens  
Si multum, valdè si multum, perniciosus. 79.

IV. Nigra excreta alvi, nigrum referentia tabum,  
Et quæ sponte fluunt, seu cum febre, seu sine febre,  
Pessima sunt; tantoque quidem pejora tenenda,  
Plures pejores quò cernis adesse colores:  
At medicamento vacuari talia præstat,  
Idque videbuntur quo plures esse colores 21.

VII. Sunt à bile nigra, subeunt quæ cruda deorsum,

*Quod si pauca, minor morbus, si plurima, major.* 68.

V. *Singultus, spasmusve malum denuntiat ægro,*  
*Qui post immodicum fuerit purgamen obortus.* 4.

VII. *In sene singultus malus, à purgante subortus.* 41.

## S E C T I O IV.

*De his, quæ spectant ad Urinas, Excreations,  
 Sudores, Rigorem.*

VII. *Q*uæ per vesicam redduntur, conspicienda,  
*An, quæ prodierant, sint qualia ritè valenti*  
*Excernuntur, ab his siquidem si longius absint,*  
*Sunt morbosa magis, contrà, si qualia sanis.* 66.

IV. *Crassas, grumosas, et paucas, febre suborta,*  
*Urinas prodire, bonum, si postmodò contra*  
*Urinas tenues, multasque excreverit æger,*  
*Præcipue verò tales redduntur in illis,*  
*Queis à principio morbi sedimenta fuere,*  
*Aut post principium non multo tempore visa.* 69.

IV. *Si febriens, instar jumenti, turbida reddat*  
*Lotia, ei capitis adsunt, aderuntve dolores.* 70.

IV. *Judicium quibus est septena luce futurum,*  
*His quarto rubicunda die nubecula, sese*  
*Præbet in urinis, et cætera pro ratione.* 71.

IV. *Alba quibus, nec non pellucida lotia fiunt,*  
*Sunt mala, præcipue simul existente phrenesi.* 72.

IV. *Hos, quibus abscessus iri speratur in artus,*  
*Urinæ crassæ, & simul albæ copia major,*  
*Liberat abscessu, qualis sub febre quibusdam,*  
*Quæ cum lassitie est, quarta procedere luce*  
*Incipit; at si etiam sanguis de naribus ægra*

*Erumpat, solet esse brevi sanatio morbi.* 74.

IV. *Si veluti crinis, vel parva caruncula, orassis innatet urinis, illud de renibus exit.* 76.

IV. *Si qui cum crassis, quædam quasi furfura, redundunt*

*Urinis, illis scabie vesica laborat.* 77.

IV. *Si quibus ad fundum matulæ subsidit arena, Lithiasi renes his, aut vesica laborat.* 79.

VII. *Bile quibus tinctum sedimentum lotia reddunt, Quod, supra tenue est, morbum testantur acutum.* 32.

VII. *Queis varia urina est, turbatio magna fit illis.* 33.

VII. *Queis urina facit bullas in parte suprema, His morbus renum diuturnus significatur.* 34.

VII. *Pinguia queis verò, confertaque, lotia summa extiterint, renum morbum testantur acutum.* 35.

VII. *In febris crassam matulæ sedimenta farinam Queis referunt, longi sunt hæc prognostica morbi.* 31.

IV. *Si quibus urinæ sit fistula tubere clausa, Hoc suppurrato, ruptoque, solutio fiet.* 82.

VII. 57. idem.

IV. *Secessum minuit nocturni copia mictus.* 83.

IV. *Si quando sanguis, vel pus per lotia prodit, Ulcera vesicæ, vel renum significantur.* 75.

IV. *Queis inopinanter sanguis per lotia prodit, His quòd renalis sit venula rupta tenendum.* 78.

IV. *Si quando grumos quis minxerit, atque cruorem, Et sua guttatum dumtaxat lotia reddit, Inter-fœmineo, atque inferno ventre dolente, His ad vesicam quæ sunt sita membra laborant.* 80.

VII. 39. idem.

IV. *Si cui squama, cruor, vel pus per lotia prodit, Et gravis adsit odor, vesicæ denotat ulcus.* 81.

IV. Si quando assiduis in febribus excreet æger  
 Quod livet, fœtet, vel bile, aut sanguine tinctum est,  
 Omne malum, contraque bonum, si prodeat aptè,  
 Sive id contigerit per lotia, sive per alvum,  
 Hac verò prodire, malum, quod non juvat ægrum. 47.

## VII. 69. idem.

IV. Si fluat in somno multus de corpore sudor,  
 Quod nimio pascat se victu significatur,  
 Si verò parcè comedat, vacuare necesse est. 41.

IV. Et qua parte fluunt sudores, morbus ibidem. 38.

VII. Immodicus semper manans de corpore sudor  
 Frigidus, aut calidus, quod sit purganda superne  
 Humiditas in forte docet; in debile, contrà. 61.

IV. Immodicus semper manans de corpore sudor,  
 Morbum majorem, si frigeat, indicat ægro,  
 Si caleat, morbi signum solet esse minoris. 42.

IV. Sudores illi sunt febricitantibus apti,  
 Qui termo, quinto, septeno, sive noveno,  
 Undecimo, decimo quarto, septendecimove,  
 Aut quarto à septendecimo, decimove sequenti,  
 Aut primo supra triginta, aut denique quarto,  
 Cœperunt manare die: nam solvere morbos  
 Hi consueverunt; reliqui plerumque laborem,  
 Aut redditum, longosque; solent prædicere morbos. 36.

IV. Si quando fuerit febrenti sudor obortus  
 Febre manente, malum, siquidem fit longior indè  
 Morbus, et ingentem denunciat humiditatem. 56.

IV. In febribus mortem, sudor qui friget, acutis,  
 In reliquis longum soluit prædicere morbum. 37.

V. Queis sicca est, & dura cutis, hi tempore mortis  
 Non sudant; contrà queis laxa est, raraque sudant. 71.

IV. In febribus, sexta si fiant luce rigores,

Judicium plerumque solet his esse molestum. 29.

IV. In febre continua rigor ægrum debiliorem  
Sæpius invadens , signum letale tenendum. 46.

IV. Atque ubi contingit mutatio corpore toto,  
Ut si frigescat corpus , rursumque calescat,  
Muteturve color , longi præsagia morbi. 40.

VII. 60. idem.

IV. Ardentis , rigor adveniens , sanatio febris. 58.

## S E C T I O V.

*De Morbis , qui ad Aerem , et Anni tempora  
referuntur.*

III. ~~A~~uditum minuit, visumque obnubilat Auster,  
Languida membra facit , caput et gravitate fatigat;  
Hæc ubi crebrescit , patiuntur debiliores:  
At contra Boreas tusses movet ,asperat ora,  
Supprimit urinam , siccum quoque procreat alvum,  
Horrores , variosque parit thorace dolores:  
Hæc itaque infirmos tunc expectare necesse est. 5.

III. Roborat et densa Borealis corpora ventus,  
Ad motum leviora facit , confertque colorem,  
Auditum reddit meliorem , supprimit alvum,  
Pectoris exacuat cruciatus , lumina mordet:  
Contrà Auster gravitate caput , vertigine visum  
Afficit , humectat corpus , nimiumque resolvit,  
Languida membra facit , liquidam quoque procreat al-  
vum. 17.

III. Sanior assiduo tempestas siccior imbre. 15.

III. Temporibus siccis febres oriuntur acutæ;  
Talia si verò durent , qualis solet anni

*Esse status, tales fas est succedere morbos. 7.*

III. *Hi sunt assiduus morbi quos procreat imber;*  
*Attonitus morbus, putredo, angina, caducus,*  
*Longa febris, ventrisque fluor, squalloribus autem*  
*Immodicis, mictus stillatio, tormina ventris,*  
*Arthritis, tabes, nec non ophthalmia fiunt. 16.*

III. *Tempora cum justum servant perubique tenorem,*  
*Morbi judicio faciles, certique vagantur;*  
*Cum verò inverso procedunt ordine, contra. 8.*

III. *Præcipuos anni causat variatio morbos,*  
*Quæque in eo fieri tam frigoris, atque caloris*  
*Temperies diversa solet, et cætera quævis,*  
*Queis cum præmissis est certa proportio rebus. 1.*

III. *Sanior his bruma est, contrà illis sanior æstas. 2.*

III. *Quivis quoque valent suboriri tempore morbi,*  
*Nonnulli certis tamen in stationibus anni*  
*Plus irritari morbi, fierique videntur. 19.*

III. *Hi fieri verno soluerunt tempore morbi,*  
*Lepra, melancholie, raucedo, gravedo, furorque,*  
*Sanguinis effluxus, tussis, angina, caducus,*  
*Asperitas diversa cutis, vitiligo, lichenes,*  
*Denique in articulis dolor, ac tubercula multa. 20.*

III. *Æstivo nonnulli horum quoque tempore fiunt,*  
*Continuansque febrisque, et quæ vehementius ardet,*  
*Quæ terno, quartove die redit, ulcus in ore,*  
*Ophthalmia, aurisque dolor, putredo pudendi,*  
*Sudores, vomitus, nec non profluvia ventris. 21.*

II. *Æstatis quartana brevis, diuturnior orta*  
*Autumno, idque magis si bruma supervenit illi. 25.*

III. *Cum similis fuerit veris stationibus æstas,*  
*Tunc solet in febribus multus prorumpere sudor. 6.*

III. *Ast quando Boreâ perflata, et siccior æstas,*

*Autumnus verò australis fuit, et pluviosus,  
Ad brumam tusses fiunt, capitisque dolores,  
Multaque raucedo solet atque gravedo vagari,  
Nonnullis etiam tabes contingit oriri. 13.*

**III.** *Si verò contrà Boreæ subjectus, et absque  
Imbribus autumnus fuerit, mulieribus ille  
Proderit, atque viris erit humidioribus aptus,  
At reliquis febres, vel acutas, vel diuturnas,  
Aut ophthalmias siccas contingere fas est,  
Atque melancholicus quosdam male morbus habebit. 14.*

**III.** *Autumno morbi magis exoriuntur acuti,  
Letalesque magis: statio sanissima veris. 9.*

**III.** *Æstivi autumno quoque multi, et volvulus,  
hydrops,  
Quartanæ, dubiæque febres, splenisque tumores,  
Tormina, difficiles urinæ, levior alvus,  
Et dolor in coxis, angina, epilepsia, tabes,  
Asthma, melancholiæ, nec non vesania mentis. 22.*

**III:** *Autumni tempus nocet his qui tabe laborant. 10.*

**III.** *Quando calor, frigusque die sentitur eadem,  
Tunc autumnales fas est succedere morbos. 4.*

**III.** *At brumæ tales fiunt sub tempore morbi,  
Phlegmone pulmonum, pleuræ, raucedo, gravedo,  
Lethargus, capitis vertigo, apoplexia, tussis,  
Thoracis quoque lumborum, cerebrique dolores. 23.*

**III.** *Si quando fuerit borealis, siccaque bruma,  
Ver autem austrinum fuerit pluviisque rigatum,  
Tunc æstate crebri febribus vexantur acutis,  
Atque ophthalmiis, fluidi quoque tormine ventris;  
Fœmina præ reliquis, et mares humidiores. 11.*

**III.** *Si verò australis contrà, pluviosaque bruma,  
Ver autem boreale fuit, mulieribus illis*

*Quæ verno fortasse cadet sub tempore partus,  
A minimâ passim causâ continget abortus;  
Quæ verò pariunt, morbosos edere fœtus  
Consuevere, statim sic ut de corpore migrant,  
Vel tenues semper vivant, minus atque salubres,  
Sicca sed in reliquis ophthalmia, tormina ventris,  
Rheumataque in senibus mox interimentia fient.* 12.

**VII.** *Veris & autumni podagræ plus tempore fiunt.* 55.

**VI.** *Quicumque; à podagrâ vexantur, phlegmone sanâ*  
*Intra quadraginta dies, absolvitur illis.* 49.

## S E C T I O VI.

**D**e his, quæ spectant ad Morbos ex diversa  
Æstate, et temperie natos, et etiam  
à calidorum et frigidorum usu.

**III.** *M*orbi diversi diversa ad tempora, sese  
Ægrè aut ritè gerunt, ætates denique quedam,  
Ad loca, tum virtùs rationem, ac tempora certa. 3.

**III.** *V*ere magis pueri, primâque æstate salubres  
Esse solent, nec non pueris ætate vicini;  
At melius æstate senes, primâque valere  
Autumni pro parte solent, restantibus autem  
Temporibus, constans illi queis ducitur ætas. 18.

**III.** *I*lla per ætates parvis natisque recenter  
Eveniunt pueris, umblici phlegmone, tussis,  
Ulcera serpentina oris, privatio somni,  
Aurium & humiditas, subsultus, atque pavores. 24.

**III.** *A*st ubi cœperunt teneri perrumpere dentes:  
Pruritus gingivarum, convulsio, febris,

*Et liquidi vexare solent profluvia ventris,  
Maximè ubi incipiunt dentes prodire canini,  
Præsertim in crassis, & queis est durior alvus.* 25,

III. *His verò paulò quibus est proiectior ætas:  
Vertebræ occipitis intrò luxatio, vermes,  
Propendens verruca, paristmia, lythiasisque,  
Asthma, priapismi, strumæ, diversaque multa,  
Præcipue prædicta tamen, tubercula fiunt.* 26.

III. *At jam puberibus dictorum plurima fiunt,  
Et diuturna febris, fluxusque è nare cruxoris.* 27.

III. *In pueris morbi, vel quadraginta diebus,  
Aut intrà septem menses, intràve tot annos,  
Aut propè pubertati soluerunt fine potiri;  
Qui verò constant, neque circa menstrua prima  
In muliere, nec in puerò jam pubere facto  
Desierint, plerumque solent veterascere morbi.* 28.

II. *A morbo juvenes victusque, locique, caduco,  
Præcipue verò ætatis mutatio sanat.* 45.

V. *Solvitur Herculeus, in necdum pubere, morbus;  
Post annos verò viginti quinque subortus,  
Supremam vix ante diem de corpore migrat.* 7.

VI. *Non nisi post veneris podagrâ puer acta labo-  
rat.* 30.

III. *Ast ubi sunt facti juvenes, his febris acuta,  
Sanguineum sputum, tabes, epilepsia fiunt,  
Ac varii morbi, quorum pars maxima dicta est.* 29.

III. *Ultra hanc ætatem proiectis asthmata fiunt,  
Phlegmone & in pleura, pulmonibus, atque cerebro,  
Lethargi, nec non ventris profluvia longa,  
Tormina cum cholera, crudi dejectio pastus,  
Ardentesque febres, fluxusque haemorrhoidales.* 30.

III. *In senibus verò vertigo, apoplexia fiunt,*

Rheumata cum tussi , dolor artubus , atque nephritis,  
 Asthma , dysuriæ , calidi stillamina mictus ,  
 Pruritus , fœdique habitus , rarique sopores ,  
 Nec non humiditas oculorum , ventris , & auris ,  
 Auditus gravior , glaucoma , minutio visus . 31.

II. Sæpius esse solent juvenes senioribus ægri ,  
 At quicunque senes diuturni affligere morbi  
 Cœperunt , non ante necem plerumque recedunt . 39.

II. Decrepitis raucedo coqui nequit atque gravedo . 40.

VI. Si quod vesicam , renesve ætate senili  
 Detineat vitium , gravis hoc solet esse medelæ . 6.

II. Longa statura quidem juveni speciosa videtur ,  
 At minus apta seni , & pejor brevitatem tenenda . 54.

II. Naturâ immodice crassi plerumque minori ,  
 Quam qui sunt graciles naturâ , tempore vivunt . 44.

VI. Queis à naturâ nares , genituraque sicca ,  
 Sanius hi degunt , quam queis sunt humida contrâ . 2.

IV. Et quæ parte calor , vel frigus , morbus ibidem . 39.

VII. Si cui sit febris , non flavâ ex bile suborta ,  
 Huic aqua multa calens capiti suffusa medetur . 42.

V. Talia per crebros calidum mala procreat usus :  
 Mollitiem carnis , nervorum debilitatem ,  
 Torporem mentis , profluvia magna cruoris ,  
 Defectusque animi , post quæ comes ultima mors est . 16.

V. Quod calet , id tutum est , ad pus si promovet  
 ulcus

Indicum , spasmos , tetanos levat , atque rigores ,  
 Extenuat , mollitque cutim , tollitque dolores ,  
 Alleviat cerebrum , fractis est ossibus aptum ,  
 Præcipue verò nudatis carne , magisque  
 In capite , his etiam confert queis frigida mortem ,  
 Aut ulcus causare solent , rodentibus item

*Herpetibus, vesicæ, utero, genitalibus, ano;*  
*Omnibus his calidum prodest, criticumque tenetur,*  
*Contrà, quod friget, perimens est, atque nocivum. 22.*

V. *Quod friget, tetanos, spasmos, cutis atque nigores,*

*Febrilesque parit, usu crebriore, rigores. 17.*

V. *Denti, ossi, nervo, cerebro, spinæque medullæ,*  
*Id quod friget, obest, contrà, quod fervet, amicum. 18.*

V. *Illis concilia, quæ frigida facta, calorem,*  
*Ni fundant, fuerintve brevi fusura cruentem. 19.*

V. *Frigido in his autem fas uti est, unde cruentis*  
*Fit fluxus, fietve brevi, non partibus ipsis*  
*Imposito, verùm super has, unde affluit illic;*  
*Et si quâ forsan sit deflagratio parte,*  
*Efflorente novo, vel phlegmone, nata cruento,*  
*Quæ subsanguineum rubeat, huic commoda præstat;*  
*Denigrat siquidem veteratas: ulceris expersa*  
*Sanat erysipelas, at sacrum pejorat ignem. 23.*

V. *Frigida uti glacies, vel nix est, pectora lœdunt,*  
*Rumpunt venas, dant tusses, atque catharros. 24.*

## S E C T I O VII.

*De his, quæ spectant ad medendi Methodum*  
*generalem.*

II. *O*mnia si cuiquam rectâ ratione gerenti  
*Non benè succedat, tardi curatio morbi;*  
*Ad nova non ideo subito transire licebit,*  
*Si quæ à principio fuerant conspecta, supersint. 52.*

II. *Confertim, et subito replere, aut evacuare,*  
*Et subito frigus producere, sive calorem,*

*Aut utcumque aliter corpus agitare, nocivum  
Naturæ si quidem nimium quodcunque repugnat;  
Quod verò sensim procedit, tutius esto,  
Maximè ab hoc si quis paulatim transit ad illud.* 51.

**II.** *Non secus ac vacui morbos repletio curat,  
Sic etiam pleni morbos vacuatio sanat;* <sup>suppositio</sup>  
*Nec non in reliquis prosunt contraria cunctis.* 22.

**VII.** *A vini potu, parilis cui portio lymphæ  
Mixta sit, anxietas, oscedo, cessat, & horror.* 56.

**V.** *Obdormire siti vehementi nocte, salubre.* 27.

**II.** *Incipiente move morbo quæcumque movenda;  
Dum verò præsens vigor est, requiescere præstat.* 29.

**II.** *Circa principium, finemque levissima cuncta;  
Omnia præsenti plus sunt metuenda vigore.* 30.

**II.** *Cùm duo non unâ vexant in parte dolores,  
Qui magis est vehemens, solet obscurare minorem.* 46.

**VI.** *Quæcumque è dorso cubiti descendit ad artus  
Ruptio, huic certam dat phlebotomia medelam.* 22.

**I.** *Extremis extrema juvant medicamina morbis.* 6.

## S E C T I O VIII.

*De his, quæ ad Chirurgiam spectant.*

**II.** *Et dolor & febris confecto pure remittunt.* 47.

**VI.** *Nulla sui sanies latitans si signa revelet;  
Hoc ob crassitiem fit partis, vel saniei.* 41.

**IV.** *Si quos affligant diurno tempore febres,  
His circa articulos dolor, aut tubercula fiunt.* 44.

**VII.** 63. idem.

**VII.** *A longâ queis febre dolor, vel tubera, circa*

*Articulos fiant, nimis illos crede voraces.* 64.

IV. 45. idem.

V. *Tubera in articulis, & spasmos, atque podagras,*  
*Et quibus ulcus abest majori ex parte dolores*  
*Frigida larga levat, minuit, solvitque dolorem;*  
*Hunc siquidem modicus potus est quoque solvere tor-*  
*por.* 25.

IV. *Febres ex bubone male, nisi sint ephemerae.* 55.

VII. *Est malus ob capitum, stupor, aut insania, vul-*  
*nus.* 14.

VII. *Quēis fuerit vehemens cerebri concussio facta,*  
*Protinus his vocis fieri privatio debet.* 58.

VI. *Quēis cerebrum fuerit persectum, febris iisdem,*  
*Et vomitus flavæ debet succedere bilis.* 50.

VII. *Hi quibus invasit cerebrum syderatio, ternos*  
*Si possint superare dies, sanantur ab illâ.* 50.

VI. *Plus cruciant humiles quam celsi in ventre do-*  
*lores.* 7.

VII. *Propter os ægrotans, caro livida, perniciosum.* 2.

VII. *A sphacelismo, collectio puris in osse.* 77.

VII. *Ex ossis plagâ, vacuum penetrante, furores.* 24.

VI. *Si quando exciderit, fas est putrescat, omen-*  
*tum.* 58.

V. *Si cum vulneribus magnis pravisque tumores*  
*Sint nulli, prægrande malum denuntiat ægro.* 66.

V. *Tubera cruda, mala; at bona sunt, quæ mol-*  
*lia contrâ.* 67.

VI. *Pustula non magnâ prurigine lata laborat.* 9.

VI. *Persectum tenue intestinum non coalescit.* 24.

VI. *Si cui ventriculus, vel cor, vesica, cerebrum,*  
*Aut jecur extiterit persectum, vel diaphragma,*  
*Aut intestinum tenue, id letale tenendum.* 18.

VI. Os cui persectum fuerit , præputia , nervi,  
*Vel cartilago , vel portio parva genarum ,*  
*Huic non augeri solet , aut coalescere vulnus.* 19.

VII. Os , cartilago , nervusque in corpore sectus ,  
*Hic aut augeri solet , aut coalescere nunquam.* 28.

VIII. Ulcera quæ circùm circâ sunt glabra , maligna . 4.  
 V. Quod friget , spasmos , tetanos , febriumque rigores

*Inducit , duratque cutem , nigrat , ulcera mordet ,*  
*Non suppurantem solet & causare dolorem.* 20.

V. Hi quibus ulcerei cernuntur adesse tumores ,  
*Non multùm spasio , mentisve furore laborant :*  
*A tergo verò , queis tubera rubra repente*  
*Disparent , illos tetani , spasmique prehendunt ;*  
*Queis à fronte , furor mentis , collectio puris ,*  
*Tormina , & ingentes laterali in parte dolores.* 65.

VI. Hydropicis exorta gravis sunt ulcera curæ . 8.

VI. Annua si quando , magè longa vel , ulcera fiant ,  
*Fas ut os abscedat , cava fiat & inde cicatrix.* 45.

VII. Si quando vehemens spectetur in ulcere pulsus ,  
*Sanguinis hinc fluxus passim consuevit oriri.* 21.

V. Quæ sequitur vulnus convulsio , perniciosa . 2.

VI. Esto bonum quocumque foras de parte profundâ  
*Migrat erysipelas , contrà quod vertitur intrò.* 25.

VII. Qui fit nudato , malus est , sacer ignis ab osse . 19.

VII. Si sacro , puris collectio , fiat ab igne ,  
*Aut putredo , malum patienti denotat illud.* 20.

VI. Occultos cancros ne cura : namque relictii ,  
*Quam qui curati , longo magè tempore vivunt.* 38.

VI. Si , postquam fuerat dolor in coxendice longus ,  
*E femoris prolapsa loco fit coxa supremo ,*  
*Ac rursùm recidat , mucus progignitur intrò.* 59.

S E C T I O VIII.

609

- VI. Ischia queis longo fuerant affecta dolore,  
Si coxâ femoris caput excidit , ustio fiat,  
Aut aliâs crus tabescet , claudique manebunt. 60.
- VI. Non magni varices calvis oriuntur , at orti  
Si fuerint , rursus caput his crinitur ut ante. 34.
- VI. Calvitie eunuchus nunquam , podagrâve labo-  
rat. 28.
- VI. Esto bonum lippis profluvia ventris oriri. 17.
- VI. Balnea , thorexis , purgantia , sectio venæ,  
Aut fomenta , solent oculi sanare dolores. 31.
- VI. Ex ani venis profluvia longa medendi  
Una nisi è cunctis semper teneatur aperta,  
Hydropis , aut tabis magnum solet esse periculum 12.
- VII. A magno spasmus , malus est , tetanusve ca-  
lore. 13.
- VII. Post vini potum , & calefactæ balnea lymphæ,  
Phlebotomiâ oculi fas est curare dolorem. 46.

S E C T I O IX.

*De his , quæ spectant ad morbos Capitis.*

- VII. Quæcumque obcapitis fit sternutatio causam ,  
A cerebro nimium calefacto assuevit oriri,  
Aut humectato capitis contingit inani:  
Namque foras qui clausus erat profunditur aer,  
Et strepitat , latus quia non datur exitus illi. 51.
- VI. Si bene dispositis subito cephalalgia fiat ,  
Mutescantque statim , stertantque , è corpore migrant ,  
Intra septenam , fuerit nisi febris oborta. 51.
- V. Si quis privetur subito post pocula voce ,

TOMO IV.

QQ

*Convulsus moritur, subeat nisi febris eundem,*

*Aut hac vox redeat, qua crapula solvitur, horâ. 5.*

VII. *Est malus ob vigiles furor, aut convulsio noctes. 18.*

II. *Esto bonum, somno tolli deliria, signum. 2.*

II. *Quo facit in morbo somnus, letale laborem;*  
*Quod si profuerit, minimè letale tenendum. 1.*

VI. *Si quando exierit, per nares, ora, vel aures,*  
*Pus, aqua, vel sanguis, cephalalgia cessat acuta. 10.*

V. *Parte quibus cerebrum pro posteriore laborat,*  
*His rectae frontis prodest incisio venæ. 68.*

II. *Fortior haud ullis mediis Apoplexia mortem*  
*Evitare potest, sanatur debilis ægræ. 42.*

VI. *Attonitus verò morbus consuevit ab annis*  
*Quadraginta ferè usque ad sexaginta subire. 57.*

II. *Pars cui certa dolet, nulla ferè parte dolorem*  
*Si sentit, talis malesanâ mente laborat. 6.*

VI. *Tuta magis, quæ cum risu deliria fiunt;*  
*Quæ vero studio contingunt, deteriora. 53.*

VI. *Si quando varices, hemorrhoidesque furenti*  
*Contigerint, sanam soluerunt reddere mentem. 21.*

VI. *Et metus, & mœror, sine causâ tempore longo*  
*Si perseverent, sunt atræ nuntia bilis. 23.*

VI. *Esto melancholicis humorum lapsio morbis*  
*Suspecta; hac siquidem spasmi, privamina visus,*  
*Aut apoplexiæ, aut maniæ significantur. 56.*

VII. *Exstasis, aut hydrops, fluidi vel tormina ventris*  
*Maniæ si succedant, bona signa tenentur. 5.*

V. *Singultus, spasmusve, malo est, à sanguine fuso. 3.*

VII. *A fuso, furor aut spasmus, mala signa eruore. 9.*

V. *Mors intrâ quatuor tetano succedere soles*  
*Consuevit, quos si possint superare, valescunt. 6.*

## S E C T I O IX.

611

V. In tetanis quandoque tamen, quibus ulceræ desunt,  
Nec non eusarco juvēt, æstatisque vigore,  
Frigida nativum large profusa calorem  
De centro revocat : calor autem talia sanat. 21.

VI. Singultus causis oritur, queis spasmus, iisdem,  
Scilicet à nimium replendo, vel vacuando. 39.

II. A spasio febris melior, quam spasmus ab illa. 26.  
IV. Et spasmus & tetanum, febris super addita  
solvit. 57.

IV. Si spasmus, pariterque dolor prope viscera  
magnus

Acciderint in febre malum testantur, acuta. 66.

IV. In febre per somnum spasmus malus, atque  
pavores. 67.

IV. Spiritus offendens malus est in febre tenendus,  
Correptum siquidem spasio denunciat ægrum. 68.

V. Vix convelluntur quartâ qui febre laborant,  
Quod si convulsi fuerint, hæc liberat illos. 70.

## S E C T I O X.

*De his quæ spectant ad morbos Pectoris.*

VII. Lingua quibus titubans, vel pars syderata  
repente

Evadit, bilem nigrā denuntiat illis. 40.

II. Quando dolent fauces, aut se tubercula produnt,  
Excreta inspicias : nam si sint bile referta,  
Ægrotat corpus simul ; at si sana videntur,  
Absque metu tuto corpus nutrire licebit. 15.

VI. Si tumor angina correptis, exoriatur

*In cervice, bonum: nam morbus vertitur extrâ.* 37.

VII. 49. idem.

IV. *Si subitò, nullo per fauces tubere viso,*  
*In febre supprimitur spiratio, perniciosum.* 34.

IV. *Torqueri subitò collum, & vix posse vorare,*  
*In febriente, tumor si nullus, perniciosum.* 35.

V. *Queis ex angina in pulmones vertitur humor,*  
*Intrà septenas abeunt è corpore luces,*  
*Quas si transierint, his suppuratio fiet.* 10.

VI. *Si quando in morbo, cui juncta est febris, acuto*  
*Contigerit gemebunda malum spiratio signum.* 54.

II. *Ex his, queis fuerat suppressus anhelitus, ægris,*  
*Nec periere tamen, spes illis nulla salutis,*  
*Spuma quibus fuerat circa os collecta, superstes.* 43.

VII. *Quæcumque in summum fit destillatio ventrem,*  
*In pus viginti spatio migrat illa dierum.* 38.

VI. *Quicumque ex tussi gibbosi, aut asthmate fiant,*  
*Hos mors antè pubertatis præoccupat annos.* 46.

IV. *In causone, diu queis durat, sicca, parumper*  
*Irritans, tussis, sitis hos non afficit ingens.* 54.

V. *Queis cruor exspuitur spumans, pulmonibus*  
*exit.* 13.

VII. *Esto malum, puris sputum, post sputa cruoris.* 15.

VII. *A puris sputo tabes, & fluxio fiant,*  
*Ast ubi subsistit sputum, de corpore migrant.* 16.

VI. *Pectoris, & lateris, aliave in parte dolores,*  
*Num multa inter se teneant discrimina, disce.* 5.

VI. *Ructantes acidum pleuritis rara prehendit.* 33.

VII. *Est mala pulmonum, pleuritide, phlegmone*  
*nata.* 11.

VII. *Est mala, pulmonum de phlegmone nata*  
*phrenitis.* 12.

VI. Phlegmone queis pleuræ fuit, aut pulmonis oborta,  
Si fluxus ventris succedant, perniciosum. 16.

V. Inflammata quibus pleura est, nisi pectoris, intræ  
Bis septem fiat sursum vacuatio soles,  
In suppuramen solet illis phlegmone verti. 8.

V. Si finita empyi pleuritide fiunt,  
Ni post rupturam se quadraginta dierum  
Expurgent spatio, solet his succedere tabes. 15.

II. Fortiter atque crebrò sine causâ qui manifestâ  
Delinquent animo, pereunt plerumque repente. 41.

VII. Syncope cum vomitu fit ab intrò tubere rupto. 8.

V. A decimo octavo quintum trigesimum ad annum  
Majori pro parte solent contingere tabes. 9.

V. Si phthisicus sputum per tussim tale rejectet,  
Quod prunæ immissum graviorem reddat odorem,  
Et crines capitis labantur, perniciosum. 11.

V. In phthisicis si quando cadunt de vertice crines,  
Succedente solent profluxu ventris obire. 12.

V. Letale est, phthisico profluvia ventris oriri. 14.

IV. Ad tabem pronos caveas purgare supernè. 8.

VII. A vomitu, tabes, & puris sputa, cruento. 78.

VII. Si quando empyis secto thorace, vel usto  
Pus album, purumque fluat, sanatio, contrà,  
Si subsanguineum, cænosum, & odore molestum. 44.

## S E C T I O XI.

*De his, quæ spectant ad morbos ventris.*

II. **P**artes quæ ventrem concernunt inferiorem,  
Quolibet in morbo nonnullam prestat habere

*Crassitiem; nam si tenues sint, perniciosum;*

*Inferiora etiam minus ad purgamina tutum. 35.*

**IV.** *Si, sublata cui reddunt hypochondria murmur,  
Lumborum accedat cruciatus, venter eidem  
Redditur humidior, nisi mingat multa, vel infrà  
Erumpant flatus: atque hæc in febribus adsunt. 73.*

**V.** *Si dolor infestet præcordia phlegmonis expers  
Hic à febre solet superadveniente repelli. 40.*

**VI.** *Si crux in ventrem rupit, pus fiat oportet. 20.*  
**VII.** *Colligitur sanies, post longum in ventre dolorem. 22.* (dolore

**VII.** *Si quando à valido, membrorum in ventre,  
Frigus in extremis fit partibus, exitiosum. 26.*

**IV.** *Intestinorum quibus est contorsio facta,  
Et circa umbilicum cruciant, lumbosque dolores,  
Qui neque purganti possunt, aliisque sedari,  
His tandem siccum firmatur in hydropa morbus. 11.*

**VII.** *Si vehemens, albo vexatum phlegmate, ventris  
Corripiat fluxus, à morbo liberat illum. 29.*

**VI.** *Si ductū venarum illi, quem detinet hydrops,  
Fluxerit in ventrem serum, illud liberat ægrum. 14.*

**VII.** *Hydrops post album soluit succedere phlegma. 74.*

**VI.** *Hydropico tussis succedens, exitiosa. 35.*

**VII.** *Hydropico spes nulla subest, si tusse laboret. 47.*

**VI.** *Hydrope detenti, vel pus thorace legentes,  
Omnino intereunt, urendo, sive secando*

*Sin aqua, vel sanies confertim effluxerit omnis. 27.*

**VII.** *Quæs inter stomachum phlegma est, diaphragmaque clausum,*

*Quod cruciat, neutrumque potest invadere ventrem,  
His in vesicam per venas phlegmate verso,*

*Accidit illius perfecta solutio morbi.* 54.

VI. *Singultum adveniens mox sternutatio solvit.* 13.

VII. *A vomitu, mala, singultus, oculique rubentes.* 3.

VII. *Si quibus acciderit vomitus, sine febre, cruris,*  
*Est bonus, econtrà malus est cum febre subortus,*  
*Frigida eum verò simul astringentia sanant.* 37.

VII. *Ingentes hepatis solvit febris orta dolores.* 52.

VII. *Est malus à jecoris, singultus, phlegmone na-*  
*tus.* 17.

VII. *Si suppuratum quibus est hepar, ustio fiat,*  
*Pusque album, purumque fluat, sanatio morbi,*  
*In tunica jecoris siquidem concluditur illis,*  
*Intereunt verò queis prodit qualis amurca.* 45.

VII. *Si queis turget aqua jecur, atque irrupit omen-*  
*tum,*

*Illi venter aquâ distenditur, & moriuntur.* 55.

V. *Flatibus haud multis, suffusi felle, laborant.* 72.

VI. *Si durescat hepar suffusis felle, timendum.* 42.

IV. *Ante dies septem, mala, febri aurigo suborta.* 62.

IV. *Si quibus icterus fuerit febrentibus ortus*  
*Septena, nonâ, undecimâ, quartadecimâve*  
*Luce, bonum, modò non sint dura hypochondria dextra,*  
*Namque alias minimè esse bonum censebitur illis.* 64.

VI. *Splene laborantes, ventris queis tormina fiunt,*  
*His longos alvi post fluxus, levior alvus,*  
*Aut hydrops oritur, tandemque è corpore migrant.* 43.

VI. *Tormina spleneticis super advenientia pro-*  
*sunt.* 48.

VII. *Ex ilei morbo vomitus, deliria, spasmus,*  
*Singultusve, malum patienti denotat omen.* 10.

VI. *Longa magis balbos infestat fluxio ventris.* 32.

II. *Excreti speciem variari in fluxibus alvi,*

*Ad pravum nisi commutetur, proderit ægro.* 14.

VII. *Excrementa quibus spumosa in fluxibus albi extiterint, illis cerebro delabitar humor.* 30.

VII. *Fluxibus alvinis succedunt tormina ventris.* 75.

IV. *Tormina, que bilis nigra protulit, exitiosa.* 24.

IV. *Si, qui difficilis patitur profluvia ventris, dejiciat carnis quasi frustula, perniciosum.* 26.

VII. *Sincero ex alvi secessu, tormina ventris.* 23.

VII. *Torminibus ventris succedit lævior alvus.* 76.

VI. *Nausea torminibus, mala confert nuntia, longis, et pejora, simul si febris detinet ægrum.* 3.

VI. *Ructus succedens acidus, qui non fuit antè, Fausta lienterii denuntiat omnia longis.* 1.

VI. *Longum alvi fluxum vomitus spontaneus auffert.* 15.

IV. *Bruma lientericos prohibet purgare supernè.* 12.

VII. *Si vero prædicta, illis qui rene laborant, signa superveniant affliganturque dolore*

*Musculi ubi spinæ resident qui vergat ad extrà,*

*His & in externis abscessum crede futurum;*

*Sin intro vergat, credas quòd fiet ab intrà.* 36.

V. *Recti intestini, aut uteri si phlegmone fiat, Aut suppurentur renes, succedit eidem*

*Stranguria, at jecoris singultum phlegmone gignit.* 58.

VI. *Queis ex stranguria fit volvulus, hi moriuntur Intrà septenam, nisi cum febre plurima mingant.* 44.

VI. *Dysuriā internæ sanat pertusio venæ.* 36.

VII. *Difficilem mictum, nec non stillantia sanat lotia thorexis, internæ & sectio venæ.* 48.

VI. *In renum vitiis, bilisqae affectibus atræ, Sanguinis ex ani venis profluxio prodest.* 11.

## SECTIO XII.

*De his, quæ ad Mulieres spectant.*

- VII. *E*esse ambidextram mulieri haud accidit ulli. 43.
- V. *Sanguineus vomitus per menstrua cessat oborta.* 32.
- V. *Menstrua queis desunt, hæmorrhagia salubris.* 33.
- V. *Menstrua, quæ tempus variant, pravique coloris Extiterint, fas esse docent purgantibus uti.* 36.
- V. *Si quæ nec peperit, neque gestat fœmina, mammis Lac habeat, signum est, quod eidem menstrua desint.* 39.
- V. *Si cupias nimios mulieri sistere menses, Huic appone cucurbitulam circa ubera magnam.* 50.
- V. *Mensibus adveniens malus est cum syncope spas-*  
*mus.* 56. (*morbos.* 57.)
- V. *Et nimia, & suppressa, suos dant menstrua,*
- V. *Fœminea educit grati suffitus odoris,*
- Et grave ni faceret caput, esset pluribus aptus.* 28.
- V. *Si cruor ad mammae tumeat sunt signa furoris.* 40.
- V. *Si num concepit mulier dignoscere queras,*  
*Huic mulsam præbebis aquam sub tempore somni;*  
*Nam si concepit, patietur tormina ventris,*  
*Sin minus, à ventris requiebit tormine tuta.* 41.
- V. *Quæ non concepit, non conceptura deinceps*  
*Sit, si nosse velis, huic undique veste ligatæ*  
*Suffito, & si corpus odor pervadat ad ora,*  
*Et nares, de se sterilem non esse memento.* 59.
- V. *Hæ non concipiunt queis densa, & frigida matrix,*  
*Aut humecta nimis, nam sperma extinguitur illis,*  
*Et queis sicca nimis fuerit, servensque vicissim;*

*His alimentorum nam sperma penuria perdit:  
Quæ verò fuerint mediocres , prole beantur.* 62.

V. In sexu similis ratio solet esse virili,  
Immodicus siquidem vel spiritus evolat illis,  
Perraræ ratione cutis , dimittere semen  
Sic ut non valeant , aut his non exsilit humor LIV  
Propter densitatem , vel non accenditur illis  
Ob frigus , sic ut cumulari possit ibidem,  
Aut hæc ob nimium fieri solüere calorem. 63.

V. Si nulla immodicè crassis conceptio fiat,  
Illis os uteri nimis angustatur omento,  
Nec nisi macrescant , prægnantes efficiuntur. 64.

V. Si suppurret matrix , quâ parte vicina  
Est coxae , hanc litu curabis convenienti. 47.

V. Mas dextra plus parte jacet , mulierque sinistra. 48.

V. Os uteri durum quibus est , his clauditur arctè. 54.

V. Os uteri , fœtum gestanti , clauditur arctè. 51.

V. Si multum in gravidis lac effluat ubere , fœtum  
Indicat infirmum , si dura his ubera , fortē. 52.

V. Quæ corrupturæ sunt fœtum , his ubera parva  
Evadunt , contrà si dura his ubera fiant,  
In coxis , mammis , oculis , genibusve dolores  
Corripiunt , illis neque fiet prolis abortus. 53.

V. Menstrua si sistant , nec fit febris ulla , nec horror,  
Fastiditque cibum , quod gestet fæmina credas. 61.

V. Ritè valere nequit fœtus , si menstrua currant. 60.

V. Similiter , fœtum gestans , si febre laboret,  
Et multum notis sine causis extenuetur,  
Est ægrè , & non exiguo paritura periculo,  
Aut formidandum ne fiat prolis abortus. 55.

V. Pharmaca da gravidis , fuerit si turgidus humor,  
A quarto usque ad septenum purgantia mensem,

*Sed minùs atque aliis ; dum verò grandior infans,  
Aut minor est , timide sese gestare necesse. 29.*

## IV. i. idem.

V. *Letale est , gravidam morbus si vexet acutus. 30.*

V. *Phlebotomia utero gestanti causat abortum,  
Atque id præcipue fuerit si grandior infans. 31.*

V. *In gravidis fluxus ventris minitantur abortum. 34.*

V. *Altera si geminos gracilescat mamma ferenti,  
Denotat alterius quòd fiet prolis abortus,  
Et si leva quidem , mulieris , dextera , maris. 38.*

V. *Si quando in gravidis subitò gracilescere mammas  
Contigerit , fieri solet illis prolis abortus. 37.*

V. *Sternutare , bonum histericæ , & quæ parturit  
ægrè. 35.*

V. *Præter naturam tenuis si fœmina gestet,  
Donec pinguescat , semper patietur abortum. 44.*

V. *Si verò modicè carnosis , mense secundo ,  
Vel terno , nota sine causa fiat abortus,  
Illi sunt uteri mucore ligamina plena, (tum. 45.  
Rumpunturque , quia haud tolerant præ pondere fœ-*

V. *In gravidis melior , fuerit si masculus infans,  
Est color , contrà fuerit si fœmina , pejor. 42.*

V. *Si quando fœtum mulieri ventre gerenti  
Fiat erysipelas uteri , letale tenendum. 43.*

VII. *Tenesmus , gravidis succedens , causat abor-  
tum. 27.*

V. *Si cupias segnes citò deturbare secundas ,  
Da sternutificum , dein nares , oraque claude. 49.*

VI. *Fœmina non patitur podagram , nisi menstrua  
desint. 29.*

VII. 71. Vid. II. 3. pag. 588.

IV. 48. Vid. VII. 72. pag. 592.

**1.** *Qui supra quadraginta annos phrenitici fiunt, non admodum sanantur. Minus enim periclitantur, quorum naturæ, et ætati morbus similis fuerit.*

**2.** *Quibus in febribus quartanis existentibus sanguis ex naribus fluxerit malum.*

**3.** *Sudores in diebus criticis oborientes, vehementes, et veloci, periculosi : et qui expelluntur ex fronte, velut guttæ, et aquæ salientes, et frigidi valde, ac multi. Necesse enim est talem sudorem prodire cum violentia, et laboris excessu, et expressione diuturna.*

**4.** *Ex morbo diuturno alvi defluxus malum.*

**5.** *Quæ medicamenta non sanant, ea ferrum sanat. Quæ ferrum non sanat, ea ignis sanat. Quæ vero ignis non sanat, insanabilia existimare oportet.*

**6.** *Lingua nigra atque cruenta, si quid horum signorum abest, non valde malum : morbum enim minorem declarat.*

**7.** *Testis dexter frigidus, et convulsus, letale.*

**8.** *Ungues nigri, et digitæ manuum et pedum frigidi, contracti, vel remissi, mortem in propinquò esse ostendunt.*

**9.** *Labia livida aut etiam resoluta et inversa, et frigida, letalia. (sunt.*

**10.** *Aures frigidæ, pellucidæ, contractæ, letales*

**11.** *Et tenebricosa vertigine laborans, et lucem aversans, et somno, ac ardore multò detentus, desperatus.*

**12.** *Et qui in rabiem actus fuerit intrepidè, et non agnoscit, et neque audit, neque intelligit, jam moribundus est.*

13. Morituris signa hæc magis fiunt manifesta,  
et ventres attolluntur, atque inflantur.

14. Terminus vero mortis est, si animæ calor supra umbilicum ad locum septo transverso superiorem ascenderit, et omne humidum fuerit combustum. Postquam pulmo, et cor humorem amiserint, calore in mortiferis locis coacervato, caloris spiritus confer- tim exhalat, unde totum cum toto consistit. Rursus partim quidem per carnes, partim vero per spiracula in capite, unde vivere dicimus, relinquens anima corporis tabernaculum, et frigidum, et mortale simulacrum, una cum bile, et sanguine, et pituita, et carne, ditione tradit.

Aphorismi isti interjecti ex JOANNE GORTERO transcripti sunt. Cel. LORRT eis sequentes addit:

1 Quibus in infirmitatibus oculi ex proposito (i. e. ob causam) lacrymantur, bonum. Quibus vero sine causa, malum.

2 Tabes maximè fiunt ab anno octavo decimo usque ad quintum et tricesimum.

3 1. Quæ secundum naturam ad tabem disposita sunt, omnia quidem vehementia; quedam vero etiam letalia. 2. Secundum autem, si quidem in eo tempore ægrotet, cum tempus ipsum una cum morbo impugnat, velut cum febre ardente æstas, cum hydrope hyems. Natura enim longè superior est: lieni vero plus affert timoris.

## INDEX CAPITUM.

	PÁG.
<b>M</b> ORBIS ACUTI FEBRILES . . . . .	<b>I</b>
Phrenitis . . . . .	3
Angina . . . . .	14
Angina aquosa . . . . .	17
Angina scirrhosa . . . . .	19
Angina inflammatoria . . . . .	20
Angina suppuratoria . . . . .	34
Angina gangrænosa . . . . .	ibid.
Angina convulsiva . . . . .	36
Peripneumonia vera . . . . .	39
Peripneumonia notha . . . . .	75
Pleuritis . . . . .	82
Paraphrenitis . . . . .	110
Hepatitis , et Icterus multiplex . . . . .	114
Ventriculi inflammatio . . . . .	145
Intestinorum inflammatio . . . . .	151
Aphthæ . . . . .	162
Nephritis . . . . .	173
Apoplexia . . . . .	181
Catalepsis . . . . .	198
Carus . . . . .	202
<b>D</b> E MORBIS CHRONICIS . . . . .	<b>204</b>
Paralysis . . . . .	210
Epilepsia . . . . .	222
Melancholia .. Hypochondriasis . . . . .	236

## I N D E X.

Mania . . . . .	623
Rabies canina . . . . .	254
Scorbutus . . . . .	260
Cachexia . . . . .	272
Empyema . . . . .	293
Hæmoptoe . Phthisis pulmonalis . . . . .	297
Phthises aliæ . . . . .	302
Hydrops . . . . .	318
Podagra . . . . .	328
Morbi virginum . . . . .	355
Morbi gravidarum . . . . .	368
Partus difficilis . . . . .	375
Morbi puerperii . . . . .	381
Morbi infantum . . . . .	386
Variolæ . . . . .	395
Morbi epidemici . . . . .	417
Calculus . . . . .	437
Lues venerea . . . . .	441
Rachitis . . . . .	451
Rheumatismus . . . . .	471
	486

## A P P E N D I X.

Tussis vel catarrhus . . . . .	493
Tussis convulsiva . . . . .	497
Asthma . . . . .	499
Imbecillitas vel resolutio ventriculi et Intestinorum . . . . .	503
Colicus dolor . . . . .	507
Cholera morbus . . . . .	509
Iliaca Passio , Ileus , seu Volvulus . . . . .	511
Morbilli . . . . .	514


Scarlatina.....	518
Pleuritis humida , seu Angina bronchialis.....	521
Pleuritis , Pleuroperineumonia latens chronica.....	523
Mictio impedita : Dysuria : Stranguria:	
Ischuria .....	526
Diabetes .....	530
Secretio lactis .....	532
Metastases lactis.....	535
Fluxus sanguinis præternaturalis è pudendis muliebribus.....	541
De Gravaminibus hæmorrhoidalibus..	543
Hæmorrhoides sanguineæ fluentes....	544
Hæmorrhoides mucosæ fluentes .....	547
Hæmorrhoides Urethræ .....	ibid.
Hæmorrhoides cæcæ .....	548
Ophthalmia.....	549
Surditas.....	552
Lepra.....	554
Elephantiasis .....	555
Pestis .....	556
Hysterica Passio.....	561
HERMANNI BOERHAAVE Introductio in Praxim clinicam....	564
HIPPOCRATIS COI Aphorismi ...	585

41 - 2 - 6


El primer grado de la melanocia es q<sup>r</sup> la sangre  
no provoca de los vasos fluido, y queda los vasos  
lisis. Fig. la cutánea y las venas sanguíneas  
son rojas, negras y en donde primero  
se manifiesta la melanocia. El melanocito  
es un gran protoplasma sutil y brillante  
que se repite intermitentemente. En las  
extremidades oídos los suspiran  
los súbulos de su ocurrencia.

En millos nace una coleción de melanocitos, y se  
producen hoy.

Cranio del Negro







H. BOERHAAVE  
CURSUS  
MEDICUS.

4

6

18.356